



BIBLIOTECA NAZ.

Vittorio Emanuele III

LV

A

63

NAPOLI

69.

L.V. A. 63.

20

2

11. 11. 11

11. 11. 11

11. 11. 11

11. 11. 11

11. 11. 11

11. 11. 11

11. 11. 11

11. 11. 11

11. 11. 11

11. 11. 11



LVGD. BATAVORVM,
Ex Officina Adriani Wijngaerdē. 1652. priore
q. p. r. e. d. i. c. t. u. m.



ÆQUO LECTORI

Editores Librarii S.

DAmus in præsens novam
hanc HISTORIÆ OLAVI
MAGNI DE GENTIBVS
SEPTENTRIONALIBVS Editio-
nem ; Historiæ , quæ ut in rerum
natura temporali maneat, dignis-
simæ. Huic Editioni nostræ ,
quantum fieri posset , sedulo ex-
colendæ , exemplar Editionis
Plantinianæ , alterumque vetu-
stius Forsterianæ , adhibuimus.
Fidem illud mereri videbatur
quod tutò sequeremur. Al-
terum istud in haud paucis no-
minibus, & dictione , magis ido-
neum rei videbatur. Ea quando
in reliquis rarius aliquidpiam dif-
ferebant , cujusdam viri judicio
rem, qui in tali literatura subactos
habet & exercitatos sensus, com-
misimus. Quem tantum , quan-

tum per tempus & operas licuit,
præstitisse autumamus. Linguae
fœdus habitus, orthographiæ
syntacticæ & periodorum atque
sensuum stupor, hoc est, molestis-
sima lectoribus interpunctio, am-
plius quid exigere, imo extorque-
re, videbatur; id nempe, quod tam
multa ætate à nemine obtinere
potuit. Quis iste Nemo? Illi, qui
nimis longe distant à permagno
sæculi nostri viro, qui in Monu-
mentis suis elaboratissimis fre-
quenter urget, *Libros, non minùs at-
que liberos, indies fieri debere melio-
res.* Instas: Qui nam hi? Ii qui ve-
rentur bene agere quando usus
est, aut qui usum non habent.
Nùm-ne huic laudatissimo Ope-
ri, (sic enim cogitabis forsitan, ô
æquissime lector.) Nunquid huic
laudatissimo Operi, veste Septē-
trionali horridâ que induto, vis
facta est? Minime gentium. Poli-
tio

tio non contemnenda vestē hanc
ei liberavit ab ingrato statu, cui
hactenus, seu inter provectos, seu
incipienteis lectores, inter om-
neis obnoxium fuit. Vestis ipsa
manet salva; lingua, verba, perio-
di, sensus. Ut nos capias, Lector,
si que diffidis; percurre caput aut
locum, qui tibi in aliis Editioni-
bus molestus est in legendo; &
quem, si forte, bis ter-ve recurris
cum tædio, eundem apud nos le-
gitosemel; certum est, te studiis
nostris faviturum. Summa; Vestē
non abstulimus, sed excoluimus,
exterfimus; à fortibus unguium,
quibus hæc ab inscitis à manu o-
peris inhumaniter tractata fuit,
expurgavimus. Accedit veterū in-
scribendo abbreviaturarum con-
suetudo. Ubi indoctæ operæ, ex-
scribentes, notulas particularum,
per, præ, pro, item qui, quid, quo, quod,
ut & casuum, modorum, atque

temporum, facillime nonnunquã
confundunt. Quibus omnibus
heic attente invigilatum. Ut adeo
hanc nostram Editionem omni-
bus anterioribus antecellere, asse-
verare possimus. De reliquo, si-
quæ literaria sphalmata inter fe-
stinationes operarum irrepsērunt
(à quâ conditione nullus liber im-
munis) tam minuta erunt, tamq;
paucæ, credas, ut ea aut non sis
animadversurus, aut illa te non
turbatura; quæ-que ipse ullâ abs-
que molestiâ, si voles, emenda-
bis. Indicem Capitum, Rerum-
que item; cum Elencho Regno-
rum, Provinciarum, Regionum,
Dominiorum, Insularum; & cum
Catalogo Gothorum Sueonum-
que Regum, quales invænimus,
tales addidimus. Vale.

ELEN-

ELENCHVS REGNORUM,

*Provinciarum, Regionum, Dominio-
rum, ac Insularum princi-
paliorum, in Septentrione
consistentium.*

A Landiæ insulæ.	Gestricia.
Angermania o-	Gissemarchia.
lim regnum.	Gothia regnum for-
Biormia olim re-	tissimum.
gnum.	Gothlandia insula.
Blechingia.	Gronlandia, in qua
Bothnia Occidenta-	olim III. Episco-
lis.	patus, sub Archie-
Bothnia Septentrio-	piscopo Nidrosien-
nalis, in qua ultima	si regni Norvegiæ.
Ecclesia S. Andreæ.	Hallandia.
Carelia.	Helsingia olim re-
Curonia:	gnum.
Dalecarlia.	Hetlandia insula.
Dalia.	Hetmarchia.
Dania, sive Dacia,	Hybernia regnum
regnum insulare &	populosum.
potens.	Iemphthia olim re-
Esthia.	gnum.
Faroë insula.	Islandia insula.
Finlandia olim re-	Iuthia.
gnum.	Lapponia Occiden-
Finmarchia olim re-	talis.
gnum.	Lapponia Orientalis.

Livonia.	Schoningia.
Moringia.	Scotia regnum am- plissimum.
Middelpadia.	Sericinnia olim re- gnum.
Nericia.	Selandia.
Norvegia regnum vastissimum.	Smalandia.
Nylandia.	Sudermannia.
Oplandia.	Suecia regnum latif- simum.
Orcades insulæ XXIII. olim regnū sub Norvegia.	Tavestia.
Ostrogothia.	Tylemarchia.
Prussia.	Vermelandia olim regnum.
Russia alba.	Vestrogothia.
Samogethia olim re- gnum Gepidarum.	Vichia olim regnum.

Sunt & aliæ regiones quam plurimæ &
latissimæ: è quibus tumultuarie 5. 10. 15.
20. millia sagittariorum tempore hostili in-
gruente educi possunt: sed earum nomina
hic non sunt expressa, partim quod non
occurrebant, partim quod minime
necesse videbatur, ne videlicet
lector superflua nomen-
clatura obrueretur.

GOTHORUM SUEONUMQUE

Regum tam externorum quàm internorum

CATALOGUS.

Interni, qui domi & 22. Uffo.
in patria regna- 23. Hunnigas, sive
runt. Hundingus.

- M** Agogus, Noa ex 24. Regnerus.
filio Iaphetò ne- 25. Horhebrotus.
pos, primus Gothorum 26. Attilus.
Rex internus. 27. Hotherus.
2. Suenno. 28. Rodericus.
3. Gethar sive Gogus. 29. Attilus.
4. Ubbo. 30. Botuildus.
5. Siggo. 31. Carolus.
6. Ericus. 32. Grimmerus.
7. Uddo. 33. Tordo.
8. Alo. 34. Getharus.
9. Othen. 35. Adulphus.
10. Carolus. 36. Algothus.
11. Bioirne. 37. Ericus.
12. Gethar. 38. Lindormus, sive
13. Siggo. Lidorus.
14. Berico, internus & 39. Gestillus, sive Ge-
ab egressu primus. stibblindus.
15. Humulphus. 40. Ericus disertus.
16. Humelus. 41. Getricus.
17. Gochilas. 42. Haldanus.
18. Sigthunius, sive 43. Vilmerus.
Sigtrugus. 44. Nordianus.
19. Scarinus. 45. Sivardus.
20. Sibdagerus. 46. Carolus.
21. Asmundus. 47. Ericus.

C A T A L O G V S

- | | |
|----------------------------|------------------------------|
| 48. Haldanus. | 82. Ravalus. |
| 49. Euginus sive Uginus. | 83. Suartmannus. |
| 50. Ragnaldus. | 84. Tordo. |
| 51. Amundus. | 85. Rodulphus. |
| 52. Hacho. | 86. Harbinus. |
| 53. Sivardus. | 87. Attilus. |
| 54. Ingo. | 88. Tordo. |
| 55. Neaxchus. | 89. Algothus. |
| 56. Frotho, sive Froð. | 90. Goslagus, sive Oslanus |
| 57. Urbarns. | 91. Arthus. |
| 58. Oslenus. | 92. Haquinus. |
| 59. Fliolmus, sive Siolm. | 93. Carolus. |
| 60. Suercherus. | 94. Carolus. |
| 61. Valander. | 95. Birgerus. |
| 62. Visbur. | 96. Ericus. |
| 63. Domalder. | 97. Torillus, sive Totillus. |
| 64. Domarus. | 98. Biornus. |
| 65. Attilus. | 99. Alaricus. |
| 66. Dignerus. | 100. Biornus, sive Bero. |
| 67. Dagerus. | 101. Bratemundus Fro. |
| 68. Alaricus, sive Alverus | 102. Sivardus Fro. |
| 69. Ingemarus sive Ingo. | 103. Herotus. |
| 70. Ingellus. | 104. Carolus, sive Sorlus. |
| 71. Germundus. | 105. Biornus. |
| 72. Haquinus Ringo. | 106. Ingevallus, sive |
| 73. Egelus Vendilkrata. | Ingellus. |
| 74. Gotharus. | 107. Olauus Tretelia. |
| 75. Fasto. | 108. Ingo. |
| 76. Gudmundus. | 109. Ericus à ventoso |
| 77. Adelus. | pileo cognominatus. |
| 78. Oslanus. | 110. Ericus Segerfel, co- |
| 79. Ingemarus. | gnomento Victoriosus. |
| 80. Holfstanus. | 111. Ericus Aorfel, si- |
| 81. Biorno. | ve Stenchillus. |

R E G V M.

- | | |
|--------------------------|------------------------------|
| 112. Olauſ Schotkonung. | 142. Steno Sture junior. |
| 113. Amundus annofus, | 143. Goſtavs noſtro ſa- |
| ſive Carbonarius. | culo Rex. |
| 114. Amundus. | Externi qui foris & |
| 115. Haquinus Rodo, | extra patriam re- |
| ſive Rufus. | gnarunt. |
| 116. Stenchillas. | B Erico primus Gotho- |
| 117. Ingo. | rum Rex externus. |
| 118. Halſtanus. | 2. Gaptus. |
| 119. Philippus. | 3. Augis. |
| 120. Ingo. (hofde. | 4. Amalus. |
| 121. Ragualdus Knap- | 5. Balus. |
| 122. Magnus. | 6. Gadaricus dictus |
| 123. Suercherus. | Magnus. |
| 124. S. Ericus. | 7. Philmerus. |
| 125. Carolus. | 8. Tannaufius. |
| 126. Canutus. | 9. Zentes Philoſophus. |
| 127. Suercherus. | 10. Sagillus. |
| 128. Ericus. | 11. Penaxagoras. |
| 129. Ioannes cognomen- | 12. Telephus. |
| to Iuuenis, ſive Pius. | 13. Euriphilus. |
| 130. Ericus cognomento | 14. Thamyris Regina. |
| Blafus, ſive Balbus. | 15. Anthinus. |
| 131. Valdemarus. | 16. Anthreas. |
| 132. Magnus Ladalaos. | 17. Gothilas. |
| 133. Birgerus. | 18. Sitalchus. |
| 134. Magnus Sineech. | 19. Dromgethes. |
| 135. Albertus. | 20. Tanabonta. |
| 136. Margareta Regina. | 21. Boroiffa. |
| 137. Ericus Pomeranus. | 22. Commofitus. |
| 138. Chriſtoph. Bavarus. | 23. Corillus. |
| 139. Carolus Canuti, | 24. Dorpaneus. |
| 140. Steno Sture ſenior. | 25. Decibalus. |
| 141. Suanſo. | 26. Ofſrogotha. |

CATALOGVS REGVM.

- | | |
|-------------------------|-------------------------|
| 27. Sinna, quem alii | 56. Vallia. |
| Echinam, alii Ombram | 57. Theodoricas. |
| vocant. | 58. Thorismundus. |
| 28. Cannabas, sive Can- | 59. Theodoricus. |
| nabandes. | 60. Euricus. |
| 29. Hildericus. | 61. Alaricus. |
| 30. Gebericus. | 62. Amalricus. |
| 31. Armanaricus. | 63. Gesalaricus. |
| 32. Vinnitarius. | 64. Tendes, sive Tenda. |
| 33. Hunimundus. | 65. Teadifelus, sive |
| 34. Torismundus. | Teudegillus. |
| 35. Valamirus. | 66. Agilans. |
| 36. Theodemirus. | 67. Atanagildus. |
| 37. Vindemirus senior. | 68. Luita. |
| 38. Vindemirus junior. | 69. Leonegildus. |
| 39. Theodoricus. | 70. Recaredus. |
| 40. Amalasuenta Regina. | 71. Luita. |
| 41. Atalaricus. | 72. Vitericus. |
| 42. Theodatus, sive | 73. Gundemar, sive |
| Theodeatus. | Gunnarus. |
| 43. Vitiges. | 74. Sisebutus. |
| 44. Ildovadus, sive Il- | 75. Ricardus. |
| dibaldus. | 76. Cintila. |
| 45. Ataricus. | 77. Sisenandus. |
| 46. Totilas. | 78. Cintila. |
| 47. Teias. | 79. Tulgas. |
| 48. Fridigernus. | 80. Cindasvindus. |
| 49. Alatheus. | 81. Recinsvindus. |
| 50. Sasra. | 82. Bamba. |
| 51. Atanaricus. | 83. Eurigius. |
| 52. Radagastus. | 84. Egita. |
| 53. Alaricus. | 85. Vitisa. |
| 54. Athaulphus. | 86. Acosta. |
| 55. Sigericus. | 87. Rodericus. |

OLAI MAGNI, GO-
THI, ARCHIEPISCO-
PI UPSALENSIS,

DE

Ritu Gentium, & natura rerum, ac
usu bellandi populorum Se-
ptentrionalium.

EPITOME LIBRI PRIMI.

C A P. I.

Biarmia descriptio.

BI A R M I A est regio Septentrio-
nalis, cujus zenith est in ipso polo
arctico, ejusque horizon est idem
cum circulo æquinoctiali: qui Zo-
diacum in duas partes æquales interfecans,
efficit, ut una medietas torius anni sit unus
dies artificialis, & altera medietas una
nox: & ita totus annus esset ibi unus dies na-
turalis. Dividitur autem Biarmia, secun-
dum Saxonem Sialandicum, in ulterio-
rem, & citeriorem. In hac citeriore sunt

Λ

mon-

montes perpetuis , sed innocuis nivibus
offusi , æstivique ardoris expertes, inter quos
inviis nemoribus & saltibus abundat , pas-
cuorum feracissima , inusitatisque alibi be-
stiis frequens. Crebri in ea fluvii , ob insitas
alveis cautes , stridulo spumantique volu-
mine proferuntur. In ulteriore vero Biarmia
sunt quidam monstrosæ novitatis populi ,
ad quos aditus invius & insuperabilibus pe-
riculis obfusus est , nec facile mortalibus pa-
tere potest. Major siquidem itineris pars præ-
altis nivibus perenniter obsidetur : quas si
quis superare velit , cervis jugalibus (quorum
maxima copia illic est , ut apud Italos asino-
rum) currum instruit , cujus incredibili cele-
ritate , eximio gelu rigentia juga transcen-
dat. Meminit Saxo, Memmingum quendam
sylvarum Satyrum , insignibus divitiis præ-
ditum , illic mansionem tenuisse : ad quem
Hotherus Suetiæ Rex domitorum cervo-
rum cursu perveniens , maximorum spolio-
rum , opumque adeptione ditatus & felix e-
vasit. Utraque tamen hæc terra vallibus ,
campisque distincta , fruges, si seminarentur,
haud negaret : sed inexhausta piscium ubi-
que copia , & ferarum frequentissima venat-
io , efficit, ne ibi panis usus magnopere con-
cupiscatur. Pugnaturi Biarmienses, arma ar-
tibus plerunque permutant , carminibusque

in nimbos, solvere cœlum, ac lætam æris faciem tristi imbrium aspergine confundere cōsueverunt. Sunt Biarmi idololatræ & Hamaxobii, Scytharum more, atque in fascinandis hominibus instructissimi. Quippe aut oculorum aut verborum, aut alicujus alterius rei maleficio, homines ita ligant, ut liberi non sint, nec mentis compotes, sæpeque ad extremam maciem deveniant, & tabescepdo dispereant.

CAP. II.

Finmarchiæ descriptio.

Finmarchia regio est Septentrionalis, partis Norvegiæ, olim ob sui amplitudinem Regio titulo decorata. Hæc rigidiore orbis parte, culturam ac mansionem sortita est, attamen homines robustis corporibus, & animo magno habet, qui ab hostium incurſu se strenue defendere solent. Aër illius regionis, sicuti & vicinarum, semper frigidus est, serenus, innocuus tamen humanis corporibus, rarissimas pluvias tempore æstivo admittens: tantaque est illic æris temperies, ut pisces nullo sale conditi, sed solo aëre siccati, toto decennio à putrefactione durent. Ab octavo Calend. Aprileis, usque ad sextum Idus Septembris, est illic continuus dies, nul-

lis intervenientibus tenebris, videturque sol à IIII. Nonas Maji usque ad Calend. Augusti, nulla intercedente nocte. Ab hac Finmarchia Septentrionali ad Australiora Gothorum ultra CCCL. milliarium Gothicorum est distantia: ubi mediis noctibus solstitiæ festivalis in distinctis locis, Lincopiæ, videlicet, & Scaris, minutissimæ litteræ sine lumine legi, ac scribi, imo pecuniæ numerari possunt. Quibus etiam in locis sub elevatione poli Arctici gradibus 60. à principio Maji ad initium Augusti, nullæ penitus conspiciuntur stellæ, præter lunare corpus, quod in plenilunio veluti ardens rubus, penes terræ superficiem paululum, eo temporis intervallo (omnium admiratione, & horrore) pervidetur.

CAP. III.

Scricfinnia descriptio.

Scricfinnia regio est inter Biarmiam, ac Finmarchiam sita, angulum tamen longiorem versus Austrum, & mare Bothnicum mittens, quasi cauda sit principaliter appellata, quia incolæ ejus admirabili quadam celeritate, certis planis lignis instar arcuum in anteriori parte curvatis, ac pedibus affixis, directione manualis baculi utuntur, qui-

quibus sese arbitraria voluntate sursum deorsumque vel oblique, super nivium cacumina transferunt: eo tamen modo servato, ut unum lignum altero sit longius mensura unius pedis, juxta virorum, vel mulierum proceritatem: utpote si vir, vel mulier sit octo pedum longitudine, lignum unius pedis totidem habebit pedes in longitudine justa, reliquum vero novem. Præterea provident, quo ligna illa subducta sint tenerrima pelle vituli Rangiferorum: cujus forma & color cervino colori assimilatur, sed longe procerior, & major est. Cur autem pellibus tam teneris hæc ligna subducantur, variæ redduntur causæ, ut videlicet celeriori lubricitate sese transferant per altas nives, ut expeditius rupium voragines, & præcipitia transverso motu evitent, ut sursum dirigentes cursum, retrorsum non excidant: quia pili instar sudium, aut echinorum se erigunt, miraque naturæ potentia, ne relabantur, obsistunt. Talibus igitur instrumentis cum ingenio currendi instructi, montium inaccessa, valliumque ima, hyberno præsertim tempore assequuntur. Sed non æque facile in æstate, licet habeant nives: quia impressioni lignorum citissimè cedunt. Neque etiam ulla rupes adeo prominet, quin ad ejus fastigium callida cursus ambage perveniant. Primo siquidem

vallium profunda relinquentes , scopulorum radices tortuosa gyratione perlabuntur : sicque meatum crebræ declinationis obliquitate perſeſcunt , donec per ſinuſos collium anfractus deſtinatum loci cacumen exuperent : id ipſum interdum venationis ardore facientes , nonnunquam de ingenio , & artis magiſterio contendentes , veluti ſtadium curſores conſtitutum bravium ſuſcepturi.

CAP. IV.

De vehementia venti Circii.

PORTUS eſt in Iſlandia (terra ſcilicet mari Glaciali vicina , ſub dominio regni Norvegicæ , vulgari ſermone *Veſtrabot*) Occidentalis dictus , penes quem in littoralibus ſpatiis & campis, obequitantes armati, potenti flatu huius venti Circii quaſi ſtupa proſternuntur in terram. Similiter penes portucrypticos, id eſt, in cavernoſis rupibus, & antris habitantes, eo præcipue tempore brumæ, quo Sol regreditur ad ſolſtitialia ſigna, quando in marinis fluctibus venti ſunt temperatiores. Sunt præterea montes in Hybernia mediocri ſublimitate in pluribus locis eminentes : in quibus, ſi quis iter hoc Circio vento flante perficere tentaverit, nedum periculum, & rui-

ruinam expectare cogetur, sed spiritus suffocationem in præcipitiis voraginosi. Præterea quam formidabiles & noxii sint venti, in occident alioribus Norvegiæ ripis, ipsi incolæ, imo & alienigenæ eo confluentes, non ignorant. Nullum enim lignum, neque fruticem, ob violentiam hujus venti, ibidem germinare intuentur. Quo fit, ut ob eorum defectum, in ignibus instruendis cibisque coquendis, ossibus magnorum piscium utantur. Quantum etiam sæviat ventus iste in Occidentalioribus Bothniæ littoribus, ipsi habitantes magno incommodo suo sæpius experiuntur. Rapi enim integra tecta domorum, eaque per immensa terrarum spatia dissoluta dispergit.

CAP. V.

*De Septentrionalium ventorum
violenia.*

Turbines ac tempestates Septentrionalium locorum, vim habere terribilem ac periculosam, nemo qui secreta naturæ didicit aut scrutatur, ignorat: præsertim cum multiplex ac indeficiens ejus originis causa materiaque reperiatur. Ex mari itaque sæpe auferunt aquas sub navibus, navesque subvehunt in sublime: etiam ex terra lapides ac alia animalia, & paululum erepta dimittunt.

Nec solum ea, sed plumbea tecta templorum ac ædium diversarum, imo & fortissima tigna, quæ ad aëra rapiunt, atque alio accidente spiritu vehementiore, transvehunt in spatia longiora. Sæpiissimè etiam integra molenina ventorum, cum ingentibus saxi turbine involuta, salvis hominibus in loca remota evehuntur: imo adeo ingens turbo descendit, ut urbes, castella & villas involvens, tecta longius (ut dictum est) ad campos dispergat. Æstate ab occidente, Septentrioneque, perflant tanta vi impetuque venti, ut lapides, quantos manus possit continere, à terra rapiant, ac veluti arenæ, lapillorum acervos haud parvos cumulent: & ut aliquando ab hominibus arma, & vestes, quandoque ascensorem vi ab equo auferant. Quinimo in Vichia Norvegiæ aliquando accidit, ut aëre, Soleque maximi pisces torrendi, è perticis instar tabularum, ut turbinum, in magna congerie à divitum piscatorum locis in ades pauperum ejecti, tanquam donum divinitus datum recipiantur.

CAP. VI.

*Diversi effectus tonitruum, fulminum,
& coruscationū in locis Septentrionalibus.*

FOmidabilem vim, & effectum habent tonitrua, fulmina, atque coruscationes
in

EPITOME LIB. I.

in Septentrionalibus terris, præsertim versus loca opposita Meridiei. Apparent sæpissime in partibus Aquilonis, sub sereno cœlo, totis noctibus, in Septembri, clara atque continua fulmina, quæ magis minantur, quam lacerant inspectores. Fulmen vero natura nubium exortum, tonitruque elapsum, gravissima damna mortalibus, aliisque rebus ibidem infert, Plures etenim homines sublimiora loca inhabitantes, cum jumentis interimit: excelsas etiam turres, & ædes dura pice linitas (quod mirum non est) inextinguibili flamma consumit: altas arbores, vel ex summo vertice directe findit: vel obliqua corrosione contundit.

CAP. VII.

De frigoris asperitate.

QUantam potentiam gelu, seu frigus, in Septentrione tanquam proprio loco possideat, multis rationibus potius, quam auctoritatibus per sensum ostendi potest. Sentit enim vim & uredinẽ ejus, trepida animantium multitudo, pluribus stadiorum millibus inde distans, corpusque & reliqua membra modico ejus allapsu comprimit, & perhorret. Quid non faceret, ubi propriis viribus, & naturæ legibus imperat ipsum frigus? Sub quo

quia natus, & versatus sum, (etiam circa elevationem graduum poli Arctici 86) arbitror me posse hoc, & multis sequentibus capitulis, nonnihil cæteris vaga opinione scribentibus clarius demonstrare, quam vehemens & horrendum sit illic frigus: quod inde successive, veluti radii, ex centro tandem per totum orbem ampliatur, quemadmodum omnes nationes, quas penetrat, ejus asperitate commotæ attestantur.

CAP. VIII.

De pruinis, & casu nivium.

Tanta est plerumque in Aquilonaribus terris vis pruinæ & casus nivium, tamque dira tempestas, vehementesque caligines aërem obscurantes, ut viatores proximum quemque obvium, etiam si amicus vel inimicus sit, agnoscere vel evitare non possint. Quod omnimodam parit difficultatem, eo quod in utroque latere, vel alta præcipitia imminet, vel condensatæ nives tam elevatæ sint, ut ferentes sarcinas dextrorsum vel sinistrorsum vix sese extricare possint. At tamen quia contra præcipitia raro conceditur optabile remedium, pro statione jumentorum mutuo labore nives exolvunt, plaustraque super eas evertunt, ut institutum iter ab-

absolvant : hocque ea celeritate faciunt, quasi
 rapido incendio, molestissimoque periculo
 celerrime avertendo urgerentur : ne longiore
 interveniente mora, ex subito casu nivium,
 & pruinarum, repletio fiat itinerum, & syl-
 varum, ut quæ sit via, vel campus, diffici-
 lius agnoscipossit. In glacie vero nulla, vel
 rara difficultas occurrit, eo quod omnia pla-
 cabili æqualitate itinerantibus offeruntur, sal-
 vo quo caveant à ruptura glacierum per op-
 posita signa ad os rupturæ. Quæ signa, vel
 crustatis glaciei particulis ad os aperturæ reli-
 ctis, vel virentibus abietum seu juniperorum
 ramis in glacie congelatis & eminentibus o-
 stenduntur : idque longo ordine, & millia-
 ribus multis, sumptu & diligentia piscato-
 rum, ne viatores aberrare contingat, fide-
 liter observatur. In sylvis autem non levia
 quandoque mutuo sibi obviantibus obstacula
 è ruptura, seu motione arborum occurrunt.
 Stant enim præsertim populeæ arbores, ob
 densitatem nivium, veluti arcus extenti, ni-
 vibus oneratæ : quarum levissimo motu ma-
 xima nivium moles in viatores descendens,
 eos non parum retardat : imo & ipsæ arbores
 cancellato casu, gravitate nivis, abruptæ,
 viam omnino immeabilem faciunt, ut non
 nisi securibus ad eum usum comportatis, sibi
 exitum parare possint, prout mihi, meoque
 comitatu sæpius accidisse confestor.

De nivium & vitrorum varietate.

VNO eodemque die, ac nocte, xv. vel xx. aut plures quandoque distinctæ nivium formæ reperiuntur. Præterea non minor varietas in vitris contingit, quæ arcendi frigoris causa, æstuariorum fenestris imponuntur. Dum enim loca hujusmodi, caloribus contra immensum gelu tepidius instaurantur, forinsecus frigore, atque miro naturæ artificio sub diversis imaginibus ita depicta videntur illa vitra, ut quivis artifex talibus inspectis, naturæ excellentiam potius possit admirari, quam imitari. Ingenio tamen adhibito, plurima ex his pro domestico ornatu, ac decore, artificum industria excogitantur, ac perficiuntur, qualia ab aliis nationibus prece, vel pretio vix acquiruntur. Unde evenerat, ut eo ingenio plurimi argentei crateres excellenter fabricati, viderentur. Præterea laneæ, lineæque texturæ pretiosæ, atque picturæ mirabiles, & decentes, quemadmodum inferius nonnihil dicitur de pictoribus, ac texturis.

CAP. X.

De castellis nivalibus juvenum.

MOS est Septentrionalium populorum; provida quadam sagacitate adolescentes,

tes, diversis bellandi exercitiis & artibus ca-
 stella impugnandi exercere, & excitare, qui
 præsertim tirocinia sine cæde, & sanguine,
 ac quovis vitæ periculo, hæc aggredi putant
 voluptuosum: & ob id quotannis hyeme du-
 rantibus nivibus, loco aliquo eminenti tur-
 matim à majoribus excitati congregiuntur a-
 dolescentes, conformi labore immensas ni-
 vium moles comportantes: è quibus propu-
 gnacula ad formam castrensiū mœniorum,
 feriatīs saltem diebus sollicitè fabricant, aqua
 structuram huiusmodi fenestris distinctam
 continuò aspergentes, ut nix cum aqua taliter
 congesta, accedente frigore validius indure-
 tur. Qua diligentia adeo fortificantur, ut non
 solum leves ictus, sed æreos globos, atque
 impulsū testudinum (quatenus opus esset)
 possent sustinere. Quibus paratis, adole-
 scentes prædicti in diversas turmas segregati,
 pars mœnia ingreditur contuenda, pars foris
 remanet ad eadem impugnanda. Nec desunt
 in candidis castris atrā seu fusca vexilla, aut
 virides Juniperorum rubi: sub quibus non
 pecuniæ, sed solius laudis appetitu, volu-
 ptuosum ingreditur certamen: quod aliis
 armis utrobique non committitur, nisi ni-
 veis globis in alterutrum è manibus projectis.
 Statuta enim pœna est nudi corporis in geli-
 dam aquam immergendi; ne quis globis hu-

jusmodi nivalibus saxum, ferrum, lignum; aut glaciem projecturus involvat. Sunt prætereâ inter oppugnantes, qui more cuniculorum inferiores nivium bases perforant, ac ingrediuntur, ut propugnaculi defensores coërceant à stationibus suis. Nec segnior intercedit mora, qua pugnis certatur cominus, donec vexillo rapto pars victa succumbat, alio tempore restaurato prælio contra partem victricem in eisdem castellis (si poterit) triumphatura. Neque segnius, aut debilius ludos hujusmodi committunt, aut perferunt, quam si pro patria, pro legibus, pro focis (ut dicitur) & aris, publico spectaculo in agone certarent. Profugos vero, & meticulosos pugnam excedentes, nivibus dorsotenus inter cutem, vestemque immixtis, ubi deprehensi fuerint, insolentibus verbis ac vocibus punitos absolvunt, ut alias fortius reversuri persistant, & acrius defendant castra. Quosdam aquis congelatis, in caput & collum tempore horrendi frigoris guttatim demissis, castigant, prout inferius, de poenis glacialibus manifestius exponetur. Et hæc omnia veluti voluptuosa spectacula, ad irrogandum rebellibus & stupidis mitiores poenas.

De cursu glaciali equorum pro palliis.

OLim apud veteres Gothos mos erat, brumali tempore ad finem mensis Decembris (dum nivibus & frigore lacus, stagna, atque terræ omnes validissima glacie constringerentur) optimos quosque equos, forda elegantiores, in singulis provinciis ad emenda publica spectacula colligere: quantum verò ad voluptuosa spectacula attinet, die 26. Decembris super stagna, ac flumina congelata, instar speculi micantia, infiniti terrarum incolæ in qualibet provincia (distinctis licet communitatibus) pro bravio ac gloria, in agilioribus equis certaturi congregiuntur. Terminus verò, seu meta cursus hujusmodi, longitudinem quatuor, aut sex milliarium continet Italicorum. Bravium autem aliquot mensuræ, seu modii annonæ seminandæ, & nova vestimenta apponuntur; & denique, ut equus metam non attingens, victori cedat. Verùm hæc spectacula nullibi frequentius in toto Septentrione super glaciem, quam apud Ostrogothos, ac Vestrogothos committuntur. Abundat enim terra eorum uberrimis pascuis pro equitiis ad multa millia, in electissimis herbis naturaliter convenientibus equis enutriendis, licet valde spaciis, & disper-

DE RITU GENT. SEPTENT.
ſperſis campis , & non in uno prato.

C A P. XII.

De curſu glaciali hominum pro bravio.

DUO genera hominum ad ſtadia , & bravia, celerrime ſub præſignatæ artis compendio currentium , in his locis reperiuntur. Primum ſylveſtre, ſeu Lapponicum , quod pandis trabibus, ſive longis ſtipitibus plantis pedum affixis, ſuprà nives in vallibus ac montibus flexuoſo ac arbitrario motu curſum præcipitem dirigendo ſe transfert : idque perfectiſſima arte facit, ſive adverſis caſibus congreſſendum ſit, ſive venationibus voluptuoſis, quarum quæſtu vivunt, & fortuna aſſequantur uberiores, ſive bravii, aut gloriæ cauſa hoc ipſum ſit attentandum. Hocque genus præcipuum inter Scricfinnos. Hic ſatis eſt, dixiſſe, eos homines talem, tamque celerem in percurrendis cacuminibus nivolorum montium, etiam pro bravio, habere agilitatem, qualem vix reliqui planioribus, ac brevioribus instrumentis innixi, in plana, & lubrica glacie pertingere valent. Qui nives calcant, & conſtitutam metam attingunt, ſeram occurrentem ſagittis occidunt. Qui vero ſervat glaciale curſum, vix ab hiatibus ſubtus latentibus eſt ſecurus, prout infra de glacialibus bellis dicetur. Aliud vero

genus, quod ferro plano, & polito, siue planis ossibus cervinis vel bovinis, scilicet tibiis, naturalem lubricitatem ob innatam pinguedinem habentibus, pedali longitudine sub plantis affixis, in s. la glacie lubrica cursum intendit velocissimum, quemque in glaciali æqualitate semper currendo continuat. In quo etiam genere ubique reperiuntur homines voluptuosè pro bravio cursitantes; quorum meta super congelatos lacus instar speculi glaridos, spatio VIII. vel XII. milliarium Italicorum ab utrisque partibus est constituta, vel minus. Bravium vero cochlearia argentea, amphoræ æreæ, gladii, & novæ vestes, ac juvenes equi: sed hi frequentius cæteris, bravium lucraturi, currendo præveniunt, qui cervinas tibias latè limatas plantis affigunt, porcina axungia perunctas, quia gelidis aquæ guttis velut per poros glaciei, in vehementi frigore surgentibus, tibix sic unctæ impediri, aut constringi non possunt, sicuti ferrum quantumcunque politum aut unctum. Nulla nempe unctio ferro conformior est, quam ossium tibiarum cervinarum, aut taurinarum, connaturalem habentium lubricitatem. Eoque modo quotiescunque glacies clara fuerit, ac nivibus dicooperta, duobusque, vel tribus digitis spissa, tunc hujusmodi spectacula facilius, securiusque exercentur. Sed alias

lias nequaquam, quia nunquam periculorior, mortique vicinior casus est, quam cursum intendere, dum glacies tenuissima nive sit cooperta, Amnes etenim, seu rivuli tacita celeritate è littoribus lacum intrantes, corrosione, & motu continuo agunt, ne glacies inspissari, solidarique possit, nisi gelu fortissimo constringatur. Sed interim contingit, temerarios cursores, glacierum naturam ignorantès vel contemnentes, audacius quam cautius occurrentes, glacie confracta (corpore deorsum, atque capite sursum, acumine glaciei velut securi, abscisso, misereque derelicto) submergi. Veruntamen eo periculo, vel simili, rarò pereunt indigenæ, sed peregrini terrarum exploratores: qui dum celerius prodicionibus perficiendis compendioso itineri inserviunt, subita glacierum doloſitate ac fragilitate absumuntur.

C A P. XIII.

De glacialibus hospitiiſ itinerantium.

VSus habet, ut publicæ viæ tempeſtatibus lignorum ſylvarumque caſu obſtructæ, communi ſumptu, & labore, dolabris ac ſecuribus reſciantur: denſitate verò nivium occluſæ, jumentorum vehiculorumque nivalium tranſitu viritim aperiantur, vel penes littora

littora marina, aut super ipsum mare congelatum signis in glacie constitutis viæ generales deducantur; è quibus ad humanas habitationes pateat apertum iter. Ne autem simili ratione, inferiores Germani Vandalicas urbes ac regiones inhabitantes, magnitudine nivium sylvestres seu campestres vias replentium, in maximis commerciis negotiatorum impediuntur, hospitia super littus maris & planis scopulis, vel ipsa aperta glacie, mira quadam industria collocant. Trabes enim oblongas duorum vel trium pedum super glaciem elevatas ad fundamentorum & ædium distinctionem ordinant, ac desuper domos necessarias, hasque tabulatas lateraliter imponunt, foco carbonario in æstuariis abundanter (quemadmodum omnibus aliis ad læta convivias requisitis) utentes, nulliusque exploratoris, aut latronis, insidiatorisve verusutias formidantes, quoniam plus securitatis in glacie quam palatio gaudent se adeptos: eoque securiores alacrioresque permanent, quo frigora surrexerint acriora, & venti fortiores: qui fundamenta hospitiorum subitus perflantes, firmiora efficiunt atque solidant, & conservant, donec calidis austri spiraculis tota hæc domorum machina circa vernale æquinoctium dissoluta, in continentem terram, nulla pensione localis hospitii persoluta,

ta, deportetur. De frigoribus autem illius Germanici, seu Getici maris, plura meminit Albertus Crantzius, diligentissimus harum regionum scriptor. Ait enim: Anno M. CCC. XXIII. gelidissimo frigore constringebatur mare, ut pedestri itinere per glaciem de littore Lubecensi in Daniam & in Prussiam mare traforetur, dispositis per loca opportuna in glacie hospitibus. Anno Domini M. CCC. XCIX. per brumam gelu terras ac maria constrinxit, ut sicco vestigio è Lubeca per mare in urbem Sundensem, & inde in Daniam perveniretur. Anno Dom. M. D. XXIII. gelu fuit per brumam incomparabile & inauditum, quod equites è Gedano Prussiae in Lubecam per viam navigantium transirent incolumes, & deinde à Magnopoli per mare in Daniam, hospitia habentes in glacie. Anno M. CC, XCIII. congelatum est mare Cimbricum, ut à Juthia in Alslogiam equitaretur. Præterea, etsi multis seculis postea secuta sunt asperrima frigora, & marinorum fluminum congelationes, tamen quia frequentius acciderant, vix annotata reperiuntur.

CAP. XIV.

De transitu glaciali inter voragines.

CUM superiore capitulo de glacialibus hospitibus minus expressum sit, quibus signis viatores nivoso aut pruinoso tempore dirigantur, ut hospitia pertingant destinata: ex quo tam amplus & planus undique imminet transitus, ut nihil præter cælum, & glaciēs, ac nives, plerunque inspiciatur, utputa dum eodem itinere sub brumæ rigore jumentorum agilitate contendunt incedere, ubi æstivo tempore maximæ classes ventorum impulsu celerrimè navigarunt: Idcirco advertendum est, quod glacie paululùm perforata, arbores Juniperorum, seu Abietum, singulo stadiorum spatio, ut erectæ stantes congelentur, mari secus viam imponi solent, maximè ubi fortior fit glacies à viarum scrutatoribus explorata. Et ubi hæc signa non essent, non minor formido, aut vitæ periculum inter glaciales voragines immineret, quam in aperto mari inermibus nautis inter crudeles piratas, aut in horrida solitudine inter beluas truculentas. Lege ergo severissima cautum est, ne quis hujusmodi signa, nisi tempore hostili, propter proditores, ac exploratores, alteret aut exportet. Quàm prætereà periculosus sit hominum transitus inter voragines glaciales
su-

superius annotatas, sequentibus causis ostendatur. Ante omnia tamen præmittendum est, quod generaliter omnes lacus, & stagnales aquæ in mense Octobri incipiunt congelari, glaciesque aucto frigore in plerisque locis tantum condensari, ut ubi venæ lacus, & stagna viventis aquæ non intrant, pisces suffocati tempore resolutionis glaciei inspiciantur. Verum ne hæc suffocatio tam dispendiosa fiat, diligentia piscatorum continuè glacies ipsa perfringitur, ne congeletur, prout inferius libro de piscaturis hyemalibus ostendatur. Glacies itaque primæ, ac mediæ hyemis adeò fortis, & tenax est, ut spissitudine seu densitate duorum digitorum, sufferat hominem ambulantiem, trium verò digitorum equestrem armatum: unius palmæ & dimidiæ, turmas, vel exercitus militares: trium vel quatuor palmarum, integram legionem, vel myriadem populorum, quemadmodum inferius de hyemalibus bellis memorandum erit. Hæc glaciei fortitudo, etsi tam valida cernitur, naturalibus tamen venis, & exhalationibus subtilis in plerisque locis æstuantibus, ita diversis rimis, seu aperturis finditur, ut longissimo tractu hiatus relinquat quasi campestris viæ, vel plateæ: quam tamen fissuram prudens viator gyrando penetrat, ne institutum iter, & tempus amittat. Cum au-

tem fissuræ hujusmodi, præcipuè de nocte, contigerint, non aliter, quàm sæva tonitrua, vel sonorosi terræ motus à longè percipiuntur. Sed ob hoc sollicitus viator nihil intentatum relinquit, quin inter voragineſ conficiat iter. Liqueſcente tamen glacie ad principium Aprilis, nullus ejus ſpiſſitudini, minus fortitudini, niſi in aurora ambulando, confidit: quia Solis diurno aſpectu tam fragilis redditur, ut quæ equeſtres armatos paulo antè portaverat, vix hominem nunc ſufferre poſſit inermem. Viæ autem hyemales, ob inductam frigoris duritiem, qua factæ ſunt ſpiſſiores, ac ſolidiores, diutius tanquam pontes in lacubus manent. Deſcendunt tamen viatores à glacie in terram, vel è contrà; neceſſum erit, ut habeant tabulatum pontem. Sol enim calefacto littore, decoquit omnem glaciei connexionem. Nec prætereundum hic puto, lacum eſſe LX. miliarium in longitudine, & XX. in latitudine Italicorum, *Veter* appellatum, in regno Oſtrogothorum: qui talis eſt naturæ, quòd, cum tempeſtuoſo vento congelatus fuerit, & tempus reſolutionis immineat, vehementiſſimo ſtrepitu incipit in fundo ebullire, & commoveri, magnæque violentia prorumpere in parvas rimas, vel ſciſſuras, quæ fiunt in glacie: & has in modico temporis ſpatio faciens valde

de latas, licet pro tunc glacies in spissitudine habuerit plusquam unum vel duo brachia. Tuncque cooperante superiore impetu, dividitur tota glacies in plures particulas: in quibus viatores constituti, vix aliter, quam Dei præservatione ad littora dimittantur, eo quòd ibi vis naturæ secretius, & mirabilius quam alibi in lacubus operetur. Est etiam lacus prope Metropolim regni Norvegiæ Nidrosiam, qui nunquam congelatur.

C A P. XV.

De glacialibus instrumentis.

Quemadmodum calidæ, aut temperatæ regionis gentes à gelu, frigore, nive, pruina, glacie, & hyemali stridore videntur liberæ: ita vix deprehendere possunt, quam diversis artibus, remediis, & instrumentis adversus hujusmodi austeritates, sub ipso frigidissimo Septentrione habitantes se muniant, & dirigant, utpote cum impossibile sit, lubricam percurrere glaciem, aut per eam onera gravissima, sub maxima distantia, ad loca deducere destinata, nisi id arte fieret, pro viribus sublevandis. Apparent superius calcei lignei, ferreis subducti cuspidibus, quoniam viatorum, piscatorum, ac bellantium congruunt usibus opportunis. Præterea
tri-

tricuspidēs, seu trianguli ferreos stylos habentes, tribus angulis, pro firmiori gressu fabricati: demum circuli flexibiles undique aculeos habentes, dentato more acuatōs: quibus omnibus, ut pedibus adhæreant, fortissimæ ligulæ sunt annexæ, ut ea firmitate quivis cursus vel transitus sit securior, & unus quodlibet, unius vel duorum hominum vīducibilis: quod alioquin in arena vel nivibus, fortitudine equorum non traheretur. Sunt & dolabræ, sive secures, omni glaciei perfingendæ prima atque aptiora instrumenta: quia talibus instrumentis aperiantur gelata flumina plurium stadiorum, dum classica fieri debeat expeditio in piratas: vel quod Reipublicæ ita videntur urgere negotia, ut nuntii ultra maria emittantur. Quo etiam casu, navigia jumentorum opera, in vehiculis ab urbibus, & castellis super glaciem ad apertum mare repente educuntur, ut agilitate ventorum, ac velorum, subito cursu iter aquarum absolvant, quod plurimis diebus haud perficerent in jumentis. Videntur præterea ferrei ligones celeritate fabricati, quia his spissa, atque indurata glacies, cæteris instrumentis ferreis non cedens, facilius infringitur, dum aliæ secures, chalybe permixtæ, in vehementi frigore, ad solum glaciei vel virentis arboris

ictum, instar vitri rumpuntur, ubi ligones prædicti sive ferreæ hastæ, fortissimi manent. Cæterum videntur harpagines aduncæ mucrone formatæ, quibus glacialia frustra prædictis instrumentis contracta, quo opus fuerit, facilius trahantur, vel extrudantur, etiam in aperto mari tempore hyemalis solstitii, quando non tantum contra molem glaciale arcendam, ne naves rumpat, providendum erit, sed contra latentia saxa, sed denique contra crudeles inimicos sit congregiendum. Cernuntur deinde sotularia, vel focculi, quibus aptius ad arbitrium motum in glaciali pugna ad fortiter resistendum, vel cautè fugiendum, lubrica glacies securius calcari possit.

CAP. XVI.

De bellicis Gothorum obeliscis, & erectis saxis.

Veterum Gothorum, ac Sueonum antiquissimus mos erat, ut ubi acriores in campis seu montibus instituissent & perfecissent pugnas, illic erectos lapides quasi Ægyptiacas pyramides collocare soliti sint: quibus hujusmodi præclara gesta brevissimo aliquo titulo insculpentes, memoriam nominis & gestorum suorum perpetuari puta-

putabant, prout eorundem temporum usitatae cantiones rhythmicis compendiis compositae, continuatisque seculis in praesentem usque diem derivatae, hanc rem ad posterorum memoriam propagarunt. Extant enim in Septentrionalibus locis durissimi montes cinericii coloris, marmoream duriciem longe exuperantes: hi plerunque terrae motu, fulgure vel alio naturae impulsu ita concuti solent, ut excisa, deorsumque cadentia saxa partim formam pyramidis, partim quadratarum columnarum, partim quadrangulorum, & obeliscorum, quasi insigni naturae opificio forent fabricatae, suscipiant, ut inutile vanumque aliquid his superaddere videatur. Sed hae pyramides seu columnae, apud Heflingos plures quam alibi reperiuntur in Aquilone. Obelisci vero, seu sublimia saxa, viribus gigantum ac pugilum erecta, nullibi frequentius, quam apud Ostrogothos, & Vestrogothos, ac superiores Sueones, in bivis seu trivis conspiciuntur: atque etiam in vastis solitudinibus, quae dudum peste, fame, & bellis, habitatoribus evacuae, nec dum ob inertiam seu negligentiam incolarum, ad pristinum cultum (terra ultro exultante haecenus, nisi rarissime, in formam novalium) sunt reductae. Habent itaque hae saxa in plerisque locis erecta lon-

gitudinem x. vel xv.xx. aut xxx. & amplius, ac latitudinem quatuor, vel sex pedum, mirabili situ, sed mirabiliori ordine, ac mirabilissimo charactere, ob plurimas rationes collocata; literato, rectoque, & longo ordine, videlicet pugilum certamina: quadrato turmas bellantium: & sphærico familiarium designantia sepulturas: ac cuneato, equestrium ac pedestrium acies ibidem, vel propè fortunatius triumphasse: Scripturæ verò à dextro latere in pede saxorum inchoatæ, usque in verticem, & tandem reflectendo in sinistro pede finitæ, vel iterum eodem ordine interius elevatæ, depressæque, terminantur. Habentque singulæ literæ spissitudinem atque longitudinem digiti majoris humani. Licet verò imbrium atque luti injuria, multæ earum in imo saxorum, ob immemorabilem antiquitatem, sint exesæ, attamen similes earum effectus clarissime eo modo leguntur: Ego Uffo pro patria certans, 32. pugiles occidi, & tandem à Rolvone pugile occisus hic requiesco. Præterea: Domitor violentorum, ac defensor oppressorum, cicatricibus, & senectute plenus, gladioque cinctus, hic situs sum Ingolvus. Cum alii bellicis rebus gloriam quærent, ego Halstenus paci operam navans, laudem merui immortalē.

CAP. XVII.

De obeliscis sepulchralibus.

SEd neque veteribus Gothis, aliisque gentibus in Septentrione defuit memoria majorum, quin & eis exhiberent, quos humi recondere placuit, honorabiles statuas lapidum excelsorum, prout hodie cernuntur mira compagine immensa saxa, in modum altissimæ latissimæque januæ, sursum transversumque viribus gigantum erecta, præsertim duobus milliaribus magnis à civitate Scarenfi ad rupalem Ecclesiam *Kelby* proficiscendo. Ibi enim in quodam trivio tria ingentissima saxa (ut præmittitur) characteribus Gothicis pulcherrimè sculpta videntur. Si quis etiam curiosus indagator de similibus saxis, tam solitudines, quam apertos campos scrutandi gratia peragrarè voluerit, infinita spectacula comperiet, quæ præsentibus haud opus est tædiosius insinuare. Una tamen causa promptior esse possit, quod non longa distantia ab ea vetustissima urbe Scarenfi erat arx regia *Aaranes* dicta, (de qua specialiter alibi dicetur) circa quam successivis seculis, & generationibus, committebantur acerrima bella: de quibus charissimus frater & antecessor meus Joannes

Archiepiscopus Upsaliensis mirifica scripsit.
 Sunt & apud Ostrogothos itidem, & superiores Sæones, magnatum ac nobilium arces latè per regiones in locis natura munitis extructæ: penes quarum muros, & agros, veterum ingentia saxa, cuneato, rotundo, oblongo, & erecto situ terris infixæ cernuntur: quorum sublimiora Gothicis scriptis insignita, quasi viventis alicujus Ducis imperio edocent, quid sequi, vel fugere debeant eorum successores, virtutem scilicet amplecti, & vitia detestari, &c. Nec dubitandum est, quin eo ævo edictum simile servatum sit in Aquilonaribus regnis contra malignorum principum & tyrannorum condienda corpora, ne honesta potirentur sepultura. Bonorum principum obelisci, & saxa, multis seculis ante plantatam fidem Catholicam in Septentrionalibus regnis signo Crucis insignita adhuc apertè videntur, similem habentia inscriptionem: Postquam dæmonum fallacia seductus erraveram, ad Christianorum Deum conversus morior, & hic sepultus judicium ejus expecto Germundus. Præterea alibi in saxo hæc verba reperiuntur: Relicta idolorum cultura mortuus, & in Christi fide vivus, sub hoc lapide requiesco Holmstanus.

De saxis figuratis, &c.

REperiuntur etiam alibi lapideæ tabulæ admodum latæ, & excelsæ, gigantum robore terris impressæ, imagines habentes draconum, serpentum, ac urforum insculptas: contra quos non minores sumptere triumphos, quam hostes armatos, prout inferius lib. de gigantibus & pugilibus ostendetur. Præterea insignes petrae sunt in litoribus aquarum immissæ, quæ veteri caractere monstrant, ibidem illustres personas vario eventu fluminum, tempestatum, fulgurum, turbinum, vel insidiatorum impulsu fuisse necatos. Indeque nomen inditum ævo perpetuo perseverat. Sunt & lapides alti, quorum aspectu & signo provinciarum, præfecturarum, arcium, communitarum, nobilium, ac plebejorum antiquissimæ possessiones, sine legibus, sine litibus, sine judiciis unicuique pacificæ permittuntur: documento cæteris nationibus ostenso, quod inter has simplices gentes plus juris, & æquitatis ex limitaneis saxis habetur, quam alibi in multis legum voluminibus, ubi homines se reputant doctiores, & civiliores. Sunt & lapides littorales satis sublimes, sine scripturis majorum industria ver-

lus infidos portus reflexi , notabili signo
 nautas informantes , ut naufragia evitent.
 Est etiam lapis ingens , & rotundus , circa
 duodecim minores adjacentes habens , cu-
 neatis petris paululum è terra elevatus, non
 procul à metropoli Upsaliensi , *Morasten*
 dictus : super quem novus Rex eligendus
 infinita populi multitudine præfente susci-
 pitur , ac postmodum sacrioribus ceremo-
 niis à Catholicis Episcopis , juramento de-
 fendendæ fidei præmissio , confirmatur.

CAP. XIX.

De horologiis umbrosis.

Sciendum est , incolas extremi Septen-
 trionis ultra gradum elevationis poli Ar-
 ctici 86. habitantes , nullum habere solaris
 horologii usum , quale Anaximenes Mile-
 sius Lacedæmoniensis primum (teste Pli-
 nio) invenisse dicitur : neque alterius cujusvis
 horologii ponderum , rotarum , aquarum ,
 mensurarum , per lineas & interstitia fabri-
 cati : sed tantummodo eos uti præaltis , ac
 depressis rupium cautibus , partim natura ,
 partim ingenio dispositis , qui radios solares
 infallibili conjectura obumbrant , partesque
 dierum distinguunt , veluti hieme , noctibus
 & diebus (luna non splendente) volatilium
 &

& campestrium animalium vocibus & gestis (quorum copia illic est infinita) clarissimè per experientiam temporum rationem metiuntur. Talibusque, velut obeliscis, aut sylvestribus signis sunt contenti.

CAP. XX.

De baculis temporum designatoribus.

Quemadmodum Latini, & Græci auctores asserunt, Gothos in armis, & militaribus disciplinis consummatam habere experientiam, & cautelam: ita & Gothici scriptores ajunt, eos domi forisque multarum & utilium rerum tenere notitiam, & experimentum, & præsertim astrorum scientiam, qua plurimum possint divinare futura. Gothi enim cum senes, tum adolescentes, baculum Gothicis characteribus insignitum habent, tali ratione insculptum, ut videatur, quibus instrumentis vetustissimo tempore, dum librorum usus non esset, Lunæ, Solisve & cæterorum syderum virtutes & influentias infallibili eventu cognoverint, prout hoc tempore ferè incolæ omnes agnoscunt. Baculus itaque humana longitudine formatus est, utroque latere numero hebdomadarum anni, pro qualibet hebdomada Gothicas litteras septem habens, quibus aurei numeri,

34 DE RITU GENT. SEPTENT.
& literæ Dominicales) post acceptum Christianismum) patria voce , ac figuris distinguuntur. Nec aliis libris multiplici temporum circulo in astrorum interpretationibus utebantur. Cæterum parentes filios suos laicos, imo matres filias, vel domi feriatis diebus, vel in accessu Ecclesiarum, ita instruunt, ut non minus eruditione, quam experientia artis indies efficiantur perfectiores. Vetus enim gentis consuetudine , baculis rurales Ecclesias visitando in prolixis itinere laici se sustentant , atque pariter convenientes, certis adductis rationibus, verioribus venturi anni indicant qualitates, quam forsitan alii speculativis scientiis, aut præstigiis prognosticationibus inhærentes. Præterea polum Arcticum mirè observant , uti gnomonem totius cœlestis horologii. Item Plaustra, seu Ursas, Colum ac Fusum Veneris, tanquam familiaria antiqui Numinis signa : quorum natura inspecta, mire provident casibus eventuris.

C A P. XX.

De Alphabeto Gothorum.

Antiquissimo tempore cum essent gigantes in Septentrionalibus terris , hoc est , longè ante inventas literas Latinas , & antequam Carmenta ex Græcia ad ostia Tyberis

A b c d e f g h i k l m
 Ꝁ ꝁ Ꝃ ꝃ Ꝅ ꝅ Ꝇ ꝇ Ꝉ ꝉ Ꝋ ꝋ
 n o p q r f t
 Ꝍ ꝍ Ꝏ ꝏ Ꝑ ꝑ Ꝓ ꝓ Ꝕ ꝕ Ꝗ ꝗ
 u x y z et.
 Ꝙ ꝙ Ꝛ ꝛ Ꝝ ꝝ Ꝟ ꝟ Ꝡ ꡀ
 ALPHABETVM
 GOTHICVM.

beris & Romanum solum cum Euandro
 perveniret, expulsisque Aboriginibus, gen-
 tem illam rudem, ac plane sylvestrem mo-
 res & litteras docerent, habuerunt Aquilo-
 naria regna suas literas. Cujus rei indicium
 præstant eximiæ magnitudinis saxa, vete-
 rum bustis ac specubus affixa. Quod si quis
 vi gigantea, & vetustissimo seculo patratum
 ambigat, eò accedat, mira que majora ad stu-
 pore usque videat, quam scriptura aliqua
 polliceatur, vel præstet. His itaque (ut in
 historia charissimi fratris mei Joannis Ma-
 gni antecessoris Archiepiscopi Upsaliensis
 libro primo capite septimo habetur) res ge-
 stas lapidibus imprimentes, sempiternæ
 memoriæ tradiderunt. Nonnulli etiam pro
 privatis computis instar Ægyptiorum, variis

animalium figuris pro literis utebantur, & adhuc domestica sagacitate utuntur, ut inferius mox dicitur: quarum similes adhuc Romę in veteribus obeliscis conspici licet, in quibus singulę litterę singula nomina exprimebant, ut puta, lupus avarum, vulpes insidiosum: apis Regem: quia moderatorem populorum oportet cum iustitię aculeo, clementiæ mel habere commixtum. Præterea, ut epistolę papyro inscriptę nunc inter homines mittuntur, ita olim Aquilonares incolę, literas ligno insculptas pro celebri genere chartarum ad invicem destinabant: imò & nunc non suppetente papyro, in militibus castris, aut obsidione urbium, cortice seu codice arboris Betullę, in laminas, imò subtiles bractęas discisso, pro scribendis epistolis opportunè utuntur, eoque securius, quo cortex huiusmodi nulla imbrium aut nivium injuria devastatur. Reperiuntur etiam homines Septentrionalis plagę adeò sagacis ingenii, ut cum neque Gothicas, neque Latinas literas unquam didicerint, sibi ipsis ex rerum figuris & instrumentis alphabeta componant: eisq; pro sublevanda memoria in pelle, charta, vel cortice singulariter scribendo utuntur. Hocq; secretum nullis nisi domesticis communicant, atramentum fieri jubentes ex carbone trito, & lacte, vel cõmuni aqua.

OLAI MAGNI, GO-
THI, ARCHIEPISCO-
PI UPSALIENSIS,

DE

Mira natura rerum Septentrio-
nalianum.

EPITOME LIBRI SECUNDI.

CAP. I.

*De venis sulfureis, & combustione
aquarum.*

Sunt quædam sulphureæ venæ ri-
vis aquarum vicinæ, quæ plerun-
que accensæ latius, in modum
flammarum, cuncta in circuitu
depopulaturæ vagantur. Quod spectaculum
in Islandia, & Scotia, terris frigidissimis, con-
tinuo ardoris incremento habitatores in-
tuentur. Præterea in Meridionali Gothia,
non procul à civitate Vexionensi, campestris
& limosus lacus est, qui ignea sua virtute,
quodcunque coctile in eo dimissum, chor-
daque extractum, quasi momentaneo vel

exiguo temporis momento coctum vel adu-
stum remittit. Hancque naturam, lacum
similem, prope metropolim Nidrosiensem
regni Norvegiæ, habere compertum est, co-
præcipue argumento, quod in mediis frigo-
ribus nunquam congelatur.

CAP. II.

*De quorundam montium admi-
rabili natura.*

IN Islandia qualis naturæ montes sint, jam
arbitror fere toti mundo compertum, eo
quod ultra veterum relationem, in charta
nostra Gothica descriptionem Ptolemæi
supplendo, horum montium situm & na-
turam ostendimus esse singularem, scilicet
in eorum vertice nivem fere quasi perpe-
tuam, & in base ignem sulphureum conti-
nuo sine sui consumptione exardescentem.
Qui propius accedunt, vi pulveris & favillæ
scaturientis facilè suffocantur, & maximè
cum in multis locis torridæ voragines cum
cinere apparent montium combustorum &
vallium: quæ iterum tacitis incrementis sul-
phureis succrescentibus, quasi circulari tem-
porum spatio disponuntur ad combustio-
nem. Sunt etiam intra Norvegiæ limites
vastissimi, altissimi que montes: spatio qua-
tuor

tuor dierum ascensos, totidemque è vertice descensos admittentes.

CAP. III.

Islandia & ejus gentis descriptio.

Islandia terra est subjecta polo Arctico, vento præsertim Circio opposita, ac mari Glaciali propinqua, atque ob id dici meretur Terra glacialis, seu ultima Thule, nulli veterum non celebrata: cujus incolæ à Saxone Sialandico continentissimi dicuntur, religione satis Christiani, propriam scripturam, historiamque rerum magnificè gestarum habentes. Suique temporis adhuc acta conscribunt: quæ cantibus ac rhythmis recolunt, atque promontoriis, seu scopulis insculpunt, ut nulla, nisi cum naturæ injuria intercidant apud posteritatem. Situs insulæ extenditur inter Austrum, & Boream, longitudine centum milliarium Germanicorum. Pro majori parte montosa est, & inculta, præsertim versus plagam Septentrionalem, ob austera spiracula prædicti venti Circii, qui nec frutices elevare permittit. Insula est insolitis miraculis prædicanda. Rupes etenim, sive promontorium in ea est, quod instar Ætnæ perpetuis ignibus æstuat. Ibiq; locus esse creditur pœnæ,

expiationisque sordidarum animarum. Illic nempe spiritus, seu umbræ, comperiuntur, se exhibentes manifestos humanis ministris sive alio violento casu enectorum. Spectra sese offerunt congressibus notorum hominum tam manifesta, ut tanquam viventes accipiantur ab ignavis mortis illorum, data dextra. Nec deprehenditur error, priusquam disparuerint umbræ. Incolæ plurimum præfagiunt fata principum: quidve remotius in orbe peragatur, revelationibus apparentium spectrorum non ignorant.

CAP. IV.

*De sonitu horribili littoralium
cavernarum.*

Est prætereà in Septentrionalibus plagis insignis quædam provincia Angermania appellata, cujus incolæ peritissimi sunt venatores: eo etenim quæstu, videlicet pellicum pretiosarum venditione, ingentes divitias consequuntur. Sunt & agricultores optimi, ita ut præter planos ac declives agros, sublimia montium latera, beneficio ignis ac nivis, in naturam fertilissimorum agrorum adaptare norint. Ignem namque in densum fruticem, atque herbas, autumnali æquinoctio immittunt, cineremque,
& pul-

& pulverem exinde productum, super-
 venienti nivium casui studiose disponunt, ut
 ejus viscositate veluti bovino stercore pin-
 guescant. Quo fit, ut latiore segetem,
 messemque uberiores exinde reportent.
 Sed de his inferius de agricultura dicetur.
 Habet etiam hæc provincia plures altissi-
 mos montes: quorum vertices continuo
 candore nivium, toto anni tempore, excel-
 sum aspectum navigantibus in Bothnico
 mari præbent, ita ut eminentissimo signo
 perspecto, plurima portentosa pericula eva-
 dere, atque securiores portus attingere
 possint. Prætereà ubi ad bases eorum in
 profundissimo gurgite stantes, casu aliquo
 vel proposito naturæ accesserint, tantum
 horrorem ex alta fluctuum collisione per-
 ciunt, ut nisi præcipiti remigio, aut valido
 vento evaserint, solo pavore se exanimis
 fiant, multoque dierum curriculo, ob capi-
 tis turbationem, pristinæ mentis, & sanita-
 tis compotes vix evadant. Habent bases il-
 lorum montium in fluctuum ingressu & re-
 gressu tortuosas rimas, sive scissuras, satis
 stupendo naturæ opificio fabricatas: in qui-
 bus longa voragine formidabilis ille sonitus
 quasi subterraneum tonitru generatur. Cu-
 jus causam ut improba juvenus aliquando
 curiosius, quam securius scrutabunda, ag-
 gressa:

gressa est, ita ilico oppletis aqua navigiis ex superioribus rimis, ac ventrum strepitu, cum admiratione vitam amittere. Ut tamen periculum hoc evitetur, immensa montium altitudo nivoso verticis sui candore signum remotius navigantibus lucidè ostendit, monetque anticipare fugam, ne natura inscrutabilis soni parens, nullum remedium contra latens & insidiosum malum concessisse videatur. Imò etiam ad plura milliaria per aëra ab eisdem montibus exhalatus terribilis ille sonus aures navigantium allabitur, admonens tristissimæ garrulitatis ejus ruinam procul effugere, quam cominus positi nequeant sustinere. Quid autem Vincentius in Spe. hist. lib. trigessimoprmo capite vigesimoquarto de simili materia sentiat, verbis ejus, ut jacent, ostendetur. Apud Tartaros mons quidam exiguus est, in quo foramen quoddam esse dicitur, unde in hyeme tam magnæ tempestates ventorum exeunt, quo homines inde vix, & cum magno periculo transire possint. In æstate verò semper quidam ibi ventorum sonitus auditur, sed de foramine tenuiter egreditur. In Septentrionalibus autem lacubus congelatis sub ipsa glacie, ob ventum inclusum, non minor auditur sonus quam sævi tonitruui ex densitate nubium in lateribus coarctati.

etati. De quo infra capite de piscaturis glacialibus aliquid ostendetur.

CAP. V.

De rupe Monachi marini.

Sub dominio quondam ditissimi regni Norvegiæ prope insulam Farensem, mons est eminens in Oceano, quem appellatione conformi navigantes Monachum vocant. Habet enim naturali suo situ, & incisione partium, præsertim verticis, cappam contextam, imò & proprietatem, ut omnes in dira tempestate ad eum confugientes, tutissimè susceptos consoletur. Quinimò vix omnibus his, qui vi ventorum agitati non attingunt fimbriam, vel sinum ejus: quoniam ibidem adeò sæviunt venti Circii, & Septentrionales, ut ejus asperitatem evasuri naturæ, cogantur intensissima arte, & viribus, labore, & summa experientia omni momento attendere, & vigilare, qualiter effugiant ad Monachum illum, tanquam portum securiorem. Prætereà in septentrionalibus aquis plurimi excelsi montes quasi signa securi portus, in qualicunque tempestate vel tranquillitate petendi videntur. Sed ante eorum introitum plura latent cæca saxa, quæ ut remis-

fiore.

flore vento plura navigia obruunt, ita tempestate prodita, ob elevatas undarum spumas, mirabilius salvant. Sunt prætereà montes falconum, aquilarum, & corvorum, nautis recessuris securitatem, vel fugientibus cautelam, ne appropinquent, ostendentes. Insuper montes litium, imò arces fortissimæ, præsertim in orientali Finlandia, occasione præliorum Moscoviticorum super fauces rupium erectæ, taliq̃ue munitione artis & naturæ firmatæ, ut facilius montes, quàm ipsas arces, undecunque emergat insultus, intercipient obsidentes.

CAP. VI.

De rupe Coronata, & multitudine piscium.

NE ullum siléatur rerum naturæ opus, monstratur hic, in occidentali Bothnia versus extremas Septentrionis partes in parochia Lula Upsaliensis diœcesis, rupem esse maritimam, *Bivraklubben* vulgariter appellatam, quæ excelsa suo vertice à longè navigantibus tridentata, seu coronata videtur. Cujus aspectu, umbra, aut portu, si non fruerentur indigenæ, maris expertissimi piscatores, neque tutam haberent

rent viam, neque commodum victum invenirent. Sua etenim mira celsitudine, orta densissima nubium caligine, prospecta in mediis undis (prout anno Domini M. D. XIX. expertus fui) salvantur errantes. Tanta etenim condensati aeris ac caliginis solet esse obscuritas, ut vix in exigua navi proram tenens è puppi respiciatur. Applicando tamen ad littus, tanta in base ejus piscium multitudo hinc inde inspicitur, ut magnum stuporem visui generet, & omnimodam stomacho adferat satietatem. Pars etenim hujusmodi piscium, marini laticis salugine in planitie montani pedis aspersa, ventoque torrefacienda, spatio duorum vel trium jugerum dilatari solet super tellurem planam: pars hastis erigi, pergulisque extendi, præcipuè pisces majoris speciei, ut sole & aëre desiccentur. Omnes tamen vel domestico usui, vel negotiatorum lucroso quæstui, etiam ultramarinis necessitatibus ac voluptatibus reservantur, maxime ut horum commutatione copiam annonæ (quæ tenuiter ibidem ob circumstans frigus maturescit) acquirant, ac his, qui solitudines inhabitant, loco deliciarum, ut rursus sylvestres opulentias in pellibus pretiosis recipiant, valeant exhibere. In pede igitur hujus Coronati montis tantus odor

46 DE MIRA NAT. RER. SEPT.
dor suspensorum piscium exoritur, ut longo maris intervallo eundem adnavigantes sentiant præcurrentem. Eoque odore percepto, sub tempestuosa caligine laborantes, ab imminente naufragio se ipsos & bona præservare noverunt.

C A P. VII.

De fluxu & refluxu Oceani.

Sunt in charta mea Gothica, seu descriptione Septentrionalium regionum, certi sinus Oceani, littoribus Norvegicis hic insculpti, scilicet *Roesl*, & *Loffoeth*: inter quos tantus est maris hiatus vel Charybdis, ut incaute appropinquantes nautas sua repentina circumvolutione, vi & industria gubernatoris adempta, absorbeat in momento, maxime naturam loci ignorantes, vel alias vi tempestatum appulso, aut periculum imminens per contemptum parvipendentes. Quocirca volentes ex Germanicis oris eo navigare, peritissimos quosque conducunt Nauceros, seu Gubernatores, qui longa experientia, quomodo obliquando dirigendoque tutius pericula evadere possint, didicerunt. Hique longo maris spatio Gnomonis directione, ne in Charybdim incidant, iter variando instituere solent:

lent: & maxime circa populosissimas villas Andanes, & Trondanes, & tres alias insulas, ubi pars maris *Mostaströom* appellatur: quo loco æstus est altior cæteris adjacentibus aquis. Mare etenim ibidem intra cavernas accedente fluxu inflatur, & effluxu reflatur, quanto maximo impetu deferuntur torrentes, vel rapidi fluctus. Navigatur hoc mare (ut dictum est) periculossimo eventu, quia iniquo tempore navigantes subito rapiuntur in voragines circulares. Naufragiorum reliquæ perraro redduntur: & si redduntur, ita collisione scopulorum attrita robora videntur, ut quasi lanugine obducta appareant, & comminuta.

C A P. VIII.

De Charybdi, & mira natura glacierum.

Proxime præcedenti capite dictum est; quam periculosa sit navigatio Norvegici Oceani, maxime ubi inscrutabili ratione vasta Charybde, nisi valde præviderint, nautæ periclitantur. Hic igitur longissimæ noctes, frigora intensissima, rupes alicubi quasi turres latentes, beluæ truculentæ, & formidabiles, ut infra de monstris ostendetur. Præterea crustatæ glacies, quasi parietes

tes ingentium domorum tempestatibus dirutarum, tanquam inevitabilia naufragia è proximo producturæ. Sed hæc omnia tolerabiliora sunt in quavis periclitatione subeunda, quam experiri commiserationem Hybernicæ gentis, quæ (ut plurimis probari potest exemplis hic omiſſis) perlachrymas invitare solet afflictos, ut bonis nudatos, semivivos dimittant ad laceras naves. Quantum vero admirari glacierum naturam attinet, hoc pro certo servatur, quod littori Islandico (teste Saxone) magnis molibus glacies appellitur : cujus si crusta in vase asservetur, quanvis magna diligentia, tamen disparet statim, atque reliqua ejus generis glacies recedit à promontorio in altum. In vastis autem solitudinibus, maxime sub spinis Juniperorum, itidem & sub paleis ingentium horreorum, & scandulis picearum arborum, adhuc Sole in Leone stationem habente, conservatur : eaque inde extracta voluptuosi potatores, æstu Solis durante, in vino vel cervisia immersa utuntur. Nulli tamen nivem epotandis calicibus cujuscunque liquoris, ob viscositatem ejus haud depuratam, immiscunt : tineas enim habet secretas, & can-natas, veluti lanci panni.

CAP. IX.

*De scorteis, seu coriariis navibus
piratarum Grunlandiæ.*

HInc ostendendum erit iter à portu *Vestrabord* ejusdem Islandiæ ad marinam excelsumque rupem *Hutisark* dictam, quæ mediam navigationem continet ad Grunlandiam : in qua genus piratarum reperitur scorteis navibus utens, arbitrariaque navigatione non tam superne quam inferne, forinsecus sentinas negotiatorum terebrando insidians. Vidi ego binas hujusmodi naviculas coriarias Anno M D.V. super Occidentalem portam intus in Ecclesia Cathedrali Asloensi, Divo Halvarðo dedicata, quasi pro spectaculis muro appensas : quas ejusdem regni rex Haquinus, bellica classe littora Grunlandiæ pertransiens, dicebatur acquisivisse, fortè navigia sua suffocare mediantes. Incolæ enim illius regionis, non exilem spoliolum quæstum sibi comparare solent, per has & similes artes insidiosas, per quas furtivo ingenio, tacitè tabulas navium inferius (ut dictum est) terebrando, aquæ ingressum procurant, & illico præsentissimam suffocationem.

CAP. X.

De inscrutabili profunditate littorum Norvegiæ.

Tanta est in plerisque montosis littoribus Norvegiæ immensurabilis profunditas, ut funibus quantis repleri possit navis ingentissima; bolide plumbea infernè demissa, fundum aliquod nequeat inveniri: eaque naturæ vis est, ut quanto sublimius montes in excelsum promineant, tantò in eorum radicibus inscrutabilior profunditas appareat: licet eorum sublimitas respectu cœli minima super terram reputatur. Pedes etiam horum montium ita cavernosi, profundique, & obliqui sunt, ut funibus immis-
sis, quorsum tendat eorum hiatus, difficilissime cognosci possit. Præterea in insula *Bornholm* Regi Danorum subjecta, lacus non admodum ampli reperiuntur, quorum profunditas non invenitur. Demum apud montanos *Dalacarlos*, id est, viros vallium, lacus *Runden*, ideo rotundus dictus est, quia mensurabile fundum non concedit. Deinde non longe à regia Holmensi Suetiæ, locus in scopulis marinis est *Rundisvalia* vulgariter appellatus, id est, rotunda vorago, ut neque ibi rimari possit, quàm
altum

altum sit ejus fundum. Putei præterea plures reperiuntur & exigui lacus, quorum profunditas sæpissime explorata investigari non possit. Apparent etiam longissimæ, sed valde angustæ rupium ac montium specus, quasi ferro cavatæ, vel excisæ, in opacos currentes recessus: in quibus constrepentibus aquis, tranquillitate vel tempestate accedentibus, sonus terribilis excitatur: à quo nisi celeriter aures retraxerint appropinquantes, tam vehementi tinnitu obruuntur, ut pluribus horis sine auditu, ob excelsissimum objectum, remaneant tabescentes.

CAP. XI.

De portubus annulorum ferreorum.

DICTO superiore capite, quam inscrutabilis in littoribus Norvegicis inter excelsiores montes sit profunditas: nunc ostendendum erit, quomodo inter sinuosas scopulosasque voragines, adnavigantes securius absque anchoris invenire firmareque poterunt suas stationes. Quocirca cernuntur hic annuli ferrei, clypeo militari ampliores, fuso plumbo lateribus multorum montium, successivo maris tractu, quondam bonorum Regum magnificentia, &

sumptu, præcipue versus opulentam civitatem Bergenſem, infixi, ut æſtu vel tempeſtate vigente, ſubito funibus immiſſis, quaſi inter abditas cavernas ſolidentur navigia magna. Sed oportebit ut ignari viarum non ſint, qui tam periculoſo labyrintho ſeſe committere velint. Littus enim ſcopulis & rupibus ita obvium eſt, ut inde egredi vel progredi nequaquam valeant inexperti: imo propter ejus & ſimilium locorum (ut infra de inimicis claſſibus, ſpecialius dicitur) difficultatem, & aſperitatem, naufragabuntur. Et ſi bellicæ naves eò vel piratarum hoſtili impetu, vel tempeſtatum impulſu appulerint, conſiliis auxiliisſque deſtitutæ, ſæpiſſime tum fame, tum frigore, tum aggreſſu incolarum, miſerabili ſpectaculo veluti contra elementa pugnaturæ conſumuntur. Hujusque calamitoſi eventus in ſimili caſu, ſi quis legerit Norvegianorum Danorumque annales præſertim Regis Chriſtiani Secundi, horribilem in omnibus reperiet infelicitatem. Ideoque ſæpiſſime terrentur hoſtes ab ingreſſu horum ſcopulorum, ne ſeverius & ſecretius ab apertis vel latentibus ſaxis inter montes, quàm patientibus inimicis, in gurgite conterantur.

CAP. XII.

*De periculoso transitu montium Scars
& Sula, inter Suetiam & Norvegiam.*

PROvincia est in Septentrionalibus regnis Jemphthia dicta, Archiepiscopo Upsaliensi cum *manerie* seu curia Vesterhusia appellata, ex immemoriali tempore subiecta. De qua Jemphthia per excelsissimos montes prædictos in titulo, non minus terribile quàm periculosum iter æstivo tempore conficiunt incolæ terrarum & peregrini viatores; qui alias hyeme per congelatas paludes, stagna & amnes brevioribus compendiis & semitis, quocunque placuerit proficiscuntur. Montes enim illi vastissimi, quales in Europa vix sunt, Orientali parte sub pedis ingressu portas seu aperturas habent durissimo silice, partim naturali scissura, partim antiquorum principum sumptu, pro publica utilitate excisas aut perforatas. Post quas inter montium latera tantum etiam in media æstate sentitur frigus, ut nisi viatores more hyemis multiplicato vestitu sese munierint, ferè irremediabile periculum subita aëris mutatione incurrant, donec ea montana viscera vallesque frigidas exire contingat. Deinde à montibus plu-

C 3

rium

rium dierum itinere descensuris , majus quandoque periculum imminet , ubi penduli pontes ligneis montium fulcimentis lateribus affixi, propter casum nivium ac tempestatem arborum evulsarum aut cadentia saxa confracti vel semirupti videntur. Nec alia perplexis spes suffragatur , quam quod pontium reparationem communi opera incolarum expectent , cum nullus per altissimas valles viarum circuitus inveniat. Hęc & similia cum viatores imminere provide- rint , expensas secum afferunt sufficientes , ac si castrensem aliquam obsidionem illicò subituri , ac servaturi essent : jumentorum alioquin paucam curam , ob herbarum copiam & aquarum commoditatem habentes. Scaturiunt enim toto viarum transitu ex brachiis montium abundantissimi fontes , satis grato sapore ab omnibus commendati. Quod vero tantam difficultatem illic patiuntur itinerantes , mirum non est : quia propter excelsa rupium præcipitia, quæ difficilime evitari, vel reparari possunt, omnia sagacissimo ingenio penetranda videntur , & maxime cum in uno situs sit invius, & in altero ruinis aut saxis oppletus. Præterea limites adeo angusti , ut viatoribus , ac jumentis, præsertim insuetis , vertiginem capitis , & oculorum caliginem afferant , & ple-

p'lerunque irreparabilem lapsum.

C A P. XII.

De statuis viarum in montibus nivosis.

Montes etiam sunt alio vocabulo vulgari *Doffrasiel*, sive malueris, Doffrini appellati, Suetiam à Norvegia dividentes, tantæ molis, & sublimitatis, ut multorum dierum itinere versus Occidentem seu Orientem proficiscentibus, ob indigestas nives, perpetuo appareant albicantes, quasi candidæ nubes in altissimo aëre condensatæ. Quo evenire solet, ut eò itinerantes, ob repentinum casum nivium, per vias intueantur concludi, è quibus tandem laboriosis viribus non minus sese explicare contendunt, quam si inter glaciales undas constricti conarentur exire. Quocirca veterum Regum (qui quondam pussimi in Norvegia erant, provida magnificentia factum est, ut excelsæ statuæ è vivis lapidibus excisæ, per cacumina montium videantur erectæ, ac fortissimè, ne vi ventorum decidant, plumbo vel ferro firmatæ. Compertum etiam est in Sueticis terris, aviculas volatu excitasse globulos nivium, quorum augmento, casuque, flante Australi vento, arces, & villæ sunt prostratæ. Habetur tamen in his

Doffrinis montibus hospitium, quo recre-
entur hujus periculosi itineris viatores; non
tamen vino provisi.

CAP. XIV.

De transitu tenebroso.

QUandoque etiam utilitate, vel necessi-
tate urgente, satis ingeniosum modum
habent populi Septentrionales, in nemori-
bus nocturno tempore pertranseundis, imo
& diurno, quando in remotioribus Aquil-
onis partibus ante & post Solstitium hye-
male continuæ noctes habentur. Quique
his remediis indigent, cortices quercinos
inquirunt putres, eosque collocant certo in-
terstitio itineris instituti, ut eorum splendo-
re, quo voluerint, perficiant iter. Nec so-
lum hoc præstat cortex, sed & truncus pu-
trefactus, ac fungus ipse Agaricus appella-
tus, in summitate arboris glandiferæ cre-
scens: cujus virtus, & natura est, ut noctu
releceat, sicuti & vermes alati, volantes ad
æquinoctium autumnale: hi tamen, quia
frigore correpti mox deficiunt, ad nullum
usum deputantur. Ideoque frequentius
quercum putridam, agaricumque (se ipsos
propria luce prodentes) colligunt, ad præ-
dictum sylvestrem, imo domesticum usum,
scili-

scilicet ut ejus luce tanquam ardenti lumine, securius accedant loca combustibili materia plena, ut sunt horrea hyemalia, matura messe, scenoque repleta. Inveniuntur etiam homines eo acumine oculorum præditi, ut sine quovis lumine materiali fere omnia videre tractareque se posse gloriantur.

CAP. XV.

De luminibus, & tedis piceis.

POpulus Septentrionalis longissimis noctibus subjectus vario utitur genere luminum, quo necessaria exerceat officia pro domestica commoditate. Igitur fatendum est, Suppolares homines tempore hyemali usu pinguedinis marinarum belluarum, in omni sua commoditate perficienda vivere. Quam quidem pinguedinem vulgari vocabulo *Traan* aut *lyse* vocant, à lucendo, quia lampadibus immissa, clarissimè ac amplissimè lucet, maxime in ædibus magnarum familiarum, & Ecclesiarum, ubi perpetuum pro reverentia corporis Dominici requiritur luminare. Sed ne corvis nocturnis seu noctuis aut vespertilionibus absorbeatur, ferreis craticulis os lampadum occlusum servant. Præterea tedis pineis connatura-

lem picem habentibus, universali caritate quemadmodum usualibus candelis in toto Septentrione utuntur, eo videlicet modo, ut ambabus manibus occupatis, divisas subtiliter scandulas piceas balthéis certo numero submissas, ori vel capitis tegumento, à fine altero ardentes imponant: sicque, quolibuerit nulla ventorum injuria impediti proficiscuntur, atque alia quæcunque placuerit operantur. Parsque candelis communibus brachiali longitudine, juxta notitium prolixitatem, accensis utuntur. Tempore autem bellorum, quæ frequentius obscura longaque hyeme, quam æstiva committuntur, tædis exquisitæ picis, per equestres pedestres turmas, facilius etiam abietina resina confectis, incedunt.

CAP. XVI

De irruptione aquarum stagnantium.

INter mirabilia Septentrionalis plagæ aquarum spectacula unum est, non tam frequens quàm noxium habitantibus in provincia Middelpadensi versus Boreales partes Suetiæ superioris, ubi fere major pars virorum Huni nomine appellantur, tanquam populi clarius contra Hunos olim belligerantes ac triumphantes. In ea provincia

vincia vastus amnis est, cujus aquæ lapsus
 tam præcipiti volumine defertur, ut anima-
 lia nandi vigore defecta plerumque pessun-
 dare soleat. Ex summis enim montium ca-
 cuminibus manans, dum per clivorum præ-
 rupta saxis exceptus eliditur, in profunda
 vallium multiplicato aquarum strepitu ca-
 dit. Verum continuo saxorum obstaculo
 repercussus, celeritatem impetus eadem
 semper æqualitate conservat. Itaque toto
 alvei tractu undis uniformiter turbidatis,
 spumeus ubique candor exuperat. Hæc ta-
 men consideranda est ejus natura terribilis,
 quod singulis annis paululum ante Solsti-
 tium æstivale, tanta glacierum arborumque
 connexa congerie tribus locis oppletur &
 constringitur, ut inferiores alvei ejus ripas
 inhabitantes, imminente ejus irruptione,
 fugere cogantur ad loca elevatiora. Interea
 tamen nuntiis, quo in termino formidabi-
 lis ille lapsus maneat, explorant, ne rapidus
 ejus cursus improbas exerceat vires. Amnis
 itaque ipse, etsi in omni sua irruptione cun-
 ctis vicinis imminet, tamen ubertate electo-
 rum piscium salmonum scilicet ac aliorum,
 omnibus affert opulentum quæstum: qui
 nedum illius terræ incolis ad usum dome-
 sticum sufficiunt, sed & ultra marinas par-
 tes ingentibus navigiis exportantur. Hanc-

que virtutem perpetuo retinet, ut quanto marinis alveis vicinior extenditur, tanto melioribus piscibus superabundet. Nec deest offerentium liberalis & grata piscium exhibitio ac donatio, si quis occurrerit hospes donaria recepturus.

CAP. XVII.

De tribus famosis lacubus Gothorum.

PLurimi insignes lacus sunt in Aquilonaribus terris, magnitudine, & situ mirabiles: quorum præcipuus est in regione Vestrogothorum *Vener* dictus, 130. miliaria Italica in longitudine, & fere totidem in latitudine habens, in multas variasque divisus insulas, & vastis illabentibus fluviis iisque maximis oneratus ultra viginti quatuor, unum solummodo exitum (de quo mox infra dicetur) continens. In hoc lacu, & circa hunc plures sunt magnificæ ædes nobilium: quarum præcipua est arx Leckio in alta rupe, opera episcoporum Scarensium fabricata, puteum habens saxo durissimo incisum super altitudinem 200. pedum. Incisio hæc facta non ferro tantum, sed flamma, trecentis porcorum pinguiissimis lateribus igne successivis diebus immisso & extracto enutrita. Nil enim celerius petrarum duriciem.

riciem gentibus illis penetrare compertum
 est, quam laridum, vel axungiam porcello-
 rum. Adjacent præterea huic lacui oppida
 vetustissima, Lindecopia, & Tinguallia, ex
 mineris electissimi ferri & chalybis retinen-
 tia quæstum opulentum. Est præterea la-
 cus alius *Vether* dictus, adeo claras & per-
 spicuas aquas habens licet virenti colori
 conformes, ut obolus in profundo situ vi-
 deri possit. Super hunc lacum est insigne
 monasterium divæ Brigittæ, alias Brigidæ,
 & filiæ ejus sanctæ Catharinæ, utriusque co-
 pulentia, & devotione fundatum, & dota-
 tum. Præterea aliud oppidum Jonacopia
 dictum in Australiori parte, magnificis Re-
 gum comitiis memorabile in omni ævo se-
 cuturo. Extant & minere inexhaustæ hu-
 jus lacus versus littus oppositum Septen-
 trioni. Demum monasterium Alvastra di-
 vi Bernardi temporibus sumptuose ædifica-
 tum, & dotatum. Prope hunc locum in
 villa Tolstada, Rex Suercherus in nocte
 natalis Christi à proprio stabulario, freno
 pro armis utente, occisus fuit. Tertius lacus
Meler dictus: in cujus littoribus civitates,
 arces, & nobilium magnificæ ædes sitæ
 sunt. Præterea non longe inde in terra fir-
 ma, minere argenti inexhaustæ, cuprique,
 ac ferri, ultra humanam æstimationem præ-
 tiosæ.

riosæ. Et hinc provenit, Regem Suetiæ, ac Gothiæ, reliquis Europæ principibus in omni thesauro & opulentia nunquam esse aut fuisse inferiorem. Sunt etiam lacus recentis aquæ in montibus Lapponiæ, *Lulatreſch* dicti, longitudine 300. miliarium Italicorum, 120. latitudine. Præterea alia multa collateralia stagna, & lacus paullo breviores, ac latiores, adeo piscosi, ut in tota Europa, ne dicam orbe integro, vix habeant pares. Deinde famosissimus lacus Albus sub polo: demum *Pienthen* in Finlandia, cum similibus infinitis lacubus, stagnis, fluviis, & altis venis.

CAP. XVIII.

De specubus insidiosis.

Dictum est superiori capite, in unum lacum *Vener* altissimis montibus Norvegiæ & Suetiæ viginti quatuor maxima flumina ingredi. Et licet eorum introitus valde stridulus, & verticosus sit in omni descensu, tamen montibus tam amplo circuitu resistentibus nusquam nisi unicum inveniunt exitum: huncque tam rapidum, & sonorum, ut ultra viginti Italica miliaria audiri possit. Nomenque vulgare habet *Trolhetta*, hoc est, caputium dæmonis, forte pro-

propter horrorem, quem sono, stridoreque generat, in paludinosam planiciem cadens: vel quia sub ejus descensu præcipiti, reperitur insignis spelunca latronum: ad quam angusto tramite fit accessus, solum ab ipsis latronibus ac furibus frequentatus, eo quod fluvius ille rapidus, & verticosus sit, suspicionem omnibus adimens, quod nequaquam ibidem malefactorum collectio fiat, præsertim tempore æstatis. Sed hyeme ob exhalationem fumi deprehensi, velocissime rapiuntur ad pœnam, spoliaque pretiosissimæ suppellectilis, argenti, auri, & pellium pretiosarum ad Principis fiscum. Unde nullo intra semestre tempus legitimo comparente accusatore, cui bonorum ablatorum, lege & consuetudine restitutio fiat, jussu Principis pro tuenda publica pace, exinde confecta navigia, fluminibus maris influentibus immittuntur, vel aliis munitionibus fossarum, seu murorum, sagacitate præfectorum provincialium deputantur.

C A P. XVIII.

*De excellenti antiquitate Regia arcis
Vestrogothorum Aaranes.*

ET si Gothicis Principibus major olim inter bellorum ardor, quam delectatio
qua-

quarumcunque aliarum voluptatum, cum summum animi corporisque existimarent solatium, rigida arma tractare, ac arduissimis præliis varios comparare triumphos: attamen plerique eorum voluptati huic magnificentius aliquid superaddere meditantes, posteris sumptuosa, simulque utilia ædificia reliquerunt: quemadmodum Sca-
rinus quidam, totius Gothici principatus Monarcha potentissimus, singulari exemplo deprehenditur perfecisse, præsertim in Vestrogothorum regione, quam frequentiore sua præsentia illustrabat: idque ob vicinum Norvegiæ Regem Sidagerum: cui ut erat sanguine conjunctus, ita etiam terrarum situ, & amicitia propinquior esse volebat. Hic ex suo nomine Scaram civitatem Vestrogothorum in loco stagnis & paludibus admodum munito, tam prudenter erexit, quam imprudenter ejus successores ipsam desolari ac collabi permiserunt. Antiqua hæc erat regni Gothorum sedes. Verum non procul ab ea adhuc extant vestigia alterius Regiæ arcis *Aaranes* dictæ, ejus situs, muri, & structuræ quoslibet inspectores ita in admirationem alliciunt, ut firmiter judicent, nullum præstantius ædificium ea tempestate in toto Septentrione, vel Europa repertum fuisse; Sed quid non
mutat.

mutat ævi longæva vetustas? At saltem signa ruinarum posteritatem urgent magnificentiam meminisse heroum antiquorum. Habebat hæc arx in circuitu omnes commoditates, quas unquam felix mortalium sedes à superis impetrare potuerat, & obtinere. Siquidem uno latere versus Occidentem & Boream, vastum ac piscosum lacum *Vener* ante dictum pro regiis & mensalibus deliciis habuit: altero versus Meridiem longissimo spatio, pro perpetua securitate cœnosam ac limosam paludem, cujus superficies tenero vestita gramine, ac frutice, non solum vestigia negat, sed modice calcantes absorbet. Nam limo funditus subsidente, in luteas voragines, sordidamque colluvem liquecens, attrahit accedentes. Nec minus rivuli plures & profundi, uti venæ per paludes discurrentes, arcis accessum denegant, ut impossibile esset, nisi multitudine pontium (qui olim quadraginta erant) longis ambagibus, veluti labyrintho, illuc pervenire. Eaque difficultas in asperrima hyeme perseverat. Nam rarissime propter calidas venarum sulphurearum exhalationes, paludes illæ congelantur. Ab Orientali vero latere ex opposito primæ portæ arcis, quæ unicum terrestri itinere habebat accessum, adeo amœna prata ac fertilitas agri

agri pro solatio castrensi erant, ut nihil amplius naturæ beneficio potuerit concupisci: etiam pascua & venationes in campis & saltibus optimæ, quod & præsens humi ejus facies ostendit. Quæ licet horrendam nemorum densitatem, multis retroactis annis & seculis cultore vacua, ob bella, famem, pestem, & domesticam discordiam, induerat: tamen sulcorum vomerumque vestigia quibusvis eam intuentibus ultro ostentat, frequentesque lapidum congeries (quibus agri ob majorem feracitatem purgari ampliarique solent) ibidem inter altissimas arbores offert conspiciendas, argumento fideli ad posteros relicto, multo numerosiorem prioris ævi fuisse populum, strictioribusque agellis contentum, quam cernitur hac ætate præsentī. Hæc igitur arx felicius florere visa est circa annum Domini nongentesimum quinquagesimum quintum, quando magnificentissimus Rex Olaus cognomento *Schotkonung* baptizatus est à Sancto Sigfrido Eboracensi Archiepiscopo, ex Anglia, ob fidem Christi prædicandam, ad eundem Olavum Regem, Eldredi sive Mildredi Regis Angliæ exhortatione ac petitione, proficiscente: qui & in hac arce paulisper moratus est, donec alia sedes regia *Husaby* dicta, pro usu ejusdem sancti

sancti Sigfridi & cleri ejus parari poterat & consecrari. Quo facto paganos ac idololatrias in fide Catholica instructos baptizabat: quod & tres nepotes ejusdem Archiepiscopi, Unamannus, Sunamannus, ac Vinamannus, (quorum unusungebatur sacerdotis officio, secundus diaconi & tertius subdiaconatus) alibi in Verendia post tergum relictis, faciebant. Omnes tamen, uti beatus Joannes Baptista, ob adulteræ mulieris indignationem, gladio interempti fuerunt: quorum corpora in Cathedrali Ecclesia Vexionensi magno honore ab omnibus venerantur. Sed de hac re latius in Historiis charissimi fratris, & antecessoris mei Jo. Magni Gothi, suis locis est ostensum.

CAP. XX.

De mirabili horto montis Kindaberg prope prædictam arcem.

Mons est eminentissimus apud Vestrogothos, non longe à prædicta arce Regia, & lacu *Vener*, vulgari gentis sermone *Kindakulle* dictus, tantæ altitudinis, ut à longe navigantibus ultra 40. miliaria Italica in eodem lacu, quasi atra nubes inter cœli hiatus appareat. Ideoque multi tempestatibus, vique ventorum agitati, summis viri-

viribus conantur ejus pedes attingere, ubi tranquillissimum portum adesse noverunt. In hujus montis summitate ea amoenitas frondium, herbarum, fructuum diversarum arborum (excepta vite) suapte sponte nascentium, non raritate magis, quam suavitatē, velut satarum, aut plantatarum, reperitur, ut vix delectabilior in tota Septentrionali plaga investigari possit, aut inveniri. Illic suavitas inenarrabilis, etiam concentu variarum avium, præter Papagallos, multiplicata. Sed valde paucis, iisque solum senibus notus est amoenissimus ille locus. Neque lasciviori ætati perfacile monstrandus, ne forte severiori disciplina soluta, in omnem voluptatem, vel verius spurcitiem sese prosterneret, difficillime vel nunquam ad honestatem & bonos mores reversura. Voluptas enim ipsa usum & consuetudinem: consuetudo necessitatem: necessitas desperationem inducit, & coarctat. Extra hunc montanum locum, imo & alibi latius per Aquilonem satis boni suavesque fructus pitorum, pomorum, cerasorum, prunorum, sed nulli ante medium Julii, vixque tunc in debita maturitate reperiuntur. Imo quædam horum fructuum genera tam domestica, quam sylvestria solo frigore accedente maturescunt, durantque

que pendentia majori parte hyemis etiam in ramis foliis omnibus denudatis. Sed hi fructus quovis aceto (pro gratiori sapore) sunt eligibiliores , licet exiguæ magnitudinis, ob frigus continue circumstant. Exoticos vero fructus per mare à Germanicis oris , ut sunt poma , celerrime portatos , ob suavitatem inhærentis musti , quam avide manducant incolæ , ut nunquam, vel raro, sine discrimine variorum morborum (præsertim Gallicorum) vel mortis evadant.

C A P. XXI.

De pulchritudine, & ubertate insulæ Gothorum Elandia.

E Landia, sive Oelandia, una est ex insulis Gothici maris , brevissimo maris interjectu à Gothia meridionali divisa, omnium insularum pulcherrima. multis enim bonis adeo referta est, quo spatii brevitatem (duorum dierum itinere absolvendam) soli fertilitas recompenset. Prata & campi, odor herbifico, indicibili suavitate mirabundi. Ibi plurimi greges equorum parvorum, sed validissimorum , utputa qui fortitudine & agilitate multis eximii corporis equis prævaleant : quosque domestici & exotici negotiatores pro voluptate emunt , atque in

ter-

terras remotas, veluti naturæ miracula vœ-
 nales exportant. Ingeniosissimi enim sunt,
 ut saltibus & choreis ad buccinæ vel tym-
 pani sonum per eos adaptari possint, quo-
 rum exercitium est, huiusmodi spectaculis
 acquirere quæstum. Insuper instruuntur,
 ut circulos ferreos aut ligneos non admo-
 dum amplos, more canum transiliant, sal-
 tatumque vivacissima pernicitate sese gy-
 rando revolvant. Proprio etiam nomine
 moniti, magis vel minus id faciunt, juxta
 arbitrium imperantis. Pascuntur huiusmo-
 di equi, ubi opus est, piscibus sole tostis, &
 lignis abietinis: cervisiaque & vino usque
 ad ebrietatem potantur, prout infra de Al-
 cibus ostendetur. Hæc igitur insula frugi-
 bus, pascuis, pecudibus, armentis, & pisci-
 bus tantum abundat, ut propriis commo-
 ditatibus sufficiat & alienis, eamque grâ-
 tiam & æstimationem boves & pecora ac
 butyrum ultra mare exportata, habent, qua-
 si medicinalia forent. Habuit olim hæc in-
 sula arces plures, tam naturæ quam artis
 præsidio locis opportunissimis fabricatas, &
 munitas, quarum aliquæ in templa Chri-
 stiani ritus commutatae sunt, hodie non mi-
 nus patriæ defensionis, quam religioni de-
 servientes: aliquæ bellorum turbine peni-
 tus desolatae. Una tamen usque in præsen-
 tem

tem ætatem omnium altior & fortior *Bor-*
cholm dicta, permanfit : cujus celsitudine
 Gothicum mare eminus navigantes, veluti
 specula, pro ventorum ac portuum dire-
 ctione adhuc utuntur, præsertim Angli, Sco-
 ti, Zelandi, Hollandi, quibus admodum ne-
 cessaria est illustrium locorum cognitio in
 eo mari. Hæc insula fere tota ambitur mar-
 moreis saxis sursum, deorsumque, penes
 littora 20. vel 30. pedum altitudine, quasi
 artificum manu ex industria collocatis. Imo
 & in oris ejus Orientalibus aperto mari ob-
 jectis, plures amœnissimi portus sunt : ad
 quos non minus curiositatis quàm neces-
 sitatis causa extranei navigantes, veluti na-
 turæ spectaculum visuri accedere solent. In
 hac insula tempore pacis reges Gothorum,
 & Sueonum, ob insignem ejus amœnita-
 tem & venandi exercitium, æstates transi-
 gere constituerunt. Etiam quia viciniore
 maris tractu ultramarini principes com-
 modius cum eis in arduis causis expedien-
 dis ibidem congregari possunt. Præterea
 prope Aquilonare littus ejus exurgit mons
 excelsus, quem nauticum vulgus, vitandi
 infelicitis ominis & marinæ tempestatis gra-
 tia, Virginem vocat: Nam in ejus portu ma-
 nentes, certis munusculis puellis dari soli-
 tis, utpote chirothecis, sericeis zonis, & si-
 mili-

milibus, eas tanquam amico munere placent. Nec ingratum montis numen sentire videntur, prout aliquando factum meminit antiquitas, voce lapsa iussu fuisse donantem mutare portum, ne periclitaretur: & ita faciendo salvus factus est, ubi alii sunt periclitati. In eo monte certis anni temporibus dicitur esse conventus Aquilonarium maleficarum, ut examinent præstigia sua. Tardius ministerio dæmonum accedens, dira afficitur correptione. Sed hæc opinioni, non assertioni cedant.

CAP. XXII.

*De famosissima insula Gothorum,
Gothlandia dicta.*

Orientalis Gothiæ pars est, sic dicta, quasi Gothorum terra vel bona patria. *Goth* quippe bonum sive Deum lingua Gothica significat, & *Landia* terram. Est enim multis rationibus bona: bonus in ea populus, boni & securi in circuitu ejus portus: bonus & electus in ea ager: bona armentis, equis, bobus, piscatione, venatione, aquis, sylvis, pascuis, pulcherrimo marmore, & omnibus rebus humano usui necessariis. Est in ejus Boreali parte præclarum oppidum *Visby*, in quo est arx munitis-

nitissima. Fuit hæc urbs quondam Gothorum, & multarum regionum emporium, tantis opibus, & negotiatorum mercimoniis frequens, ut vix illi par in Europa simile haberetur. Confluxere illuc Gothi, Suedi, Russi, seu Rutheni, Dani, Prussi, Angli, Scoti, Flandri, Galli, Finni, Vandali, Saxones. Hispani, singuli singulaeque gentes suos proprios vicos & plateas incolentes: nulli præclusum municipium. Ingredientesque terra & mari omnia pacata invenerunt, donec discordia, quæ omnium regnorum & hominum perniciosissima desolatrix est, subverteretur: sicut infinitæ aliæ nationes, quæ ab initio floruerunt. Extant hodie marmoreæ ruinæ, quæ testantur veterem ejus claritatem, amplitudinem, & vetustatem. Sunt adhuc testudinatæ domus, portæ ferreæ, aut cupreæ aut æreæ fenestræ, olim argentatæ atque deauratæ, argumentum inæstimabilium divitiarum exhibentes. Unde postmodum ortis odibus & dolis ex timido earum rerum usu, disgregati incolæ abierunt in Vandalicas civitates: quæ non parum ex opibus hujusmodi hospitum sunt ditatæ, uti olim Roma Carthagine desolata. In hanc insulam prima Gothorum armata castra, post exitum è sua terra, in Europa & Asia novas terras, ob

importabilem gentis suæ multitudinem, quæsitura, descenderunt. Demum multis seculis evolutis, Longobardi ex Scandiana insula ob similem, vel graviolem causam exeuntes, per hanc insulam in Rugiam agmine vastissimo in exteras regiones abierunt: & tandem regno constituto in Italia sedes firmavêre: quod & Paulus Diaconus eorum Historicus Lib. I. attestatur. Præterea Magnus Rex Suetiæ anno Domini MCC LXXXVIII. sedavit periculosum bellum, quod erat inter cives Visbyenses, & plebem illius insulæ, permisitque civibus instaurare collapsos muros civitatis, mœnibusque, & propugnaculis communicare. Albertus Rex Suetiæ rogatus à principibus inferioris Germaniæ, ut à mari eorum ejiceret potentissimos piratas Vitalianos, impignoravit hanc insulam Gotlandiæ Magistro Prussiæ, pro viginti millibus Duplonum, id est, Nobilionum, quorum summam Regina Margareta eidem succedens, ex Suetia collegit, atque eam insulam regni Suetiæ juribus, & proprietatibus restituit, jure perpetuo possidendam. Hancque insulam Saxo Grammaticus, Danorum insignis historicus, in pluribus suis scriptis ad Suetiam sine quavis hæsitacione spectare attestatur. Et hoc ex multis argumentis: quia

quia eadem lingua, legibus, consuetudinibus & morum conformitate & vicinitate perpetuo utuntur: etiam quia Gothorum Episcopo Lincopensi, tanquam primo fidei plantatori sunt subiecti: à quo & Episcopalia jura petunt, & consequuntur. Ab hac etiam insula in omni navigantium controversia, præsertim à consulatu Visbyensi, petitur & datur jus, & sententia diffinitiva, quid unicuique permittendum, vel auferendum erit. Certe jus hoc mercatorum, ac nautarum, valde prudenter digestum, citius lites adimit pro fluidis aquis, quàm aliorum decisio pro terra firma.

CAP. XXIII.

De Clypeis principum montibus Hangæ insculptis.

Quantam olim Reges, ac Principes Gothorum, de perpetuanda nobili fama, ac bellica claritate, curam habuere, arma, signaque, & clypei eorum illustribus locis insculpta, ac posteris relicta, evidenter ostendunt, præsertim in Ostrogothia, ac Vestrogothia, & Australi Finlandia, in magnifico portu Hangæ appellato: qui tam latus, ac securus est, ut in toto Septentrionali mari, & forsitan amplo Oceano, parem

non habeat, qui eidem valeat comparari. Omnes enim undecunque navigantes libere recipit in suum sinum, secureque introrsum tam à tempestatibus, quam hostili classe, sua naturali munitione (modo ipsi sibi deesse non velint) protegit, & conservat. Portus etenim iste in modum amplissimæ arcis, in mediis montibus ac vallibus amœne situs est: habetque in cautibus vetustissima heroum Gothorum ac Sueonum insinia, literato ordine, sed antiqua simplicitate insculpta, maxime ad ostendendum posteris, ibi olim classem pro regnorum defensione contra quoscunque hostiles insultus continua expeditione stationem tenuisse, atque inde ad aperta arma, quoties opus fuërat, prodiisse. Hodieque frequentius in eodem portu, ob similem causam, armatas classes tam Princeps, quam Nobiles habent, præsertim quia vicina loca omnia suppeditare possunt, quæ subito requiri videntur ad confœderatorum armatam classem: omniaque in hostes contraria verti, si perniciem structuri in hunc accesserint portum. Olim divus Ericus, Gothorum Sueonumque Rex, oblata pace & contempta, Tavestos, Carelos, ac Bothnienses, bellica classe, & equestri expeditione devictos, ad fidera & Christi religionem accelerare cœgit. Indoci-

docile enim genus Barbarorum , nisi per
 arma ad jugum Christi cogi , vel pertrahi
 vel invitari non potuit : nimirum (ut Al-
 bertus Crantzius lib.9. cap.37. Vandalia
 refert) magnus est amor paternarum tra-
 ditionum. In hoc portu Suetici Reges gravi
 injuria laceffiti , ultramarinis principibus,
 classe instructa, vel instruenda, hostilitatem
 indicere solent , praesertim Ruthenis , seu
 Moscovitis : rursusque in eodem portu,
 sub æquis conditionibus , eorundem princi-
 pum nuntiis pacis foedera praescribere, & ac-
 cipere consueverunt. Quod autem eo loco
 frequentius , quam alio id fieri contingit,
 urget antiquata majorum observantia , qui
 illic in montibus impresserant insignia sua,
 ut eorum perenni firmitate perspecta, quæ
 Reipublicæ utilia fore crediderint , poste-
 ris eodem unanimi consensu, & juramento
 per arma, ac libertatem majorum, stabiliant
 observanda. Quibus autem armis, clypeis-
 que veteres Gothi, Sueciq; sint intus & ex-
 tra patriam usi , signis praesentibus adverti
 poterit, imo & rationibus ostendi : leonem
 scilicet coronatum, super tres aquas candi-
 das in campo cœlestini coloris impetuose
 salientem, ac retrospectantem, olim habue-
 re Gothi, atque nunc habent , solum origi-
 nis inhabitantes , ut vincendo parcant , &

retrospiciendo caveant, quam citò salientes ab impetu cessant. Methodio tamen placet asserere, Gothorum Principes in exteris terris militantes, ac dominantes, usam in vexillis habuisse. At ex eisdem Gothis, veluti parentibus originem trahentes, varietate signorum secundum diversitatem gentium distinguebantur: ut Cimbri tauro, Sclavi dracone, Gepidæ navicula, Alani, Burgundi, ac Suevi catto in militaribus signis, ut Plutarcho videtur. Suecis autem, si ve Sueonibus antiquitus erant arma, videlicet duæ virgines coronatæ, aureo vestitu sese mutuo in virenti sylva amplexantes, tanquam dearum nympharum excellentiam in regione ostendentes. Nunc verò Suecorum Principes tribus aureis coronis in campo cœlestini coloris, ob inscrutabilem dominiorum amplitudinem, magnifica bellorum gesta, & inexhaustam minerarum ubertatem, utuntur. Sunt & privatorum nobilium insignia mira varietate distincta: similiter & urbium, ac provinciarum, quatenus in bellicis expeditionibus pro patria & legibus susceptis, tot hominum turbæ distinctius ad unum tandem finem dirigantur, prout infra de directione armatæ multitudinis, diffusius erit ostendendum.

CAP. XXIV.

De rupibus Galeatis.

Navigando è Germanico mari versus Septentrionem tribus diebus, antequam introitus appareat ad Regiam civitatem Holmensen regni Suetiæ, occurrit admirabilis portus Lingua vulgari gentis *Hielmsnabben*, vel *Elgxnabben* appellatus: eo quod onagri, qui *Elga* dicuntur, propter attractum suavis venti eo concurrere consueverunt: vel etiam quia montes, in quorum lateribus portus sunt, ita à natura formati videntur, ut galeæ militares putentur insculptæ: quasi ars non sufficeret in armis fabricandis, nisi & natura monstraret; quid bellicosus populus Aquilonem inhabitantibus conveniat in armorum tractatione. Sed revera, uti portus is ob omnes ventos, & tempestates arcendas insignis est, ut vix similem in tota Europa habeat: ita & hostili sanguine respersus; ut ibidem quasi omnium Aquilonarium bellorum initium, medium, & finis inveniatur. Saepe etenim classis hostilis, quæ violentia tempestatum, in vasto mari vario Marte congregari non poterat, huc depulsa, vel inducias ab adversario petere, vel ipsa sua spon-

te, vel simulatione cogitur offerre, vel inevitabile mortis aut captivitatis discrimen inire: quo enim ut salvus evadat armatus non invenit. Si enim litus, aut portum exierit, cæca saxa, rupesque minaces apparent: quæ cum levi motu in gurgitem, ut pacem præstet, immittunt. Si vero in apertum mare exire voluerit, obstat horrenda tempestas, ne visu quidem ad ictum oculi toleranda: quia Aquilonaris, Orientalisque ventus ea in loca totaliter est procellosus. Præterea tempore hostili terrarum incolæ subtrahunt littoralia signa, ne hostis accipiat tantillulum quidem spatium, ut effugiat poenam: alioqui incessabili ferocia impetu facto, latronum classis, manusque impiorum, hunc portum occuparet: ubi nihilominus classica bellorum præludia frequentius inchoari solent.

CAP. XXV.

De angustiis portuum lapidosorum.

Sunt præterea non exiguæ formidinis angustii exitus & introitus æquoris Aquilonaris, præsertim ab aperto mari navigando versus Holmensem civitatem: quæ regia est, & insigniter à natura ac arte munita, ut meritò trepidare cogantur aggressuri, quæ

quæ fides, vel fraus sit nautarum, in immin-
 nentibus periculis prosperius exuperandis.
 Præcipuus tamen, & periculosior est locus
Steendor, id est, porta lapidum appellatus,
 eo quod arctis faucibus, & lunatis cornibus,
 quoquo versum obliquatur, hoc est, quan-
 doque per modum Scythici arcus, quando-
 que mucronis aspectu evitatur à nautis: in
 quibus longe periculosius, ob exortas den-
 sissimas nebulas, & caligines, errare con-
 tingit, quàm in amplissimo Oceano, subor-
 ta validissima tempestate. Nec procul ab
 eo sinu saxosæ rupes imminet, sub aquis
 latitantes: in quas quicumque inciderint,
 quasi vivi sepulchro teguntur. Nec silent
 annales Gothici, quondam in eisdem ru-
 pibus multa millia Germanorum ac Dano-
 rum repentino descensu fuisse perempta.
 Magis namque præsumptuosa, quam exper-
 ta navigatione, saxæas has angustias sunt
 ingressi: veluti etiam in alios sinus Septen-
 trionales, qui non secus in mari naviganti-
 bus apparent, quam ingentissimæ trabes e-
 minentes in aquis, quæ solo aspectu terri-
 tant inspectores: nomen ab eventu, causa,
 gestis & natura (prout superius de irru-
 ptione aquarum eodem libro est ostensum)
 assumentes. Terribilioresque hostibus pi-
 raticis videntur, quam acies aliquæ milita-

C A P. XXVI.

De scopulis lapidosis, & via, per Idebenckia, periculosa.

Sunt insuper in littoribus Ostrogothorum, & Sueconum, ingentia saxa, partim apparentia, partimque latentia, longissimo ordine, quasi scamna arte vel industria collocata, vulgariter *Idebenckia* nominata: super quæ infelicissimi naufragantes quandoque sedere solent, mihiq;e, nisi Deus in gravi tempestate anno Domini M. D. xvii. opem tulisset, parata fuerunt. Vehementia enim ventorum navis urgebatur in ea latentia saxa: quæ velut declives muri oppidorum, vel castrorum, longo tractu apparent. In quos lapides qui negligentia vel inevitabili tempestate inciderint, maxime hostiles classes, aviditatem prædæ in littoralem populum (satis opulentum) meditantes, profecto omnium infelicissimi reputabuntur, dum terra marique horribilius, quam in carcere, circundantur inimicis. Terra quidem (quia fugientibus incolis cum armentis, pecudibus, ac suppellectili, ob subitum hostilem incursum) fame, quæ omnibus hostilior est, & frigore, omni-

tor-

tormento graviore, citissime consumuntur.
 Mari etiam, quoniam eo in loco (ut dictum est) sævissima solet esse tempestas: à qua etiam si arte, & labore vellent evadere, naturæ tamen severitati resistere non valebunt. Ubique enim præter aëris impetum (ut dictum est) saxa, seu rupes, in acutum apicem instar turrium elevata, periculum administrant: quæ, arcuatam flexilitatem & circuitum spuma prodente, sagaciter sunt circummeunda. Solent in his locis stragematibus utentes bellicæ classis præfecti, aliquot præliares naves, vel simulatas, ex industria, tempore hostili, signis inimicorum ornatas statuere, ut classis hostilis, eisdem visis, securius in periculum ruat. De quibus, quando videlicet sic interceptæ sint inimicæ naves, patriæ annales me tacente attestantur, atque hostilia ossa in scopulos disjecta, diligentius, quid cavendum sit, aperte demonstrant.

C A P. XVII.

De torrentibus rapidis.

Torrentes rapidi quasi infiniti, præcipue tempore resolutionis nivium ac glaci-
 rum, post finem Aprilis in Septentrionali-
 bus terris maximam ruinam indigenis affe-

rentes reperiuntur. Suo etenim impetu, qui vehemens, & horridus est, tam villas, ædes, & pontes lapideos, quam suffossas arte arbores, vel naturali propagine in terra radicatas, rapiunt, & exportant, quemadmodum de stagnorum irruptione & superius alio casu fuerat enarratum. Qui torrentes juxta imperuosam naturam suam nomen imprimunt urbibus, ac locis, ubi elabuntur: uti antiquissimum Ostrogothorum oppidum Scheningia dicitur ab amne, vel verius torrente, qui ob rapidissimum cursum vulgariter Schena appellatur, quasi equus abjectis habenis ad omnem præcipitem cursum accensus. Præterea fluvio non longe exinde distante, à continuo stridore Dentium nomen impositum est. Ita & rapido torrenti in provincia Middelpadiæ, ut supra dictum est, nomen Nodi impositum est: quia instar nodorum crustata mole glaciæ arbores compressas, imo & ingentissimos lapides, in sui dissolutione secum impetuosisime rapit & portat: eoque formidabilius hoc accidit, quo celerius provincias, & populos terrere, atque obruere solet. Nec aliud remedium hujus horrendæ depopulationis hætenus repertum est; quam viritim publica manu, collibusque effossis, aliorum divertere cursum: quem etsi Se-

ptentrionales populi in plerisque locis aver-
tunt, impetum tamen hunc sinunt, ut te-
merarium hostem cataraetis adhibitis præ-
cipiti ruina, laxatisque nodis involvant. Li-
cet autem superius nomina torrentibus ab
infelici eventu imposita sint, (ut alibi etiam
dicetur de submersis Episcopis euangeli-
zantibus, & sponsalibus ludis, & raptu vir-
ginum) tamen prudentioribus placuit, ut
à triumphis & victoriis, non à calamitati-
bus rei appellatio fiat.

CAP. XXVIII.

*De diversis formis littoralium
saxorum.*

IN littoribus Ostrogothorum, id est, Ori-
entalium, freti *Broviken* dicti, ubi et-
iam torrens vehementissimus per oppidum
Norcopense illabitur, variae admodum Lit-
toralium saxorum figurae, quasi humana
arte sculptae, vel politae forent, reperiuntur:
quod procul dubio cæli, & elementorum
secreto influxu fieri aestimatur. Quidam et-
enim horum lapidum, formam capitis hu-
mani, manus, pedes, & digitos habent: non
tamen integro corpore compaginatum,
sed distinctione naturæ taliter expoliti.
Gens autem illa talibus assueta spectaculis,
nd

nil hæc & similia curat, nisi in quantum solidis eorum muris, & structuris poterunt inservire. Reperiuntur etiam in montibus longe à mari distantibus, rupes naturali compagine, & rotunda concavitate formatæ, ut maximum aliquod caldarium æreum, vel thermarum concha putetur: prout videre licet apud Ostrogothos in monte *Ketilberg* vulgariter dicto (id est, monte cacabi) prope civitatem Lincopensem: unde mihi origo est. Cernuntur etiam in multis vallibus montium, infiniti lapides globali formati figura, quantitate capitis vitulini, vel ovi anserini, vel majoris, aut minoris: qui nulla artificum apposita arte bombardis aptantur. Item cotes plana longitudine reperiuntur ilico bono usui applicantur. Similiter & petreæ marmorei generis apud Vestrogothos, tam varii coloris & quantitatis habentur: ut sine dolabris quasi sculptæ sepulchrorum usibus adaptentur, quemadmodum libro duodecimo dicitur de naturali varietate saxorum ad quasvis structuras applicandorum. Sunt & Crystallini lapides, non longe ab Ostrogothorum opido Sudercopenfi, hexagona forma, quantitate pugillari vel digitali, dependentes: quorum splendore utique ad majorem ornatum fabricari possent ædes: si incolæ plus attenderent

derent ad pulchritudinem, quam firmitatem. Imo perpendentes, hostilem rabiem crudelius posse & velle, ob decorem structuræ, omnia devastare, magis fortificant, quam exornant quævis ædificia sua, quamvis introrsum insigni curiositate communiter sunt ornata: sed præcipue, ut infra dicetur, micantibus armis, thoracibus scilicet, & galeis, ac clypeis: in quibus gens illa omnem existimat inesse decorem, quia magna pars tuendæ securitatis ex his dependet: licet aliqua sunt atro colore picata, ob rationes inferius de bellis assignandas.

CAP. XXIX.

De saxis gigantum; & scaturigine fontium.

Quemadmodum superius libro primo dictum est de obeliscis gentilium, Regum, pugilum, & gigantum, quibus gesta eorum magnifica putabant fieri notissima perpetuæ posteritati, prout Saxo Sialandicus meminit de suo Regno Danorum Rege, qui quinquennali prælio contra Moscos, Russosque, in Aquilone commisso, res gestas reliquerit in rupibus altis, ne oblivione evanesceret, quod eas tot angustiis & difficultatibus pro claritudine honoris sui perpetrasset: Ita & de compluribus Gothorum, Sueonumque Regibus, ac heroibus.

cis viris: quorum adhuc magnitudo gestorum discernitur in eminentissimis locis Septentrionalium regionum. Inter quos præclarioris memoriæ recensentur, & æstimantur, qui curam bellicæ gloriæ sic moderati sunt, ut publicæ omnium commoditati profuisse viderentur. Qualis erat excellentissimus ille Rex Ubbo, conditor antiquissimæ civitatis Upsaliensis, atque Scarinus: & Ericus, cum plerisque aliis: quorum indelebilis memoria nedum in saxis campestribus aut montanis conscripta videtur, sed patriis carminibus, ac musicis instrumentis celebrioribus locis ac diebus, sempiternis tripudiis continuatur. Horum nanque fidelior cura fuit, provincialibus præfectis (pace ubique data) committere, ut præter arma, etiam venarum scaturigines præcipiti casu labentes, incolarum ministerio subderent molédinis, aut necessariis fontibus, ad publicam utilitatem ubilibet construend. s. Manant insuper ex rupibus, multis in locis tam abundantes & copiosi latices, ut naturæ, artisq; agilitate deducti, longo sed pulcherrimo aspectu, xv. aut. xxx. aquea molendina revolvant. Falonia Vestrogothorum nobilis provincia, ac populosa Helsingia, prout inferius de ferrariis artificibus ostendetur, stalia tanq; commoda spectacula monstrant.

89

OLAI MAGNI, GO-
THI, ARCHIEPISCO-
PI UPSALIENSIS,

DE

Superstitiosa cultura daemonum
populorum Aquilonarium,

EPITOME LIBRI TERTII:

CAP. I.

*De superstitiosa cultura Lituanorum
paganorum.*

ALBERTVS Crantzius, fidelis
Germanorum Historicus, qui
claruit anno M. D. & post eum
Mechovita Polonus, asserunt, Li-
tuanos tempore paganismi, dum Gentilita-
tis errore detinerentur, tria numina princi-
paliter coluisse, ignem videlicet, syvas &
serpentes. Ignem, quia omni sacrificio præ-
fertur: vel ritu Persarum seducti, qui ignem
ipsum Deum a bitrabantur, teste Herodo-
to: vel Ægyptiorum opinione ducti, qui
persuasum habebant, ignem animatam be-
luam esse, & omnia quæ nascuntur, devora-

re.

re, & postquam devorando fuerit expleta, una cum ipsa re devorata emori. Sylvas putabant sacras: omnesque bestias, more Ægyptiorum, eas incolentes, deos existimabant: poëta referente:

Habitarunt dii quoque sylvas.

Imo & hac fiducia multæ nationes ductæ, Reges ac principes suos, satis exutos, ut vel dii fierent, vel inter deos eveherentur, combusserunt, aut in sylvis ac lucis aureo torque sollemniter suspenderunt, quasi talibus sacrificiis laudem sceleris, mentiti numinis divinitatem, mererentur. Præterea serpentes ut sacros colebant, dum nemini nocere videbantur; ædium servatores, atque penates existimantes. Verum hæc superstitiosa cultura etsi penitus sublata videtur, reliquiæ tamen ejus, dæmonum instinctu, in nonnullis secretis solitudinum ædibus perseverat, sicuti in Septentrionalibus regnis Norvegiæ ac Vermelandæ. Ab eo tamen impio errore Anno 1386. prædicti Lituani purgati leguntur. tunc enim fortissimus eorum princeps Jagello cum octo fratribus suis (teste Mechovita) ad fidem Christi pervenit: in qua adhuc hodierno tempore religionis incrementis perseverat. Meminit præterea historicus antedictus, in confinibus Litanorum ac Moscovitarum, statuam esse

esse publico itineri impositam, quæ patria lingua *Zlotababa* dicitur, id est, aurea vetula: quam singuli viatores certis munusculis placant, etiam si pili valorem non excedant, alioquin suscepti itineris nullam habituri securitatem.

C A P. II.

De Supplicarium hominum superstitiosa cultura.

Nec extrema Septentrionis portio (quam plerique ob intensissima frigora inhabitabilem putant) immunis est à sacrilegis ritibus culturaque demoniorum, statuto eorum tempore impendendis. Habent etenim gentes illæ sylvestres (uti reliquæ orbis nationes, quæ videntur his civiliores) non exiles causas, quibus publicum errorem, & mentitam in rebus etiam frivolis divinitatem quærant, & tueantur. Solem igitur toto ætatis cursu eis lucentem adorant, gratias ei offerentes, quod lumen contra tenebras perpellas, & calorem contra immensa frigora adducit: quæ quantumcunque intolerabilia videntur, nunquam tamen improperis, more quorundam Indorum execrantur, sed tantum dicunt: Hæc fatua, ac stulta sunt frigora, atque tenebræ mensuram
exce-

excedentes, &c. Simili etiam ratione Lunam adorant, quia hyeme remoto Sole continue ejus utuntur lumine: quo propter interlunium deficiente, sub lucidissimis stellis, nivium candore clarius micantibus, quæcunque negotia sua etiam diurno tempore disponunt. Præterea gentes illæ suppolares stupidiore quodam errore dæmonum illuduntur. Rubrum etenim panum pertica vel hasta sursum appensum, attentis precationibus, & cultiore ritu venerantur, divinam quandam virtutem, propter colorem rubeum animalium sanguini similem, eidem inesse putantes. Similiter quia ejus inspectione arbitrantur se fortunatiōres fore beluarum interemptores, earum sanguinem ebibentes, prout inferius dicetur de moribus Lappomannorum. Est etiam nonnullis gentibus Septentrionis mos quicquid primo diei diluculo in cælo, terra, vel aquis vivum apparuerit, hoc ipsum usque crepusculum ejusdem diei pro numine fideliter adorare, utpote aves, animalia, pisces, ac ipsos serpentes & vermes, & præcipue cervum volentem: quem ob cornua, quibus capita juvenum exornantur, inter nobiliora reptilia honorant. Ne etiam prædicti Septentrionales homines in conspectu suorum numinum appareant vacui, certas obla-

oblaciones ex ossibus sylvestrium animalium, & grandium cetorum ac piscium, veneratione quæditorum, faciunt: tamen ossa æstivo tempore non incendunt, (ne solis lumini, vel ardori videantur illudere) sed horrenda surgente hyeme sub publica con-
gressione pro honore dierum comburunt, eo sacrificio debitam reverentiam numinibus afferre credentes. Tanta gentium in rebus frivolis religio est.

C A P. III.

De tribus Diis majoribus Gothorum.

ERant apud veteres Gothos paganos, quemadmodum clare clarissimus frater & antecessor meus Joannes Magnus Archiepiscopus Upsaliensis in principio suarum historiarum asserit, tres dii prima veneratione observati. quorum primus erat potentissimus *Thor*: qui in medio triclinio strato pulvinari colebatur: cujus hinc inde latera duo alia numina, *Odhen* videlicet, & *Frigga*, cingebant. *Thor*, inquiunt, præsidet in aëre tonans, & fulgurans, ventos & nubes serenitatemque gubernans, fruges administrans cum fructibus universis, pestesque tollens. Alter *Odhen*, hoc est, fortior, bellis præsidet, hominibus in ho-
stes

stes auxilia subministrans, ipsi *Thor* à dextris collocatus: tanto opinionis fulgore clarus, ut ipsum non secus, quam datum mundo lumen omnes gentes amplecterentur, nec ullus orbis locus extaret (Saxone testante) qui numinis ejus potentiae non pareret. Tertius *Friga* pacem, voluptatemque moderabatur: cujus etiam simulachrum turpitudinem sexus præ se ferebat: & ob id tantum apud Gothos, quantum Venus apud Romanos venerabatur: diemque Veneris usque ad nostra tempora sibi retinet consecrarum. Pingebatur gladio & arcu cum armis, quod in illis terris uterque sexus semper ad arma promptissimus esset. *Thor* autem cum corona & sceptro ac XII stellis designabatur: cujus magnitudini nihil digna æqualitate conferri posse existimatum est. Obtinuitque diem hebdomadatim, imo & mensem primum totius anni, quem *Januarium* dicimus. *Odhen* vero armatus sculpitur, uti *Mars*, simili gentilium superstitione apud Romanos: diemque obtinuit æterna memoria suo nomini consecratum. Et quia vivus tota Europa divinitatis titulum, quod nulli in arte militari cederet, assecutus fuisset, hinc evenisse creditur, ut Gothi (sicut D. o Græcus, *Ablabius* & *Jornandes* testantur) Martem, quem

Deum

Dēum belli putavit antiquitas , apud se dicerent progenitum , prout etiam asserit Poëta.

Gradivumque patrem Geticis qui præsidet armis.

Quem Gothi semper asperrima placavere cultura , morte scilicet captivorum , opinantes, bellorum præsidem aptius humano cruore placari. à quo vicissim omnem bel- ligerandi industriam adeo perfecte didice- runt , ut devictis Europæ & Asiæ potentis- simis imperiis , summum fortitudinis gra- dum reportarint.

C A P. II II.

De tribus Diis minoribus.

P Ræter hos tres Deos supradictos cole- bantur & alii complures : qui (ut ait Saxo) miranda præstigiarum machinatione callentes, obtentis simplicium animis, divi- nitatis sibi fastigium arrogarunt. Quippe non solum Gothos, verum etiam omnes Aquilonares provincias, vanissimæ credu- litatis laqueis circumventas, ad cultus sibi pendendi studium concitantes, præcipuo suæ ludificationis contagio resperferunt. Adeo nanque fallaciæ eorum effectus per- crebuit, ut in ipsis cæteri quandam numi-
num

num potentiam venerantes, eosque deos, vel deorum complices autumantes, beneficiorum autoribus solennia vota dependerent, & sacrilego errori respectum sacris debitum exhiberent. Inter quos quidam Methotin, arte Magica insignis, excellentem fictæ dignitatis opinionem sibi arripient, simplicium hominum animos præstigiöse artis fama seductos, ad præstigiösa libamenta sibi pendenda adduxit. Hic, cum esset summus deorum pontifex, sacrificia cæremoniasque ita distinxit, & ordinavit, ut discretus superum cuique cultus, & libatio observaretur: asserens, deorum offensas communibus sacrificiis, aut permixtis cæremoniis, expiari non posse. Tandem sceleribus ejus detectis, concursu populi occiditur, occisusque pestifera cadaveris sui contagione plurimos perimens, tumulo extrahitur, ac palo infigitur, uti vanitatis suæ præstigia meruere. Froë quoque deorum satrapa sedem haud procul ab Upsalia habuit: ubi veterem libationis morē tot gentibus ac seculis usurpatum, tristi infandoque piaculo mutavit. Siquidem humani generis hostias mactare aggressus fæda superis libamenta persolvit. Cui tandem in numerum deorum relato, & quia Deus sanguinis haberetur, furvæ hostiæ immolabatur,

tur, lectisterniaque & ludi nocturni annuo feriarum circuitu (uti aliquando Romæ Diti, & Proserpinæ) consecrabantur. Vagnoflius & Hadingus non impari æstimatione venerabantur, quia præcipuam opem in arduis bellis promptius adhibere credebantur. Rosthicphum Finnonicum, quod exquisitis præscientiæ studiis vivus excellisset, post fata in deorum societatem translatum crediderunt. Rostarus additur his: cuius stupenda immanitas humani sanguinis sacrificio ita placari voluit, ut sibi illorum, quos cultores sui oppressuri essent, animas dedicarent. Demum complures alii, potentissimi Thoronis aut Othini filii existimati, honoribus à populo donabantur, ac publico digni libamine censebantur. Quomodo autem, aut quibus artibus hi, similesque, tantam divinitatis opinionem cultumque obtinuerint, videatur inferius Lib. v. de gigantibus, & pugilibus, cap. 1, versus finem.

CAP. V.

*De magnifico templo Deorum
Septentrionalium.*

Cum fere totus orbis olim innumeris
superstitionibus, dæmonum instinctu,
E ubi-

ubique illuderetur, non incongruum putavi, adhuc evidenter ostendere, quibus locis Gothica, seu Suetica, ac Septentrionalis natio, pagana superstitione seducta, paruerit idolis insensatis: ut agnoscat, multa loca (sicuti dæmoniorum genera) fuisse quibus indebitus cultus offerebatur. Templum igitur (de quo charissimus frater & antecessor meus D. Joannes Archiepiscopus Upsaliensis lib. 1. Histor. meminit) nobilissimum à tempore Nini prope fluvium Sala erat. ubi hodie Upsalia Sueonum ac Gothorum primatialis & archiepiscopalis sedes est. Quod adeo magnifico apparatu constructum venerabantur, ut nihil in ejus parietibus, laqueariis, aut columnis, nisi auro splendidum videretur. Tectum præterea totum auro fulgebat: à quo aurea catena dependens, totum templum ad mœnia, domusque fastigia, cinxisse memoratur. Quo factum erat, ut templum in ampla planicie situm, admirando sui fulgore venerandam religionis majestatem accessuris ingeneraret. Astabat ejus foribus arbor ingens ignoti generis, patulis diffusa ramis, æstate & hyeme juxta virens, non tamen de earum arborum genere, quæ suapte natura, ut laurus, oliva, palma & myrtus, virere videntur: quin in Aquilone nulla unquam

quam oliva, vel laurus, nisi in parvo frutice pro spectaculo Vastenis exurgere visa est. Eratque fons huic templo propinquus qui scaturiit in locum sacrificiorum: de quo mox infra dicetur. Et hæc sufficiant exteris nationibus de tali ritu Gothorum nonnihil vanitatis intellexisse. Nunc rursus Aquilonaribus indicare congruit, quod soli illi irretiti vel illusi non fuerint hac vanitate. Nunc autem Deo propitio fatendum est, eo in loco, scilicet Upsalæ, perpetuis temporibus, die præsertim XIX. Maji, divinæ religionis ad populum quasi innumerabilem, præsentem Rege ac principibus & nobilibus utriusque sexus, fieri catholicas prædicationes: ubi olim tot ac tam impiæ factæ sunt spurcitæ & abominationes, ac hominum, imo charorum parentum & amicorum, mactationes.

C A P. VI.

De sacris & sacrificiis Gothorum.

ERat olim in sacrificiis Gothorum, ut in historia Sueonum Gothorumque lib. I. cap. 12. comprehenditur, numeri novenarii observatio admodum accepta: forte quia Pythagorica philosophia (quam à Salmoxe & Diceneo didicerant) monuerit,

numerum imparem in omnibus præponi oportere. Et quamvis diis suis summum cultum hebdomadatium & quotidie exhiberent: tamen omni nono mense solenniorum venerationem ipsis impendentes, novem dies sacrificiis rite ac religiose absolvendis tribuerunt: singulisque diebus novem animantium genera immolabant, quibus etiam humanas hostias adjugebant. At post novendium per summam totius regni celebritatem templum Upsalix antedictum frequentissimo incolarum accessu visitabatur, ibique novendialibus feriis & præscripto sacrificiorum numero diis libamenta ad aram mactabantur. Homo autem quem fors immolandum obtulerat, in fontem, qui ad locum sacrificiorum scaturiebat, vivus immergebatur: qui si facile efflaret animam, faultum renunciabant sacerdotes votum: moxque inde ereptum in vicinum nemus, quod sacrum credebant, suspendentes inter Deos translatum affirmabant. Quo factum erat, ut beatum se crederet, qui ea immolatione è vivis excederet. Accidit nonnunquam Reges ipsos simili sorte delectos victimari. Quod quia faustissimum regno libamen æstimabatur, totius populi multitudo cum summa congratulatione tam insignem victimam prosequere-

quebatur. Enimvero sic defunctos non omnino mori, sed tam illos quam se ipsos immortales esse, persuasum habebant: maxime ex Salmoxe, Zenta, Dicenceo, ut Dion, Ablabius, Jornandes, Strabo, & alii referunt: qui & asserunt, Gothos multis rationibus excellentius sapientiæ studuisse, ideoque opinionem de immortalitate animæ induisse, quod (ut ait Herodotus lib. 4.) seniori non putantes dicerent: eos qui vitam functi essent, in alium quempiam locum amœniorem demigrare. In quo Deum quendam Bleyxen præsidere affirmabant, ad quem assidue præter superius expressum modum, cum nave quinque remigum nuncium quempiam ex se ipsis forte delectum mittebant, præcipientes, ut ea, quibus indigerent, à liberalitate Numinis impetrarent. Modus mittendi nuncii is erat. Quidam eorum aliquot lanceas acutas in altum tenebant, super quas alii ipsum, qui destinandus erat, manibus pedibusque correptum injiciebant, qui si statim cadens extinguatur, propitium sibi Deum arbitrabantur, quod nuncium facile exceperit. Si autem secus accidisset, ipsum nuncium insimulabant malum esse virum, qui indignus esset ad Deos destinari. Itaque eo abjecto alium mittebant, dantes adhuc viventi man-

data, quæ apud ipsum numen prosequatur. Deinde præmissa jactatione extinctum, marinæ voragini opera eorundem quinque remigum tradiderunt.

CAP. VII.

De superstitionibus Gothorum circa tonitrua.

PRæterea tam obstinato animo deorum suorum cultum (ut etiam in eadem hist. Gothorum & Sueon. lib. 1. cap. 12. habetur) observabant, ut concitato in nubibus fragore, sagittas ex arcubus in aëra excutientes ostenderent, se opem afferre velle Diis suis, quos tunc ab aliis oppugnari putabant. Nec ea temeraria superstitione contenti, inusitati ponderis malleos (quos Joviales vocabant) ingenti ære complexos, magnaque religione cultos, ad eum usum habebant, ut per eos tanquam per Claudiana tonitrua & per usitatam rerum similitudinem, cœli fragores (quos malleis cieri credebant) exprimerent, tantique sonitus vim, fabrilium speciem imitando, deorum suorum bellis sic adesse, admodum religiosum existimarent. Durabat is Jovialium malleorum usus usque ad annum à Christo nato millesimum centesimum trigesimum, cum

cum Magnus Gothorum Rex Christianæ
 disciplinæ studio paganam superstitionem
 perosus, & sanum cultu, & Joveni insigni-
 bus spoliare, sanctitatis loco habuit: qui
 propterea ad multa tempora à Gothiis per-
 inde ac cœlestium spoliiorum sacrilegus ra-
 ptor reputatus est. Solebant etiam Gothi
 processuri in prælium, equos ad aras im-
 molare, quorum absceidentes capita con-
 trisque excipientes, subjectis stipitibus di-
 stentos faucium rictus ante acies præfere-
 bant. Nec tantum victimas ante bellum,
 verum etiam post superatos hostes hostias
 immolabant, magnificosque ludos in ho-
 norem Deorum faciebant: in quibus effœ-
 minati corporum motus scenicique mimo-
 rum plausus, ac mollia nolarum sive ærii
 crepitacula ostendebantur. Hæc & alia exi-
 mia sacrificiorum genera potissimum facie-
 bant, ut diis juvantibus nulla bellorum vi
 superari possent. Adeo eis arma in deside-
 rio & continuo usu erant, ut reliqua omnia
 humana studia, nequicquam comparanda
 rei militari putarent. Præerant his sacris
 disparium graduum sacerdotes, Pontifices,
 Archiflamines, Flamines, Salii, Augures:
 quorum primis, utpote Pontificibus, per-
 missa erat par cum Regibus potestas, tan-
 taque autoritas, ut quicquid illi vel suade-

164 DE SUPERST. CVLT. DÆM.
rent vel juberent, quasi de coelo sonuisset ;
fet, mox ipse Rex & populus alacres exe-
querentur. Instruxerunt gentem plurima
sapientia, selegerunt sacerdotes, religionem
fundaverunt. Testatur Dion Græcus, huic
genti nulla ætate defuisse Pontifices, qui
eos in sapientia erudirent. Erat. quoque
inter eos genus Pontificum illustrius, quos
Pileatos, & Pios vocaverunt, ex quibus
Reges & Sacerdotes sibi cooptabant, pro-
ut Jornandes latius prosequitur: qui dicit;
eos vocari Pios, & exire solitos urbium
portas cum citharis & vestibus candidis ob-
viam suis Gothis triumphantibus, ut Deos
placarent.

C A P. VIII.

De impugnatione Deorum.

Rursus in aliam devenire stultitiam &
superstitionem, ut Deos bellicis suis
expeditionibus non faventes aut non ju-
vantes diversis armorum generibus contra
coelum extensis, putarent opprimere se
posse, vel minis & terroribus, ut imperata
facerent, coërcere. Et hoc inaniter facien-
tes, existimabant, se non minoris potentiae
in terra timendos venerandosve fore, quam
hos apud superos vel inferos collocatos.
Sed non advertunt vetus proverbium Go-
tho-

thorum, Ne projiciendus sit contus in cœ-
lum, unde densior remittitur clava.

C A P. I X.

De fatalibus Sororibus & Nymphis.

ERant præterea in Aquilonaribus terris
nonnulla templa Dianæ & Cereri con-
secrata, ædesque fatalium sororum, absque
humana ope præstigioso quodam artificio
extructæ, quas antiqui super futuris libero-
rum eventibus parcarum oracula consultu-
ri, nuncupatis solenniter votis precabundi
accedere consueverunt, ubi introspecto fa-
cello, quandoque ternas, quandoque plu-
res sedes totidem Nymphis occupari cog-
novere: quarum aliæ liberalem pueris for-
mam, uberemque humani favoris copiam
erogabant: aliæ vero liberalitatis aut alia-
rum virtutum excellentiam condonabant:
demum aliæ protervioris ingenii reliqua-
rum donis officere cupientes, futuris pue-
rorum moribus parsimoniæ aut aliud cri-
men affixerunt. Nec solum pueris, verume-
tiam ætate proVectis: & quandoque Regi-
bus, hujusmodi præstigiosarum artium
commentis ludificatum fuisse comperitur.
Hotherus siquidem Rex Suetiæ & Daniæ,
inter venandum errore nebulæ à retiariis

longius avulsus, in quoddam sylvestrium virginum conclave incidit, à quibus proprio nomine salutatus, quænam essent perquirat. Illæ suis ductibus auspiciisque, maxime bellorum fortunam gubernari testantur. Sæpe enim se nemini conspicuas præliis interesse, clandestinisque subsidiis optatos amicis præbere successus: quippe conciliare prospera, adversa infligere posse pro libito, memorabant: hortatæ eum, ne Balderum arcano superum semine procreatum, armis laceggeret. Quo accepto Hotherus labentis hospitii tegmine defectus, sub dîo se relictum, totiusque expertem umbraculi, mediis repente campis expositum conspicatur. præcipuè tamen puellarum præpetem fugam, locique versatilem situm, ac fallacem ædis imaginem mirabatur. Ignorabat enim quæ circa se gesta fuerant: ludibrium tantum inaneque præstigiosarum artium extitisse commentum. Deinde aliquot evolutis annis, idem Hotherus acerrimis contritus bellis, extrema locorum devia pervagatus, insuetumque mortalibus nemus emensus, ignotis virginibus habitatam fortè reperit specum. Easdem esse constabat, quæ eum insecabili veste quondam donaverant. A quibus cur eo locorum venerit interrogatus, infaustos belli declarat eventus. Ita-
que

que fide earum damnata, gestarum infelici-
 ter rerum fortunam tristesque casus defle-
 re coepit, secus sibi cessisse questus, quam
 ab ipsis promissum accepit. At Nymphæ
 eum, quanquam rarò victor extiterit, æ-
 quam tamen hostibus cladem ingessisse di-
 cebant: nec minoris stragis authorem fuisse
 quam complicem: cæterum affuturam
 victoriam, si edulium augendis inimici viri-
 bus excogitatum præripere potuisset; quo
 eveniret, ut omnia votis suis prospiceret suc-
 cessura. Sicque dimissus vires reparat, mi-
 litiamque conscribit in hostem. Cujus ca-
 stra dum pervigil observabat, vidit excessisse
 tres Nymphas arcanae dapis gerulas, quas
 cursim insequens (nam earum fugam rosi-
 da prodidere vestigia) tandem tecta quibus
 assueverant subit, citharæque (cujus periti-
 tissimus erat) dulcissimo ministerio accura-
 ti nitoris cingulum potentemque victoriæ
 zonam ab eis obtinuit: atque itinere quo
 venerat repetito, hostem obvium ilicò le-
 thifero vulnere fudit, ut postridie Proserpi-
 næ, quæ sibi per quietem astare aspecta
 est, transmitteretur.

CAP. X.

De Elvarum, id est, spectrorum nocturna chorea.

Solent quoque nocturni viatores, gregumque & armentorum excubiis intenti, portentis diversi generis circumfundi. Velut Hotherus Rex (teste Saxone) tres Nymphas ad earum antra secutus, victoriæ zonam & cingulum impetravit. Quandoque verò saltum adeò profundè in terram imprimunt, quod locus cui assueverant, insigni ardore orbiculariter peresus, non parit arenti redivivum cespitem græmen. Hunc nocturnum monstrorum ludum vocant incolæ Choream Elvarum: de quibus eam habent opinionem, quod animi eorum hominum, qui se corporeis voluptatibus dedunt, earumque quasi ministros se præbent, impulsuique libidinum obediunt, ac divina & humana jura violant, corporibus elapsi circum terram ipsam volutantur. E quorum numero credunt eos esse, qui se adhuc nostro sæculo in effigie humana accommodare solent ministeriis hominum, nocturnis horis laborando, equosque & iumenta curando, ut infra de ministerio dæmonum. hoc eodem libro ostendetur.

CAP. XI.

De pugna contra Faunos.

Cum varia portenta innumeraque præstigia penè per totum orbem olim fuisset transacta testetur antiquitas, lemures videlicet & faunos, satyros, larvas, aquilas, striges, lamias, manes, panumque catervas; quibus homines aut indicibili terrore & laniatu ad extrema fata crudeliter rapiabantur: non putavi silendum fore, quibus ingenii & armis hujusmodi spectris apud Aquilonares occurrebatur. Traditur enim, nobiles Gothorum athletas cum monstribus, & inusitatæ feritatis beluis, vel ob imbecillorum hominum liberationem, vel experiendæ virtutis gratia, sæpe solos pugnasse: cavebantque, ne comitatiores beluam aliquam aggredierentur, quam fortium virorum permetteret consuetudo. Regnerus Sueticus pugil & Rex, adversus obsœenissimas nocturnorum portentorum catervas, à Thorilda noverca muliere crudelissima immixtas, noctem dimicando permensus, luce reddita, in varias larvarum formulas & inusitata specierum figmenta, passim in arvis incidisse cognoscit: inter quas Thorildæ etiam ipsi crebris obsusa vulneribus effugies

vise.

visebatur. Quo facto & athleticam sibi claritatem accivit, & paternum regnum ab inimicis eripuit. Præterea Broderus quidam & Buchi cum Rege Gormone, novum audaciæ genus complexi, hæreditarium Gothicæ fortitudinis spiritum, scrutandis rerum naturæ vestigiis, exculturi, iter omni refertum periculo ac penè mortalibus invium aggrediebantur. Ambitorem nanque terrarum Oceanum navigantes, Solem postponentes, ac sydera sub chaos pervagantes, ac demum ultraterram Biarmiæ in loca lucis expertia (prout capite primo libri primi ostensum est) jugibusque tenebris obnoxia pervenientes, cum incredibili monstrorum grege pugnam conferuerunt. Siquidem incurfantes se Lamias, abactis undique spiculis incessabant, areumque & fundarum tormentis agmen obtrivere monstruosum, prout Saxo Danorum historicus, antiquitatum diligentissimus indagator, libro octavo de Rege Gormone præfatur. Extat etiam inter veteres historias relatum, quomodo Hothierus Regis Suetiæ filius pernox attenta curis mente languescens, obumbrantem tabernaculo suo Satyrum Memmingum hasta petivit, obrutumque ictu, nec satis fugæ potentem, vinculis intercepti: ultimo deinde per summam

EPITOME LIB. III. 111.

verborum atrocitatem minatus, ensem armillasque, quorum notitiam habuit, deposcit. Nec segniter Satyrus salutis redemptionem, quæ ab ipso petebatur, exhibuit. Ad eò cunctis rebus prior est vita, cum nihil apud mortales spiritu charius existere soleat.

C A P. XII.

De Divinatione.

Satisfaciendo huic titulo, præmittere oportebit verbum Catholici doctoris Chrysostomi, dicentis in Homilia: *Erunt signa in Sole & Luna, &c.* quod nulla creatura est, quæ tantum futura scire desiderat, ut homo, &c. Quo considerato, insuper fatendum erit. nullam unquam gentem tam humanam tamque doctam, imò nec tam immanem aut barbaram fuisse, quæ non significare futura, & à quibusdam intelligere ac prædicere consueverit: maxime tamen Aquilonares homines, quos studio futura præsciendi occupatos fuisse comperio: quandoquidem volatibus avium, saltu, sonoque piscium, cantibusq; & exhalationibus montium, &c. ut certissimis signis declarari res futuras putabant. Nullum bellum, nullum negotium publicum, nec domi, nec militiae
sine.

sine auspiciis gerebatur. Nec sola aruspici-
 cum disciplina, sed sortilegium, aëroman-
 tia, geomantia, pyromantia, necromantia,
 insuper etiam somnia graviora, si quæ ad
 Rempub. pertinere visa sunt, à summis præ-
 fidibus acceptabantur. Othinus, Hadingo
 Regi, contra Jocherum Curetum tyrannum
 bella moturo, captivitatem prædixit, quæ
 non aliter quam eo ordine quo prædixit e-
 venit. Govarus Norvegiæ Rex adeo do-
 ctissimus divinandi erat, indultriaque præ-
 sagiendi excultus, ut quicquid in Saxonia
 contra se tentaretur, prævideret in Norve-
 gia ultra 100. miliaria Germanica consti-
 tutus. Gormo cognomento Impius, profu-
 so in somnum animo, existimavit conjugem
 suam duos alites genuisse, sed alterum alte-
 ro grandiorem: corpora superne librantes
 præpeti cælum volatu petere, exiguoque
 tempore interjecto reversos, suis altrinse-
 cus manibus infedisse: secundo quoque ac
 tertio parvula quiete recreatos, propan-
 sis alis aëri se credidisse, tandemque minorem
 ex his, ad se (pennis cruore oblitis) comite
 vacuum remeasse. Cujus somnii veritas sic
 declarata est. Duo ejus filii subactis Anglis,
 Sclavis & Hybernis, prospera usi sunt for-
 tuna, donec natu major in bello concide-
 ret, minor vero fratre orbatus pennas cruo-

re oblitus referre videretur. Magnus Norvegix & Daniæ Rex cum nocte, qua bellum Sclavicum insecutum est, se sopori dedisset, imago cujusdam dormienti obversata prædixit, cum hoste superiorem futurum, inque aquilæ nece, victoriæ fidem auspiciæque sumpturum. Expergefactus Rex, visionis ordinem magna cum admiratione vulgavit, progressoque exercitu Aquilam, quæ in quiete monstrata fuerat, cominus conspectam pernici equo advolans hasta petivit, fugamque alitis veloci jaculo præcucurrit. Arripuit igitur omen exercitus, & primum pugnandi occasionem corripiciens, eodemque eventu quo omine dirigans, inimicos superavit. Valdemari Regis exercitum ad bella progredientem, tam celeriter corvorum greges intervalasse produntur, ut complures se erectis militum hastis feriendos objecerint. Victus ab eo Sifno rex & totus ejus exercitus, corvorum laniatui substratus augurii declaravit eventum. Biorno insignis athleta insulam quandam incitatissimi fluminis ambitu munitam, cum electa pugilum manu complexus, vidit per quietem egressam undis beluam, quæ tristes ore flammæ egerens, continenter cuncta incendio daret. Sequenti luce Fridlevus rex superatis impetuoſi amnis vorticibus, pugi-

114 DE SVPERST CVLT. DÆM.
pugiles omnes (Biornone excepto) ferro
consumens, somni modum explevit.

CAP. XIII.

*De arte magica Erici Ventosi pilei,
& aliorum.*

Hic Ericus Rex Suetiæ in arte magica
nulli suo tempore secundus habeba-
tur: tamque familiaris erat malis dæmoniis,
quorum cultui summopere vacabat, ut quo-
cunque verteret pileum suum, confestim
inde oblatus ventus aspiraret. Quo eventu
inditum illi nomen fuit, ut Ventosus pileus
diceretur. Creditumque à multis erat, Re-
gnerum Daniæ regem, hujus Erici nepotis
sui ductu, in remotissimas orbis partes pira-
ticam feliciter extendisse, multasque regio-
nes & munitissimas urbes ejus ingenio sub-
jugasse: demum cooperatorem fuisse, ut
procerum consensu & electione in Regem
Suetiæ assumeretur: quod ei diuturnum
felixque permansit donec senio moreretur.
Præterea alter quidam Ericus cognomine
Emundus, cum navigare statuisset, & qui-
dam nautarum per quietem vidisset, per in-
cultas montium juga lascivo admodum e-
quo se provehi, eoque cursum citante, in-
ter vallium opaca præcipitatum crebris no-
ctua-

ctuarum unguibus laniari : idque mane per
jocum sodalibus retulisset : Rex ipse non
minus in divinatione quam magia peritus,
ea visione veluti periculi præmonitus, ne
eum navigationis comitem haberet, in aliud
se navigium conferri præcepit : Et ita per-
euntibus sociis, regis navigium est salva-
tum. Cæterum Frotho Danorum Rex,
proprio fratre Haraldo insidiosè perempto;
ne & innocentes pueros nepotes suos Ha-
raldum & Haldanum truculenter perde-
ret, tutores eorum in specu subterraneo ca-
tutorum specie (Saxone teste) eos serva-
bant ac nutriebant, variis figmentis affir-
mantes, eos à lupis noctu fuisse devoratos.
At Frotho, mortis eorum fide repudiata,
lateb & locum ex perita augurii fœmina co-
gnosce e institit : cujus carminum tanta vis
erat, ut rem quantalibet nodorum conser-
tione perplexam, è longinquo solo sibi con-
spiciam, ad contactum evocare posse vide-
retur. Hæc Regnonem quendam, occulte
circa illos educationis officium peregrisse,
eosque tegendæ rei gratia caninis censuisse
nominibus astruebat. Qui cum inusitata
carminum violentia latibulis egestos, incan-
tantis obtutibus admoveri se conspicerent,
ne tam horrendo coactionis imperio pro-
derentur, gremium ejus, accepti à tutori-
bus

bus auri incussione perfundunt : quæ recepto munere repentina morbi simulatione par exanimi concidit. Perquirentibus Regis ministris causam tam subiti lapsus, inscrutabilem puerorum fugam existere memorabat : quorum eximia vis etiam atrocissimos carminum temperat effectus. Ita parvulo contenta beneficio, majus à rege præmium præstolari desiit. His itaque & similibus argumentis deprehenditur, quantopere divinationis & magicæ artis potentia apud antiquos venerabatur : quæ nunc certa negligentia remittitur & annihilatur, efficientibus id prognosticationibus, auguriis, extispiciis, ignispiciis, hydraulicis, sortibus vestigiariis, & mille aliis ritibus sacri legis, dæmoniorum illusionibus adinventis. Utuntur nihilominus adhuc certis divinationibus, (causis naturalium rerum approbatis) etiam sortibus, ligni particulis duabus, tribus, vel pluribus in urnam projectis, ut earum colore candido, fusco vel rubro, hæreditates distribuant personarum.

C A P. XIV.

De magicis mulieribus.

A Rtem magicam apud Septentrionales populos quantum calluerint olim mulieres

lieres aliquot, paucis exemplis ostendetur.
 Hagberta Vagnosti gigantis filia insolito
 suæ granditatis aspectu, nunc contractioris,
 nunc exilis, nunc defluentis substantiæ,
 modo corrugata, modo explicati corporis,
 situm arbitraria mutatione transformare
 solebat: atque nunc proceritate cœlis inve-
 cta, nunc in hominem angustioris habitus
 composita, cælum deponere, terram su-
 spendere, fontes durare, montes diluere,
 naves sublimare, deos infimare, sidera ex-
 tinguere, tartarum illuminare posse crede-
 batur. Hadingo rege cœnante, alia ejus-
 dem artis scœmina, cicutarum gerula, pro-
 pter foculum humo caput extulisse conspe-
 cta est, porrectoque sinu percontari visa,
 qua mundi parte tam recentia gramina
 brumali tempore fuissent exorta: cujus co-
 gnoscendi cupidum Regem, proprio obvo-
 lutum amiculo, refuga secum sub terras ab-
 duxit: ostensisque infernalium regionum
 monstris, tandem mundo restituit. Craca
 Norvegiana mulier, futuri filii sui Rolleri
 fortunæ consultura, pulmentum parat: cui
 tabificum humorem trium colubrorum su-
 perne tenui recte depensorum instillabat.
 Sed Ericus Cracæ privignus, dapem filio
 Rollero paratam ad se transtulit: fausta que
 dape reffectus, interna ipsius opera ad sum-
 mum

mum humanæ sapientiæ pondus evasit.
 Quippe epuli vigor supra quam credi pote-
 rat, omnium illi scientiarum copiam inge-
 neravit, ita etiam, ut ferinarum pecuda-
 liumque vocum interpretationem calleret.
 Præterea tam comis atque ornatu eloquii e-
 rat, ut quicquid differere cuperet, continuo
 proverbiorum lepore poliret. Hujus con-
 silio Frotho Rex, potentissimorum Hun-
 norum exercitum, 170. Regum ope suc-
 cinctum, devicit. Hunc tandem Ericum
 Gestiblinus Gothorum Rex sibi & regno
 Suetiæ successorem effecit: idque tempore
 nativitatis Christi. Frôtho vero Rex à ma-
 lefica in bovem conversa, dum ejus corni-
 bus in quodam maris littore impetitur, exa-
 nimatus occubuit. Guthruna Larmerici re-
 gis propugnatores subito oculis captos, in se
 ipsos arma convertere procuravit. Olla au-
 tem omnium maleficarum commune solet
 esse instrumentum, quo succos, herbas, ver-
 mes, & exta decoquant, atque ea venefica
 dape ignavos ad vota alliciunt, & instar
 bullientis ollæ, navium & equitum aut cur-
 forum excitant celeritatem.

CAP. XV.

De magis & maleficis Finncorum.

Quæ etiam vis sit magorum & maleficorum in cogendis elementis, tam sua, quam aliena manu incantatis, ut mitius vel rigidius naturalem ordinem temperent quam poterimus brevissime ostendemus, hoc præmisso, quod hæc extremi Aquilonis regio Finlandia ac Lapponia, ita erat docta maleficiis olim in paganismo, ac si Zoroastren Persam in hac damnata disciplina doctorem habuisset: licet & alii Oceani incolæ ea vesania fascinati dicerentur: adeo enim attonite hanc maleficam artem totus orbis in hoc & simili malo plurimum concors celebrat. Solebant aliquando Finni, inter cæteros Gentilitatis errores, negotiatoribus in eorum littoribus contraria ventorum tempestate impeditis, ventum vænalem exhibere, mercedeque oblata, tres nodos magicos, non Cassioticos, loro constrictos, eisdem reddere: eo servato moderamine ut ubi primum dissolverint, ventos haberent placidos: ubi alterum, vehementiores: at ubi tertium laxaverint, ita sævas tempestates se passuros, ut nec oculo extra proram in evitandis scopulis, nec pede

de in navi ad vela deprimenda, aut in puppi pro clavo dirigendo integris viribus poterentur. Hique infelicius rem experti sunt, qui vim ejuscemodi nodis per contemptum inesse negarunt. Sed hæc gens Aquilonaris arte hac post susceptum Christianismum, legis coercionem, nunquam in aperto visa est uti, Præterea Sivaldo Suetico Haldani Regis æmulo, septem fuere filii, tanto veneficiorum usu callentes, ut sæpe subiti furoris viribus instincti, solerent ore torvo infremere, scuta morsibus atrectare, torridas fauce prunas absumere, extructa quævis incendia penetrare: nec potuisset conceptus dementiæ motus alio remedii genere, quam aut vinculorum injuriis, aut humanæ cædis piaculo temperari.

CAP. XVI.

De magicis instrumentis Bothniæ.

INter Bothnicos homines Septentrionis, passim reperiiebantur malefici ac magi, tanquam in proprio loco: qui per summam ludificandorum oculorum peritiam, suos alienosque vultus variis rerum imaginibus adumbrare callebant, fallacibusque formis veros obscurare conspectus. Nec solum pugniles, verum etiam scæminæ & teneræ virgines,

gines, pro voto suo larvas livido squalore
 terribiles, faciesque adulterino pallore di-
 stinctas, ab aëris teneritudine mutuari con-
 sueverunt, & rursus ablegato nubilæ inum-
 brationis vapore, prætentas ori tenebras
 sudi perspicuitate discutere. Tantamque
 vim carminibus eorum adfuisse constat, ut
 rem remotissime positam, & quantalibet
 nodorum consertione perplexam, conspi-
 cuam, & præsentissimam efficerent. Tali-
 busque præstigiis id ipsum hoc modo de-
 monstrant: Scire cupientes statum amico-
 rum, aut inimicorum, longinquo terrarum
 spacio, quingentorum vel mille milliarium
 inde distantium, Lapponem seu Finnonem
 hujus rei peritum, dato munere, lineæ sci-
 licet vestis aut arcus, rogant experientiam
 fieri, ubinam fuerint & quid agant amici
 vel inimici. Quocirca conclave ingreditur,
 uno comite uxoreque contentus: ranam
 æneam aut serpentem malleo super incu-
 dem præscriptis ictibus contundit, carmi-
 numque murmure hinc inde revolvit, con-
 tinuoque cadens in extasim rapitur: jacer-
 que brevi spatio velut mortuus. Interea
 diligentissime à prædicto comite, ne quod-
 vis vivens, culex aut musca; vel aliud ani-
 mal eum contingat, custoditur. Carminum
 namque potentia, spiritus ejus, malo dæ-
 moni

mone ductore , è longinquis signa (annulum vel cultellum) in testimonium expeditæ legationis seu commissionis reportat. Illicoque resurgens eadem signa cum cæteris circumstantiis conductori suo declarat. Nec minoris efficaciz perhibentur in hominibus diversa ægritudine prosterndendis. Faciunt nanque de plumbo jacula magica , brevia ad modum digiti : ea emittunt per quævis diffusa loca , in eos de quibus vindictam expetunt. Hi oborto carcinoma te in crure vel brachio intra triduum vehementia doloris exanimantur. Extant etiam præstigia seu maleficia Helsingorum : quorum princeps Vitolfus, quos voluit , ita videndi officio spoliavit, ut propinquas ædes nec prospectu capere, nec certis possent vestigiis indagare ; adeò luminum usum nubo quodam errore obtundere callebat. Præterea Visinus eximiaz opinionis gladiator omnem telorum aciem ad hebetudinem solo conspectu redigere solebat. Gladio tamen Suetici Gigantis Starchateri (de quo inferius dicetur) interemptus est. Tenuissima enim pelle (quod unicum contra hebetandi vim remedium perhibetur) gladium suum semper servavit obtectum. Verù projectibilia saxa nulla arte vel carmine, ne fortiter emissi noceant , hebetari possunt.

CAP. XVII.

De Magis Marinis.

Colebatur etiam inter alia Aquilonis numina, magus quidam Hollerus nomine, non minori fraude quam singulari superstitione, divinitatis opinionem & cultum sibi in gente curiosa vendicans. Is siquidem parem cum Othino amplitudinem in medio deorum assecutus, adeo armorum & præstigiorum usu clarus evaserat, ut ad trajicienda maria osse quod diris carminibus obsignavisset, navigii loco uteretur: nec segnius eo, quam celerrima velorum ventorumque usu, præjecta aquarum obstacula superaret. Tandemque ut divinitas ejus ostenderetur esse mortalis, ab æmulis suis truculentissima morte est interemptus. Præterea Oddo Danicus, pirata maximus, tam magicè doctus exitit, ut absque carina altum pererrans, hostilia sæpe navigia concitatis carmine procellis everteret. Itaque ne cum piratis in maritimarum virium certamen descenderet, exasperatos maleficio fluctus & ventos ad naufragia eisdem infligenda perducere solebat. Hic ut negotiatoribus atrox, ita rusticis exitit clemens, aliter rusticas munditias, aliter sordidos ho-

minum quæstus æstimans. Is etiam in hebetando carminibus ferro, miro ingenio pollebat: & tandem peritior hoste circumventus, gurgite submergitur, qui marinos vortices præstigiis carminibus olim calcare consuevit.

CAP. XVIII.

De eisdem Magis, & similibus.

DEinde Othinus, major atque senior inter magos, Hadingum quendam Daniæ regem magicis præstigiis turpiter illum, atque longius à suis familiaribus avulsum, equo per vasta maris spatia ad propria reduxit. Cum tamen Hadingus duceretur, amiculi ejus rimas, sub quo trepidus delitescbat per summam rerum admirationem, visus perspicuitate trajiciens, animadvertit equinis freta patere vestigiis: prohibitusque rei inconcessæ captare conspectum, plenos stuporis oculos à terribili itinerum suorum contemplatione deflexit. Demum Haquinus Norvegiæ princeps contra Danos pugnaturus, coorti imbris maleficio, ita hostium vertices inusitatis grandinis ictibus converberavit, ut eorum oculi, veluti quibusdam nimborum spiculis laceßiti, prospiciendi que penitus facultate defecti, gravio-

rem.

rem ab elementis pugnam, quam ab hoste sentirent. Præterea Biarmenses polo Arctico viciniore, in Septentrione contra potentissimum Regem Regnerum pugnaturi, carminibus aggressi cœlum, sollicitas nubes ad summam usque nimborum violentiam impulerunt. Deinde Danos, subito remissa tempestate, tempestuosissimi fervoris flagrantia torruit. Ita anceps geminæ intemperantiæ malum, vicissim affecta corpora salute & victoriâ spoliavit.

CAP. XIX.

De Mago ligato.

A Pud Ostrogothos lacus est maximus recentium aquarum, Veter dictus, (de quo superius satis dictum est) amœnam, sed oblongam insulam in umbilico suo habens, duas tenentem Ecclesias parochiales: sub quarum altera specus cavernoso longoque introitu & exitu immensæ profunditatis reperitur: quam specum, non nisi vanæ ostentationis & curiositatis homines, laternis accensis, filisque glomeratis, repetendi regressus causa, provisi descendunt: ea potissimum ratione, ut quendam magum Gilbertum nomine videant, arte magica (unde calamitas ejus orta est) à vetustissimo tem-

pore per proprium præceptorem Catillum, cui insultare præsumperat, superatum atque ligatum. Id eo factum est scilicet modo, ut exiguo fuste certis characteribus Gothicis seu Ruthenicis sculpto, atque à præceptore projecto & manibus apprehenso, ipse Gilbertus immobilis maneret & obstrictus, ut nec dentibus ad solvendum adhibitis, (quasi tenaciori bitumine astrictis) nec pedibus dolo præceptoris consilio admotis dissolvi posset. Cujus spectaculi causa visendi, etsi plures temerarii spiritus inspectores vehementi admiratione accurrere soleant, tamen non propius, ob foetorem cavernæ & noxios vapores, aggredi præsumunt, ne spiritu obstructo clausoque stomacho suffocentur. Arcentur etiam appositis aggeribus & repagulis incolarum, ne proprii periculi contemptores, velut insipientes (nunquam egressuri) ingrediantur. Præterea lege gravissima, tanquam de his qui sibi mortem consciverunt, provisum est, ne hæc pericula agnoscences, alios inexpertos ad hujusmodi spectaculum perscrutandum alliciant aut allestos inducant. Hæc igitur supradicta insula *Visingxa* valde insignis reputatur ob amænam & securam stationem Regum, qui in ea mortui sunt ac tumulati.

CAP. XX.

De castigatione Maleficarum.

NE videantur Septentrionales maleficæ solum hic ad tristia spectacula adduci, occurrit Vincent. in spec. hist. lib. 25. cap. 26. asserens, Anglicanam foeminam arte Magica illusam, à dæmonibus post dira tormenta, ad aëra cum clamoribus horrendis fuisse raptam. Cujus verba hæc sunt: Mulier quædam apud Berheliam Angliæ villam auguratrix & malefica, cum quadam die convivaretur, cornicula quam habebat in deliciis, vocalius solito nescio quid cornicata est. Quo audito, cultellus dominæ de manu excidit, simul & vultus expalluit. Et ingemiscens diutissime ait: Hodie ad ultimum sulcum pervenit aratrum meum: hodie audiam & accipiam grande incommodum. Adhuc ea loquente, venit ad eam nuncius, dicens: Hodie mortuus est filius tuus, & tota familia subita morte interiit. Quo audito, continuo dolore saucia decubuit: vocarique præcepit superstites liberos, monachum & monacham. quibus singultiendo ait: Ego miserabili quodam fato meo, dæmoniacis actibus semper inservivi: ego vitiorum omnium sentina & illecebra-

rum magis tra fui, & superabam tantum in religione vestra, & à me ipsa desperavi. Nunc ergo, quia scio me dæmones habituram exactores in pœna, quos habui suasores in culpa: rogo vos per materna viscera, ut mea tentetis alleviare tormenta: nam de anima sententiam damnationis non revocabitis. Corpus ergo meum insuite in corio cervino, & includite in lapideo sarcophago, & operculum ferro & plumbo confringite, & lapidem ipsum tribus magnis catenis circundate. Si tribus noctibus ita secure jacuero, quarta die infodietis me in humo: quanquam verear ne terra nolit me recipere pro maleficiis meis. Psalmicines quinquaginta sint noctibus, & missæ cantentur pro me tot diebus. Factum igitur est ut præceperat, & nihil valuit. Primis enim duabus noctibus, cum chori clericorum psalmos canerent circa corpus, singuli dæmones, ostium Ecclesiæ immuni obice clausum levi negotio confringentes, duas catenas diruperant: media vero quæ operosius elaborata erat, illibata duravit. Tertia nocte circa galli cantum, strepitu advenientium hostium, omne monasterium visum est à fundamentis moveri. Unus nempe vultu cæteris terribilior & statura celsior, januas majori vi concussas in fragmen-

ta deiecit, & arroganti gestu accessit ad sarcophagum, in clamatoque nomine, ut surgeret, imperavit. Qua respondente, Nequeo præ vinculis: Solveris, inquit, & malo tuo. Statimque catena, quæ cæterorum ferociam eluserat, nullo conamine ut stupam dirupit, operculumque tumbæ pede depulit, & apprehensa manu palam omnibus, ab Ecclesia extraxit ad fores. ubi paratus erat equus niger superbè hinniens, uncis ferreis per totum protuberantibus, super quem misera illa mulier imposita, ab oculis intuentium cum toto sodalicio disparuit. Audiebantur tamen clamores, per quatuor fere milliaria, miserabiles supplicas deprecantis. Quale etiam diaboli ludibrium ob dæmonum cultum acciderit infelicibus Rugianis in urbe Karentina, refert Saxo lib. 14. ubi dæmonum illusione, primum stupra hominum provocata erant, & tandem ilico sub ipso spurcissimo actu detestabiliter punita. Siquidem mares in ea urbe cum fœminis in concubitum accitis, canum exemplo cohærere solebant, nec ab ipsis morando divelli poterant. Interdum utrique perticis è diverso appensi, inusitato nexu ridiculum populo spectaculum præbuere. Ea miraculi fœditate solennis cultus ignobilibus statuis accessit. Creditumque

230 DE SUPERST. CVLT. DÆM.
est, earum viribus effectum, quod dæmo-
num erat præstigijs adumbratum. Talia
ergo testante S. Augustino l. br. 8. de civit.
Dei, alto iustoque Dei iudicio sinuntur pro
meritis eorum, quos ab eis vel affligi tan-
tum, vel etiam subijci ac decipi iustum est.
Qui autem nec felicem in futuro vitam, nec
modò habere vult piam, talibus sacris mor-
tem quærat apud inferos. Qui autem cum
malignis dæmonibus non vult habere so-
cietatem, non superstitionem qua coluntur,
noxiam pertimescat, sed veram religionem,
qua produntur, & vincuntur, agnoscat.

C A P. XXI.

De damnis à dæmonibus datis.

IN Septentrionalibus sive Aquilonaribus
locis (ubi literali sensu sedes est Satanæ)
indicibili ludificatione, variisque formis,
habitatoribus eorum locorum applaudunt,
imo & damna inferunt, ædium videlicet e-
versionem, pecudum interitum, agrorum
destructionem, castellorum aquarumque
omnimodam desolationem.

FINIS LIB. III.

131

OLAI MAGNI, GO-
THI, ARCHIEPISCO-
PI UPSALIENSIS,

DE

Bellis & moribus sylvestrium pa-
ganorum ac vicinorum.

EPITOME LIBRI QUARTI.

CAP. I.

*De infelici pugna Regis Danorum
Regneri.*

Refert clarissimus Danicæ hi-
storiæ author Saxo Gramma-
ticus, Regnerum Regem Da-
norum, integro lustro in oris
Ruthenicis piraticâ expleta, animum indu-
xisse, vicinos Biarmenses, homines scilicet
Septentrionales, montes & loca campestria
inhabitantes, hostilibus armis & incom-
parabili potentia sua humiliandos aggredi.
Qui cum adventum ejus compertum habe-
rent, carminibus aggressi cœlum, sollicita-
tas nubes ad summam usque nimborum
violentiam impleverunt. Quæ res Regne-
rum

rum aliquandiu navigatione prohibitum
 alimentorum facultate defecit; eundem-
 que, subito remissa tempestate, æstuosissi-
 mi fervoris flagrantia torruit. Nec ea qui-
 dem pestis concitati frigoris magnitudine
 intolerabilior extitit. Itaque anceps gemi-
 næ intemperantiæ malum, vicissim affecta
 corpora suorum militum immoderata u-
 triusque status accessione corruptit. Verum
 ut Rex se adulterina magis, quam vera æ-
 ris vi impeditum animadverterat, Biarmo-
 rum insolentiam ulturus, iterum eosdem
 inopinato repetivit assultu. Quorum Rex,
 peritissima sagittariorum vicini ducis Fin-
 marchię opéra fretus, Regneri in Biarmia
 hybernantis impune laceravit exercitum.
 Quippe Finni (ut in principioprimi libri
 tactum est) lubricorum stipitum celeri al-
 lapsu cursum intendere soliti, arbitraria ve-
 locitatis potentia rapiuntur, promptissi-
 mamque propinquitatis vel absentię facul-
 tatem obtinent. Mox enim ut hostem læ-
 serint, eadem celeritate qua subeunt, avo-
 lant, nec procursu languidius reditum ten-
 tant. Itaque & vehiculorum & corporum
 agilitate, instandi fugiendique expertissi-
 mam habent potestatem. Credendum, (ut
 idem Saxo refert) potentissimum Regem
 fortunæ suæ imbecillitatem admiranter tu-
 lisse

lisse, cum se olim Romani culminis trium-
 phatorem, ab inermi inconditoque agmi-
 ne, ad ultimum usque discrimen abripi per-
 videret. Itaque qui splendidissimum Ro-
 manæ militiæ decus, maximique ac sere-
 nissimi ducis insignes copias excellenter
 obtinuerat, agrestis & ignobilis vulgi sordi-
 dissimo atque tenuissimo apparatui cessit:
 isque cujus bellicam antea claritatem for-
 tissimæ gentis vis hebetare nequiverat, de-
 spicabilis populi parvulam manum sustine-
 re non valuit. Quo evenit, ut ea manu, qua
 clarissimam orbis pompam ac gravissimum
 militaris roboris instrumentum fortissime
 contudit, qua tot peditum, tot castrorum,
 tanti equitatus fragorem apertissime subi-
 vit, vilem obscuramque plebeculam, fur-
 tim, & quasi per latrocinium incessere su-
 stineret, illustremque gloriam suam, palam
 atque interdiu partam, nocturna fallacia
 maculare non erubesceret, manifestæ for-
 titudinis loco clandestinas amplexatus insi-
 dias. Quæ res ut opere deformis, ita exitu
 vilis fuit. Potuitq; usitatum carmen dicere:

*Eheu quam brevibus pereunt ingen-
 tia causis.*

Præterea, quod Arngrimus, Tengildum
 Finnarchorum & Egbertum Biarmorum
 Reges, Frothoni Danorum Regi tam obsti-

nato

nato animo & viribus resistentes, devicerit. Ipse Frotho filiam, quam unice diligebat, eidein Arngrimo Suetico pugili, qui Egbertum duello provocatum devicit, matrimonio copulavit: haud incongruum ducens, ejus se socerum exhibere, qui sibi tantis operum titulis sublato hoste acerrimo, potentem late claritatem struxisset.

CAP. II.

De immanitate sylvestrium incolarum.

QUemadmodum Orientales populi Caspios montes inhabitantes, ob vehementem oritur Solis strepitum, ac horrendum sonum, secretis exhalationibus è terræ visceribus excitatum, ad cavernas vitam conservaturi refugiunt, auresque ambas obturant, ut urgente tempore tutiores fiant: ita gentes in ultimis Norvegici Oceani litoribus constitutæ, ob validissimum ventum Circium, & densitatem nivium in excelsis montibus suscitatum, specus subterraneas habent, pisciumque ac ferarum usu vivunt. Hique aliorum aliunde adnavigantium congressum tanquam prædonum, ne forte in captivitatem redigantur, abhorrent. Attamen profugos tyrannica crudelitate op-

oppressos, pro sua defensione consortes ad-
 mittunt instruuntque, quomodo piratas,
 littora eorum accedentes, positis insidiis
 suscipere vel interimere possint. Possunt
 quidem, dum refugas se simulant, vel obse-
 quium portuum ignaris exhibent, ne per-
 clitentur quos volunt periculis claudi. Ubi
 vero exoticis hominibus non occurrenti-
 bus, hæc & similia ob congelatum mare in-
 ferre nequeunt, in ergastulis seu cavernis,
 beluarum marinarum ossibus ac costis con-
 structis, propter ventos ac nives commorari
 coguntur. Hæ etenim cavernæ in superfi-
 cie tectorum ex alga factorum, more cari-
 næ everse, satis ingeniosæ videntur extit-
 tæ: idque ob vehementiam ventorum,
 qui non minus formidabiles sunt ibidem,
 quam diræ tempestates è gurgite suscitæ.
 Sunt etiam inter eos certi homines, quasi
 Nomades, litus maris Caspii inhabitantes:
 qui cespitibus vel algis, aut musco montano
 conjunctis fruticibus, aditum ad eorum tu-
 guriola claudunt, ne quis è mari proveniens
 eos eorumque secreta scrutaturus accedat.
 Et forsitan hanc cœli solique & antrorum
 duritiem non gravatim sufferunt, ut liberi
 sint ab importabili insatiabilique tributo
 crudelium tyrannorum, quibus immensu-
 rabilis Oceanus videtur exilis urna. De
 gen-

gentibus etiam Septentrionem versus, ad Occani æstus, in tumulis habitantibus, factis multa & mira, Plinius lib. 16. capite secundo recenset: Gentem scilicet miseram esse, quæ tumulos obtinet altos, aut tribunalia manibus constructa, ad experimenta altissimi æstus, cassis ita impositis navigantibus similes, cum integuntur aquæ circumdatae naufragiis. Cum vero recesserint, fugientes cum mari pisces circa tuguria venantur: quos sic acceptos vento magis quam Sole desiccant.

CAP. III.

*Adhuc de sylvestrium hominum
ferocitate, &c.*

Versus lacum album extremi Septentrionis, ubi Regis & regni Suetiæ dominium latissime extenditur, circumquaque ferocissimæ gentes habitant, aliis non utentes thoracibus, quam pellibus onagrinis vel alcinis: similiter & arcubus, ac lanceis minutissimo conto antrorsum retrorsumque obfirmatis. Agilitate enim admiranda (uti superius lib. 1. de Scricfinnis dictum est) in omne latus se volventes gyrrantesque, quemcunque impetum fallere vel avertere norunt: idque præcipue super cacu-

racuminibus vallium, perpetua densitate nivium ubique repletis. Fereque de eisdem gentibus expedit hic dicere, quod summus Scytharum philosophus Anacharsis de eorum moribus scripsit: id est, ut neque quispiam qui ad eos se contulerit, aufugere queat, neque ipsi capi possint, aut ne inveniri quidem, si nolint, atque deprehendi. Siquidem nullæ sunt eis urbes, nulla niænia extructa: domos secum ferunt singuli: pedestres sagittarii nullo pane victitantes, sed ex piscibus & venatione serarum, pro domibus plaustra habentes ac tentoria, vel ex induratis animalium coriis, vel arborum corticibus cooperta. Hyeme tamen ad ripas aquarum, & æstate inter frutices arborum & opaca loca variatâ statione quiescunt. Tegumenta capitum pro frequentiori usu habent exuvia anserum seu anatum sylvestrium ac gallorum, qui, ut cætera volatilia, ibidem reperiuntur innumerabili quantitate: Pelles illic pretiosæ nimis multiplicatæ, potius commutatione rerû quam usu numeroque nummorum reperiuntur.

CAP. IV.

De quintuplici lingua Septentrionalium regnorum.

HAc diversitate habituum & armorum declaratur, quanta sit differentia, regionum, linguarum, ætatum & exercitiorum. Regiones itaque multæ magnæ ac potentes sunt, ut Lapponum, Moscovitarum, Sueonum, Gothorum, Vermorum, Dalensium, Montanorum ac Norvegianorum: quarum amplitudo in longum latumque extensa, major est quam simul sumpta Italia, Hispania ac Gallia: ut Plinius frustra eas non vocaverit, ob incompertam magnitudinem, alterum orbem. Ideoque mirandum non est, quod in ea quintuplicis linguæ usus reperiatur, Septentrionalium scilicet, Lapponum seu Bothniensium, Moscovitarum, Ruthenorum, Finningorum, Sueonum ac Gothorum & Germanorum. Aetas verò hominum ibidem in nationibus frigidis eo provenit, ut centum sexaginta & amplius annos vivant, etiam in Anglia & Scotia: ubi quidem venerandus Episcopus David vixit ultra cxxx. annos. Exercitia etiam (scilicet solitudines Aquilonis inhabitantium) sunt, ut venationibus & piscaturis intenti,
 •Mo-

Moscovitarum commutationibus vivunt.
 Finni sive Finningi, agriculturæ, piscationi,
 ac lignorum dolaturæ: Gothi, Sueones,
 prædictis exercitiis etiam operam præstant:
 advenæ Germani diversis rerum mercimo-
 niis intenti, ex quæstu vivunt: leges terri-
 genarum acceptant: omniaque quæ ad mi-
 noris vitæ genus spectare videntur, ut pan-
 nos sericeos, aureas texturas, & vina diver-
 sa, important. Armorum generibus quibus
 & qualibus utantur, partim hic, partim in-
 fra, & fusius quidem, de campestribus præ-
 liis, ostendetur. Hic autem manifestum
 relinquitur, inter omnes Septentrionales
 populos in arte sagittatoria Gothos esse ex-
 pertiores, ac agiliores in balistis, ut Finni
 in arcubus comprobantur. Sueones securi-
 bus ac bipennibus ac hastis præliari solent,
 Habitus more vetusto brevis solet esse, ac
 strictus, præter caligas, quæ sunt laxiores.
 Sueones amplioribus, quasi Germanico ri-
 tu, utuntur vestimentis. Moscovitæ longis,
 more Græcorum: quorum omnium sunt
 valde Boreales. Sylvestres vero Lappones
 variarum ferarum prætiosis pellibus, nulla
 ornatus sed necessitatis causa, vestiuntur.

CAP. V.

De commutationibus rerum & mercium sine nummis.

CUM omnis fraus gravis & detestabilis in omni rerum pertractatione esse videatur, tamen eo iniquior & importabilior ac amarior est quo magis inter simplices intentari probatur, maxime falsato vel adulterato numismate interveniente, prout inferius de diversitate monetarum lib. 6. ostendetur. Propterea gens hæc Lapponum, sive Bothniensium & sylvestrium locorum, uti quæta domi, ita & reliquo orbi foris ignota censetur. Hoc discrimine falsitatis haud concutitur, dum potius rerum, quam numorum computa respiciens, amœna tranquillitate quod optat acquirit. Et ita strepitum furoris nesciens, sine seditione vivit, sine invidia cohabitat, & sine dolo omnia communicat: cui sola contentio est paupertatem fugere, & divitias non amare. Nesciunt populi illi esse lucripetæ, ne se aliqua negotiationis calliditate discrucient. Ideo sine tumultu viventes, sic fortunas mediocrium cupiunt, ut sana divitum conscientia non priventur, quibus insigne piaculum est aliquid rapere, qui nesciunt aliena fraudare.

re. Attamen cum non sint ex omni parte beati, quin alterius ope rebusque indigeant pro sua meliori commoditate: idcirco commercia rerum absque pecunia, bonæ & fidei permutationi inhærentes, mutuo consensu, nullo communicato sermone fideliter agunt: non propter ingenii inopiam & barbaros mores, sed quod linguam habeant peculiarem cæteris vicinis parum notam. Loca quoque constituta, vel in campestri planicie vel stagnata glacie, singulo anno ad hæc peragenda negotia, quasi nundinalia retinent, ut universis exhibeant, quod privatis ingeniis domi vel foris agnoverint se acquisivisse. Nec interea à similibus abstinent commerciis, dum offertur quod cupiunt ab alienis. Præsides communi plebis consensu *Bergchara*, id est, viros montium appellatos, habent & venerantur, quibus etiam pelles pretiosas pisciumque multa genera, tam vice tributorum regi Suetiæ pendenda, quam propria liberalitate donata pendunt. Et hi rubeo vestitu præ cæteris agnoscuntur induti. Regi etiam Norvegiæ, ac principi Moscovitarum similia tributa pendent, & obtemperant. Bella nunquam, nisi gravi injuria, provocati, in proprios vicinos vel longe distantes inferunt. Tuncque nedum armis, quæ furor accom-

mo;

modat, sed & diris incantationibus inimicos quasi implacabiles adoriuntur, membra hostium in stuporem vertendo, ut nec manum levare, nec ense ferire, & vix effugere sit concessum.

CAP. VI.

De nundinis glacialibus.

HAc imagine demonstratur antiquissimus ritus glacialium nundinarum in multis provinciis & locis, super planam apertamque glaciem, opulentissimo mercatorum congressu observatarum: quorum celebrior locus est in Archiepiscopali civitate Upsalienfi regni Suetiæ: per cujus medium vastissimus amnis transiens, in tantum spissa glacie frequentius circa initium Februarii congelatur, ut infinitam hominum multitudinem, jumentorum pariter & omnigenarum mercium sustineat gravitatem. Talesque nundinas usque in hunc diem, antiquitas vocaverat & adhuc vocat *Dysting*, id est, Judicarium locum prudentissimæ Reginæ Dysæ: eo quod excelsi spiritus & sagacissimi consilii fœmina, videns, populi infinitam multitudinem, ob cæli rigidissimum influxum, segetes ac fruges exhaustas, famis acerbitate periclitari, potius forte

sorte declarata, natale solum exeundo, sed
 in alienis terris ultra mare pacifico con-
 victu persuasit inquirere, & inquisitas dili-
 genter colere, quam truculentissima quo-
 rundam improvidorum hominum censura
 è vita deleri. Nec tamen is exitus gentium
 est à peninsula Scanziana, cujus Paulus Di-
 aconus meminit de Longobardis. Similis
 quidem causa esse potuit, sed longissimo
 temporum intervallo: hujus Dysæ reginæ
 imperio, ordine, modo, & numero infinitæ
 multitudinis & potentia variata. Cum
 vero charissimus frater & antecessor meus,
 Joannes Magnus Archiepisc. Upsaliensis, in
 sua Historia hujus rei meminit, sollicitum
 Lectorem ad ejus remittens, ad nundinas
 glaciales revertens, dico, quod invariabili
 signo & tempore, cuncti Septentrionales
 populi, ac eorum vicinæ nationes, nundinas
 hujusmodi strictissime servare solent: hoc
 scilicet modo, quod primæ incensionis (quæ
 fit post diem & mediam noctem Trium
 Regum in Januario) Plenilunium, infallibi-
 le signum & tempus præscribat, quo om-
 nes ad prædictas nundinas loco cunctis no-
 tissimo valeant pervenire: eo tamen obser-
 vato puncto, ut ante, & in ea, ac post, ejus
 lucem observent commercia instituta, ut
 luna decrescens suo lumine unicuique redi-
 tum

tum præbeat ad locum unde sit profectus. Res igitur, quæ pro negotiatorum voto usuque ibidem contrectantur, omnigenæ sunt : pelles scilicet pretiosæ diversorum animalium : deinde argentea vasa pro usu mensarum , atque insatiabili ornamento mulierum : demum res frumentariæ, metallorum, ferri, cupri, pannorum, ac esualium rerum : quæ frequentius iusta æstimatione quam ponderum gravitate , pro mutuo hilarique consensu distrahuntur : exceptis rebus quas sagax præsidum providentia pro præsentibus vel futuris necessitatibus in-
tuetur indigenas posse rogare : quales sunt fruges & equi præliares, & liquidæ escæ butyri, caseorum, & laridi : quarum species, si bellum immineat , peregrinis negociatoribus vel eorum agentibus publico edicto poenis vallato, prohibentur educi. Præterea alio in lacu congelato, *Meler* dicto, circa finem Februarii, ad mœnia urbis Strengenen-
sis fiunt nundinæ glaciales. Deinde in medio Martii, territorii *Jemphthix*, in montanis Suetiæ & Norvegiæ, loco *Oviken* dicto, etiam super glaciem nundinæ celebrantur : imo in plerisque locis, in medio vel in fine Maji, super congelatas aquas, easque latissimas, equestres turmæ, sive ad pacem sive ad bellum incedunt, dum Romæ deli-
catis

C A P. VII.

*De nuptiis Lapponum per ignem
& silicem.*

Praesentibus amicis & sanguine junctis, parentes per ignem foederant conjugia natorum: & hoc, ferro & silice per excussionem. In igne namque & silice, quasi conjugali consortio, auspiciatiora & aptiora neſtuntur connubia, quam quovis altrinſeco ſigno. Sed nec ſine igne civiliores Chriſtiani populi nuptiales ritus alibi in Aquilone exornant. Unuſquiſque enim ſponſus & ſponſa, juxta eminentiam ſuæ dignitatis ac generis, altas faculas, mira arte varioque colore è mollicera variique coloris ſericeis pannis appendentibus conſectas, pro ſacerdotali benediſtione Eccleſiam acceſſuri, ante ſe portari jubent: quas & ibi, ſolennibus peractis, una cum eximiis oblationibus perſiſtere ſinunt: ubi interim cereorum portitores, quaſi prædam opulentam, pannos ſericeos, veluti furore pleni, partiuntur. Præterea mulieres enixa prole, poſt partum cereis accenſis Deo gratias acturæ accedunt: imo & cuncti Chriſti fideles luminibus accenſis in tumultum reportantur,

tantur, uti olim baptismo & lampade accensa mundum sunt ingressi. Quantum vero ad prædictos Lappones & eorum ritum attinet, superaddendum erit, quod nuptiis his more præmisso per ignem celebratis, sponsam armelinis pellibus ac zebellinis ornatam, rangifero, quasi domestico cervo, (amicorum insigni caterva, juxta germinis excellentiam, comitatam) agnati imponunt: atque ita in thalamum vel tentoria, mediantibus tripudiis, foecunditatem & sanitatem precantes, inducunt. Maritus vero lynceis ornatus pellibus, aut mardurinis, tanquam patricius vir Venetus aliquis incedit: pretio pellium æque æstimandus ut alii gemmis onusti, vel torquibus deauratis. Sed pro tanto sponsus miris laudibus prosequendus est, cum sponsa sua, imo tota gente illa, quod non vaga libidine, sed honorabili matrimonio, tantis celebritatibus sese permittunt conjungendos.

CAP. VIII.

De choreis luctuosis.

Næque gens hæc sub rigidissimo Septentrionis climate alternata luce & tenebris habitans, sine gaudio mœrore commixto, quasi eremi cultrix, remanere videtur.

In-

Instruit enim alacria convivio, citharædis
 accitis, ut convivantes hilariores (licet usu
 durissimarum dapium) effecti, excitentur
 ad saltum: quem vehementius citharædo
 sonante ducentes, veterum heroum ac gi-
 gantum præclara gesta patrio rhythmò &
 carmine, quid scil. gloriæ laudisque virtute
 sua meruere, canunt. Hinc in gemitus &
 alta suspiria revoluti, dimisso ordine in ter-
 ram ruunt. Similiter & multi astantes effi-
 ciunt, ut gestibus eorum videantur esse
 conformes. Tandemque citharædis exci-
 tantibus, ad amœniora convivio surgunt, nil
 amplius resonantes quod provocet luctum:
 qui ea potissimum ratione motus est, quod
 clara majorum gesta in nullis vel paucis ef-
 fectibus imitari nequeunt, vel eorum no-
 minibus assimilari, scilicet in virginum pu-
 dicitia defendenda, & violentia oppresso-
 rum avertenda, ubi dolosa præsidum dissi-
 mulatione hæc impia flagitia fiunt, vel fieri
 permittuntur impune. Ideoque prædictæ
 gentes, longè securius moriendum esse ar-
 bitrantur, quam vivendum: puerperia lu-
 ctu, funeraque festivo cantu, ut plurimum
 celebrantes.

CAP. IX.

De exercitiis sublunaribus.

Frequens est quæstio, quid faciant popu-
 li Septentrionales, quando profundæ
 continuæque sunt noctes ante & post sol-
 stitium hyemale, dum beneficio solaris lu-
 minis homines, præsertim suppolares, ali-
 quid debeant operari: rursusque tempo-
 re continuæ lucis in æstate, quando nulla
 omnino nox fere mensibus sex apparet.
 Quocirca hic animadvertendum erit, quod
 Ptolomæus in II. Almagesti cap. 6. attesta-
 tur, quod in $xx\ xix.$ parallelo maxima
 dies sex mensium est: & huic parallelo
 subjiciuntur gentes seu regiones extremè
 polares, Laponienses scilicet, & Bothniæ-
 ses, & Isdalenses insulares. In $xx\ xviii.$
 parallelo maximus est dies quinque men-
 sium; cui subjiciuntur, Suetia, Helsingia,
 Angermannia & Norvegiæ Borealia. In
 $xx\ xvi.$ parallelo maximus habetur dies
 trium mensium; cui subjiciuntur Gothia,
 Moscovia, Russia, & Livonia. Qui igitur
 habitant in ea immensa æstatis luce, aut op-
 positis tenebris ejus, optime noverunt, u-
 tiliterque solent suas continuas operatio-
 nes in tenebris variare, scilicet ut loco diur-
 næ

næ lucis, pinguedine marinarum beluarum incensa, suo lychno supposito, in domibus vel campis, aut sylvis utantur: nervos animalium, præcipue rangiferorum, (de quibus infra de animalibus dicetur) pro filis telisque, ac vestibus (præsertim lanosarum pellium) consuendis, subtiliantes & adaptantes: eò quòd linum in extremis regionibus illis ob excellentissimum frigus non seminatur, neque crescit. Præterea qui in locis campestribus laborant, vel eadem pinguedine beluarum, vel arvina piscium, (cui venti nocere nequeunt) vel clarissimo lumine lunæ, vel stellarum reflexa luce, in nivibus utantur: imo majores sub lumine Lunæ labores in sylvis, campis, glacie ac nivibus, itidem & longiora itinera commodius, quam æstate sub luce solari perficere possunt. Valles nanque tortuosæ, & obliqui colles, rupesque præcipites, & excelsi montes, æstivo tempore impermeabiles sunt, pro plaustris vehendis, vel itineribus conficiendis: ubi hyemali tempore omnia quasi plana, & apta sunt, pro quibuscunque itineribus commode perficiendis. Imo tam oportuna utilitas & agilitas est, ut plus oneris duo jumenta (prout superius dictum est, & infra de glacialibus bellis ostendetur in lubrica glacie, vel trita nive,

quam decem equi in campestribus plaustris pertrahere soleant. Quod autem ad lucem excellentem, ne tempori dormitionis eorum noceat, satis opportuna remedia siue in ædibus, siue tentoriis servant: imo nec lux clarissime rutilans, aut caumata ejus, tantum obsunt indigenis, quantum tristissimi culices, qui forsitan Ægyptiacis sunt tristiores, ut infra de eisdem erit ostendendum & remediis eorundem.

CAP. X.

De navibus, nervis, & radicibus colligatis.

Quia in extremis aquilonaribus terris nullæ mineræ ferreæ, cupræ, aut argentæ adhuc repertæ sunt, multusque & necessarius usus navigiorum, ob aquarum multitudinem, ferro firmandorum, hominibus illis est inquirendus: ideo navigia fabricaturi, maximè ad piscatorium usum, fissiles pinos & abietes in eorum nemoribus ad subtiles tabulas redactas (nullo existente ferreo clavo) tenerrimis arborum radicibus recenter extractis, quasi conopeis funibus, insigni ingenio componunt. Alii restibus & vimineis arborum populæarum, aut alterius generis, præterquam quercinis, non

non crescentibus ad cc. milliaria Gothica
sive Germanica prope, navigia ligant. Sed
abies & pini adeo proceræ altitudinis ac
rectitudinis sunt, ut aptissimæ sint ad
quemlibet necessarium usum, etiam lucri
cupidis ad opulentum quæstum, quando
ultramarinis mercatoribus vendi possunt.
Alii fabricando naves, conversis ac contri-
tis animalium nervis, præcipue rangifero-
rum, Sole ventoque siccatis, tabulata con-
jungunt. Sed hi nervi, instar stuparum, sunt
à subtilioribus nervis, pro usu filorum pur-
gatis, extracti, ut excrecentes, prout alibi
de utilitate rangiferorum, lib. de animali-
bus ostendetur. Omnia igitur navigia un-
decunque fabricata combinataque fuerint,
pineæ pice (cujus inexhausta abundantia i-
bidem adest) diligentissime liniuntur, cla-
visque ligneis intus forisve, ubi opus fuerit,
fortissime compaginantur. Navigia autem
admodum curta, non profunda sed valde
lata, proportionē debita, pro usu velorum
in tempestatibus reservata, fabricantur: eo
quod brevès undæ sunt & spumosæ, pro-
pter latentia sub aquis saxa excitatæ. Ce-
duntque ut plurimum fluctibus, velut co-
riarius saccus, undarumque reflexioni, quia
non duro, nec indomabili ferro, sed molli-
bus ac tenacissimis viminibus & nervis sunt

compaginata. Longoque tempore ab elementorum injuria, ob innatam picem, durant. Anchoris ex incurvatis fortium. lignorum radicibus, saxorum pondere sidentibus, & restibus populeis, seu betuleis, pro sufficienti longitudine funium, & lanceo panno pro velo, cum arborum codicibus utuntur, maxime in stagnalibus aquis, uti rarissime in mari salso. Hæcque navigia *Scutia* appellantur: sicuti & aliud oblongum genus in Bothnico mari & recentibus aquis *Haapar* dicitur, sine quocunque ferro diligentissime combinatum. Sed ut miræ longitudinis est, ita & portentosæ celeritatis, ut volare videatur ad levem impulsus. Rapidis fluminibus è sublimioribus locis descendentes solummodo, & æstivæ piscaturæ reservatur. Quo genere navigii periculosissime inter montana flumina anno 1518. descendendo eVectus fui: adeo fragili ligno coactus sum, ob publica negotia peragenda, credere animam & salutem meam: eoque formidabilior erat transitus, quo magis in littore signa apparere, magni nominis personas ibidem vi fluminum fuisse suffocatas.

CAP. XI.

De instructione sagittandi.

ARtem sagittandi quasi connatam professionem universæ gentes Septentrionales prosequuntur, præcipuè ex acubus omni ætati, tempori, loco, & occasione concessis, & hoc primæva ætate, qua solliciti parentes proles suas utriusque sexus, sed præcipue masculos instruunt, quomodo manuales arcus (nam alio sagittarum genere non utuntur) teneant, elevent, deprimant, vel obliquent in telis excutiendis: atque si telum vel sagitta, non tacta meta, inter arbores, herbas vel nives evanuerit, aut è sublimi sidat in fruticibus & arbusculis absconsa, quo pacto recuperari possit: hoc est, ut aliam, vel plures sagittas, servata eadem arcus elevatione, in longum vel altum dimissas, per cadentes inquirant. Nec enim longè ab ea reperibilis est, quam prius emisit. Huncque modum tela recuperandi, servant balistarii totius plagæ Septentrionalis. Pueris itaque, ut metam diligentius tangant, candidum aliquod cingulum (quo mirè delectantur) atque novi arcus apponuntur: similiter & puellis linea vestis. Tamque periti evadunt, ut magno in-

terstitio mediante, obolum vel acum (quatenus videre poterunt) infallibiliter attingant, prout personaliter anno prædicto 1518. in terris eorum constitutus vidi. Gens hæc ut plurimum pusillæ staturæ est, animoque pusillo, eò quod absque urbibus aut castellis, vel in pagis, vel tentoriis, vel carris, aut solitudine vasta moratur: imò pars eorum in arboribus quadrato ordine crescentibus domos collocant, ne denso nivium casu in campestribus suffocentur, aut à bestiis famelicis insuperabili agmine congradientibus devorentur: quo casu magna custodia fit prægnantium mulierum & parvulorum, quos avidius tanquam delicatioris escæ insequuntur, prout inferius de luporum natura dicetur. Mulieres ac puellæ earum regionum valde foecundæ & pulchræ sunt, ea potissimum causa, quod candore & rubedine (opificio naturæ præcipuo) formosiores habentur: nec fucum sciunt, aut scire volunt, etiam si venustatem eisdem natura negasset. Sunt etiamnum adolescentes & pueri, quos parentes regunt siccatis animalium pellibus, præcipuè juvenum urforum. Nec vitio datur genti, simplicitate morum & innocentia taliter institutæ.

CAP. XII.

De venatione Lapponum.

Cum alibi, videlicet primo libr. cap. 2. dictum sit de Scricfinnis, Biarmensibus, & Finmarchis, & moribus ac vita eorundem: hîc adjungendum erit qualiter in pandis seu latis & lubricis tabulis, pedibus alligatis super valles, nivososque montes ac cacumina montium, celerrimo transitu lapsuque, præcipites in bestias efferuntur arcubus & sagitis quærendas. Fœminæ solutis crinibus intendunt sagittas. Nec mirum, quia sub polo habitantibus in vasta nemorum circuitû, tanta ferarum reperitur fœcunditas & multitudo, ut soli viri, nisi & fœminæ accurrant, non sufficiant ad earum venationem instituendam. Igitur eadem agilitate, & forsitan majori quam viri, fœminæ venantur. Attamen vir prædam dividit, veruque designat assandam: quidve domesticis seu vicinis certa liberalitate donandum sit, disponit. Nec tantum hæc venandi sagacitas in terrestres feras, tam insidiosè quam aperte quærendas, extenditur, quam etiam in aves diversi generis, amplissimas solitudines inhabitantes, quarum plumis mollioribus pro lectis, pennisque

durioribus pro texturis nervorum utuntur. Carnibus vero horum animalium frequentius assis quam elixis vescuntur. Pellium vero exuvias, corporibus parvulorum filiorum vel adolescentum adaptant, uti avium, pro capitum tegumentis. Ideoque temere apud plerisque creditur, quod sint corpore hirsuto instar brutorum aut beluarum: quod forsan provenit, ob ignorantiam aut voluptatem quam inde plerique capiunt, ut supra fidem rerum dicant omnia comperta. sibi apud remotiores terras, ut Paulo Jovio visum est.

CAP. XIII.

*De transitu equorum super montes
nivosos.*

Transseunt homines & equi, quasi super clypeos militares. Sunt enim inter Septentrionalia regna, Suetiæ & Norvegiæ montes alti limtanei, *Doffrini* dicti, ac alii similes hyberno tempore adeo densis & profundis repleti nivibus, ut per eos solidum iter communi more viatoribus pernegetur. Verum ut domestici negotiatores ejusmodi difficultatem ingenio superent, arteque pondera levent, crates seu arcus levi ac lato subere, seu cortice siliano contex-

tos,

tos, pedibus propriis ac equorum alligant, jugaque nivium sine formidine depressionis (gravi licet pondere onusti) conculcant iterque diurnum, duo scilicet montana miliaria (quæ 12. Italica sunt) propter dierum brevitatē conficiunt. Noctē vero sub splendidissima Luna, duplatum iter consumunt, aut triplatum. Nēque id incommode fit, cum nivium reverberatione lunaris splendor sublimes & declives campos illustret, ut etiam montium præcipitia ac noxias feras à longè prospiciant evitandas: inter quas montani lupi sub intenso frigore, mense præsertim Januario, agmine magno conglobati, sunt nocentiores, prout infra de periculo luporum dicetur. Res autem quæ tam ingenioso labore portantur, sunt sal, crustatum ferrum, lineus ac laneus pannus, & alicubi mineralia saxa argenti, cupri, ac pelles pretiosæ. Ut autem equi ad iter niveum providentius instituantur, eos in nivosis vallibus, à juventure exilibus sportis quasi corbibus ad pedes alligatis, cum levi onere diem ducunt, ut assuescant pondera portare graviora. Nec minus ductores corbibus sub plantis alligatis sese baculo inferius lato habilitant, & sustentant, ut his præambulis pro tempore imminem valeant effugere necessitatem & mortem. Ev-

venis:

venit enim itinérantibus, ut Austro flante tantum nix mollescat, ut impressis pedibus equi vel hominis, nisi modo provideatur antedicto, quasi aperta vorago cedat: nec est qui relevet solum cum jumento, nisi fidis hominibus fuerit comitatus.

CAP. XIV.

De periculoso transitu intra montes.

MAjus adhuc periculum in cavernosis montibus iter facientibus imminet: quia flatus seu ventorum spiracula, adeo vehementia ibidem, concursu minutarum nivium excitari videntur, ut nisi comportatis fossoriis sive ligonibus quibus viam aperiant vix adsit spes qua exeant altissimos montes & profundissimas valles, Montes igitur hi præcipui sunt, Doffra, Schar, Sula, Horvilla, cum multis similibus: de quorum radicibus vel umbilicis exeunt vastissima flumina, partim in Orientem, & partim in Occidentem. Perpetui enim montes, quasi linea dorsotenus tracta, ab Austro in Septentrionem continuo gibbo ducuntur: nominaque sortiuntur à provinciis, ànibus vel forma locorum, vel bestiis versantibus in eisdem, ut ab ursis, lupis & cervis, aut castoribus, & aliis animalibus omnimode pilosis

pilosis, quæ pro loci qualitate contra vim
 frigorum peroptime sunt vestita. Ideoque
 leones, cameli, simiæ, asini, vel muli, vix
 eo portati supervivere possunt. Montes ta-
 men hos incolæ hyemis tempore, domesti-
 catis rangiferis quasi jugalibus, cervis, one-
 ribus non exiguis penetrant, milliaribus Ita-
 licis prope ducentis. Uni autem viro qua-
 draginta rangiferi pertinent domesticati:
 quorum quilibet pondus suffert librarum
 ducentarum & amplius.

CAP. XV.

De lege corvorum necandorum.

LEge constitutum est in Islandia, id est,
 terra glaciali, regno Norvegiæ antiqui-
 tus & nunc subjecta, ut quicumque noxiam
 bestiam occiderit, à fisco vel Regio præfe-
 cto, juxta crudelitatem occisi cadaveris &
 præsentati, constitutum suscipiat emolu-
 mentum. Cum itaque corvi etiam albi, ibi-
 dem plus quam in aliis regionibus, agnellos
 & porcellos impetuoso volatu ac ungula-
 rum raptu occidendo, sint sæviores, juve-
 nes terrarum incolæ eo labore se habilitant
 & indurant, ut hanc depopulationem ulciscantur,
 plurimos corvorum occidendo sagittis,
 solaque rostra funibus alligata, præ-
 sidi-

fidibus pro signo mercedem petitori demonstrant: quam & liberalissima largitione, pari sagittarum numero ut bestiae fuerint interemptae, compensant. Ita & de reliquis animalibus damnosis, in tota Septentrionali plaga observatur, salvo quod pelles grandium urforum, praesertim alborum, scabellis sacrorum altarium, ne frigus sacerdotibus noceat, substernuntur.

CAP. XVI.

*De baptizandis pueris sylvestrium
incolarum.*

ETSI multa de idololatriis extremi orbis Septentrionalis, & eorum superstitioso cultu dicta sint, & quomodo spes est, ut aliquando audita divini verbi vera praedicatione, ad communionem Christi fidelium accedere non tardarent: tamen pia praevallente exhortatione Catholicorum sacerdotum, magna pars sylvestrium hominum inducta est, majorque spes oritur, ut amodo, sedatis alibi erroribus, unanimiter inducendi accedant. Quod vero tardare videntur, causa est, & evidentissima, quod maxime distant, ducentis scilicet & amplius miliaribus Italicis, ab Ecclesiis Christianorum: ad quas ob eam immensam distantiam rarius:

valeant appropinquare. Veruntamen qui
 Christiano ritui sese subdiderunt, obedi-
 tissimi reperiuntur: licet enim prædicta sit
 distantia, semel tamen, aut bis in anno, suas
 visitant ecclesias baptismales, liberosque
 lactentes, cophinis seu corbibus impositos,
 post tergum ligatos, secum baptizandos
 comportant, aliaque pondera, & munera
 pellium, præsertim pretiosarum, sacerdoti
 loco decimarum distribuenda. Sed non
 modo Bothnicensium versus Septentrionem,
 verumetiam Verniorum versus Occiden-
 tem habitantium, hæc distantia & incom-
 moditas convertendorum hominum ad fi-
 dem, est deploranda. Et ob id rarissime
 presbyteri, nunquamque Antistites, solitu-
 dines illas, ob invia loca periculorum ple-
 nissima, accedere possunt.

CAP. XVII.

*De conversione Finlandiæ Septentrio-
 nalis, & Orientalis, ac maxima
 hospitalitate.*

FUIT olim hæc ultima Aquilonaris regio,
 quemadmodum plures vicinæ terræ, Pa-
 gana superstitione seducta: & ideo à via
 veritatis aberrans, Deo contumeliosa, &
 proximis extitit violenta. Eam postquam
 duo clarissima lumina & sanctissimi viri,
 Eri-

Ericus Suetiæ Rex, & beatus Henricus Upsalensis Archipræsul, fidei Christianæ & regno Suetiæ, circa annum salutis 1155. prædicatione verbi divini paceque oblata ac contempta, victoriosa manu subiecissent, ac templa extruxissent, sacerdotesque eidem genti præfecissent, facta est præcipua omnium virtutum amatrix, præsertim liberalitatis, & hospitalitatis: qua incolæ ejus in advenas & peregrinos per summam benevolentiam utuntur. Sunt inter se benigni & modesti, atque ad iram tardi: at si diu provocati fuerint, tarditatem magnitudine vindictæ compensabunt. Habitant vicatim in parochias & villas distincti. Ecclesias magnifice constructas habent, novisque erigendis magnopere student. Sacerdotibus summam venerationem exhibent, decimasque rerum omnium præstant: & rursus ab eis ita in lege divina, interprete in ambone ex more adhibito, instruuntur, ut pristinis erroribus extirpatis, ad honesta quæque sequenda, quadam mentis ingenuitate, promptissimi ac alacres efficiantur. Nec his dissimiles incolæ Occidentalis Bothniæ reputantur: qui deficientibus scholasticis disciplinis, naturali lege ita instructi sunt, ut vitia detestentur, & virtutes amplectantur. Deprehendunt enim, omnibus bonis eos affluere,

EPITOME LIB. IV. 163

fluere, qui recte vivunt ac nemini nocent:
& è contra ob detestanda crimina fornicationes scilicet & adulteria, furta, homicidia admissa, aves & bestias, nemora ac pisces, aquas eorum frequentius reliquisse, nec anteaquam orationibus ac benedictionibus sacròrum ministrorum offensa divinitas placata fuisset, rediisse.

LIBRI IV. FINIS.

OLAI

OLAI MAGNI, GO-
THI, ARCHIEPISCO-
PI UPSALIENSIS,

DE
Septentrionalium Gigantibus.

EPITOME LIBRI QVINTI.

CAP. I.

De Gigantibus.

Etsi sacræ profanæque historiæ maxima gigantum atque pugilum gesta evidenter commemorant, clareque, quid, quove tempore & loco orbis ea egerint, aut quomodo vixerint, attestantur: inutile tamen non erit, aliqua his superaddere, quæ è cautibus & saxis Septentrionalium regionum sunt eruta, ac palam universis latius per orbem reddere manifesta, quæ ab antiquissimis iisque rarissimis scriptoribus in libros sunt relata. Regiones igitur extremæ, alias in Charta mea Gothica annotatæ, videlicet Finmarchia, Biarmia, Scricfinnia, Helsingia, &c. adeo evidentia monumenta

Gi-

Gigantum curiosis seu studiosis inspecto-
 ribus ubique exhibent, ut admiratione præ-
 via credere cogantur, tam sublimem saxo-
 rum molem, tamque immanem collium
 congeriem, nullo naturæ compendio, sed
 portentosis hominum viribus fuisse conge-
 stam ac absolutam: etiam in campis, sylvis,
 ac montibus regnorum Sueciæ, Gothiæ, ac
 Norvegiæ, ubi similia saxa conspiciuntur.
 Quid vero Saxo Grammaticus, Danorum
 diligentissimus historicus, de sua tellure
 Danica in hac materia asserat, curiosus Le-
 ctor præfationem historiarum ejus (qua-
 tenus libuerit) circa finem inspiciat: com-
 perietque, Danicam regionem giganteo
 cultu quondam exercitam, prout eximæ
 magnitudinis saxa veterum bustis ac spe-
 luncis affixa testantur. Quod si quis vi
 monstrosa patratum ambigat, quorundam
 montium excelsa suspiciat, dicatque, si cal-
 let, quis eorum verticibus cautes tantæ
 granditatis invexerit. Inopinabile nanque
 quivis miraculi hujus æstimator advertet,
 ut molem super plano minime vel difficile
 mobilem, in tantum montanæ sublimitaris
 apicem, simplex mortalitatis labor, aut usi-
 tatus humani roboris conatus extulerit. U-
 trum vero talium rerum autores post dilu-
 vium Gigantes extiterint, an viri corporis
 viri-

viribus ante alios præditi, testatur, se parum notitiæ ex Daniæ antiquitatibus invenisse. Forte si superioris Sueciæ atque Gothiæ cautes & saxa examinasset, præclarissima veterum gesta mirabili suo ingenio ad posterum transtulisset: cum Suetia & Gothia, mille trecentis septuaginta annis, Reges & Principes habuerint, antequam Dan primus Rex in Dania regnare cœpit: quorum magnifica gesta saxis inculpta, nostri temporis curiositas intuetur. Distinguit tamen ipse Saxo, triplices quondam sub specie gigantum ac pugilum mathematicos extitisse, atque inauditi generis miracula, discretis præstigiis exercuisse. Primi fuere monstrosi generis viri, Gigantes dicti, humanam magnitudinem corporum granditate superantes. Secundi Physiculatores, artem habentes pythonicam: qui quantum superioribus habitu cessere corporeo, tantum vivaci mentis ingenio præstiterunt. Inter hos & gigantes, assiduum bellorum de rerum summa certamen erat, donec Giganteum genus armis subigerent, sibi que & regnandi jus, & divinitatis opinionem consciscerent. Tertiū vero ex superiorum copula pululantes, naturæ eorum, nec corporum magnitudine, nec artium exercitio respondebant. His tamen apud delusas præstigiis men-

C A P. II.

*De diversitate Gigantum, &
Pugilum.*

Olim in regno Helsingorum (qui nunc parent Regi Suecorum versus Septentrionem) gigas erat. *Hartbenus* nomine, tanta præditus magnitudine, ut novem cubitis dimensio longitudinis ejus protenderetur. Habebatque duodecim athletas contubernales, quorum insignis proceritas dimidio inferior videbatur. Alter quidam Starchaterus, toti Europæ olim ob crebras (ut inferius dicetur) victorias nominatissimus. Similiter & Arngrimus, ac Arverodus: de quorum etiam excellentissimis gestis infra dicetur. Ne tamen à solis veteribus seculis exempla magnitudinis aut fortitudinis mutuare videar, viros aliquot modernæ memoriæ, tam à mineralibus, quam aliis Suetiæ & Gothiæ provinciis adducere congruit, tanta fortitudine præditos, ut quisque eorum in humeros sublevatum equum vel bovem maximum, imo vas ferri sexcentarum, octingentarum, aut mille librarum (quale & aliquæ puellæ levare possunt) ad plura stadia portaret. Visus est etiam quidam

dam equitem armatum subito obvium, non agilitate tantum, sed viribus in terram deiecisse vel detrussisse.

CAP. III.

De sobrietate Gigantum, ac Pugilum.

A Sferit clarissimus Danicarum rerum scriptor Saxo superius allegatus, ac inferius frequenter allegandus, inter alios Septentrionales fortissimos viros, gigantea magnitudine & fortitudine predictos, quendam fuisse Starchaterum Thavestum: cujus admirandas & heroicas virtutes ita digne extollit, ut raros sui ævi similes vix habuerit in Europa, aut toto orbe, nec forsitan adhuc habet, vel habebit. Cumque eidem excellenti spiritus viro, per multas virtutes accomodat, inter alias ipsam sobrietatem, fortibus viris summe necessariam, huic relationi peculiariter statui proponendam, ut pote speculum prurientis ævi nostri nunc attentius intueundum. Erat enim (eodem Saxone teste) ejusdem Starchateri fortitudo siue a matris, & ab immoderato dapum usura versa. Semper voluptate omissa, virtutis respectum egit, vetustos continentiae mores imitans: ac rusticioris escæ paratum appetens, cœnæ sumptuosioris impendium fasti-

fastidivit. Igitur profusam dapum indulgentiam aspernatus, fumidoque ac rancido cibo usus, famem eo sapidius, quo simplicius pepulit, ne veræ virtutis nervos externarum deliciarum contagione, tanquam adulterino quodam dulcore remitteret, aut priscae frugalitatis normam inusitatis gulæ superstitionibus abrogaret. Cæterum indignanter ferebat assam dapem, eandemque elixam, unius cœnæ sumptibus erogari: edulium pro monstro accipiens, quod culinæ ardoribus delibutum, factoris industria multiplicis temperamenti varietate perfricuit. Igitur ut Danicum luxum, Teutonum ritu (unde effœminati fierent) introductum averteret, inter alia patrio carmine, multis omiſſis, sic cecinit.

STARCHATERI CARMEN DE FRUGALITATE.

*Fortium crudus cibus est virorum :
Nec reor laetis opus esse mensis ,
Mens quibus belli meditatur usum
Pectori forti.*

*Aptius barbam peteras rigentem
Mordicus presso lacerare dente,
Quam vorax lactis vacuare sinum
Ore capaci.*

Fugimus laeta vitium popina,
Rancidis ventrem dapibus foventes.
Coctiles paucis placuere succi

Tempore prisco.

Discus herbosus vacuus saporis,
Arietum carnes dabat, & suillas.
Temperans usus nihil immodesto

Polluit ausu.

Lacteam qui tunc adipem liguris,
Induas mentem petimus virilem:
Esto Frotonis memor, & paterni

Funeris ultor.

Occidet nequam, pavidumque pectus:
Nec fugax fati stimulum refellet,
Valle condatur licet, aut opacis

Incubet antris.

Vndecim quondam proceres eramus.
Regis Hachonis studium secuti.

Hic prior Helgo Begathus resedit

Ordine coena.

Hic famis prima stimulum licebat
Aridis perna natibus levare:
Ventris ardorem rigidi domabat

Copia crusti.

Offulam nemo vapidam petebat,
Quisque communes celebrabat escas,
Simplici tantum stetit apparatu

Coena potentum.

Vulgus externum fugiebat esum,

Nec

*Nec fuit summis epuli libido :
Ipse Rex parvo meminit modestam
Ducere vitam :*

*Mellei temnens speciem saporis
Combibit tostum Cereris liquorem :
Nec parum coctis dubitabat uti ,
Assa perosus.*

*Mensa perstabat modico paratu,
Exhibens sumptum tenui salino,
Ne quid externo variaret usu
Docta vetustas.*

*Amphoras nemo paterasve quondam
Intulit mensis : dolio profudit
Poculum promus : nec erat catillis
Copia pistis.*

*Nemo transacti venerator avi
Cantharis junxit teretes diotas.
Nec cibus lancem cumulavit olim
Comptus agaso.*

*Non brevi concha cyathove levi
Prandium vanus decorabat hospes.
Nunc recens morum facies prudenter
Omnia pressit.*

Talibus itaque argumentis, plurimos ad temperantiam & sobrietatem, ceterasque virtutes induxit, ut plerique invenirentur qui nunquam ebriosa portione indulgisse dicantur, ne præcipuum fortitudinis vinculum continentia luxurię viribus eluderetur.

Tamque remotus ab omni lascivia eorum animus erat, ut penitus dedignarentur spectatores esse mimorum aut scurrarum : nec delicatam dapem parare, aut lautiori industria aliena culina paratam appetere, aut oblatam degustare : nec cuiquam perniciosæ voluptati animum aut vires effoeminandas offerre : ne veræ virtutis nervos, aut bellicam claritatem aliqua vitiorum contagione commacularent.

CAP. IV.

De virtutibus fortissimi Starchateri.

HAbendo sobrietatem (ut proxime prædictum est) quam apte ad cæteras virtutes vinculum ampliare potuit, omnes qui gentilium operationes intuentur, agnoscunt : clariorque factus fuisset in meritis, si Christi doctrinæ, sicuti nativitati ejus, vicinitatem habuisset. Peregit tamen triumphum hominum sæcula fortis & invictus pugil, monstrosa & incredibili quadam virtute præditus, supra communem hominum staturam longe evectus, giganteam quandam molem præ se ferens, ita ut corporis magnitudini, virium robur & animi fortitudo responderet, & nulli mortalium virtute cedere putaretur: cujus tam late patens claritas

tas fuit, ut adhuc quoque celeberrima gestorum ejus ac nominis opinio perseveret. In omnibus enim Aquilonaribus regnis & eis vicinis, speciosissima sibi peperit monumenta. Primum in Vichari Norvegia: regis jugulo, deorum favori facinorum suorum principia dedicavit: deinde piraticam agens, profligatis late provinciis, Russiam invasit, regemque ejus Floccum superavit, & ingenti thesauro spoliavit. Ob hæc tam præclara militiæ principia, ab athletis Biarmiensibus, qui tunc præstantissimi habebantur, accitus, cum plurima apud eos memoratū digna edidisset facinora, Sueonum fines ingreditur: unde septenni militia peracta, ad Daniam se contulit, deinde in Hyberniam, ne ultimæ rerum humanarum mansiones ab eo intactæ consisterent: ubi cum duobus præstantissimis athletis congressus, victor evasit. Mox in orientalia Russiæ, contra eximiæ opinionis gladiatorem Visinum properavit. Is enim Visinnus vicinas longinquasque provincias omni injuriæ genere vexavit, illustriumque virorum conjuges, maritis spectantibus, raptas ad stuprum pertraxit. Cujus sceleris Starchaterus (ut alter Hercules) rumore excitus, tollendi auctoris gratia Russiam petivit, raptoremque ad singulare certamen provocatum op-

pressit. Deinde latius ad Orientem progressus, Byzantium pervenit, ubi invictæ opinionis gigantem, Tannam nomine, corporis viribus fretum, colluctando devicit, ignotasque terrarum partes proscripti titulo petere coegit. Igitur cum nulla fortunæ sævitia vires ejus victoria fraudare potuisset, Poloniæ partes aggressus, eximium athletam Vafche, vel Vaszam, duelli certamine superavit. Nec longe post, cum Hama pugile, apud Saxonos gymniciis palmis clarissimo, congreditur: cujus Hamæ pugno primum ita obrutus memoratur, ut genibus nixus humum mento contingeret: quam corporis nutationem egregia ultione pensavit. Nam ubi resuscitato poplite, manum expedire, ferrumque distringere licuit, medium Hamæ corpus dissecuit: eaque victoria, Saxonos Danorum subjecit imperio. Quo adeo severe abusi sunt, ut pro quolibet cubitali, indicem servitutis stipem quotannis pendere cogerentur. Sed non diu violentum duravit imperium.

CAP. V.

De patrocínio quod tulit oppressis.

A^B Helgone Norvegorum Rege (qui cum novem eximæ fortitudinis pugilibus,

bus, ipso nuptiarum die sub duelli provocatione sponsam rapere volentibus, congregari debuerat) suppliciter rogatus tanto discrimini auxilium afferre, tam prompto animo precibus assensit, ut Helgone ad locum pugnae praecedente, interjectis aliquot diebus profectionem orsus, tantum locorum diali itinere pedester emensus probeatur, quantum praecedentes diebus duodecim equestres peragrasse dicuntur. Interrogatus a pugilibus, an ei dimicandi virtus suppetere: Non unum tantum, verum quotlibet admissos excipiendi certissimas sibi vires extare respondit. Sequenti die cum contemptu adversariorum campum ingressus, sub montis cujusdam clivo sessione quaesita, adversis ventis ac nivibus corpus praebuit. Tunc ac si verno tempore apricandum esset, deposita veste, demendis operam pulicibus dabat. Purpureum quoque amiculum quo nuper ab Helga (id erat nomen Regiae sponsae) donatus fuerat, sentibus injecit, ne contra saevientia grandinis tela, indumentorum umbracula mutuatus videretur. Tunc athletae montem ex opposito subeuntes, aversum ventis sedendi locum petunt: accensoque igne frigus depellunt. Denique non viso Starchatero, quendam ad montis fastigium immittunt, qui tan-

quam è specula ejus contemplaretur adventum. Is in devexa montis parte senem prospicit, scapulis tenus nivali desuper respiratione contactum : quem percontatur an is sit, qui promissas pugnae partes agere debeat. Cumque se esse hunc Starchaterus astrueret, supervenientes ceteri, pariterne omnes, an singulatim excipere statuisset, interrogant. At ille : Quoties, inquit, mihi triste canum agmen oblatrat, simul, non vicissim eos abigere soleo. Ita se cum universis, quam singulis configere malle significans, prius adversarios dictis quam armis contemnendos putabat. Inito conflictu, sex eorum absque mutuo vulnere receptu prostravit : tres vero residuos, quanquam multis vulneribus ab eis affectus, fratrum exemplo consumpsit : quæ quidem vulnera soli ruricolæ filio, ob officii venerationem, credidit restauranda. Is enim evulsas stomachi partes pristino loco restituit, elapsamque extorum congeriem, nexili viminum complexione perstrinxit. Ne autem indonatum juvenis humanitatem relinqueret, chlamydem vepribus injectam, oblatae dignationis præmium effecit.

CAP. VI.

De exercitiis ejusdem Starchateri.

DUm autem Starchaterus apud Regem Suetiæ militaret, intellexissetque, Daniæ Regem Ingellum prorsus petulantissimis luxus illecebris mancipatum, vitiaque pro virtute complexum, intermissis Regiæ majestatis officiis, sordidum luxuriæ mancipium evasisse, dolenter tulit, tantæ indolis juvenem, tam incluti patris filium exuisse. Eximium igitur carbonum fascem, tanquam opimam sarcinam, humeris suis Daniæ petiturus impendit: Rogatus ab obviis, quid tam insolitum onus deferret, Ingelli Regis hebetudinem ad acuminis habitum carbonibus se perducturum astruxit. Nec minus quam dixit, effecit. Tantum enim valuit fortissimi ac eloquentissimi viri monitio, ut Ingellus ex enervi & molli illecebrarum mantipio; magnanimus virtutum cultor evaderet, patrisque sui interfectores, quos ad primum familiaritatis gradum extulerat, trucidaret. Quo peracto, Starchaterus suis monitis satisfactum gaudens, gratiasque agens, multa præclara in laudem veteris militiæ, modo qui sequitur, inter alia complura cecinisse refertur:

*Imberbis quando ductum auspiciūque
sequebar*

*Militia Rex Hacho tua, lasciva perosus
Ingenia & luxum, nil prater bella colebam:
Exercens animum cum corpore, mente pro-
fanum*

*Omne relegavi, stomachoq; placentia fugi,
Fortia complexus animo, nanque arma
professus,*

*Aspera vestis erat, cultusq; parabilis olim,
Rara quies, somnique breves, labor otia
longe* (ptu.

*Propulit, & parco fluxerunt tempora sum-
Non ut nunc quidam, quibus insatiata
cupido*

*Ingluvie caca visum rationis inumbrat.
Horum aliquis vestis operosa tegmine cul-
tus,*

*Molliter alipedem flectit, sparsamque re-
nodat*

*Casariem, & laxos patitur fluitare capellos:
Discere saepe foro, turpique inhiare lucello
Gaudet, & hoc studio vitam solatur iner-
tem,*

*Vanali celebrans commissa negotia lingua,
Vi violat leges, & ferro jura laceffit,
Obterit innocuos, alieno pascitur are,
Stupra gulamque colit, risu convivia mor-
dax.*

*Insequitur, sic scorta petens ut sarculus her-
bam.*

(scunt,

*Occidit ignavus, dum praelia pace quie-
In media si valle cubet, testudine nulla*

*Tutus erit qui fata timet: fors ultima vivū
Quæque rapit, latebra lethum depellere
non est.*

*Ast ego, qui totum concussi cladibus orbem,
Leni morte fruar, placidoque sub ædra le-
vandus*

Funere, vi morbi defungar vulneris expers.

Semper præterea tam remotum à lascivia animum habuit, ut ne ejus spectator esse sustinuerit. Nunquam otium negotio prætulit, nec minimæ quidem luxuriæ assensor esse voluit, mollium & timidorum contemptor. Histriones, scurras, parasitos ubicunque inter bellantes comprehendit, cædendos curavit: satius ratus, in levium hominum agmen cuticulæ damno ridiculum dictare supplicium, quam pœna capitis funestum imperare discrimen. Eoque modo, jocularis ministerii sordidæque conditionis catervam, præbroso verborum ludibrio multare contentus extitit, ne clarissimas manus turpissimorum hominum extio commodaret. Fuit ipse Starchaterus in eo famosissimo bello Suetico, quod Ringo Suetiæ Rex contra Haraldum Danię regem

gessit, præcipuum culmen. Eo siquidem bello nullum majus unquam in Aquilonaribus regnis factum memoratur. Victor Suecorum Rex Danis imperavit. Periêre ex Suecis XII. millia illustrium & procerum, ex Danis XXX. millia nobilium, at popularium utriusque partis nullus erat numerus.

CAP. VII.

De summa gestorum Starchateri.

DEmum post egregiam facinorum suorum laudem in senium vergens, hoc succincto carmine totius vitæ & militiæ suæ stitidum summam sic expressit, auctore Saxone:

*At mihi (si recolo) nascenti fata dedere
Bella sequi, belloq; mori, miscere tumultus,
Invigilare armis, vitam exercere cruentâ,
Castra quietis inops colui pacemque perosus
Sub signis Gradive tuis discrimine summo
Consenui, victorq; metu pugnare decorum,
Turpe vacare ratus, crebras committere
cades.*

Egregium duxi, & strages celebrare frequentes.

*Sæpe graves bello Reges concurrere vidi,
Et clypeos galeasque teri, crude scire campos
San-*

Sanguine, loricas affixa cuspide rumpi,
 Undique thoraces admissio cedere ferro,
 Luxuriare feras inhumato milite pastas:
 Hic aliquis forte egregii conaminis author,
 Marte manuque potens medium dum pug-
 nat in hostem,

Intentam capiti lorica diffidit: alter
 Casside perfoffa ferrumque in vertice mer-
 sit,

Quando ter Olonis summo discrimine nati
 Expugnator eram: namque agmine pror-
 sus in illo

Aut gladium fregit manus, aut obstantia
 fudit.

Hac gravitas ferientis erat. Quid quando
 Curetum

Littus & innumera constratum cuspide
 callem,

Primus ligniferis docui decurrere plantis?
 Namque aditurus agros confertos murice
 ferreo,

Armabam laceros subjecto stipite gressus.
 Hinc mecum egregiis congressum viribus
 Hamam.

Enecui: mox cum Rino duce Flebace nato
 Obtrivi Kurios, vel quas alit Esthia gentes
 Et populos Sengalla tuos. Post hac The-
 lemarchos.

Aggressus, caput inde tuli livore cruentum,
 Quas?

*Quassum, malleolis armisque fabrilibus
ictum.* (rent

*Hic primum didici quid ferramenta vale-
Incudis, quantum ve animi popularibus
esset.*

*Teutonici quoq; me pœnas authore dedere,
Cum natos, Suertinge, tuos, Frothonis ini-
qua* (vi.

*Cede reos, domini vindex ad pocula stra-
Nec minus hoc facinus, quando pro virgi-
ne chara*

*Vno septenos necui certamine fratres,
Teste loco, qui me stomacho linquente pero-
sus,*

*Non parit arenti redivivum cespite gra-
men.*

*Moxq; ducis Kerri bellum navale parantis
Vicinis egregio confertam milite puppim.
Inde dedi letho Vaszam, fabrumque pro-
cacem*

*Multavi natibus casis: ferroque peremi
Rupibus à niveis hebetantem tela Visin-
num.* (emi

*Quattuor hinc Leri natos, pugilesque per-
Biarmenses: gentis Hyberna principe capto,
Dustina populabar opes: semperque manebit
Nostra Bavellinis virtus conspecta trophæis.
Quid moror, excedunt numerum qua for-
titer egi;*

Quod-

*Quodque manu gessi , ad solidum celebrare
recensens*

Deficio ; sunt cuncta meo majora relatu.

*Vincit opus famam , nec sermo suppetit
actis.*

Sanè fuit hic vir haud dubiè dignus omni bellica laude , non animi solum vigore , sed etiam corporis viribus excellens, præcipuaque pedum pernitate , ut uno die accelerando, à superiori Suetia in Daniam pedester pervenerit , quod alii diebus XII continuo gradientes vix assequuntur.

CAP. VIII.

De maximo ac terribili bello Suecorum ac Gothorum, cui Starchaterus prafuit contra Danos.

CUM causam & exordium , ac progressum & exitum acerrimi prælii Haquini Ringonis Suecorum Gothorumque Regis ac Haraldi Hildetan Danorum Regis, libro octavo, historiarum excellentissimus Danicatum rerum scriptor Saxo Sialandicus , omni ævo successuro notissimum tradiderit, ac post eum evolutis jam quinquaginta annis Albertus Cranzius idem prælium incidenter attigerit , novissimusque omnium charissimus frater, & antecessor meus, Jo. Magi

Mag. Archiepiscopus Upsalienſis, hoc vā-
ſum & incomparabile bellum in Gothiſis
ac Suetiſis hſtoriis ſuis, ex inevitabili pro-
poſito veraciter (ut fidelem hſticum de-
cet) nuper conſcripſerit, ad me pertinere
arbitror, ut ſaltem ejuſmodi formidabilis
conſlictus aliquam mentionem hoc in loco
inter pugiles & gigantes interſerā, præci-
pue quia in nullo prælio Septentrionalium
regnorum, & vix unquam in tota Europa,
tōt fortiffimi utriuſque partis, tam terre-
ſtris, quam navalis exercitus duces, cum tan-
ta vehementia ac ardore belli ſeptennio
præparati concurriffe léguntur, quemad-
modum in hſtoriis ſatis concordibus ſu-
pradiſtarum regionum ac Regum & Au-
thorum fideliter ſcriptum habetur. Enu-
merantur in primis clariffimi bellatores,
unde, & quo ſtemmate inſigniores pro
parte Danorum fuerint. Inter quos & ſœ-
minæ dux, quibus virilem animum natura,
aſque & experientia peritiā erogaverat
militarem, Hetha ac Viſna, Sclavonica ſtir-
pis illuſtriſſimæ mulieres: quarum altera
prima dux erat: altera vero apprime rei
bellicæ perita, principale vexillum gerens;
eo, dextraque in conſlictu, urgente in acie
Suecorum Gothorumque Starchatero, (ut
infra dicetur) privata fuit. Similiter ex parte
oppo-

opposita duces insigniores enumerantur,
 maxime quod Starchaterus Suetici Regis
 Ringonis principalis exercitus director fuit,
 atque in ejus exercitu Vegibiorga puella
 acerbissima bellatrix, ut inferius ostende-
 tur. Numerus navium Ringonis pro Suecis
 & Gothis, duo millia quingentæ repertæ:
 sed Danorum non impar erat. Præparatis
 igitur utrinque nunc cuneata, nunc corni-
 culata acie, & reliquis ad prælium requisi-
 tis, lituisque canentibus, asperrimum for-
 tissimarum gentium tanto tempore præpa-
 ratum, tanto ardore de invadendo ac de-
 fendendo imperio conferitur bellum, ut
 crederes, repente (inquit Saxo) terris in-
 gruere cælum, sylvas camposque subside-
 re, misceri omnia, antiquum rediisse chaos,
 divina pariter & humana tumultuosa tem-
 pestate confundi, cunctaque simul in per-
 niciem trahi. Nam ubi ad teli jactum per-
 ventum, intolerabilis armorum stridor in-
 credibili cuncta fragore complevit. Vapor
 vulnerum repentinam cælo nebulam inten-
 debat, dies effusa telorum grandine tege-
 batur. Nec parum in acie funditorum opera
 valuit. At ubi pila manu aut tormentis ex-
 cussa, cominus gladiis ferratisque clavis de-
 cernitur, tum vero plurimum sanguinis pe-
 riclitatum est. Igitur fessis manare sudor
 cor-

corporibus cœpit, mucronumque crepitacula eminus audiebantur. Illic Starchaterus, qui belli hujus seriem sermone patrio primus edidit, prior in acie dimicans, Haraldus Regis proceres, Hun, & Elli, Hort, ac Burgha, à se prostratos, abscissamque Vifnæ dexteram, commemorat. Puella etiam in Suetica acie dimicans, Vegtbiorg nomine, Soth pugilem stravit: & ipsa quoque altero instante hoste interempta est. Tanta enim vi periti arcuum Guthones nervos intenderant, ut clypeos quoque jaculis transverberarent: nec alia efficacior cædis exitit causa. Loricas galeasque perinde ac inermia corpora sagittarum acumina penetrabant. Centum quadraginta quatuor sagittis, Ubbo quidam fortissime pugnans, trans fossus interiit. Summa etenim sagittariorum vi instantibus Dalacarlis, recruduit semper bellum contra Danos. Tandem Danorum Rex Haraldus curru excussus, clava aurigæ proprii exterebratus interiit, procerumque triginta millia ex sua acie, atque duodecim millia similium procerum ex parte Suecorum, & Gothorum, popularium vero numerus erat infinitus. Regnoque Daniæ jussu Regis Suetiæ Ringonis præficitur Hetha, numero regentium XLVI. Cui successit Olo, per Starchaterum, ab insidiatore-

toribus introductum, pretioque corruptum, interemptus.

CAP. IX.

De morte Starchateri.

Postremo jam proluxa fatigatus ætate & labore, ne senii vitio pristinum gloriæ decus amitteret, egregium fore putavit, si voluntarium sibi conscisceret exitum, factumque proprio maturasset arbitrio. Olim namque rei bellicæ deditis morbo perire probro datum est. Aurum itaque librarum Cxx. quod jampridem pro Olonis tyranni interfectione meruerat, collo appensum gerebat, emendi percussoris gratia: nihil apertius ratus, quam si aurum, quod pro aliena clade tulerat, damno propriæ salutis impenderet. Itaque Hatherum splendido loconatum, cujus olim patrem occiderat, obvium nactus, hortabatur ne à parentis sui interfectore pœnas exigere vereretur: hæc facientem, auro quod gerebat potiturum esse promittit. Et ut ejus in se animum vehementius efferaret, hujusmodi exhortatione usus esse traditur:

*Prætereaq; Hathere privavi te patre Lenno.
Hanc mihi queso vicem referas, & obire
volentem*

Sterne

*Sterne senem, iugulumque meum pete vin-
dice ferro.*

*Quippe opem clari mens percussoris adoptat
Horret ab ignava factum deposcere dextra.
Sponte pia legem sati præcurrere fas est.
Quod nequeas fugere, hoc etiam anticipare
licebit.*

*Arbor alenda recens, vetus excidenda. mi-
nister*

*Natura est quisquis fato consinia fundit,
Et sternit quod stare nequit: mors optima
tunc est*

*Cum petitur, vitæque piget, cum funus a-
matur,*

Ne miseros casus incommoda proroget atas.

Hæc dicens exertam crumena pecu-
niam promittit. Hatherus autem tam fruendi
æris quam paternæ ultionis capessendæ cu-
pitudine concitatus, obsecuturum se preci-
bus, nec præmia repulsurum spondit. Cui
Starchaterus cupide ense præbito, pronam
postmodum cervicem applicuit, ne timide
percussoris opus exequeretur, aut ferro mu-
liebriter uteretur hortatus: præfatus, quod
si peracta cæde ante cadaveris lapsum caput
ac truncum medius interfiliret, innocuus
redderetur. Igitur Hatherus adactæ vegete
gladio, senem capite demutilavit: quod
cor-

corpori avulsum, impactumque terræ, gle-
 bam morſu carpiſſe fertur, ferocitatem ani-
 mi moribundi oris atrocitate declarans.
 Percuſſor tamen promiſſis fraudem ſubeſſe
 veritus, ſaltu abſtinuit: quem ſi temere e-
 giſſet, forte lapſi cadaveris ictu obrutus, oc-
 ciſi ſenis pœnas proprio funere perſolviſſet.
 Verum ne tantum athletam buſti inopem
 jacere pateretur, corpus ejus in campo, qui
 vulgo *Reling* dicitur, ſepulturæ mandan-
 dum curavit.

CAP. V.

*De Haldano, aliisque pugilibus
 ab eo deviſtis.*

Accedit præterea alius claræ memoriæ
 Gothorum pugil, Haldanus nomine,
 Gotho patre, videlicet Rege Carolo geni-
 tus, iſdem temporibus florens: cujus ad-
 miranda geſta atque facinora eo diligen-
 tius præſentibus inſerta ſunt, quo inſignio-
 ri fortitudine deducta noſcuntur. Is primæ
 militiæ annis piratica tranſactis, certamini
 Suetico ſe immiſit: in quo dum pugilem
 Haquinum hebetandi carminibus ferri pe-
 ritum adeſſe didicit, eximiæ magnitudinis
 clavam ferreis conſertam nodis, tuſſionis
 uſibus adaptavit, perinde ac præſtigii vires
 ligneo

ligneo robore debellaturus. Deinde cum cæteris conspicuæ virtutis habitu præmineret, inter acerrimos hostes, obnupto galea capite, scuti inops, clavam in objecta clypeorum munimina geminæ manus opere torquebat, nec ullum tantæ soliditatis obstaculum erat, quod non frustratim clavæ impulsu obtereret. Quo evenit, ut occurrentem sibi in acie pugilem, acriore gestaminis impactione subrueret. Victus tamen, & saucius, Suecorum potentiæ cessit, in remotas terras dilapsus: viribusque, opera veterani militis, qui medendi artem curatione propriorum vulnerum dudum didicerat, restitutus, quodam insigni pugile Thorone in suam societatem accepto, cum Suecis denuo stratagemate classico congregitur: victorque abscedens, Sivaldum quandam cum septem filiis natura habituque ferocissimis, novum molientibus insultum, sub provocatione (satis informi clava usus) pariter oppressit. Deinde Hartbenum quandam gigantem Helsingum, novem cubitorum proceritatem (ut superius dictum est) habentem, quod raptas Regum filias stupro corrumpere gloriæ loco ducebat, illustres nuptiās humilibus præferre, tantoque se clariorem existimare consueverat, quanto splendidiore concubitus per vim

vim assequi potuisset) malleo miræ gran-
 ditatis , una cum sex suis athletis simili vio-
 lentia ac scelere debacchantibus , valide
 contrivit. Præterea Egtherum Finensem,
 quod piratica plurimos hinc inde molesta-
 ret, navalique prælio expugnari nequiret,
 ex provocatione secum decernentem op-
 pressit. Deinde cum Hatheri Norvegiani
 Regis filiam Thorildam à Grimmone exi-
 miarum virium athleta, sub duelli com-
 minatione expeti comperisset, edictum-
 que à patre esset , potiturum ea , qui
 pugilem amovisset: quanquam ad senectu-
 tem cœlebs pervenerat, non minus tamen
 Regis promissione, quam athletæ petulan-
 tia concitatus , pugnæ locum concessit.
 Grimmonem appetens, extremos lorice
 nexus cum occidua clypei parte persecuit.
 Quod factum Grimmo admiratione prose-
 cutus, Vetulum, inquit, acrius dimicantem
 non memini. Statimque ferrum exerens,
 objectum clypeum gladio convulsit: cujus
 immorantem iectui dexteram Haldanus fer-
 ro corripuit, vulnereque in femur misso,
 eum perpetuo reddidit mutilatum, utque
 reliquias languentis vitæ retineret, pecunia-
 rum multatione coëgit. Postremo Ebbo-
 nem plebejum insignem Piratam, virtutis
 fiducia filiam Regis Gothorum atque di-
 mi-

midium regni in dotem postulantem, ea audacia repressit, ut despicabiles generis sui sordes, eximæ nobilitatis splendori miscere non præsumeret, multominus regni consortium affectare. Atque ea prolata comminatione, die non suppetente, sub splendida Luna eum interemit, tanquam nocturnum certamen monstro exhibiturus.

CAP. XI.

De alio quodam Haldano, & gestis ejus.

NEC minori claritudine inter fortissimos pugiles memoratur alter quidam Haldanus, Borchari Norvegiani atque Drothæ regiæ prolis filius: cujus juventæ initia stoliditatis opinione referta fuere, sequens vero ætas fulgentissimis operum insignibus illustris evasit, maximisque viræ ornamentis inclaruit. Adolescens pugilem ingenuæ famæ, quod ab eo pueriliter obludens colapho percussus esset, gestamine, quod in manu habebat, petitem oppressit: augurio apud omnes relicto, quanta animi atque virium magnitudine in hostes triumphaturus esset. Ea tempestate Retho Ruthenorum pirata plures provincias rapinæ
&

& crudelitatis injuriis profligabat : cujus tam insignis atrocitas erat, ut cæteris extremæ-captorum nuditati parcentibus, hic etiam secretiores corporum partes tegminibus spoliare deforme non duceret. Unde graves immanesque rapinæ Rethoranæ cognominari solent. Habebat & aliam torquendi sævitiam beluinam, quam verecundiæ causa volens prætermitto: qua indignitate motus Borcharus Haldani Pater, Rethoni se objicit : quorum, ut mutuum bellum, ita exitium fuit. Haldanus vero eam pugnam vulneribus affectus exiit : è quibus unum ori evidentius inflictum habebat ad eò cicatrice conspicuum, ut cæteris sanatis, carnis excremento sarciri nequiret : quæ res, Contumeliosum os, nomen ei peperit, unde perennem gloriam, pro honestate & patria pugnans, æquius meruisset. Sed quid virtuti dignum unquam retribuit calumniosa interpretatio malignorum? Viguit tamen in eo tanta militaris claritas, ut ubique ob insignem fortitudinem formidabilis haberetur : unde & ea fiducia ductus, concupiscere cœpit consortium nobilissimæ virginis Giurithæ regii stemmatis eo seculo in Dania ultimæ hæredis : quæ cavendæ injuriæ gratia, conclave suum electo pugilum agmine tutabatur. Ad quam cum Halda-

nus semel forte venisset, abessentque pugiles, quorum ipse fratrem impubes extinxerat; Oportere eam, inquit, castimoniarum rigorem honestissimo conjugii decore permutare, ut lapsa regni gubernacula copulae suae beneficio reparare posset. Se ergo nobilitatis splendore conspicuum nuptialibus ab ea votis respici hortatur, quod ob dictam causam voluptati aditum datura videatur. Cujus responsione intellecta, se nedum generis claritudine imparem existimari, sed oris deformitatem sibi exprobrari, obsecrat, ne cui tori conniventiam præbeat, antequam reditus interitusve sui certitudinem cognovisset. Quem athletæ Giurithæ locutum indigne ferentes, discedentem insectari conantur. Quid viso, mox quercu succisa, atque in clavae habitum redacta, solus cum duodecim manus conseruit, eosque spiritum spoliavit. Deinde augendae claritudinis titulo Russiam ingressus, summa omnium dignatione suscipitur, atque in brevi (fervente inter Suecos & Ruthenos acerrimo bello) plures Suecorum pugiles duelli provocatione oblatos interemit: & in postremis proprium fratrem Hildigerum septuaginta pugilum oppressorem (dum pietatem fortitudini non præponeret) gladio panniculis (ne carminibus hebetaretur) obducto

occidit. Deinde Sivarum Saxonicum, quod nuptialibus triumphis sponsam ejus Giuritham abducere vellet, celeri in Daniam emenso regressu inter convivantes oppressit, sponsaque læto applausu potitus, ex ea genuit Haraldum Hildetam, de quo capite VIII dictum est. At finaliter à Veseto insigni pugile, in Sialandia pro restituenda lacerata patria pugnans, occiditur.

C A P. XII.

De Olone Vegeto.

OLo Vegetus tertio ætatis lustro peractō : tirocinium virtute auspicatur. Cum enim percepisset, Gunnonem proximas mansioni suæ sylvas per atrox latrocinium obsidere, atque innocentes homines perdere, facinoris indignatione permotus, & ne virtuti debitum tempus inertia dilabi pateretur, arma à patre principe Norvegia-
no impetrat : caneque crudeli secum accepto, ac equo, profundam sylvam ingreditur, hominumque vestigia nivibus impressa cognoscit. Quo signo superatis multis periculis, tandem latronum ædes aggeribus obductas invenit. quorum stabularium artuatim confraçtum, primo interemit, tecto-
que transversum iniecit: deinde patrem,

filiumque, tantæ ignominiaë vindices ac-
 currentes, alterum ferro, alterum cane con-
 sumpsit. Sed ne ipse quidem incruentam
 gessit victoriam. nam adverso corpore su-
 scēpit vulnus, quod sedulo à cane perlin-
 ctum, citius sanatum invenit. Moxque sti-
 pitibus capita atque cadavera latronum, in
 signum restitutæ securitatis infigi jussit: qua
 etiam fortitudine duodecim pugiles, pud-
 citiam filiaë Regis Trondorum violare cu-
 pientes, in exigua insula (ut sequenti capi-
 te dicitur) oppressit. Erat præterea illi a-
 cre ingenium cum viribus conjunctum, ut
 facili manu ferocissimos hostes conficeret,
 aut fugaret: unico siquidem satellite mu-
 liebriter culto contentus, hunc modum ser-
 vavit, ut suum comitisque ferrum cavatis
 baculis condendum curaret, donec comi-
 nus certaturus, baculo extractum, in quos
 vellet repente immergere posset. Eoque
 strategemate usus, potentes plerunque ad-
 versarios superavit. Deinde piraticam lon-
 ge lateque militaribus armis exercens, lxx.
 maritimos Reges nauticarum virium certa-
 mine consumpsit. Quo evenit, ut insignio-
 res pugiles ejus confæderationem peterent,
 atque plures effrenati ingenii juvenes ejus
 fierent stipatores. His viribus instructus,
 ita finitimos reges sola opinione castigavit,
 ut

ut iisdem gerendorum bellorum manus, curam, audaciamque detraheret. Tandem ad Regem Suetiæ Ringonem pervenit: eo charior illi factus, quo cæteris ejus aulæ principibus singulari fortitudine similior erat: unde & princeps maritimæ classis (que numerum duorum millium & quingentarum navium continebat, ut superius dictum est) constitutus, eam septem Regum manu consilioque, promptissimorum etiam sibi adherentium eo ordine ac studio gubernabat, ut Danorum potentissimam classem victorioso titulo superaret, prout Rex Ringo totius Suecorum terrestris agminis victoriosus ductor extabat. Tandem, ut dictum est, Rex Daniæ factus, ob meram crudelitatem à Suetico pugile Starchatero interemptus est.

CAP. XIII.

Adhuc de eodem, pro pudicitia victorioso pugnante.

ERant olim in montanis Norvegiæ, penes Occidentalium Gothorum limites, gemini pugiles, iidemque fratres, Schatus & Hiallus nomine, tantum præsumentes insolentiæ luxum, ut effreni petulantia, excellentis formæ virgines, parentibus crep-

tas, concubitu violarent. Quo evenit, ut Esam quoque Olavi Vermorum Regis filiam, raptui destinantes, patri mandarent, si illam externæ libidini famulari noller, per se vel alium pro tuenda prole decerneret. Quod etsi paternæ clementiæ, sub incommodis decrepitæ senectutis suspiranti, maxime probrosum erat: attamen exhaustos corporis nervos, propinquorum ingenio & viribus, in filiæ justissima defensione erigere conabatur. Interim Olo adolescens Norvegicus, splendido loco & familia genitus, horrore sceleris permotus, oblataque pugnæ facultate gavisus, Olavi penates, ægrestium cultum mutuatus, accedit: ubi cum inter extremos discubitu frueretur, moerentem Regis familiam conspicatus, ejus filio de industria propius accersito, cur ceteri luctuosa facie essent, inquirir: quo asserente, sororis suæ pudicitiam, ni cujuspiam defensio ocius intercederet, proxime peracerrimos pugiles profanandam: rursus percontatur, quid præmii recepturus foret, qui salutem suam pro virgine devoveret. Super quo Rex per filium interrogatus, filiam propugnatori cessuram respondit: quæ vox præcipuam Oloni subeundi discriminis cupidinem attulit. Consueverat autem virgo (prout hodie Aquilonaribus mos est) hospitum.

spiritum vultus propius accedendo quam cu-
 riosissimè prælato lumine contemplari, quo
 certius eorum mores cultumque perspicere-
 ret, ut omnia signa, habitudine corporis no-
 tata, parentibus ostenderet judicanda. Quæ
 more prædicto Olonem scrutata, inusitato
 oculorum ejus horrere perstricta, pene ex-
 animis concidit, adeo vigorem stupor hebe-
 tat) causamque trepidationis suæ ilico pa-
 renti revelat. Quo considerato, adolescens
 pupillas, ne visentibus formidini forent, pal-
 pebris arctius obstringendas curabat, de-
 positoque pileo quo facies obnupta erat,
 circumstantes hilarem animum abjecto o-
 mni metu assumere jussit. Nec segnius a-
 ctum, quàm jussum fuerat, mox evenit: ita
 unius hospitis benignum promissum com-
 munem omnium formidinem propulsabat.
 Interea Hiallus & Scatus cum decem ver-
 naculis supervenientes tanquam puellâ Re-
 giam ilico sublaturi, Regem tumultuoso
 clamore, nî filiam sisteret, evocant in pu-
 gnâ: quorum debacchationem protinus
 Olo sponsione certaminis excipit, pacti con-
 ditione, ne furtim tergum dimicantis inces-
 ferent, sed adversis tantum pugna congres-
 sibus starent. Deinde gladio à majoribus
 relicto solus duodecim prostratis, majus a-
 dolescente opus edidit. Caterum pugnae

locum insula dabat, unde non longe vicus
 abest nomina occisorum fratrum referens
 usque ad præfens. Igitur ex puella sibi in
 præmium victoriæ data filium sustulit Od-
 mundum. Deinde clarior indies in arduis
 præliis evadens, ad ultimum in balneo in-
 sidiose occisus est, prout illi dudum à sene
 quodam vaticinatum est, dum Regulum
 Thoronem hospitii jura violando intere-
 mit.

CAP. XIV.

*De Arngrimi & Arvarodi pugilum
 gestis.*

HOc quoque loco prætereundum non
 est, quomodo consilio Regis Suetiæ
 Erici Diserti (cujus mentio posthac fiet)
 quidam Arngrimus insignis pugil Sueticus,
 contra Septentrionales Reges Scricfinniæ
 & Biarmiz præliando triumphandoque so-
 cer factus sit Regis Daniæ Frothonis, quòd
 ejus imperio ultimos humanarum rerum
 terminos adjecisset, egregiisque operum ti-
 tulus patentem ejus claritatem latè per or-
 bem ampliasset. Sustulit autem, teste Sa-
 xone, XII. filios ex Osura. Hi ab adole-
 scentia piratico muneri incumbentes, uno
 omnes navigio forte in insulam Sampsæ ad-
 vecti,

vecti, duas in maritimis naves Hialmeri atque Arvarodi Norvegianorum piratarum reperiunt: quos pugna adorti, remigibus in absentia gubernatorum mox vacuefecere, moestiores facti, quod principales eorum rectores non interemissent: unde & partam victoriam uti inanem, ita securitate vacuum contempserunt: animadvertentes, sequentibus praeliis sese majora discrimina, & forte indigniore fortuna subituros. Quippe praedicti piratae, quorum jampridem abrupto clavo tempestas navigia laceraverat, alterius excidendi gratia nemus ingressi, ligni rudem extenuavere materiam, dolabris couseque eam ambientes, donec formam indueret navalis instrumenti. Quod cum humeris impositum sociæ cladis ignari deferrent, ab Arngrimi filiis recenti oppresorum cruore madentibus laceffiti, duo cum pluribus ferro decernere coacti sunt. Nec par quidem congressus extabat, cum geminam bisseña manus exciperet: cæterum victoria numero non respondit. Interfectis enim omnibus XII. praedictis, oppresoque ab eisdem Hialmero, victoriæ Arvarodum titulus non fefellit, quem solum ex tanto sociorum numero fortuna servavit: qui informem adhuc gubernaculi truncum incredibili librarum nisu, tanta vi hostium.

adegit corporibus , ut duodecim unico ejus impulsu contusos elideret.

C A P. XV.

Adhuc de eodem Arngrimo , & praestigiis Finnorum.

PUgnavit etiam hic Sueticus pugil Arngrimus , contra potentes extremi orbis. Septentrionales reges , Egbertum Bjarmorum , & Tengildam Scricfinnorum , (de quibus in principio lib. IIII. aliqua mentio facta est) ut victoria super his obtenta , promeritis & triumphis filiam Regis Daniæ Frothonis Osuram , acquireret contoralem , prout inde monstravit eventus. Interim tamen cum sylvestri gente congressurus , exercitu valido se munivit , coque proficisceretur : primumque reperit , se nedum contra homines feroces , sed & elementa duriora moturum bella , quemadmodum inferius lib. XI. de bellis sylvestribus ostendetur. His tamen hominibus acer telorum usus est , ut dimicando latis & grandibus sagittis utantur : nec minus incantationibus & praestigiis aggrediendo , fugiendove intrabibus pandis inter medias nives , excipere , vel obtrudere norunt. Hos Arngrimus (referente Saxone) claritatis causa sibi concilian-

ciliandæ adortus obtrivit : qui cum infelicit-
ter dimicando fuga dilaberentur, tribus la-
pillis post tergum coniectis, totidem mon-
tium instar, hostibus apparere fecerunt. Igi-
tur Arngrimus ludificati visus errore per-
strictus, ab insectando hoste exercitum re-
vocavit, magnarum se rupium interjectu
coërcitum putans. Iidem postera die con-
gressi victique, coniectæ in terram nivi in-
gentis fluvii speciem indiderunt. Itaque
Suecis per summum visus errorem falsa re-
rum opinione delusis, inusitata aquarum
moles obstrepere videbatur. Ita victore
vanam aquarum imaginem formidante, fu-
gam impetravere Finni. Tertio identidem
die reparavere bellum, nec jam amplius ul-
lum fugæ efficax remedium fuit. Videntes
enim suas inclinari acies, potestati se per-
misere victoris. Deinde Egtherum Bar-
morum ducem duello provocatum devicit.
Post hæc spoliis trophæisque auctus, Sueco-
rum Regis arbitrio mediante, Danorum
Regis prædicti filiam suscepit Oûram, ex
qua (eodem Saxone teste) xii. filios genuit:
nominibus hujusmodi annotatis: Brander,
Biarbi, Brodder, Hiarrandi, Tander, Tir-
vinger, duo Hidingi, duo Hiorthuar, Hiar-
tubar, Rani, Angantir. qui omnes, ut præ-
dictum est, piraticam exercentes, ad ulti-
mum

C A P. XVI.

*De occisione urfi, & epotatione
 sanguinis ejus.*

INter aquilonares pugiles quidam erat
 Biarcho nomine, gladio semper utens
 longitudinis inusitatae, quem voluptatis lo-
 co portavit in quoscunque insolentioris vi-
 tae athletas duelli provocatione stringen-
 dum, ne moribus abjectissimis deditos cla-
 ritudinem athleticam turpibus exemplis fi-
 neret infamare: unde & plurimos ea occa-
 sione aut insolentiam totaliter abjicere, aut
 vitam in periculum ponere coëgit. Talibus
 itaque operum meritis exultanti, novam de
 se sylvestris fera victoriam præbuit. Ursum
 quippe eximiae magnitudinis, obvium sibi
 inter dumeta factum, gladio confecit, co-
 mitemque suum Hialthonem, quo viribus
 major evaderet, applicato ore egestum be-
 lux cruorem haurire jussit. Biarcho au-
 tem, dum à pugile quodam omni petulan-
 tiae genere debacchante, & in conviviiis no-
 dosæ ossa in confessore conjiciente, vehe-
 mentem in capite ictum exciperet, indig-
 num ratus gladii usu injuriam pensare, osse
 invicem in jacentem remisso, frontem ejus
 in.

in occiput reflexit, idemque loco frontis intorsit, transversum hominis animum vultus obliquitate multando, forte ut ab offibus amodo ejiciendis horreret, Præterea Regnerus quidam Norvegianus, dum illustris militiæ tyrocinium exerceret, vidit in sociorum castris puellam, ingenti fortitudine hostes undique profligantem: cujus amore captus satiari nequivit, donec immanem ursum, canemque ferocissimum, virginis conclave tutantes, interemisset, quos (etsi aditum amore prius sollicitata spopondit) ea ratione opposuit, ut ferocissimarum bestiarum oppressorem intueretur, cui nervos diu tutatæ pudiciæ crederet permitte-
tendos. Huicque puellæ Latgerthæ nomen fuit: de cujus fortitudine paulo inferius inter pugnatrices nonnihil ostendetur.

CAP. XVII.

De Regnero Pilosa braccæ dicto.

Rex fuit Sueonum, Herothus nomine, cujus anxia mens ob custodiam pudiciæ pulcherrimæ filiæ suæ, non parum urgebatur, an potius beluino præsidio (ut tunc quorundam principum mos erat) an humanæ fidei eam permetteret conservandam. Verum cum humanæ fiduciæ præferret be-
stia-

stialem crudelitatem. citius elegit, quod periculosius erat nociturum. Quippe sylvas venatione complexus, repertos à comitibus angues filiae detulit nutriendos. Illa paterno ocus obsecuta praecepto, vipereum genus virgineis manibus educavit. Et ne eorum satietati conveniens esca subtraheretur, integrum bovis cadaver curiosus parens afferri iussit, ignorans, se privato pabulo publicam sustentare perniciem. Qui cum adulti pestilentissimo halitu viciniam urent, Rex inertis operæ poenitens, potiturum filia, qui pestem amovisset, edixit. Cujus rei summam Regnerus Norvegianus, Regia prosapia oriundus, inter plurimos virginis procos præcipuus, ubi publica fama didicit, laneum à nutrice sagulum, villosaque femoralia, quibus inflictos anguium morsus elideret, expetivit. Cumque navigio Suetiam appulisset, de industria frigoris rigori aquis supereffusus, vestem indurari permisit: qua amictus, solus ense teloque munitus, procedit ad regiam. Procedenti duo inusitate magnitudinis angues obvii alabuntur, juvenem strictura caudarum, ac venenato vomitu perempturi. At Regnerus gelati cultus duricie fretus, amictu venenum, & clypeo morsum, infatigabili bestiarum compressione sustinuit, ac repressit.

Ad

Ad ultimum projectum manu amentatum
telum strenue corporibus eorum adegit.
Deinde ense bicipiti utriusque præcordia
lacerans, felicem ingeniosæ ac periculosæ
pugnæ exitum habuit. Cujus vestitum Rex
curiosius contemplatus, cum hispidum dor-
sotenus, præcipue incomptam braccarum
speciem, animadvertisset, eludens, *Lod-
broch*, id est, Pilosam braccam, eum agno-
minavit: quem etiam, ut ex laboribus re-
crearet, cum amicis epulaturum accersit.
Ille prius revisendos sibi quos reliquerat
socios ajebat: quos nitide una secum vesti-
tos, Regiæ mensæ præsentavit. Et demum
ea peracta, victoriæ pignus accepit: ex qua
plura præclaræ indolis pignora procreavit:
eoque sinceriori amore ejus solatio potitus
est, quo majoribus periculis & ingeniis, eam
suo consortio partem agnovisset. Absumpta
tandem nobilissima hac conjuge, Thora
appellata, in varia fortunæ ludibria incidit,
ut toto orbe fulgidus armis ab inermibus
Finnis & Biarmis (prout antea dictum est)
superatum se doleret: qui etiam postmo-
dum ab Hella Hybernorum principe colu-
bris objectus, vita functus est.

CAP. XVIII.

De Alfone pudicitiae defensore.

REX Gothorum Sivardus filius habuit Vemundum & Ostenum, filiamque Alvildam: quæ tantam verecundiæ fidem ab ipsis incunabulis præferebat, ut os peplo jugiter obnuptum haberet, quominus formam suam alienæ libidinis irritamentum efficeret. Huic pater in arctam custodiam relegatæ, viperam anguemque educandos commisit; pudicitiam ejus adulatorum tandem reptilium custodia vallaturus: ut viris tantummodo fortitudine & virtute insignibus, magnitudine discriminum superata, virginis aditum annuere videretur: hoc adjecto, ut si quis id ipsum frustra tentasset, protinus amputandum caput, paloque refigendum præberet: ne quivis petulanti ingenio stimulatus, tantum facinus in Regium sanguinem præsumeret attentare. Quo comperto, Alf Sigari Regis Danorum filius, non tam viribus quam ingenio confidens, periculumque eo clarius quo periculosius tentandum existimans, proci titulo beluas, virginei thalami servatrices, debellandas aggreditur, præsertim quod edicti ratione earum victori virgineus deberetur amplexus.

xus. Quorum ut fortius adversum se excitatam rabiem sustineret, cruda cruentaque corpus pelle contexit: qua succinctus, mox ut septi valvas subiit, candens ferrum forcipe comprehensum, hiantis viperæ faucibus immergit, atque exanimem prostravit. Anguem deinde sinuosa volubilitate accedentem, inter medios rictus telo absumpsit, vel, ut antiquiores Gothorum historiæ tradunt, ardenti ferrea hasta, velut cultrato mucrone, oppressit. Cumque edicti ratione connexum victoriæ pignus expeteret, refert Rex Sivardus: Hunc sibi generum placitum, in quem filia solido arbitrio consentiret. Cumque sola puellæ mater proci votum difficulter exciperet, mentem filiæ secreto perlustrat alloquio: quæ cum deprehensa esset proci incautius ob virtutem laudare, mater eam convitiis lacerat, quod elisis pudicitiae nervis, specierum illecebra caperetur, ommissaque virtutis censura, adulantibus formæ blanditiis, lascivæ mentis intuitum exhiberet. Quamobrem justam matris sententiam tacite approbans, ingenium invenit, quo nedum pudicitiam (beluinis custodibus interemptis) illæ famostenderet, sed insigniori aliquo fortitudinis ausu speciosius illustraret & confirmaret. Moxque ad Danici juvenis contemptum.

tum adducta, foemineam vestem & animum in virilem permutavit, atque ex pudica admodum puella, ferocem piratam agere coepit. Adeo nanque virtutem otio prætulit, ut cum regis deliciis frui liceret, bellico discrimini, foemineo furore adducta, se subito immerferit: omnesque viros tam pertinaci castitatis proposito averfari coepit, ut firmiter secum statueret nunquam alicui viro copulari, sed deinceps in piratico exercitio virorum fortitudinem superare, aut æquare.

C A P. XIX.

De strategematibus Fridlevi.

EXTant Fridlevi cujusdam insignia gesta: cui præter insitam animo fortitudinem, etiam contemptrix ferri tunica vel lorica fiduciam ministrabat. Hac in publicis privatisque conflictibus, tanquam salutis cultu usus, plurimos potentes hostes acri prælio fatigatos oppressit, atque inter alios Gunholmum quendam, hostile ferrum carminibus hebetare solitum, crebro capuli ictu exanimavit. Dum autem mucroni manum cupidius inserit, elisa nervorum officia reductos in palmam digitos perpetuo curvatis vinculo perstrinxerunt. Idem dum Dufflinum Hybernæ oppidum obsideret,

mu-

murorumque firmitate, expugnationis facultatem negari conspiceret, Hadingiani acuminis ingenium æmulatus, hirundinum alis inclusum fungis ignem affigi præcepit: quibus propria nidificatione receptis, subito flammis tecta luxerunt: quas oppidanis restinguere concurrentibus, majoremque sopiendi ignis, quam cavendi hostis curam præstantibus, Dufflino potitur. Post hæc apud Britanniam amissis bello militibus, cum difficilem ad littus reditum habiturus videretur, interfectorum cadaveribus erectis, & in acie collocatis, ita pristinam multitudinis habitum repræsentabat, ut nil ex ejus specie tanto vulnere detractum videretur. Quo facto hosti non solum conferendæ manus fiduciam abstulit, sed etiam carpendæ fugæ cupidinem incussit.

CAP. XX.

De ejusdem strategematibus per aves.

Quantum ad Hadingianum ingenium superius adductum, is est intellectus, quod Hadingus Danorum Rex, primis adolescentiæ suæ annis felicissime deductis, omisso voluptatis studio, continua armorum meditatione flagrabat, forti animo perpendens, omne vitæ tempus se spectatis militiæ

litia operibus exigere debere. Idem Handuanum Helleponti Regem, apud Dunam urbem invictis murorum præfidiis vallatum, moenibusque novatis resistentem, bello pertentat : quorum fastigio oppugnationis aditum prohibente, diversi generis aves loci illius domiciliis assuetas, per aucupii peritos prendi jussit, earumque pennas accensos igne fungos suffigi, quæ propria nidorum hospitia repetentes, urbem incendio compleverunt : cujus extinguendi gratia concurrentibus opidanis, vacuas defensoribus portas reliquerunt. Adorsus itaque Handuanum, cepit, eique redemptionis nomine corpus suum auro rependi potestatem fecit. Cumque hostem tollere liceret, spiritu donare maluit : adeo sævitiam clementia temperabat. Attamen quotiescunque postea obsidio aliqua imminebat, Regio edicto omnes domesticæ aves necabantur.

I C A P. XXL.

*De pugna Haraldi Regis contra
draconem domesticum.*

HAraldus illustrissimus Norvegianus Rex, in adolescentia sua apud Byzantinum Regem commoratus, & homicidii
cri-

crimine damnatus, domestico draconi lacerandus objectari præcipitur: cui in carcerem eunti, ingenuæ fidei servus ultro se damnationis comitem obtulit. Utrumque is qui custodiæ præerat, curiosius observatum, per os antri inermem excussumque demisit. Itaque nudato ministro, Haraldum verecundæ gratia linteo tantum discinctum excepit: à quo clam armilla donatus, pisciculis pavementum instravit, ut haberet draco in quo primæ famis procursum effunderet, reorumque carceralibus tenebris obfusi oculi, vel parvulam prospiciendi copiam ipso squamarum nitore capessèrent. Tunc Haraldus lecta cadaverum ossa angustis telæ consertioris implicuit, iisdemque in unum globum coactis, veluti clavam effecit. Cumque allapsus draco in objectam perquam avidè prædam irrueret, dorsum ejus veloci saltu conscendens, cultellum tonsorium, quem secum forte tectum attulerat, umbilico, qui solus ferro patebat, immergit: sectionem enim rigidissimis squamis obstitus serpens, cætera corporis parte spernebat. Sed neque Haraldus, ob sessionis eminentiam, ingenti beluæ ore corripì, dentiumve acumine noceri, aut caudæ voluminibus elidì poterat. Minister vero compacto gestamine ossium usus, converberatum

beluæ caput ad sanguinem & necem usque crebris ictuum ponderibus contundebat. Quo cognito Rex, ultione in administrationem versa, fortitudini supplicium condonavit, navigioque & stipendio donatos abire permisit.

CAP. XXII.

*De pugna Frothonis, & Fridlevi,
contra serpentem.*

Frotho Danicus pugil & Rex, vix pubertatis annos emensus, solitario congressu, serpentem miræ magnitudinis & ferocitatis (impactum enim congregientis ferrum aspero cutis horrore contempsit, & spicula quæ in eum coniecta fuerant, eluso mittentis conatu irrita resultabant) immisso in ventrem ferro consumpsit. Nec minoris fortitudinis censendus est Fridlevus: qui tum experiendæ fortitudinis gratia, tum voluntate consequendi thesauri absconditi, anguem corporis robore & venenatis dentium moribus admodum formidabilem adorsus, diu in squameum latus irrita tela coniecit, quippe spiculorum impulsu crustata corporis durities frustrabatur. Ipse vero coluber crebras admodum spiras agitando, orbiculato caudæ flexu tactas obiter ar-

arbores stirpitibus evertebat, crebroque corporis tractu cavata ad solidum humo, præruptum hinc inde latus effecerat, ut quibusdam in locis aduersi colles media valle sequestrati conspiciantur. Igitur Fridlevus invicta suprema beluæ considerans, ima gladio tentat: perfoliaque inguinis parte, saniem palpitantis elicit: qua extincta, pecuniam hypogeo erutam asportavit. Item gigantem quendam, Hath.n nomine, monstruosum habitum mutuantem, cum Regis Tellemarchiæ filium pueriliter obludentem abduxisset, eoque remige uteretur, pede manuque curtatum, liberato captivo adolescente, devicit.

CAP. XXIII.

De eodem Fridlevo.

IS etiam duodecim pugiles Norvegianos, quamvis giganteis triumphis claros, trophæis gentium celebres, & spoliis locupletēs, cum crebra vicinos irruptione vexarent non tam avaritiæ, quam virtutis ardore inductus, oppressit. Hic etiam Hiarnonem quendam regni competitorem, quod vitæ ejus, prætextu magnæ familiaritatis, & ingentium obsequiorum, acerrimus insidiator esset, multitudine & atrocitate cicatricum

cum in balneo deprehensum, duelli congressu interemit.

C A P. X X I V.

De piratica illustrium virginum.

A Trocem piraticam exercere coepit Alvilda illustrissima virgo, compluribusque ejusdem voti puellis in commilitium accitis, eo forte loci pervenit, ubi piratarum agmen amissi bello ducis interitum deplorabat: à quibus ob formæ pulchritudinem, & animositatem, piraticæ princeps creata, majores muliebri virtute res edidit. Quam Alff crebris navigationibus insectari conatus, in Blacmannorum classem hyeme incidit: quo tempore densatæ frigoribus aquæ, atque glaciei moles, ita navigia firmare solent, ut eis nulla vis aut ars concedatur remigandi. Cumque frigoris diuturnitas, tutiorem conclusis sponderet incessum, jubet Alff suos, lubrico calceamentorum usu deposito, nudis caligarum soleis glaciale calcare planitiem, atque ita hostes unctis calceis infirma vestigia tenentes, facillimo congressu fatigare. His ita repressis, glacieque soluta, institutam navigationem in Finnos seu Finlandos dirigit: ubi contra-ctiorem sinum Hangœ ingressus, missis ex-
plora-

ploratoribus portum invenit aliorum navi-
 giis occupatum. Alvilda quippe easdem an-
 gustias prior classe intraverat: quæ cum ig-
 notas eminus puppes adesse conspiceret,
 celeri remigio in eorum defertur occur-
 sum, irrumpere hostem, quam eo obrui sa-
 tius judicans. Ut ergo navalem pugnam
 committere cœperunt, magnoque gloriæ
 & fortitudinis respectu utrobique conti-
 nuarunt, juvenis majori ac recentiori milite
 cinctus, optato omine Alvilda proram insi-
 lente, in puppim usque (facta resisten-
 tium strage) progreditur. Cujus comes
 Borcharus, decussa Alvildæ galea, facieque
 gracilitate conspecta, animadvertit, osculis,
 non armis agendum esse, telorumque ri-
 gore deposito, blandioribus hostem effi-
 ciis attrectandum. Igitur Alf, quam terra
 marique tot obstantibus periculis indefes-
 so labore quæsierat, supra spem offerri ga-
 visus, cupidus apprehensam ornatissimo
 muliebri vestitu protinus exornavit, suoque
 toro, laudabili majorum lege servata, con-
 junxit: ex qua postmodum filiam Gyritham
 procreavit: quæ Haldanum sortita mari-
 tum, Haraldum Hildetam peperit, qui Da-
 niæ regnum domesticis injuriis multiplici-
 ter laceratum, ad pristinum decorem, pace
 50. annorum habita, restituit: duasque bel-

laces virgines, Sticlam & Rusilam in Regem Trondorum super regni dominio classe bellica decertantes, insigni astutia victas prostravit. Sed neque ejus nepori Odmundo Olone genito, par gloria cessit, dum aliam virginem Rusiam, cum fratre de regno Norvegiæ piratica contendente; potentibus armis aggreditur. Nam ab ea fugatus, claudestina rebellionem à popularibus molestatam, refugam fecit, atque fraternæ persecutioni, dum fugeret, impie objecit trucidandam. Neque omittendum est, quod potentissimus Hallandiæ Princeps Huirvilus, Rusilam virginem Norvegiæ, res bellicas æmulantem, insigni armorum virtute oppressit.

LIBRI V. FINIS.

OLAI

OLAI MAGNI, GO- THI, ARCHIEPISCO- PI UPSALIENSIS,

DE

Mineris & Metallis.

EPITOME LIBRI SEXTI.

P R Æ F A T I O.



*Q*UIA durum & indomabile
genus bellatorum Septentrio-
nis, Suetia & Gothia minera-
les montes inhabitans, ob in-
gentem animi & corporis fero-
citatem & animositatem, ac etiam propter
durissima exercitia quibus implicatur, gi-
gantibus & pugilibus debite poterit assimi-
lari. Ideoque eisdem gigantibus & pugili-
bus, in ordine rerum Aquilonarium anne-
cti meretur, & subsequenter, ob diversa
armorum genera, quibus utraque pars uti-
tur, anteferri. Hacque ratione, aliorum
scriptorum ordine & forma non servata,
nonnihil de mineralibus rebus inferendum
erit, unde paramenta pro ostensione subse-

210 DE MINERIS ET METALLIS.
quentium praliorum, distinctius, quo fieri
potest, assumantur. Montes igitur excelsi
sunt, sed pro majori parte steriles, & aridi,
in quibus fere nihil aliud pro incolarum
commoditate & conservatione gignitur,
quam inexhausta pretiosorum metallorum
ubertas: qua satis opulenti fertilesque sunt,
in omnibus vita necessariis, forsitan & su-
perfluis aliunde si libet conquirendis, una-
numique robore, ac viribus, ubi vis contra
hæc natura dona intentata fuerit, defen-
dendis. Acre enim genus hominum est, nul-
lis bellorum asperitatibus, ob qualemcum-
que elementorum asperitatem, aut hostiles
minas, cedens: prout infra de bellis campe-
stribus erit ostendendum. Quam etiam fe-
roces & impetuosos, agmine pedestri ince-
dentes, hostibus imminere soleant, Dalacarli
dicti, externus testis Albertus Crantziius
magna miraque, in bellis contra Reges Da-
nia, præsertim contra Christiernum I. ac
Regem Ioannem confectis, satis integre ma-
nifestat. Imo & ipse Christiernus II. qua-
liter viribus & furore, Rege Gustavo anno
1521. ducto. e illius gentis, à regnis Sueco-
rum & Gothorum fuerat exturbatus, per
infelicem experientiam pessimis consiliis
circumventus agnoscit. Quam vero horri-
bilis & immanis crudelitas, ejus regiminē
com-

commiffa fit in Septentrionalibus terris, inferius suo loco, secundum ocularem meam inſpectionem, veriffime oftendetur. Reſervatus enim videbar ad videndum tam horrenda ſpectacula gentis meæ.

C A P. I.

De Mineris, & earum inventione.

Mineræ Septentrionalium regionum ſatis multæ, magnæ, diverſæ, & opulentiæ ſunt. Multæ, quia in vallibus & montibus ſitæ, frequentius adhærentes extrahuntur. Item magnæ, quia inexhauſtæ & amplæ, tam in ſuperiori Suetia quam Gothia, & Varmorum regione, penes Norvegiæ limites reperiuntur. Item diverſæ, quia argenti, cupri ſeu æris, & chalybis, & electiſſimi ferri. Item opulentiæ, ut infra dicitur, cum in ejuſmodi mineris bona pars Regii fiſci ſeu tributj, veniet extrahenda. Et licet talium montium ac minerarum, ingens multitudo ſit in antediſtis regnis, tamen plurimis ſignis; natura monſtrante, ſemper novæ recentesque ſcrutantibus offeruntur, præſertim ubi montes in ſummitate rotundi ſunt, & in umbilico ac rotunditate non fiſſi vel fracti, ſed nix in hyeme, propter ſulphuris ſumofitatem, liqueſcens.

Ictu vero fulguris in vertice vel latere, aut pede tacti montes, elucentes argenti venas in fissuris ostendunt, suosque lucri cupidos allectos, magis magisque ad ardorem inexplabilis avaritiæ incendunt, ut nullius respectu periculi, saxa cavando perveniant ad interiora: ubi non secus venæ in montibus, quam membra in hominibus, stantes sursum, deorsum, lævorsum vel dextrorsum divisæ videntur, eoque fulgentiores mineras annexas retinent, quo puriori petræ vel marmori connatæ videntur. Quæ enim versus Occidentem naturæ lineamenti diriguntur, majoremque gibbum ad Meridiem & Boream flectunt, optimæ sunt, & inestimabiles: quoniam non aliter apparent venæ illæ, quam micantes armati, ordine suo bene locati. Hæcque voluptas utilitati conjuncta, non parvum solatium laborantibus ac possessoribus præstat.

·CAP· II.

De situ Mineralium venarum.

PRæterea venæ à lateribus Orientis & Meridie in mixtum Occidentem & Septentrionem concurrentes, electiores esse perhibentur, non itidem aliorum in alias cœli partes derivantes. Maturior enim mi-
narum

narum decoctio, ortivum Solem, & meridianum sub Arctoo sequitur. Sunt etiam venæ pendentes, atque jacentes dictæ. Pendentes defursum tegunt. Jacentes in plano situ recumbunt, augmentum & bonitatem ab ipso exitu assumentes. Sunt etiam venæ fursum deorsumque obliquatæ, à prædictis omnibus dependentes.

CAP. III.

De modo cavandi metalla.

Effossiores sustinendis montibus crebros fornices, ligneaque sustentacula inter ipsa montium latera, ac inferius, pro sua securitate reponunt: eaque dubia atque anxia firmitate fidentes, adhuc alio excogitato modo, sese funibus inter invias rupes metalla cæsuri, vel argenti lineas lecturi, demittunt: quæ postmodum igne & aqua, arte adhibita, depurant. Cumque sterilis quæstus, atque inanis laboris esse videtur, quasi in cortice & superficie nullus aut rarus pinguisminæ mineræ quærendus sit fructus, solidioris ingenii usu resumpto, prioribus longe fortioribus fornicibus intra montium latera columnas statuunt, firmiter credentes, non nisi in profundioribus montium cavernis, sagacioribus signis divitias esse quærendas,

das, & in infima abyſſo: ubi decoquente natura, uberius atque frequentius, argentea præſertim & ærea metalla fodiuntur.

CAP. IV.

De diſtinctione Mineralium venarum.

Diſtinctio ac diviſio mineralium venarum, ſive puteorum aut poſſeſſionum, certis ſignis montibus impoſitis ab invento-ribus, aut eventibus, aut naturali ſitu & proprietate, ſpecialiter fieri ſolet: quæ etiam mirabili ordine ſunt inventæ, quotidie-que (irato an propitio numine, ignotum eſt) inveniuntur: primo violentia fulminum, ac turbinum arbores comburentium, unde micantes argenteæ glebæ produntur: deinde lignibus raſi vertex ſubterraneorum montium, oſtendunt ſplendentes argenti venas: quas illico providus agricola ſimo abſcondit, potius agro pacifico contentus, quam argentea minera ſponte ſe offerente; unde ſuam, ſuæque ſobolis vitam educare poſſe cognoscit. Formidat enim ſolicitus agricola, nobilem vel fiſcum, cujus ager eſt, viſa argenti minera, majoris lucri cauſa cum à prædio amovere velle, ne amplius ſit agricultura, ubi fertilis ſit argenti mine-
ra.

ra. Ideoque, ut dictum est, præeligitur
 fertilitas agri. Olim ob hanc causam, tam
 agri, quam argenteæ mineræ, sic apparen-
 tes, sunt desolatae: hodieque, quam dili-
 genter fieri poterit, absconduntur: tan-
 tumque nocuit regentium inexplabilis ava-
 ritia, ut ubi erant putei, seu mineræ ferra-
 riæ, æreæ, argentariæ sexcentæ, vix trecen-
 tæ hodierno die ad publicam utilitatem re-
 lictæ videantur: quorum nomina superva-
 caneum est hic enumerare, dum incolæ ea-
 rum memoria insigniter contristantur, eo
 processisse fata, quo adversus numina vio-
 lenta nihil audeant attentare.

CAP. V.

De rotis, instrumentis, & periculis laboratorum.

Quo pacto denique altissima rota, seu
 machina tractoria, humano vel ju-
 mentorum gressu circumagatur revolvaturque,
 præterea homines funibus insideant,
 atque ad ima descendant, ac rursus urnæ
 seu situlæ, mineris vel aqua plenæ, eleven-
 tur, id nunc significandum (prout omnibus
 est compertum,) quod hunc modum me-
 tallici laboratores necessario congruentem
 servant: imo quod & ipsa jumenta, equi-

videlicet, ac grandes urfi, vicissim & collateraliter, in rotis ob graviora elevanda vel deprimenda pondera revolvendis, deputantur, dum nullis cuniculis vel scalis egestæ mineræ ab antris internis facilius educi possint. Fossores verò, tam graves duosque labores sursum deorsumque perpetuo subeuntes, hominum genus durissimum est, plerunque ob maleficia proscriptionis titulo eo collectum, sola Principis securitate ibidem vivens, ne patria in exilium commutata, postliminio nunquam ad propria revertatur. Leges tamen laboratores illi, & jura montana sequuntur: quibus etsi ad tumultus, seditiones, homicidia, ac mille injurias subito perpetrandas inclinati sint: tamen severissima constitutione, ne cuiquam malum inferant, constringuntur. In reliquis nullum expavescunt subire periculum, vel ruinam: quæ inter saxorum cadentia fragmenta, sive in trabibus inter latera montium obfirmandis, sive in lethifera minerarum exhalatione aut fœtore, sive inclusi aëris gravitate, contingere possunt. Ideoque sæpissime subduntur horribilibus fatis. Dum enim celerius, quam circumspectius, impetuose laborant, sustentaculis ruptis, saxisque cadentibus; vel mox quassantur, vel diebus aliquot (ut prædictum est) cum hor-

horribili clamore fame cruciandi suffocantur : quibus, ut vivi extrahantur, nullo concesso remedio, uno sepulturæ signaculo, quomodo, quotque, scilicet 30, 60, vel 100, aut plures perierant in momento, ostenduntur. Manet nihilominus in aliis fossoribus indomitus vigor, ut vel his, vel similibus spectaculis horrendis minime terreantur. Levi etiam tactu malleorum accedente, immenso pondere maximi montes colabuntur.

CAP. VI.

De arte & ingenio fabrorum.

ET si in multis Aquilonaribus regnis & provinciis mira fabrorum cujuscvis ductilis, vel fusilis, vel tornatilis metalli fieri soleat æstimatio, præcipue apud montanos Dalacarlos, invictum pugnatorum genus: tamen in regione Helsingorum (quæ olim ob magnifica gesta Regio titulo decorata fuit) versus Septentrionem adeo periti & diligentes fabrilis officii artifices inveniuntur, ut vix pares habeant in toto Aquilone. Metalla etenim cruda, ad deformia, aquarum rotarumque ingeniosa directione, longo tractu ob earundem minerarum opulentiam distendere norunt, ut agilitate,

& impulsu talium machinarum, brevi temporis spatio opus aliquod ingentissimum reddatur consummatum, etiam usualia vasa extensi æris, aut ferramentorum: unde non exiguus quæstus gentibus his accrescere solet. Similiter in ferreis portis, ac fenestris laminatis, ac cratibus retiariis, indissolubili connexionione firmandis, quale opus in juncturis vix cernitur in tota Europa.

CAP. VII.

De distinctione fusilium Metallorum.

Est & alius modus in opulentissimis montibus, argenti, cupri, seu æris, & ferri fundendi, vel malleandi, apud eosdem artifices Aquilonares, tam utili ac commodo ordine distinctus, ut facile unumquodque metallum, juxta propriam naturam redigatur in massam. Argentum in sua fusione cavas fornaces, & liquidos ignes, tanquam pertiosius metallum, exquirat, ut resolutum in fluidam molliciem, suppositis oblongis aut rotundis canalibus, in varias formas ab operariis deputatas extrahatur. Formæ quidem taliter effluentes argenti plerunque fiunt, ut usuales mensæ vel sedilia quadra, aut clypei militares: hocque potissimum ea ratione fit, ut Regis & regni
ma-

magnificentia ac opulentia; tam quoad incolas, quam magnorum principum oratores, quibus hujusmodi argenteæ massæ donantur, debeant demonstrari. Cuprea autem, sive ærea metalla, oblongis fornacibus elevatis, ex argilla paleaque & ferreis filis, ac funibus confectis, multo folium numero hinc inde pro excitando ardentiori igne appenso, etiam in diversas formas absque canalibus in maximas massas, effusa tamen terrarum scrobe, funduntur: sed longe faciliori compendio subitus irrumpentium ventorum, quo continuati immensi caloris in mediis flammis stratum metallum, reducitur in varias formas, 100, 200, vel 600, aut 1000, libras & amplius continentes, etiam navalia pondera, vel statueras numero grossiore.

CAP. VIII.

Adhuc de eisdem Metallis:

Ferreae vero minerae, non nisi adminiculo aquatilium rotarum flabella moventium, ut transeant in dissecabilem massam, ligonibus frustatim seu crustatim dividuntur; ea semper servata proportionem, ut instar medice manus clausae crusta ferrea, vel quadruplo majora, ad plura centena millia quot-

quotannis fabricentur : quæ crusta ferrea pondere quingentarum librarum , vel amplius, oblongis vasis instar barilium Romanorum imposita , vel exterarum nationes , vel internas provincias maximo cum lucro exportantur. Chalybis etiam electissimi tanta copia illic est , ut & indigenis , & alienigenis ad omnem ædilium instrumentorum & quorumcunque armorum , thoracum , galearum ac gladiatorum , & hastarum sufficiat indeficientem usum. Sed eo purior in grano , fortior in opere , & tractabilior in ferri mixtura redditur , quo ex ardentiori fornace extractus Chalybs , tractim , non subito suffocatur in aquas : quia si totus immittitur , ita ruptibilis, seu frangibilis redditur , ut nullam vim in sui flexura sufferre possit. Apud Montanos Septentrionis, crustata figura fit instar geminorum digitorum, numerorumque distinctione , videlicet centenario, millenario, &c. quasi foro, levissime venundatur.

CAP. IX.

De Metallicis Daemonibus.

HOc in summa colligitur , quod in Septentrionalibus regnis magna sunt dæmonum exercitia ac ministeria incolis earum

rum regionum : frequentius tamen in stabulis, & mineris, in quibus saxa infringunt, cavant, & findunt : quæ & urnis, seu situlis ingerunt, rotulasque & cochleas, quibus machinæ tractoriæ sursum trahuntur, solite adaptant, seseque velut umbras, dum libuerit, in quacunque forma operariis ostendunt, risusque atque inanes cachinnos, ludicraque præstigia, & alia infinita ludibria quibus infelices decipiunt, vocali sono confingunt. Sed hæc mentita obsequia non nisi in perniciem, & novissime in interitum, columnas frangendo, convertunt: vel casu petrarum, fractione scalarum, provocatione foetorum, suffocatione ventorum, ruptura funiculorum, opprimunt aut conturbant, ut fractis cervicibus decendant, aut magnitudine periculorum Deum blasphement, profundiorum dæmonum catenam illico subituri. Idque potissimum faciunt in ditioribus argenti mineris, ubi spes eminet uberior infiniti thesauri inveniendi. Hæcque ratione plurimæ mineræ ditissimæ, penitus desolatæ videntur, ac penitus invalidæ, maxime quod in metallicis locis sex genera dæmonum cæteris maligniora inveniuntur, quorum pavore, atque noxi insultu, multi metallici laboratores periclitantur.

CAP. X.

De fulgure montium Metallicorum.

Montes minerales inhabitantes sæpissime tonitru, fulgure, fulmine, aut coruscatione flagrante, mirabiles effectus in exhalationibus minerarum experiuntur; crassum videlicet ab antris vaporem, qui omnia obumbrat: gravem in superficie montium circa exitum & introitum aeris strepitum, qui arcet accedentes: & super omnia intolerabilem fœtorem, sulfureo fulminis odori admixtum: quem si quis insuetus eo accedens hauserit, ægritudinem incurret difficilime restaurandam, oppilationem videlicet meatuum gutturis: quæ calida cervisia immixto butyro repente pota dissolvitur, ut successive majoribus adhibitis remediis repurgetur. Cooperatione tamen fortis naturæ potius læsi homines, quam virtute medicinarum, ibidem sanantur. Contingit præterea ibidem ictu fulminum, novas argenti venas in lateribus montium clarissimo nitore denudari: quo inde perpetuum sortitæ nomen & usum, fortunas multiplicant possessoris, Præterea ibidem tantum sæviunt tonitrua, ac fulmina, licet interpolatis annis, ut plura armentorum agmina,

gmina , tempestuosissimo accedente aëre,
per latos variosque campos occiduntur.

C A P. XI.

De Aurificibus.

O Stenſo ſuperioribus, quod maxima ac
inexhauſta ſit copia argenti in monti-
bus regni Suetiæ , & quomodo reperiatur,
& extrahatur ibidem : ſequitur, ut ejus uſus
vel abuſus oſtendatur, ne nobile metallum
hoc non habentibus, & bene uti ſcientibus,
ut habeant , relinquatur ignotum. Repeti-
tis igitur antiqui temporis moribus , ſatis
monſtrari poterit , quam ingens auri & ar-
genti, alteriufve pretioſi æris opulencia fue-
rit, quando (ut primo lib. præmiſſum eſt)
templa idolorum, triclinia Regum & Prin-
cipum, uſque ad infantum cunabula , & e-
quorum frenos, & phaleras, in eminentiſſi-
mum ornamentum extendebantur. Sed au-
ri minera , ut tunc abundans fuit , ita poſt-
modum ob ſævam mortalitatem, peſte, gla-
dio, fame, & tempeſtatibus excitatam , ra-
refacta cura ejus evanuit. Solam memo-
riam quorundam locorum, unde extractum
fuit , ad poſteros ſatis inexplẽbiles miſit,
quemadmodum extremis finibus Aquilo-
nis ſuperius fuerat enarratum: attamen non
ne-

negandum arbitror, quin auri maxima vis sit in Suetico cupro: quod emptum & exportatum, ac plerunque à naufragio repetitum, arte igneque expurgatum, possessoribus suis præstat insigne lucrum. Hancque artem puto Hungaricos artifices diligenter attendere, qui cuprum valde rubicundum & examinatum, atque in tenues laminas resolutum, externorum negotiatoribus vendunt: qui demum per dominia Regis Poloniæ, usu longarum navium, in flumine vulgatissimo Vistula, usque ad emporium Gedanense Ducatus Prussiæ deportandum eoque loco dividendum faciunt: reliqua domesticis aurificibus (si arte secretiori aliquid auri è cupro vel ære exprimere possint) salva relinquuntur. Quantum ad argenti usum, nullibi communius, aut splendidius in omni hominum conditione vendatur, quam in Suetia & Gothia: ubi vix domus vel familia reperitur, quæ non semper aliquid annua industria adjicit ad partam possessionem. Quæstus etiam maximus est in magnis imaginibus Sanctorum, regni Tutelarium patronorum, quibus ciboria, sive loca auro argentove constructa, reverenter deputantur. Similiter & ornatu virginum, in amplissimis capitum coronis, monilibus, pectoralibus, brachialibus, catenis,

tenis, murænulis, annulisque, à parentibus, paranympis, vel amicis erogatis. Nec frustra. provide enim eis potius argento, tota earum vita & hæredum duraturo, quam sericeis vestibus esu vermium subito periturtis, elargiuntur. Imo illustrioribus viris adaptari solebant antiquitus argenteæ cincturæ, vulgariter *Silffschena* dictæ, atque rotundi argentei nodi in vestibus undique perstringendis: imo etiam campanulæ argenteæ caudis equorum, ut sono percepto obvii caveant calcitrationem, alligantur. Præterea strepæ, frena, & pectoralia, plurimæque argentea, potius luxu, quam solido apparatu, fabricantur ornamenta.

C A P. XII.

De argenteo ornatu virginum.

Exstat apud Ostrogothos vetustissimum Opidum Scheningia dictum, eo quod torrens certo tempore impetuosissime aluit latera ejus, Schena appellatus. Siccitate vero adeo pauculam reservat aquam, ut vix solis jumentis & pecudibus sufficiat adaquandis. Sed hunc defectum optimorum fontium abundantia ubique supplet, cum ex viva scaturigine perpetuas habeant venas. Opidum hoc, etsi vergens ad senium videtur proximum fore desolationi, tamen situ, fertilitateque sua, ac opulentia, simile non

non habuit in tota Septentrionali plaga. Situm, inquam, saluberrimum habet, ut puta inter fertilissimos agros, & prata, ac nemora quercina, valde utilia & opaca. Plateæ hujus opidi adeo ingeniosa industria à primis fundatoribus traductæ sunt, ut quasi ex omnibus circumferentiis, qualitercunque flectantur, ad publicum forum & prætorium, veluti centrum concurrant, in hoc foro stabat gigantea statua. Turonis longi nomine, instar Rolandi Bremensis insignita: ad cujus genua publica quæstione corripiebantur malefactores, præcipue adulteri, licet raro reperti: qui inter brachia statuæ, connexa ferreis catenis saxa, indicibili confusione ac aliis ludibriis, in collo elevata tenebant, maxime in terrorem fragilioris sexus haud corrumpendi. Erant olim in hac urbe maximo numero plebeix virgines, amplis argenteis deauratisque coronis palmari altitudine, solemnioribus festis incedentes: quarum etiam alius cultus & ornatus, sicuti & aliarum mulierum, totus & opulentus erat in argento, cujus copia ad omnes & singulos, etiam agricolas extendebatur & adhuc extendi creditur, ut gloria Principi detur, quod potius splendidis & opulentis imperat, quam egenis, veluti Rex Schacorum aut Latrunculorum.

OLAI MAGNI, GO-
THI, ARCHIEPISCO-
PI UPSALIENSIS,

DE

Bellicis instrumentis, ritu, causa,
& cautelis præliandi,

EPITOME LIBRI SEPTIMI.

C A P. I.

De artificibus ballistarum & telorum.



APUD Septentrionales gentes, magnus usus reperitur in arcibus, balistis & sagittis: vixque datur incola terræ, qui in similibus armis haud est provisus: idque propter hostiles insultus arcendos, ac noxias bestias, ubicunque occurrerint, depellendas, ut sunt immanes ursi ac lupi: contra quos latæ veluti novaculæ producuntur sagittæ, ob pilorum densitatem. Item lignæ sagittæ lato capite, pro marduris, zabellinis, ac pyrolis interimendis. Item bifurcatis, pro avibus sylvestribus

bus aucupandis : aliis in aquaticis incisivis, ob pennarum duritiem penetrandam : aliis ad alces seu onagros , gulones , vulpes , & similes bestias conficiendas. Verum de his & similibus , non ballistarum , sed reflexarum arborum sagittis , inferius de diversis animalibus venandis, plura ostendentur.

CAP. II.

De sagittis & telis bellicis.

Quantum ad præliorum congressum at-
tinet , certum omnibus relinquitur ,
Gothos cæteros in fortitudine ballistarum,
sagittarum, lancearum , & gladiatorum præ-
cellere, eo quod vix in orbe majoris rigoris
fiunt ballistæ, quam apud eos : neque ma-
jores gladii , qui hæreditario jure & mune-
re , tanquam supellex argento locupletior,
possidentur. Nec minor in fortibus ballistis
affectus est , & rotulis earum attractivis ,
quibus mira agilitate dorso incurvato balli-
stæ extenduntur : talemque vim habet ejus
vigore emissæ ferrea sagitta, ut virum lorica,
ac duplici thorace munitum , velut mollem
ceram penetrare consueverit. Ideoque ea-
rum frequentior , quam aliorum armorum
in præliaribus populis , etiam ob alias mul-
tiplices rationes, usus est, ut infra de ferreis
mœ-

moenibus annectendum erit. Talibusque sagittis ferreis non pauci duces exercitus in campis indigentes, multa earum millia secum diligenter ferunt: quoniam portatiles sunt, & raro frustra projectæ, etiam tricuspides & veneno tinctæ, ob hostium rabiem & immanitatem, sine gravi vulnere emittuntur. Nec facile venenatis utuntur sagittis, nisi ubi exploratum habuerint hostilem ferociam & crudelitatem, quod nemini sit paritura.

C A P. III.

De subita convocatione commun- nitatis ad arma.

Quoties imminent hostes in littore maris, seu limitibus regnorum Septentrionalium, tunc ilico jussu præfectorum provincialium, accedente consensu & consilio veteranorum in simili negotio valde peritotum, baculus tripalmatis communiorum aspectui, agilioris juvenis cursu præcipiti ad illum pagum seu villam hujusmodi edicto deferendus, committitur, ut III, IV vel V. die, unus, duo, vel tres, aut yir-
tim omnes & singuli ab anno trilustri, cum armis & expensis x. vel xx. dierum, sub pœna combustionis domorum (quæ usto bacu-

baculo) vel suspensionis patroni , aut omnium, (quæ fune alligato signatur) in tali ripa , vel campo , aut valle , comparere teneantur subito , causam vocationis , atque ordinem executionis prædicti præfecti provincialis , quid fieri debeat , audituri. Itaque nuntius ille quovis posta seu veredario celerior , peracta commissione lente revertitur , signum afferens , omnia legaliter se fecisse : continuoquæ momento vicatim unus & item alius cursor , qualiter agendum sit , præscripto loco demonstrat. Talique modo , qui vel habitudine corporis , vel ætatis vigore idonei ad pugnam videntur , diurnali vel octiduano spatio , innumera multitudo cum armis & expensis congregatur , imo agricolæ grandæviores , propter consilia , & experientiam priorum conflictuum acceptorum , campos accedunt , sicut & fœminæ in mœnibus urbium , vel arcium , ut ejciant saxa , vel calcineas pulres.

C A P. I V.

De custodia viarum & exploratorum.

A Tqui ne hostilis exercitus , quid incolæ meditentur , agnoscat , loco opportuno deputantur viarum custodes : qui neminem ab ea multitudinis convocacione descendere

re sinunt, imò nec nuntios hostium, quando deprehenduntur non pacis gratia, sed explorandi causa advenisse. Volunt enim incolæ, inimicos, quanto numero congregati sunt, quibusve hastis & armis, seu contris aut sagittis utuntur, ignorare: quandoque enim hastæ (vulgari Italico *Piche* dictæ) duobus aut tribus pedibus longitudine exuperant hastas seu lanceas inimicorum, uti in erectione Regis Danorum Christierni II. anno Domini M D XXI, ductu nobilissimi Gostavi Ericson, postea Regis, evenit: qui cum xx. millibus hujusmodi hastatorum montium inhabitatorum Dalacarlorum, ad campestria loca Arosiana, sub finem Maji, impetuose hostibus congressurus descendit, & in momento victor evasit. Horror enim Christiernianæ severitatis non unam familiam, aut provinciam, sed universos incolas agitabat in furorem, ut viritim exeuntes prorumperent in ultionem. Quo ordine causæ factum est, ut idem Gostavus ubique concurrente infinita multitudo, etiam illustrium & nobilium assensu, primo proclamatus sit Princeps, & inde Rex à tribus Episcopis, sanctæ Romanæ Ecclesiæ communionem habentibus, sit coronatus: de cujus gestis alibi diffusius ostendetur. Nuntiis igitur, vel cur-

foribus, pro enūciando congressu multitudinis ad prælium, nil unquam celerius aut severius excogitari possit, quia hos neque vis nivium, neque imber, neque æstus, neque nox distinet, quin propositum sibi cursum celerrime conficiant: quorum primus proximo pago denūciat: & ille propinquiore, & ita deinceps, donec è territorio seu districtu, cuncti cognoverint, ubi, quando, & propter quid sit congregiendum. Nec satis securus erit præfectus, si titubat, aut vacillat, quid provocatæ multitudini debeat imperare. Gratis enim pro patria militatur, ilico scire volunt, quid expediat peragendum.

CAP. V.

De directione multitudinis convocatæ.

Congregatæ multitudini incolarum, mox adsunt prudentiores præfecti, qui uno tempore & agenda demonstrant, & cohortes, turmas, ac legiones distribuunt, aciesque servandas prædicunt, vexilla committunt, causas belligerandi exponunt, hostium insolentiam & damna inculcant, & quam necessarium sit patriam tueri libertatem, universis & singulis manifestant: hac-
que

que celeri expeditione omnes audacissimos
 injuriarum vindices reddunt, ea potissimum
 ratione, quod domestico tirocinio prius di-
 dicerunt bellicos exercere congressus, idque
 pilis, sagittis, fundis, gladiis; quibus ali-
 quoties, vel sæpius hostem interimere vel
 fugare consueverunt: quidve in bello fieri
 oporteat, non minus commode sibi ipsis
 præscribere, quam ab aliis addiscere no-
 runt. Quo fit, ut dum in hostem non secus
 quam graves & luctuosæ tempestates uno
 impetu deferuntur, ferociterque irruunt,
 vel facultatem inveniant cædendi, sternen-
 di, capiendi; aut omnia in hostilibus castris
 confundendi, prout natura loci concedit.
 Populoque mos est, tumultuaria atque cur-
 soria pugna dimicare. Qui vero cæteros an-
 tecellunt in hastis, aut statario bello, suo
 ordini seorsum deputantur, ut suis sint au-
 xilio, si resistantia hostium in ipso impe-
 tu retrusi fuerint, vel fugati. Alii vero tur-
 matim conglobati, aut itinera custodiunt,
 ut hostem ad insidias & iniquiora loca con-
 trudant: aut commeatum auferunt, vel im-
 pediunt, ut diuturnitate sufferendæ pugnæ
 defessum reddant: aut ad extrema pericula
 voraginum ac præcipitiorum cogunt, ut ru-
 pium faucibus ipsum hostem inclusum facili
 negotio conficiant, vel captivent. Summe-

que provident, quo novas recentesque pug-
natorum turmas bello invalescente inimi-
corum viribus incessanter opponant, ut in-
tuta munimina recipiant debilitatas.

C A P. VI.

De littoralibus præliis.

IMminente maritimo bello mira diligen-
tia utuntur Septentrionales populi, præ-
sertim Gothi, Sueci, ac Finningi, in hostica
classe arcenda, vel excipienda. Aut enim ex
rupibus tanquam naturalibus præfidiis e-
minus hostem sagittis arcent à littore, aut
propius accedentem saxis è sublimi proje-
ctis elidunt, aut in faucibus portuum stylos
cæcos, densasque sudes, sub aquis infigunt,
ut sine defensoribus aditum adversariis va-
leant prohibere. Aliquando etiam hostium
opinionem timidos se demonstrant, in extre-
mis sylvarum brachiis latitantes, ut quo lo-
co prædandi causa hostes advenerint, cor-
num acutiore citato sono, convocent reli-
quam multitudinem in abdito permanen-
tem. Plerisque enim in locis littoralibus ac-
cessus recessusque sylvarum, teneris arbori-
bus incisis, inflexisque crebris in latitudi-
nem ramis enatis, ac rubis sentibusque in-
terjectis, effecerant; ut instar muri, hæ se-

pes munimenta præbeant, quæ non modo non intrari, sed ne facile introrsus perspicere possint. Intra eas sylvas, quasi singulis provinciarum portibus objectas, maxima multitudo latitat incolarum: quæ eo celerius inimicis congreditur, quo diligentius speculatorum industria fuerit excitata, præsertim dum hostes per ædium incendia & agrorum depopulationes sævire videntur. Eo nanque scelere nullum truculentius indigenæ reputant, nec atrocius patria severitate compensant.

CAP. VII.

De fundis lapidum, & igniti ferri.

FLexibilibus catenis, ferreisque juncturis, fustibus ligneis alligatis, sæpius in castrorum obsidione, quam reliquis armis Aquilonares utuntur, præsertim ubi campus circumjacens sit lapidosus. Ubi autem saxa non sunt, quod raro videtur, crustatum ferrum ignitum scintillis micans, forfice in bursam fundæ impositum, vehementi jactu in castra emittunt. Habent enim semper ad manum vasa instar barilium Romanorum, plena crustato ferro, eoque in ignem misso, & fundis applicato, ac contra obsessos projecto, tam vehemens vulnus & cruciatum

infligunt, ut rara vel nulla medicorum ope
valeant restaurari. Casu etenim, ob pon-
deris gravitatem & tactus adustionem, ir-
remediabiliter lædit: sicque abditorum fer-
reorum crustorum terrore vel vulnere con-
ficiunt hostem: cujus rei memoria recen-
tior est in Danorum Rege Christierno I I.
qui talibus armis anno MDX XI. in civita-
te & castro Arosiensi perdidit potentissi-
mum exercitum suum. Similiter & sagittis
ignitis: quæ de flamma ereptæ, atque forsi-
ce balistis impositæ, repentino jactu eo a-
tróciora vulnera indiderunt, quo minus
manibus propter ardorem extrahi quive-
runt. Sed miserabilius erat, quod ferreæ
sagittæ, ac crusta ignita in pulverem bom-
bardalem cadentia, quasi momentaneo ex-
citato flammæ impetu, latius per circui-
tum plurimos astantes milites intereme-
runt: maxime etiam, quia montani, ferox
hominum genus, mineralibus exercitiis e-
ducatum, sagittis, saxis, ferreisque crustis,
quasi imbribus per fundas emissis, vehe-
menter instabant. Vidi ego, exinde spatio
CCL. milliarium Italicorum, navigio in re-
giam Suetiæ Holmiam plurimos sic misera-
biliter sauciato, eodem anno, terribile spe-
ctaculo, nempe naribus, oculis, brachiis,
pedibusque evulsis, adduci: qui tandem in
sana-

fanabili vulnere & cruciatu, præcipue Germani, Dani, & Scoti, miserabili morte vitam efflarunt. Quæ sors & mors, eisdem militibus Germanicis, ac Danicis, præcipue Juthis, & Holsatis, evenit, quod Montanos illos (Dalacarlos dico) despecto nomine inermes rusticos, & ad prælia indisciplina-
 tos, homines stupidos & imbecilles, reputabant, & appellabant: etiam imprecantes, quo è cœlo myriades compluerent rusticorum, quos omnes quasi locustas uno momento excutere vellent, & possent; inani-
 bus verbis insultantes. Sed re ipsa comper-
 tum est ilico, verba & minas nil valere, dum appropinquarent qui verbera & mortem inferre valebant. Viso etenim, impetu in meridie diei Pentecostes ipsorum Montanorum, seu Dalacailorum, mille injuriis una cum reliquis regnicolis ad iracundiam provocatorum, non solum non attentatam pugnam, validissimo milite equestri & pedestri contra multitudinem institutam, sustinere nequiverunt, sed turbatissimo metu in propugnacula, vitam defensuri, sese velocissima fuga receperunt: in quibus, ut dictum est, sagittis ignitis & ferro crustato interimebantur.

CAP. VIII.

De velis Centurionum.

Q Uamvis tumultuaria manus , & inermis ruricularum turba, ubique per orbem militaris disciplinæ nullam credatur habere peritiam : tamen longe severior ratio deprehenditur in Septentrionalibus populis , qui comportatis expensis certi temporis , & armis , alacriter ad res bellicas æque ut ad tripudia congrédiuntur. Validissimi enim sunt , præsertim Sueci & Gothi, in arcibus, fortalitiis, opidis, ac urbibus obsidendis, & impugnandis , idque multiplici modo, prout hoc libro variis capitulis inferius ostendetur. Hic tamen modus superius descriptus , cæteris forte periculosior existimatur. Incolæ enim gravissima lacerati injuria & tyrannide, ut ea liberentur, in unum collecti, crudelibus præfectis celeriter amovendis subito congrédi non formidant : unde & eos superatos, atque ad arces & opida confugere coactos , mox agminatim arcibus inclusos obsidione cingunt : conjunctisque viribus & animis , ar busta seu framenta colligunt , & hæc virentibus juniperis ubique crescentibus , cum pice , corticeque arboris betulinae , ingenioso compendio

dio restibus constringunt : idque adeo immani altitudine, & magnitudine, instar longarum turrium efficiunt, ut unamquamque congeriem (quam *Veltam* vocant) antrorsum movendo, circiter viri centum volvant, aut plures, prout immensitas hujuscemodi veltarum requirit : quæ etiam velta, talem securitatem motoribus suis ob vastam spissitudinem præbet, ut nullo sagittarum, scorpionum, aut tormentorum genere, in ejus admotione lædi possint.

CAP. IX.

De modo & tempore adducendi veltas.

VT autem expeditius animo suo ulciscendi, maturiore efficacioreque naturæ adminiculo satisfacere valeant, ex industria ventos expectant, & eligunt tempestuosos & austeriores, qui admos & accensos veltarum fumos & flammâs tectis arcium intrudant : alioque latere turmatim imminet sagittarii infestiores, qui vel obsessos in fenestris, vel scuta in manibus opposita, aut capita obsessorum, ita sagittarum ac telorum multitudine replent, ut formam induant ericiorum. Eoque finaliter vis ista progreditur, ut obsessis viribus destituti, vel

flammis & fumo deviæti, horrendo spectaculo, nullis admissis conditionibus aut pactis, interimantur. Nescit enim effrenis rusticorum simplicitas alia tractare pacta, quam sola mors amarissima præscribit obsessis, eo quod toties vaferrimis impiorum præsidum & hostium induciis illudam ac afflictam se meminit, ut potius eligat semel fortiter pugnando mori, quam ad tanta ludibria ac tormenta tyrannorum diutius reservari. Et hinc mos crudelissimus inolevit, ut milites gregarii cum Sueticis ac Gothicis rusticis & indigenis publico certamine congregientes, desperatione vitæ retinendæ neminem captivent, nec econtra: sed sese mox interimunt furia quadam beluina, prout ubique per latissimos campos non Epitaphia, sed ipsa ossa rupibus ubique affixa demonstrant. Attamen hæc luctuosa calamitas plures externos milites variarum nationum, eo quod vilem vitæ venditionem confluentium, dira morte consumit, quam ipsos indigenas, qui viribus aucti quotidie fortiores, severioresque adversus quamcunque hostilem vim exurgunt. Testantur etiam hoc peregrini milites, qui numine propitio miseras has quandoque evasere, documentum cæteris omnibus præstantes, Suetici argenti spoliū, vita & sanguis.

guine ab extremis gentibus, dispari commutatione, fore emercandum.

C A P. X.

De sudibus, telis, & foveis insidiosis.

MIlites seu Septentrionales populi, munitiones opponendo imminentibus inimicis, multa, quemadmodum & aliæ gentes, utuntur arte & viribus, tempus locaque considerantes quibus indubie exigua manu circumveniant hostem, tempus scilicet hyemis, veris, æstatis aut autumnii. Hyemis itaque tempore si pugnandum erit, quia adminiculo nivis & glaciei, (ut infra dicetur) centum sufficiunt resistere mille. Si veris, tunc hostem eo provocant, ut incidat in saxa: quorum copia infinita ibidem est, frigore ad casum laxata, ut eques stabile vestigium non inveniat, quo tutus à lapsu & præcipitio sit, quacunque virtute prælietur. Si æstatis tempore, tunc fossatis, sudibus, & stylis, pineorum ramorum adumbratione coopertis, aut paludoso loco excipiunt temerarios inimicos. Si tempore autumnii, ad valles locaque declivia provocantur ab hoste, imbribus eum infatuant & enervant, ut ad angustos limites redigatur, donec plures congregati, non adjutorio, sed

miserando spectaculo, & periculo, sibi invicem noceant. Nihil enim ita equitibus nocet, ut locus angustus & voraginosus: qui vix evitari poterit, dum strenui equites iraconcepta, quocunque cernunt ducem volitare, cum robore & impressione sequuntur. Nec fuga saluti erit, propter equitatum à tergo instantem: nec dextrorsum aut lævorsum, ob præcipitia, limosas paludes, profundas voragines, insidiosas specus & aquas, ac saltus, pericula evitari possunt. Tuncque deprehenditur, quod non solis ensibus, lanceis, sagittis, contis, ac pugionibus dimicare juvat, sed locis scabrosis & iniquis, ad quæ nimia præsumptione & improvidentia sunt illapsi. Quod si victores evaserint, durum est eorum ferociam reprimere, sicuti & fugientium ignaviam & perfidiam revocare: & forte quia undique conclamatur ad arma, tela, & diversa compendia mortis.

C A P. XI.

*De strategemate Regis Hachonis
per frondes.*

A Troces injurias quam vehementi spiritu & studio Gothi vindicare soleant, pauper præsentis capite demonstratur. Erat olim

olim in patria Gothorum potentissimus Rex
 Hacho nuncupatus, adeo præclaris & ma-
 gnificis gestis addictus, ut cæteri proceres
 potius ea admirari, quam imitari valerent.
 Tanta enim circumspeditione omnibus Rei-
 publicæ partibus satisfecit, ut quemadmo-
 dum contra hostes in bellicis rebus incom-
 parabiliter strenuus esset, ita in cives & a-
 micos nullum benigni Principis officium
 præteriret. Hic potentiam & militiam suam
 divisit in duas classes bellicas: quarum u-
 nam fratres ejus, patriæ limites & populos
 defensuri, strenue gubernabant, dum ipse
 interim altera classe, militumque parte suc-
 cinctus, arma Occidentalibus Oceani insu-
 lis inferret. In quibus constitutus, cum cer-
 tis nunciis didicisset, duos fratres suos bello
 navali à Danis oppressos, tertium vero i-
 gnominioso mortis genere, in suæ familiæ,
 & Suetici Regis contumeliam, absumptum,
 nihil ulterius morandum ratus, totius exer-
 citus sui robur ex Hybernia in Danos con-
 vertere properavit: quem licet Starchate-
 rus pugil Sueticus, & nonnulli alii, causis
 adductis deserebant, tamen classe, residua
 militia, felicibus velis pervenit in littora Ze-
 landiæ: rectoque ac celerrimo cursu, per
 saltus, & per nemora, usque ad regiam, in
 qua tunc Sigarum Regem versari intelle-
 xerat,

xerat, contendit. Nec accelerationi prospera fortuna defuit: nam primam & secundam vigilum stationem suspenso tacitoque itinere prætervectus, cum ad extremas sylvarum latebras devenisset, iussit abscissos arborum ramos singulorum suorum manibus gestari. Quod cum milites in tertia statione constituti adverterant, mox Sigaro nunciant, se insolitam & stupendam rei novitatem admirantibus oculis subjecisse. Visum quippe erat nemus suis sedibus evulsum ad regiam usque properare. Tum Sigarus, animo ad insidiarum considerationem converso, respondit, eo sylvarum accessu sibi extrema fata portendi. Moxque militem, quem inopinatus casus obtulit, contrahens, obviam advenienti hosti progreditur. Fit atrox & pertinax pugna, Suecis suo more vindictam vehementissime facientibus. Cecidit eo prælio Sigarus Danorum Rex. Hacho vero victoriam in crudelitatem convertens, nulli sexui aut ætati perpercit, regnumque Daniæ tam severiter opprimebat, ut illud nequaquam ad tributum aut subjectionem, sed ad extremam desolationem expugnasse videretur: nec quievisset, donec magnam ejus partem desolatam reddidisset, nisi morte patris ab eo conatu in Gorthiam subito revocatus fuisset.

Sub-

Substituit tamen alterum ejusdem nominis
 ducem Hachonem, cognomento Fastuo-
 sum: quem cum Dani post Sueonum ab-
 scesum viribus destitutum viderent confe-
 stim ad arma reversi, statuerunt se à Sueti-
 co jugo ereptos in pristinam libertatem vin-
 dicare: filioque Sigari Sivaldo in Regem
 assumpto, prælium vehementius, quam un-
 quam prius, instaurant. Fuit ea pugna adeo
 vehemens, & cruenta, ut prostratis antea
 multis millibus, tandem ambo exercituum
 duces Hacho & Siyaldus corruerint: erant-
 que paucissimi, qui sibi post tam miserabi-
 lem cladem, fuga consulere potuerint. Et
 hic fuit finis infelicissimæ pugnae: in qua o-
 mne Regii sanguinis stemma in Dania ex-
 tinctum, ad unam foeminam Gyritham, Go-
 thico regno oriundam, pervenit.

CAP. XII.

De hostilibus incendiis puniendis.

MEminit Saxo Danorum egregius scri-
 ptor, Suenonem Daniae Regem tam
 pertinacibus armis & odiis Sueonum Go-
 thorumque incolas impugnare statuisse, ut
 nulla pacis conditione admissa, aliquis sal-
 vus & tutus vivere permetteretur in sua vi-
 ta ac libertate, etiam si Rex eorum in foede-
 ra

ra quæcunque decerneret consentire. Hy-
berni itaque temporis beneficium nactus,
expeditiora elegit itinera, rapinisque & in-
cendio Finniam olim, nunc Finvidiam, me-
ridionalem Gothorum provinciam, præda-
bundus aggreditur. Occurrunt indigenæ
supplices, patriam seque dedentes: nec sic
se prostravisse contenti, etiam commeati-
bus præbitis, hospitalitatis eum obsequiis
prosequuntur. Propter quæ officia dum sese
tutos non experirentur, fas putabant infi-
diis implacabilem corripere crudelitatem:
unde & illustres viros, familiaresque eo-
rum, cædis & rapinarum socios, majorem
noctis partem in comestationibus extrahen-
tes, temulentiaque graves, in horreum an-
nona vacuum, pariter sobrietate exutos se
recipientes, prædicti Finni igne & flamma,
quibus antea penatibus in horrendo frigo-
re privati erant, unanimiter congregati in-
teremerunt. His namque altiore somno
spirantibus, Finnenses foris valvas obicibus
obserantes, igni sparsere tectum: jamque
ejus major conspiraverat pars, priusque æ-
des in cinerem prope collapsa fuit, quam
pressos mero sensus vis ardoris expugnaret.
Postremo propiore flammarum fervore
correpti, dum nudi valvas erumpere ge-
stiunt, forinsecus eas occlusas cognoscunt.

Urgebat intus incendium, toris hostis vebat egressum: sed præsens pœna sequentis metum levabat, instantisque mali periculum futuro tristius ducebatur. Quo evenit, ut Dani ferro, quam flammis opprimi præopprantes, validius connisi, præjecta foribus claustra convellerent, utque unum periculorum effugerent, in aliud ruere non dubitarent.

CAP. XIII.

De eodem periculo amovendo.

EGregiæ indolis pueri, quos sibi in clientelam prædicti duces, & illustres viri, respectu propinquitatis acciverant, absque ætatis miseratione sub Nicæ amnis glaciem nudatis corporibus Finvidorum ludibrio merfi, in eodem alveo fatum & tumultum recipere: ita paucorum agrestium fraude, hoc est, æqua vindicta, maximæ expeditionis labor exinanitus evanuit. Neque eo solum vetusto tempore id accidisse comperitum est, sed quotiescunque Gothos ac Suecos hostilibus armis spoliandos Dani impetunt, toties in ædibus constricti, partim ignibus, partim aquis, partim ferro, aperte vel insidiosè ut plurimum absumentur: quod eo facilius fieri creditur, quo in ligneis ædifi-

difficiis undique combustibili materia circumdatis, crapula fatigati profunde dormitant, stulte existimantes, inter eos homines se fore securos, quibus omnem violentiam & crudelitatem infligunt: eoque celeriores ac horribiliores poenas subeunt, quo sæva tyrannide petulantius in ædes ac fortunas incolarum sunt grassati. Privati enim domibus, in asperrima hyeme, uxores & parvulos sylvarum latebris abscondunt, unoque impetu ac furore & desperatione ducti, ballistisque & telis armati, rapaces incendiarios, per viarum insidias quæsitos, occidunt, ut vita amissa, bona ablata, reassumantur à possessoribus justis. Quo fit, ut vel atrocissimo periculo dispereant, vel expeditiore (sed fœdiore) fuga impetu rusticorum elabantur: quippe spoliis inter hostes relictis, sese spectaculum & ludibrium non modo externis, sed domesticis, nudi spoliatique, & plerunque faucii, domum ægre revertentes, ostendunt. Stulte igitur bellum in hyeme contra colonos accipitur, quando jussu dominorum, simili exorto inimicorum casu includendorum, domos repagulatas comburere non formidant, quia abundantia propin quarum sylvarum, novas ædes mutuo adjutorio erigere possunt. Domus autem nunquam in latere, sed in culmine

mine tecti fenestras habent, ideo foribus obferatis, facillime somno sepulti comburantur.

C A P. XIV.

*De custodia riparum tempore hostili:
circa lacum Meler, in superiori Suetia.*

EST præterea in superiori Suetia lacus insignis Meler appellatus: de quo supra lib. 3. dicta fuerant plurima admiranda, præcipue quod inter Septentrionales aquas sit piscosissimus, atque plures illustrium ac nobilium hominum habeat arces & palatia, pro more gentis satis ornata: præterea aliquot insignes Ecclesias Cathedrales, Arosiensem, & Strengensem: ubi vetusto tempore supersticiosus cultus viguit idolorum, maximumque certamen heroum, pugilum, ac gigantum: prout cernere licebit in immanibus saxis è campis & montibus in parietes Ecclesiarum translatis: in quibus literarum Gothicarum longo atque obliquo ordine, leguntur gesta dictorum gigantum. In sinu etiam hujus lacus scopuli sunt inaccessibiles, ab incolis vocati Gallinarum pulli. Rupes enim media est, Gallinæ nomen habens, quemadmodum apud Norvegianos scopuli reperiuntur Ovorum, id est, Eg-

gia.

giafiord appellati. Præterea è mari in Gothiam & Suetiam navigantibus certi sinus maris & promontoria objiciuntur, quæ mensarum, scamnorum, corvorum, porcorum, falconum, & præliorum hominibus nuncupantur: in quibus, ingruentibus inimicis, inter media saxa cum scaphis insulto-riis se abscondunt: imo aperte conservant incolæ, ut hostes intercipient præsumptuose adnavigantes: quique, si littus solidum hostes ingressi fuerint, armatam multitudinem ubique in littoribus pro patriæ defensione animose inveniunt congregatam, quemadmodum specialiter in sequentibus libris ostendetur.

LIBRI VII. FINIS.

OLAI

OLAI MAGNI, GO-
THI, ARCHIEPISCO-
PI UPSALIENSIS,

DE

Statu Regentium & Officiorum,
ac exercitio militari,

EPITOME LIBRI OCTAVI.

P R Æ F A T I O.

DEclaratis primævi temporis
Gothorum Sueonumque po-
tentissimis Regibus, per cha-
rissimam Fratrem & ante-
cessorum meum Ioannem Ma-
gnum Gothum, Archiepiscopum Upsalien-
sem, in historiis suis nuper Romæ impressit,
succinctior via relicta videtur, qua decla-
rari congruit, quomodo, qualesve constitui
solent Reges in Septentrionalibus regnis:
scilicet post descensum Noë ac filiorum ejus
ab arca, prius quam in reliqua parte totius
orbis iidem filii & nomen & gubernium
patris institutione creduntur habuisse, at-
que

que demum inde totum mundum ampliasse : prout postea multis attestantibus gravissimis authoribus compertum est, ab eadem septentrionali plaga plus quam 34. Reges exiisse, & potentissima regna late per orbem instituisse. quemadmodum an. 1539 in charta mea Gothica, Venetiis impressa, lucidius declaratur : quorum gesta quam ardua, ac magnifica sint, ipse idem Frater meus antedictus in historiis suis, fidelissime scriptis attestatur. Quibus sic demonstratis, ostendendus insuper erit modus, quomodo Regia electio, vel stirpium successio, ac exercitia militaria, à vetustissimo tempore regentium, & officiorum, fuerint observata.

C A P. I.

De electione Regis.

GLoriosa majorum constitutio nomine municipalium successive seculis & generationibus tradita, in sui exordia præcipit, ut incolæ Regem electuri in Suetia, senatores ac procures, nuntiique omnium provinciarum, communitatum, civitatumque regni prædicti, conveniris teneantur in Archiepiscopali civitate Upsaliensi : unde non procul est lapis campestris amplius, ab
inco-

incolis perpetuo tempore *Morasten* appellatus, in circuitu duodecim continens lapides paullo minori forma humi firmatos: in quo loco prædicti senatores, seu regni consiliarii, ac nuncii, confluere solent. Ibidem ex senatu præcipuus oratione circumspecta proponit, quam necessarium sit, pro regni, omniumque incolarum libertate, in unum Regem ac principem consentire, prout à majoribus supra talem lapidem, qui firmitatem signet, providentissime fuerit observatum: omnes exhortans, ut libero, quem velint, voto quantocius ex nomine prosequantur. Nec mora proluxa intervenit. Qui bonum publicum, regnique gloriam, pacem & concordiam, semper tueri visus est: qui privato regimine nullum læserat: qui victor in bellis frequentior fuerat: qui totius populi iuste vivendo favores sortitus est: qui legis & religionis amantior est: is omnium nuntiorum provincialium unanimi consensu Rex appellandus elevatur: eo tamen respectu ut, si filius Regis, frater, aut consanguineus, prædictas virtutes habuerit, non hæreditatis, sed electionis jure cæteris omnibus anteferatur. Sed nec negari videtur, quantaes omni diligentia, cura, autoritate, gratia, precibus, pollicitationibus, sibi procurent populares favores. Nonnulli cō-

mi-

minatione externorum Principum: pariter & armato auxilio, violenter sibi Regium titulum ascribi festinant. Sed nulli infeliciores illis: quia violentum eorum imperium, populi contradicente voto, non erit diuturnum, etiam si inter munitissimas arces, vel sidera posuerit solium suum. Ut-
cunque evenerit, ille semper securius intrat, durat & exit, qui voce populi satis providi vocatur ad regnum, quasi animo, virtute-
que, sive inter suos, sive inter hostes, clarissimus ac strenuissimus reputatus: quia nihil prius aut antiquius illi videtur agendum, quam prospicere proceribus, ac populis suis, ut justum imperium, firmum præsidium, & perpetuam pacem habeant. Et cum hæc fecerit, populus non tolerat aliquem alium sibi Regios honores vindicare.

CAP. II.

De adoptione Illustrum per arma.

QVia morem vetustissimorum Principum Gothiæ adhuc sua ætate in filii adoptione servare non desit potentissimus Rex Gothorum Theodoricus, idcirco epistolam ejus libro quarto Regi Herulorum transmissam, volui hic inferre. Per arma, inquit, fieri posse filium, grande inter gentes

tes constat esse præconium: quia non est dignus adoptari, nisi qui fortissimus mereatur agnosci. In sobole frequenter fallimur. Ignavi autem esse nesciunt, quos judicia pepererunt. Hi enim gratiam non de natura, sed de solis meritis consequuntur, quando vinculo animi obligantur extranei. Et tanta in hoc actu vis est, ut prius se velint mori, quam aliquid asperum patribus videatur infligi. Et ideo more gentium, & conditione virili, filium te præsentî munere procreamus, ut competenter per arma nascaris, qui bellicosus esse dignosceris. Damus quidem tibi equos, enses, clypeos, & reliqua instrumenta bellorum: sed quæ sunt omnimodis fortiora, largimur tibi nostrâ judicia. Summus enim inter gentes esse crederis, qui Theodorici sententia comprobaris. Sume itaque arma, mihi tibi que profutura. Adoptat te talis, à cuius gente tu potius formideris. Nos arma tibi dedimus, gentes autem olim in virtutum pignora perstiterunt. Salutantes proinde gratia compètenti, reliqua per illum, atque illum, legatos nostros, patrio sermone mandamus, qui vobis literas nostras evidenter exponant, & ad confirmandam gratiam, quæ sunt dicenda, subjungant.

CAP. III.

De eadem adoptionis forma.

ERat præterea tam rigida apud veteres Gothorum Reges observatio in armorum experientia, ut eorum legitimi filii cum patre in publica aut privata mensa cibum non sumerent, antequam armis idonei ab externis Principibus declararentur: quod & Pau. Diaco. libro primo cap. 23. attestatur. Dum enim Longobardi peracta victoria ad sedes proprias remeassent, Regi suo Oduin suggererunt, ut ejus filio Albuin convivia fierent, cujus virtute in prælio, Regis Gepidarum occiso filio, victoriam cepissent, ut qui patri in periculo, ita & in convivio comes esset. Quibus Oduin respondit: se hoc facere minime posse, ne ritum gentis infringeret. Scitis, inquit, non esse apud nos consuetudinem, ut Regis cum Patre filius prandeat, nisi prius à Rege gentis exteræ arma suscipiat. His Albuin à patre auditis, quadringentis juvenibus sumptis, Turismundum Gepidarum Regem, cujus filium alias in bello occiderat, insignia armorum petiturus accessit. quem Rex benigne suscipiens, instituto convivio ad dexteram collocavit, ubi sedere consueverat filius

lius ejus alias interemptus: quod tamen pater revolvens, alta suspiria traxit, gravem existimans filii mutationem. Ob quam cum Regis alter filius, & aulici, telis eductis vindicare contenderent, Rex eosdem sub dira interminatione compescuit, asserens, eam victoriam esse impiam, cum quis hospitem in domo propria occiderit: unde & singulos in læta convivio redire decrevit: sumentque arma filii sui interempti, ea Albuin tradidit, atque cum pace & incolumitate ad Patris regnum remisit. Dehinc patris convivio factus omnia ordine narravit, insignemque laudem pro tanta audacia meruit: sed multo majorem Turismundus, pro constantissima fide in hospitem effertissimum observata. Est etiam recepta hominum opinio, velut sanctio militarium virorum, ut Rex militem equestris ordinis, id est, Equiriatus dignitatis, creare possit, qui ante suam coronationem in eo ordine assumptus non fuisset: quia sub autoritate Regii culminis hoc includitur, velut sertum ex rosis super aureum diadema.

CAP. I V.

De militari educatione illustrium ac nobilium puerorum.

ERat apud veteres Gothos non postrema cura, de rigida educatione puerorum, quos militaribus exercitiis & bellis communi lege satagebant, ut tales omni casu patria haberet defensores, quales olim in vetusto seculo majorum instituissent imitatores. Isque modus in primis servabatur, qui & præsentì tempore durat. Olim pueri recter cunas egressi, virgas & mammas experiebantur: primum in balneis calidissimis graviter ad sanguinis effusionem cedebantur, deinde in algidissimam aquam fere ad periculum mortis detrudebantur, unde compactiora membra referrent: quo ipsi pueros suos ad tolerandos æstus atque algores obdurabant: etiam pueri ad aram sic verberibus afficiebantur, ut multis è visceribus sanguis exiret, nonnunquam etiam ad suspicionem necis: quorum non modo nemo exclamavit unquam, sed ne ingemuit quidem, ut jam vitæ severitatem ab infantiæ cunabulis & cum lacte materno imberent. Siquidem noviter etiam natos pueros ad flammam primum deferebant, sævoque

que gelu durabant, & undis : deinde adolescentiores facti gravissimas plagas in corpus & vultum excipientes, eo silentio ferunt, ut ne oculorum motu, aut metu impatientiam testari audeant. Plumarum molliem vitant. Durum tegmen illis amictui est. Cibus, potusque fortis. Tabulatis plus, quam plumatis lectis incumbunt, & similibus asperrimis rebus, ut membra induant solidiora, & ad omnes adversos casus aptiora. Quia vero Rex Hungariæ Ludovicus delicatissime nutritus erat, plurimum arguere solebat promos suos, ne forte è bello fugiens, dape rustica qualicunque sorte quæsitâ, vitam redimere posset, prout postea probavit eventus.

C A P. V.

De ratione & modo equitandi.

DEinde equitandi, jaculandi, sagittandi, & studio, diligenti veneratione apud Principes habenda, juvenes attente instruantur. Atque inter alia capiti eorum imponitur gravis galea, atque longus in manu contus, ut non tam robuste, quam decenter erecta semper cervice morem equitandi discant, & conservent. Præterea clypeus dorso appenditur, ut sciant retrospiciendo

ciendo occurrentes insidias attentius præcavere : etiam quia vetustissimus Gothicæ nobilitatis mos est , talibus insigniis, videlicet galea, lancea, & clypeo , publicos Principum conventus accedere, atque armis hujusmodi patriæ libertatem & justitiam defendere. Præterea ne militaris experientia aliarum gentium ignoretur , mittuntur hujusmodi adolescentes in longinquas Principum curias , ut addiscant mores , linguam, discrimina personarum, ingenia regionum, pugnarum acierumque ordinem , ne rudes ad gubernacula surgant. Aliquibus tamen non prius contingit in patriam redire, quam regnare. Erat etiam mos veterum Principum, mutuo filiorum capillos suscipere, ut cæsariem incidentes , patres efficerentur , talesque remittere Regius muneribus decoratos. Gothi tamen non tondent capillos, sed strictas galeas, seu cassides ac loricas alligant, equos fortiores ascendere præcipientes, hyeme vero horrenda venationes insequi , alternoque tempore sub algidissimo frigore armatos simulare stationem, & quasi vitæ periculum in aliqua hostili obsidione averfuros : quod hyeme frequentius, quam æstate fieri solet.

CAP. VI.

De electione tironum ad arma.

Hic ostendetur, quo ritu Reges Gothorum, Suecorum, ac Norvegianorum, aliique Principes Septentrionis, Regia atque provincialia officia antiquitus instituebant, modernoque tempore partiuntur. Illos itaque tirones militaribus armis ceteris omnibus clariores existimabant, qui in ipso pueritiæ flore maturis moribus lubricam frænarunt ætatem: qua nihil est sceleratius, malis habitibus relaxata. Nec enim Principi fidelis, nec patriæ utilis, nec sociis portabilis, nec cuiquam grata esse putatur, nisi militari severitate ad strenuos mores redacta fuerit; ut eo casu fortissimi patriæ propugnatores institui possint, quibus dirigendæ provinciæ securius committantur. Verum ne continuo rigore huiusmodi juvenes militaribus disciplinis constringantur, Regia liberalitas eosdem semper erigit, & exaltat, ac specialibus donis, quibus firmioribus obsequiis Regiæ fidei sese constringant, adaptat, quasi intrepidos in quovis certamine, & vitæ periculum subituros. Dona igitur; gladii, ballistæ, pharetræ, galeæ, thoraces, lorice, umbones, frameæ, & equi

202 DE STATV REGENT. ET OFFIC.
militares, ac grandiores, atque annexa feuda: quibus omnibus vetere ritu speciales verborum formæ ac rationes sigillatim, curdantur accipiunturve, sunt annexæ.

C A P. VII.

De eodem per ritum externum.

GOthis ætatem legitimam virtus facit, ut qui valent hostem confodere, ab omni jam vitio astringantur se vindicare. Quod & Paulus Diacon. lib. 1. testatur de Longobardis qui, ut bellatorum possent ampliare numerum, plures à servili jugo ereptos, ad libertatis statum perducunt: utque rata possit haberi eorum ingenuitas, sanciunt more solito per sagittam; immurmurantes nihilominus ob rei similitudinem quædam patriæ verba; quæ tantum sonant, Dii te hac sagitta nobilitent; conficiantque; ubi patriæ ac Principi fueris infidelis. Nec prætereundum est Saxonis testimonium libro 2. quod olim ingressuri curiam preceres, famulatus sui principia alicujus magnæ rei voto Principibus obligare solebant, virtute tirocinium auspicantes. Attamen fidei integritatem in externis Regis aulis Gothiæ, & Suetiæ, nunquam meriti sunt, nisi strictum gladium, vel pugionem, per

per cuspidem , Principis manu & munere , fidelitatis juramento præstito , suscepissent , ne capulo sumpto ipsum gladium retor- queant in viscera porrigentis : prout dudum accidisse compertum est , dum vindicem sustinere passus est , qui capulum pro cus- pide , variata veterum consuetudine , ingrato concessit. Vexilliferos autem , seu primipilos viros , virtute ac nobilitate claros , & singu- lari fortitudine præditos , solius signi exhi- bitione constituunt , quod militari lege sese agnoscunt æque ac honorem & vitam de- fensuros : quibus & applicant audacissimos custodes , bipennes acutas habentes , ac fer- reos globos ad cingulum pendentes : qui- bus dum opus fuerit , cominus hominem imminuentem jactu prosternant , ubi gladiis bis acutis nequeat superari.

C. A. P. VIII.

De ritu veteris militiæ Gothorum.

HAbebant olim cassides graves , non sa- tis polita manu juxta rudem illam æ- tatem fabricatas , præterea thoraces spissos , partim ferreos , partim coriaceos , partim fil- trinos , lino lanaque confutos : simili modo brachialia ferrea , & manuum chirothecas. Ferebant & densas hastas , ac longas , prout

Procopius his verbis libro secundo meminit : Primos nanque omnium Gothos cum densis ac longis hastis venientes, Persæ non sustinentes, in fugam se verterunt. Utuntur & cataphræcti contis longis. Equorum itidem pectoribus æreos thoraces circumdant : circa fræna & phaleras aurum adhibent, ferro, atque argento nil prorsus utentes : quorum in regione , cum immensa sit auri atque æris copia, ferri tamen atque argenti nihil est. In patria autem eorum originali, videlicet Gothia , auro tanquam digniori metallo , pro reverentia suorum numinum in ornatu supremi templi (uti libro primo dictum est) indicibili magnificentia olim utebantur. Hodie etiam constituta lege cautum est , ut campanulæ æræ , vel argenteæ, alligentur detuncatis calcitrosorum equorum caudis, ut imbelles genus hominum sono percepto periculum evitet. Quibus vero argenti cultura major, balteos latos (*Silffschena* dictos) tam pro ornatu , quam munimine in medio dorsi erectos habent, necnon & alia insignia, quibus collitur aulicum decus.

CAP. IX.

*De reliquis antiquitatibus Eque-
strium.*

VTEbatur & illa vetusta ætas inusitata magnitudine in calcaribus oblongis, atque radorum amplitudine latis. Præterea ocreis satis inepta reflexura in recurvanda anteriori parte, nullo prorsus subsistente commodo fabricatis, prout in pueritia mea ante sexaginta annos vidi: jamque pro spectaculo in arcibus quorundam nobilium reservantur. Præterea vestes, seu tunicellæ militares, adeo breves, & complicatæ erant, quovix clunes tegerent inferius, ac ita cancellatæ & divisæ superius, ut nec scapulas cooperirent, neque frigoris injuriam defluentes pili excluderent, præsertim in stipendiariis militibus, quibus prolixior coma non concedebatur, sed solis Principibus, maxime filiis Regum, qui à pueritia intonsi manebant, ut à tergo iis defluerent crines, qui utrinque à fronte discriminati pendebant, non tamen more Turcarum implexi, squalidi atque sordidi, vel alias calamistrati, sed pretiosis unguentis superinfusi.

CAP. X.

De militaribus exercitiis & disciplinis.

MOs erat antiquitus constanter observatus, qui & in hodiernum diem apud Aquilonares observatur, ut equites integris armis induti, de plana terra, atque quocunque loco natura iniquo, equos ascenderent altos, & ephippiatos, præsertim in lubrica glacie, atque nivalibus campis, ubi frequentiora atque acriora bella fieri solent, prout inferius de hyemali certamine ostendetur, maxime propter gravem armaturam, hastasque densas, quibus communiter in hostes utuntur: quod absurdum apud eos minime æstimatur. Præterea alia Gothorum disciplina militaris est, quod in præcipiti equorum cursu sese totaliter armatos ab uno in alterum, & deinceps in tertium equum, urgentibus præliis terram non tangendo, transferre solent: etiam quod ex equo se supinent, elevent, vel inclinent, sursumque se moveant, pilam vel hastam variando.

CAP. XI.

De armis & cautelis equestrium.

Ingressuri Septentrionales equestre certamen gravibus lanceis, & densis, earum cuspides exornant caudis vulpium, aut luporum, in despectum quorumcunque inimicorum. Nunquam etiam vexillatis hastis more Persarum aut Græcorum utuntur. Ballistis tamen seu arcubus chalybeis, atque corneis, ob maximum ictum, & vehementiam ejus robore concitandam, utuntur: sunt etenim fidelissime fabricati, prout omnimodæ sagittæ eis conjunctæ. Demum gladiis tam longis, quam strictis, & incurvatis: quibus, perfractis lanceis, punctim, vel cæsim utuntur. Similiter & latis ensibus, utraque manu versatilibus. Item malleis ferreis unco incurvatis, quibus districtius galeas penetrant, & infringunt, quàm quovis alio præliari instrumento: imo ejusmodi malleis aut equitem à jumento extrahunt, aut ipsum equum excerebrant, ut sessorem exturbet. Item cominus pugnando, multo ac vario genere utuntur pugionum, & telorum, stricto videlicet, & lato, bicipiti, curvato, ac hamato. Tegmina equorum chalybea sunt, aut ferrei thoraces, vel coria.

278 DE STATV REGENT. ET OFFIC.
coriacei, calce viva macerati, & ferreis filis
ob gladiatorum sectiones præmuniti. Eoque
modo instructi, acies plures, à se invicem
paululum, si opus sit, distantes, providen-
tius instaurant, ut una alteri hoste ingruen-
te mox advolatura succurrat: summeque
nituntur, ut hostem, instar turbinis, circu-
lo includant, ne ejus astutia, aut longis stra-
tegematibus, ipsimet involvantur: utque
id opportunius faciant, certis signis specula-
torum, tibicinumque, diriguntur.

C A P. XII.

De tyrannica severitate, & exactione præfectorum.

IN Septentrionalibus regnis uti multæ &
potentes sunt provinciæ, ita & in illis di-
rigendis diversæ sortis & linguarum præfe-
cti à principibus constituuntur, tanquam ra-
dii à Sole emissi, ut in toto terrarum circui-
tu æquitas & justitia custodiat, securitas-
que permaneat omnibus populis inviolata.
Verum ne diuturna permaneat hæc felici-
tas regiminis æquitate parva, malignorum
hominum consiliis alibi per regnum tales
constituuntur præfecti, qui avaritia & ma-
litia obcæcati, innocentes torquent, scele-
ratos exaltant, jura omnia pervertunt, to-
rum

tum regnum in ruinam, se ipsos in calamitatem, & Regem in ludibrium, infamiam, miseriam, & exilium, brevi momento transmittunt. Verum ne res hæc careat documento, inter ceteros sanguinarios & avaros præfectos, quos Ericus Rex Suetiæ, ex duabus Pomeraniæ ortus, &c. eviscerandæ Suetiæ præfecerat, erat quidam Danus *Iusse Ericson*: is super Dalacarlorum regionem constitutus, tam crudelem se omnibus exhibuit, ut putarentur omnes omnium malignorum tyrannorum spiritus, qui unquam antea fuerant, in hunc perditissimum nebulonem confluxisse. Narrat Cicero, crudelem Verrem fumo ex putridis lignis educto, unum hominem innoxium perdidisse: at hic *Iusse* ejusdem malignitatis spiritu obsessus, non unum innocentem, sed ex Dalacarliæ incolis sine numero innocentissimos fumo suspensos (licet viribus sese rebellando liberare poterant) occidit. Quo pacto ne non satis ingeniosus carnifex in exquirendis novis tormentorum generibus videretur, uxores maritorum tam crudeliter occisorum, in locum jumentorum trahendis aratris applicare non erubuit: imo inter primas delicias, videre & audire, eas inter tantas angustias fœtus ex se mortuos abicere, & rursus aratro apponi, donec mor-

mortuæ aut semianimes collaberentur. Possent hic horribilia ejusdem Danicæ tyrannidis facinora adduci, quæ tunc non solum per illum, sed per omnes Regios præfectos committebantur : at satis est dixisse, eos his artibus ultima fata in se, & exilium in Regem suum impiissimum procurasse. Rusticorum nanque furore crudeliter occisi sunt, quando audaciores erant ad prædandum, quam præliandum. Rex vero Ericus Pomeranus à Danis, quorum consiliis insuam, multorumque ruinam usus fuerat, derelictus, urgente viro potente Engilberto, centum millibus incolarum ad arma provocatis stipato, ad parvam Gotlandiæ insulam velut profugus in miserabili senectate recepit.

CAP. XIII.

Adhuc de eisdem pessimis præfectis.

ET si superiori capite visa est tota regio purgata tyrannide crudelium præfectorum, tamen damnabiles reliquæ, simili astutia & arte, in eorum complicibus, & alumnis, velut toxico perseverarunt: qui quanto mentitis obsequiis magis fidem Principibus ostentare poterant, tanto putabant se Regiis secretis & officiis præ cæteris
omni-

omnibus fieri superiores, Nec opinione fall-
 lebantur. Dum enim primum supplices ac
 humiles in municipalibus scientiis expertos
 sese Regibus exhiberent, maxime in exa-
 ctione tributorum & mulctarum, mox ad
 præfecturas sine ulterioribus meritis super
 simplicem populum erigebantur: talium-
 que præfectorum tyrannide cooperante,
 potentissimus Gothorum, Suecorum, ac
 Norvegiarum Rex Carolus, prædicti Re-
 gis Erici successor, coactus est fidelissimæ
 gentis suæ sustinere rebellionem, ac tandem
 exilium sufferre, Cum enim Rex ipse ob
 immania suorum præfectorum scelera, at-
 que sacrilegia, obsidione pravissima in sua
 regia incolarum potentia clauderetur, fru-
 straque à suis præfectis, qui liberius per re-
 gnum vagabantur, expectaret auxilium, hæ-
 rebat, quid in tanta perplexitate pro reme-
 dio conducere tutiore, misitque denuo se-
 cretòs nuncios antedictis præfectis, man-
 dans ob eorum honorem & fidem, ac præ-
 stitum juramentum, ut ejus calamitati sub-
 venirent. Sed frustra, nihil enim aliud di-
 dicerant, quam superbe dominari supplici-
 bus, pecuniam extorquere ab incolis, inju-
 rias irrogare miseris, supplicio afficere in-
 noxios. Tum Rex in arcta necessitate po-
 situs, tutissimum præsidium in fuga prævi-
 dens,

282 DE STATV REGENT. ET OFFIC.
dens, naves aliquot in horrendissimo frigore mensis Januarii celerrime, divitiis ingentibus impositis, adaptari jussit. Cumque jam anchoræ levandæ restarent, quidam ex præfectis Regem interrogat, an aliquid in terra neglexisset: quo audito Rex suspirans, respondit: Neglexi sane, ante plures annos te, & tui similes, in furcam suspendere: quod tunc si fecissem, nunc quietius in tranquillâ Republica remanerem. Moxque erectis velis in Gedanum Prussiæ celeberrimum, magis grata, quam jucunda navigatione pervenit, à Casimiro Rege Poloniæ humanissime exceptus, donec septem annis evolutis, in pristinam dignitatem & potentiam reciperetur, factus omnibus charissimus, qui antea publico odio laborabat. Præfectos namque instituit, qui virtutes vitiis, justitiam injuriis, honestatem utili præferebant. Quid vero Rex Daniæ Christianus ejus nominis secundus, in Regnis Aquilonaribus, ob sævitiam crudelium præfectorum passus sit, nemo qui acta ejus legit, ignorat. Inter cæteros autem quendam impium sanguinarium præfectum habuit, Nicolaum Holste appellatum: cujus unica voluptas erat, Regem severum prætedendo, elevare excelsas furcas, quibus infelices regnicolas immani morte afficeret, nisi certo
auri

auri argentique pondere quantocius redimerent vitam: asserens, longos fures altas decere cruces. Nec defuit præconi iustum fatum, Regia nanque sententia, quod à multis innocentibus pecuniam extorsisset, condemnatus, & in eadem furca, quam aliis parari iusserat, ipse suspensus fuit: licet nihil magis securitatis à furibundo populo Regi partum est, quin fugeret omni momento. De hoc autem Christierno Rege, & gestis ejus, nonnihil oculata fide inferius scribam, quia præsens horrenda vidi.

CAP. XIV.

*De causis perpetuæ discordiæ, quam
Sueci sive Suecones, & Gothi,
contra Danos gerunt.*

SUECI ac Gothi, cur tam ferocibus animis & armis contra Danos ferantur, ipse Danorum diligentissimus historicus in sedecim libris suis hinc inde usque ad summum horrorem apertissimam reddit rationem. Ubique enim meminit gentis suæ tam violentum & truculentum regimen in subditos, ac dolosam amicitiam in vicinos, & utrunque in omnes confœderatos, ut quilibet prudens & sensatus homo merito cavere debeat, quam tutus in eorum societate,

te, aut naturali vinculo, vel alia jurata confœderatione, fieri possit. Afferit nanque primo Libro, Lotherum Regem, illustrissimum quemq; vita aut opibus spoliare, patriamque bonis civibus vacuefacere, probitatis loco duxisse. In 2. Libro, quod Helgo Rex adeo projectus in Venerem exitit, ut ambigua ex estimationis esset, tyrannide magis, an libidine arserit: unde & Thoram virginem stuprum pati coëgit, quæ postea tam detestabile nefas excogitavit, ut contra eam mire exclamet Saxo. Tertio lib. Feningonem testatur insidiis positis fratrem trucidasse, ejusque uxore abusum, incestuosam libidinem patricidio adjecisse. Quam atrocitatem quanta benevolentia simulatione texerit, patricidiumque pietatis nomine colorarit, satis exponit ipse Saxo. Fœminam enim à se oppressam, omni mansuetudine plenam, nullum lædentem, & sine fœminam, ad hoc induxit, ut confiteretur, suum maritum Regi insidiantem, à se interfectum fuisse. Nec irrita persuasio fuit, dum apud principes fides mendacio non deest, ubi scurris interdum gratia redditur, & obretatoribus honos. Libro quarto fol. ultimo, Saxo testatur, Danos suos, mentiri & fallere, inter vitia & sordes non ducere, quemadmodum mos est apud Parthos. Li-
bro.

bro 5. folio 2. quam foedi mores ac turpissimæ petulantia simul & violentia aulicis inesse monstrentur, sane totus orbis, & universa barbaries horret. Libro 6. in Saxones, post eorum pugilis cædem, adeo Danorum insolevit imperium, ut pro cubitalium membrorum quolibet, indicem servitutis stipem quotannis pendere cogerentur, donec quidam Suertingus civium afflictione motus, se & Regem, convivii simulatione susceptum, incendio consumpsit. Libro 7. in principio, Frotho proprium fratrem à quodam familiarium occulte interfici jubet, & ne scelus à conscio proderetur, eundem insidiarum ministrum tacite trucidandum curat. Sed à filiis occisi fratris canum specie nutritis, tandem incendio consumptus poenas patricidii luit.

C A P. XV.

De eisdem causis.

INter alia satis diffuse Saxo prosequitur, portentosam Jarnerici Regis crudelitatem, à pueritia usque in provectam ætatem truculenter continuatam: quæ sicut omnem beluinam rabiem excedit, ita & à quovis sensato homine sine gravi horrore legi nequit, vel audiri. Inaudita enim tyrannide

de exquisitissimis tormentis sæpe afflictos trucidavit. Regem nanque & Reginam eorum, à quibus jure belli captus, & summæ libertati restitutus, atque in numerum amicorum & primum familiaritatis locum translatus & sublimatus extitit, admoto furtim incendio, per summam ingratitudinem occidit: deinde 40. Teutones captos, applicatis totidem lupis, laqueo adegit. Nec sic poterat ejus sanguinaria mens satiari. Quippe optimates eorum primo tibias loris trajectos, moxque immanium taurorum unguis alligatos, molossisque incessentibus, raprim in cœnum voragineſque pertractos, lachrymabili spectaculo consumſit. Demum Comites, Duces, Principes Teutonicæ gentis, captos, trajectis fune tibiis, equis in diversa raptantibus præbuit lacerandos. Sed nec in ea summa feritate sibi resistendum putavit. Nam propriam Reginam, Hunnorum Regis filiam, quamvis innocentissimam; & pudicissimam, humo alligatam, equinis obterendam calcibus præbuit: cujus corpus adactus jumentorum grex crebris vestigiis confodit, & laceravit. Imo etiam suis ex sorore nepotibus insidiosè comprehensis, laqueo spiritum eripuit. Optimates quoque, qui eorum tutores erant, convivii simulatione contractos, eodem exemplo con-

consumendos curavit. Deinde eodem libro Haquonis cujusdam Dani crudelitas adeo infanda conspicitur, ut merito cunctos mortales terreat, ac pactis aut victoriis ejus gentis se tutos agnoscant. Lib. 9. in principio idem autor notat, publicam pietatem privato furore Regis fuisse laceratam & post multa, Regem Haraldum ex splendido sanctitatis autore infamem factum apostatam, & desertorem. Et Lib. 10. quod Dani Sembia potiti, necatis maribus, foeminas sibi nubere coegerunt, rescissaque domesticorum matrimoniorum fide, externis avidius inhærentes, suam cum hoste fortunam communi nuptiarum vinculo partiti sunt. Demum quod Rex Haraldus pecudalibus jugis humanas alligasset cervices. Deinde quod D. Olauum Norvegiæ Regem sicariis pecunia corruptis, & postremo Blacchonis proditoris opera S. Canutum occidissent. XI. quod Sueno Rex potius sacræ religionis, quam incestæ nuptæ desertor sit inventus. XII. quod violentiore morte captivos Teutones Dani consumerent: revinctos post terga manibus, palis affigendos curabant: deinde ventrium cava cultro rimari, nudatis extis, primæque viscerum parte protracta, cætera stipitibus explicabant: nec ante supplicium remiserunt, quam tortos,

extis funditus alvo egestis, horridæ rapacitatis spiritum profundere coëgissent. quod spectaculum ut specie triste, ita re nostris per quam utile extitit: non solum enim reis pœnam inflixit, sed etiam cæteros consimilem cruciatus causam vitare præmonuit. Itaque non minore visentibus documento, quam afflictis supplicio fuit. In reliquis vero libris, quia satis multa & horrenda inter pauca bona commemorantur, potius justo Lectoris arbitrio, quam huic onerosæ ostensioni meæ, quatenus opus fuerit, perscrutanda relinquo, satis legitimam existimans causam, cur Sueonum ac Gothorum, imo aliarum nationum, insegura societas sit cum illo populo, cui ob præmissas causas, (ut verbis Saxonis libro 10. utar) quisquis humanitatem, atque obsequium erogat, ingratum beneficium præstat.

CAP. XVI.

*De eisdem causis. ex libro 24 historia
Gothica Ioan. Magni, Auctoris fratris.*

ANno Christi 1512, incidit inter Stenonem & Gostavum Erici Trolle filium, Archiepiscopum Upsaliensem, discordia nimium perniciofa: ob quam non solum illi duo, sed tota patria ad extremam ruinam de-

devenit. Erant ambo juvenes, ambo illustrissimo sanguine nati, ambo vehementis spiritus: sed Steno justior & modestior in sua causa videbatur, utpote qui legibus Ecclesiasticis & bonorum virorum arbitrio se parere velle affirmabat. Fecitque, Gostavum tam per Leonem X. quàm per regni Sueciæ Pontifices sufficienter admoneri, ne patriæ tranquillitatem tolleretur, aut turbaret. Sed durior erat in Archiepiscopo animus, quàm quod permetteret sibi aliquam concordiam persuaderi cum Stenone, qui patrem Ericum à tam amplo principatu seclusisset, spemque maximam in Danorum rege Christierno se reponere ostendebat.

Tum Steno, considerans, Archiepiscopum nullo ingenio, nullaque admonitione ab illo implacabili odio revocari posse, collectis militum copiis ipsum in castro *Almersteck* inclusum obsedit, exercitumque Danici Regis (qui ut eum obsidione liberaret, advenit) debellatum profligavit. Deinde obsessum, & Danica auxilia frustra expectantem, ad deditionem coëgit, eversa que funditus arce, ipsum in monasterio Arosiensi (quod Insulense vocant) inclusit. Quo facto, causam ejus coram summi Pontificis legato Joanne Arcimboldo in comitiis Arbogensibus exponi fecit. Estque interce-

dente legato & regni Senatu à Stenone sub ea conditione in gratiam receptus, ut de cætero se in Upsaliensem Archiepiscopatum non ingereret, sed in paternis bonis paci & tranquillitati studens resideret. Patrem quoque ejus Ericum, ut nonnullos alios Danicæ factionis procures, in arce Stocholmiensi captivum inclusit. Deinde regnum circuiens, publico omnium incolarum favore excipitur, seque illis, & illos sibi, jurejurando obstrinxit. Factus enim erat in oculis omnium subditorum suorum gratosus, & maxime popularis, quia alias patri Suan-toni, cum populum tributis oneraret, ad genua procubuit, & tributorum laxationem impetravit. Quocirca jam in Principem assumptus, non modo tributa à benevolis subditis, sed ipsam eorum vitam pro sua ipsius salute in mille mortis pericula paratam & promptam expertus est. Itaque tot populis suffultus, tam potens evasit, ut multorum Regum ac Principum viribus resistere potuisset, præsertim si parem prudentiam in suis quotidianis consiliariis cum magnitudine potentiae suæ conjunctam habuisset. Sed erant in ejus camerario consilio ad assentationem plurimum, ad publicam verò utilitatem minimum loquentes, quippe qui nec satis prudentes erant, nec alios prudentiores

tiores in Principis consilium admittebant, sed detractionibus, susurrectionibus, suggillationibus, cæteros innocentes, apud juvenem Principem lacerabant. Unde brevi effectum erat, ut ob eorum malignam imprudentiam, & imprudentem malignitatem, plerique optimi & prudentes viri ab eo se removens, alium rerum statum quàm præsentem expectarent.

Quod cum Christierno Danorum Regi compertum esset, cogitabat, idoneum tempus advenisse, quo Danicæ telluris angustias rumpere, & spaciola Gothorum Sueonumque regna potenter subjugare posset. Magnum igitur & potentem exercitum ex Saxonibus, Frisiis, Westphalis, Scotis, Danis, Gallis educens, Stocholmiam Sueonum regiam valida manu obsedit. Sed non poterat Steno tot populorum favoribus & obsequiis præmunitus à Dano superari, cujus nomen apud Sueones publico odio laborabat. Immo Christiernus in ea obsidione, qua Stenonem obsidere videbatur, tam duriter à fame, à comeatuum penuria obsidebatur, ut magna exercitus pars inedia periclitaretur. Proinde revocatis ab obsidione copiis, classem qua venerat in Daniam reducere parat. Sed postquam se ad reditum parasset, & ventis vela committenda essent,

ventus vehemens & contrarius ejus profecti-
 onis objectus est : qui , cum totis quatuor
 mensibus pertinacissime flaret , Christi-
 ernum ad intolerabilia incommoda adegit.
 Nam regredi in terram obsistente Stenone,
 & progredi in Daniam resistente vento im-
 possibile erat. Tum Steno, generosi & ma-
 gni animi Princeps , comperta inimici ne-
 cessitate, rarissimæ humanitatis officio in i-
 psum usus, tantum com meatuum & expen-
 sarum ad eum liberalissima donatione mi-
 sit , quantum sustentando toto ejus exerci-
 tui sufficiebat. Christiernus autem perce-
 pro eo beneficio , legatos ad Stenonem di-
 rigit , asserens , se cum eo ad familiare col-
 loquium super publica pace descendere vel-
 le. Parum aberat quin Steno Danica astu-
 tia persuasus , ad ipsius classem se contulif-
 set : sed suorum fidelium consilio revoca-
 tus , Hemmingum Gaddum , & nobilissi-
 mum adolescentem Gostavum Ericson ad
 eum pro pace aut induciis inter utranque
 partem componendis emittit : quos ipse
 confestim erectis velis secum in Daniam
 captivos deportavit. Et hic quidem erat
 finis belli , quod anno Christi millesimo
 quingentesimo decimo octavo contra Ste-
 nonem & civitatem Stocholmensem per
 Christiernum gestum erat. Qui deinde e-
 volu-

voluto anno exercitum majorem quam unquam antea congregatum per congelatas aquas in Sueciam direxit. Quem Steno animosius, quam circumspectius, in terris Vestrogothorum pugna glaciali excipiens, primasque in acie partes strenuissime agens, ictu bombardæ in femore accepto vulneratur, statimque vehiculo impositus ad Stocholmiam defertur: ad quam cum fere pervenisset, animam super constrictum glacie lacum Meler exhalavit: dignus profectò longiore vita: quam utique habuisset, si imprudentes & malignos consiliarios à se longius removisset. Interea Stenonis relicta vidua Christina, paucorum procerum partes ejus tuentium persuasa consilio, per speciales nuncios, liberali promissò stipendio pro ulciscendi mariti sui morte, frustra à Rege Poloniæ Sigismundo ejus nominis primo copias postulat auxiliares. Mortuo igitur Stenone, numerosus Sueonum exercitus, cum à nullo dirigebatur, dissipatus est: Dataque est proceribus, qui Danico Regi favebant, occasio, ut mox eum in Sueciam advocarent, & Regia corona in civitate Stocholmienti insignirent. Sed cum consideraret, se à minima procerum parte in regnum accersitum, atque ob id suam coronationem à cæteris in libertatem restitutis

294 DE STATV REGENT. ET OFFIC.
cassari posse, plurimos Regni Senatores &
proceres eadem coronationis die scilicet ip-
sa Dominica infra Octavas omnium San-
ctorum, anno millesimo quingentesimo
vigesimo, convivio contractos, & se ob Re-
giam fidem securos putantes, apprehendit,
& nimis severiter trucidari fecit. Quæ qui-
dem severitas, cum jam in omnem histo-
riam diffusa videatur, nolo me in enarran-
da hujusmodi tragoedia diutius occupare:
quæ non minora incommoda Danis, & eo-
rum Regi, quam Sueticæ Reipublicæ infe-
rebat. Quippe ipse Rex in tanto procerum
numero bonam eorum partem occidi fecit,
per quos fuisset in amplissimo principatu
diu conservandus: à quo confestim, & eo-
dem mense, quo venerat, exclusus, in suam
Danim est reversus: documentum singu-
lare omnibus Regibus & Principibus effe-
ctus, qui severius imperare, quam clemen-
tius præesse contendunt.

C A P. XVII.

De severitate Regis Christierni secundi.

REX Danicæ Christiernus, ejus nominis
secundus, diversis temporibus & inge-
niis procurato per quosdam Danicæ faction-
nis

nis in regnis Suetiæ & Gothiæ procures ,
 Danorum consanguineos, & affines, (inter
 quos erat infelicissimus Gostavus Trolle
 Archiepiscopus Upsaliensis) aditu in regna
 prædicta , adeo ferox & severus evasit , ut
 nullo præstiti juramenti , aut sigillatarum
 literarum, aut acceptionis tremendi Domi-
 nici corporis habito respectu , aut cujusvis
 commiserandæ rationis compassione , una
 die, scilicet 8. Novemb. 1520, diversorum
 ordinum principes , magnates, consules, ac
 cives, numero 94, me vidente ac trepidan-
 te , impio ferro, impiissimo malignorum
 consilio stimulatus , detruncari juberet, at-
 que triduo ante prætorium urbis Holmen-
 sis, inhumata eorum corpora , donec extra
 civitatem comburenda deportarentur , re-
 manere. Profecto horrendum spectaculum,
 quod ipsi Christierno procul dubio mille
 miseriis postmodum vexato occurreret , ut
 instigante crudeli consilio , quos in gratiam
 receptos & perendie amicabiliter invitatos
 hospites ad Regale convivium habuisset , a-
 trocissimè sic puniret , idque non usitato
 sæviendi modo : nam cruci affixit quendam
 Magnum Joannis , præfectum , patriæ suæ
 validissimum defensorem, humi in terra ta-
 bulaque ligatum : ut primum pudendis, de-
 mum corde excisis , & in vultum patientis

contumeliosorum verborum insultu projectis, ad majorem rabiem & perpetuum horrorem actum fuisse ostenderetur. Postea ejusdem diei insequenti nocte, infelicissimæ viduæ, quarum mariti ferro consumpti ante ora bestiarum in publico foro jacebant, pecunia & omni supellectile, per insatiabiles Daniæ præfectos spoliatae, inconsolabiliter ingemiscebant. Certe turpissimi, & immanissimi erant officiales illi, solo terrore Regii nominis, vel pendentis crudelitatis, cunctos maxime innoxios, pudicitiae & omnis verecundiae honestate profligata, deprædantes. Nec melior erat pupillorum & orphanorum conditio, qui in parentibus torquebantur, & omnibus fortunæ bonis spoliabantur. Longa & terribilis per me, tanquam singula lachrymose videntem, texenda foret historia, si singulas hujus calamitatis partes enarrare vellem, quomodo videlicet divina & humana confundeantur, nulla promissæ fidei ratio, nullus religioni respectus, omnia temeritate sacrilega agitantur, ubique mors, nullibi concessum effugere: atque vivere inter districtos gladios & efferos homines, impossibile. Servabatur vigilantissimo custode civitas, ne quis ex eo communi omnium civium carcere erumperet, ut regni incolis patratæ crudeli-

delitatis seriem denunciaret : quam si libera populi multitudo subito persensisset , nihil commissi facinoris inultum remansisset.

C A P. XVIII.

Adhuc de severitate ejusdem Regis.

QUOD cum Rex adverteret, in sola fuga salutem suam reponens , paucis postmodum diebus , inde versus suam Daniam se recipere est coactus : in quo itinere plures rotis , furcis , alioque horrendæ mortis genere, quartando mortificari jussit : præsertim apud Ostrogothos in Vasteno, terra sanctæ Birgittæ : demum in Nydalensi monasterio , Novæ vallis dicto : ubi licet humanissimo hospitio susceptus esset , tamen die purificationis divæ Virgini dedicato , Abbatem cum septem monachis , peracto altaris sacrificio , manibus à tergo ligatis in rapidum flumen submergi jussit: unde cum Abbas naturali fortitudine funibus ruptis ad littus enataret, à Regiis satellitibus ferro excerebratus interiit. Ita & parvuli illustris familiæ Ribbingorum Vestrogothæ , quibus hostilis barbaries ignoscere solet , ante ejus conspectum gladio sublatis sunt. Quo factum est , ut sub eo congregatis triginta millibus incolarum armatorum, ipse

sibi conscius, per devia ac invia, potius nocturno quam diurno tempore, cursu se reciperet intra limites suæ Danicæ ditionis. Ubi neque diu sine simili formidine securior est relictus. Adeo velox fama factum ejus ante adventum ubique monstravit, maxime apud subditos Cæsareæ majestatis in terra Batavorum, Brabantorum, ac aliarum nationum: ubi dudum, cum in honore esset & sublimi gloria, ante tam immantem stragem in plerosque innocentes commissam, habitus erat gloriosus. Dicat hic Saxo Danorum historicus libro duodecimo, in omni circumspectione sua, uti superius capite trigesimo septimo allegatum est, an hoc spectaculum ut specie triste, ita re ipsa Danis utile extitit, an crudelium poenarum ac torturarum inflictione, an clementia, modestia, æquitate, & reliquis virtutibus Regiis quærantur regna, & maneat parta: certe per experientiam agnosceat, Danicam severitatem, superioribus libris, & hoc Christierniano facto ad memoriam révocatam, plus infamiæ, horroris, crudelitatis, & despectionis, regno & Regibus ejus parere, quam si humani, & justii essent: nisi forsan gloriari velint in malitia, quando adhibitis fraudibus potentes se putent, in iniquitate, ut novacularum more faciant

faciant dolum, quod absit. Quis etenim
 secure commercium cum his intentare, &
 fumum manere cogitat? qui (ut Saxo ultimo
 capite, libro quarto asserit) mentiri & fal-
 lere, inter sordes & vitia non ducunt. Sit
 ergo sermo eorum, Est, est: non, non: &
 omnes credent eis. Nec credant me boni
 homines, hæc supradicta propter odium,
 aut simultatem in Danicam nationem il-
 lam, & vetusta ejus gesta, aut Regis Chri-
 stierni severitatem, in omnibus ostendisse,
 sed longe terribiliora ex industria, quæ sine
 suspiriis & horrore legi nequeunt, & multo
 minus in libros referri, reliquisse. Danica
 tamen nobilitas post exactum Regem Chri-
 stiernum antedictum, quadraginta quatuor
 articulos in Urbem, & totum orbem, pro
 sua excusatione, cur ab eodem Rege defe-
 cerat, publice legendos emisit. Ita & Sena-
 tores regnorum Suetiæ & Gothiæ, ac Nor-
 vegiæ, tam antea quam postea repetitis vi-
 cibus, libris & literis sese excusarunt. Quod
 autem ego amarius cæteris, verius tamen
 & parcius scribo, audax testimonium fa-
 cit, quia cum gravi meo periculo, & mœ-
 rore, omnibus iis tragœdiis inspiciendis in-
 terfui, ut dolenter viderem mala gentis
 meæ, quæ nunc millies aucta videntur, &
 insuperabiliter, ob impias legum consti-

390 DE STATV REGENT, ET OFFIC.
tutiones, & subditorum oppressiones, de-
teriora.

LIBRI VIII. FINIS.

OLAI MAGNI, GO-
THI, ARCHIEPISCO-
PI UPSALIENSIS,

DE

Bellis Campestribus,

EPITOME LIBRI NONI.

C A P. I.

De gladiis versatilibus in rotis.

ANTIQVI Gothi, similes rota-
rum machinas & gladios ver-
satiles, aciebus equestrium &
pedestrium sæpius infringen-
dis, præcipitem structuri ac-
cessum vel recessum objecisse reperiuntur,
modernoque tempore, licet rarius solito, u-
bi locus expostulat, diligenter opponunt;
cujus

cujus tamen machinæ ratio sic capiatur. Videntur in primis tres rotæ, duæ altiores in axe volubiles, & tertia inter has media, quæ uni earum mutuis conjuncta dentibus, motum necessarium sua agilitate in bicipiti gladio anteriori stipiti affixo causat: quo quidem gladio sic versatili lateraliter à peritis motoribus elevato, & admoto, non parum objectæ acies lacerantur ac infringuntur. Attamen id caveri solet, ut rotarum radii sint asserculis, seu planis tabulis in latum cooperti, ne hastis inter eos inimicorum industria projectis, rotæ deficiant à cursu. Quanto etiam rotæ sunt altiores, ac agiliores, tanto extensior ipsius gladii ampliatur scissura. Suntque stipites, seu ligna, quibus dirigitur ensis, trium, aut quatuor pedum longiora, quam quævis lancea militaris, ut ab insultu equestrium tutiores ejus sint directores, qui à tergo ballistariis turmatim muniuntur. Axes vero rotarum pro faciliori cursu citando, inungi solent pinguedine phocarum, seu vitulorum marinorum, igne purgata, ac bene defæcata, qualis superabundat apud mercatores Septentrionales: unde diligentia negotiatorum comparata, per vastum mare in vasīs magnis incomparabili quantitate tam ad inferiores, quam superiores Germanos, quæ-

stus 3

stus & lucri causa deportatur. Hac igitur machina hostile robur plerunque veluti vastissimum lignum acuto & robusto cuneo vel infringi solet, vel in ipsa statione turbari.

CAP. II.

De curribus falcatis.

HAc similitudine, curribus falcatis & ha-
matis, inter præcipuos bellorum appa-
ratus olim usi sunt Sueonum & Gothorum
pugnatores: præsertim in acrioribus præliis
contra validissimos exercitus Teutonum,
Danorum, & Ruthenorum, eo videlicet
modo, ut exploratis hostium accessibus,
quibus videbantur venturi, vacuos currus
axibus bene unctis, in declivibus montium
lateribus, firmis trabibus, alligarent, saxif-
que repletos velut pendulos pontes in funi-
bus statuerent, foliis virentibus, aut ramis
undique cooperientes, donec hostes præci-
piti accessu, trepida simulata fuga, ad ob-
ducta discrimina incitarent, atque curruum
dissolutorum celeri cursui vel lacerandos
subjicerent, aut aciales cuneos infringerent
dispargendos. Quo facto, & qui prius visi
sunt fugere, & aliæ sociales turmæ, sive e-
questres, sive pedestres, agminatim irruere
solebant in dispersos. aut resistentes: curri-
bus.

bus demum eisdem veluti propugnaculis mobilibus, ubi opus fuerat, in reliquis certaminibus semper utentes: eo moderamine inviolabiliter observato, quod curruum directoribus, seu aurigis, duplo magis, quam equitibus stipendium & spoliū redderetur: itidem & his, qui bigas, sive curricula, stipitibus lateraliter antrorsum ferratis cuspidibus, hisque mucronatis, inter hostes discurrendo, in invia ac præcipitia coarctabant.

CAP. III.

De areis equis ignivomis.

NEquè hoc loco omittendum est, quod Saxo de Regis Regneri astutia, & strategematibus ejus, lib. 9. meminit. Inquit enim, Helleponti Rege Dian post varia bellorum discrimina occiso, Regnerum à duobus filiis interemptum, Dian videlicet & Daxon, severa certamina sustinuisse. Ii etenim filii olim Rutheni Regis filias maritali sorte complexi, impetratis à socerocopiis, ardentissimo spiritu paternæ vindictæ negotium rapuerunt. Quorum Regnerus immensum animadvertens exercitum, diffidentia copiarum habita, equos aneos ignivomos, ductilibus rotulis superpositos,

ac versatilibus curriculis circumductos, in confertissimos hostes maxima vi exagitari præcepit: quæ res tantum ad relaxandam adversariorum aciem valuit, ut vincendi spes magis in machinamento quam milite reposita videretur: cujus intolerabilis moles, quicquid impulit, obruit.

CAP. IV.

De Septentrionalium bombardis.

Sunt bombardæ in plerisque civitatibus ac arcibus Suetiæ & Gothiæ, tantæ magnitudinis, ut vas ligneum, barile Romanum latitudine ac longitudine superans, ferreo globo, ac ferreis crustis instar pugilli manus, librarum DC. & amplius repletum pulvere, & igne excitatum, vehementissimo impetu, veluti tempestuosus turbo vel imber emittatur, & quodcunque obstaculum vim ejus sufferre non possit: idque nedum in terrestri, ac glaciali (prout infra dicetur) certamine, quoties opus fuerit, intentatur. Sunt & mediocres, ac longissimæ bombardæ, terreos globos evomentes. Præterea petraræ, quæ lapides sublimiori ictu casuros emittunt: eoque formidabilius fit certamen, quo talibus bombardis (quæ vastitate & violentia cæteras præcel-

lunt.

lunt (non uno impetu ; atque horribiliori crepitu , sed successivis ictibus in loca quasanda solvuntur : atque ad earum impulsu pulveres ex disiectis parietibus , vel aliis obstaculis , turbineos videntur excitare fumos.

CAP. V.

De bombardis triangularibus.

Bombardarum triangularium apud Suedones , & Gothos , major alias in earum inventionis usus erat , quam modo reperitur. Poterat enim hac tripartita machina , immanis hostilitas , acie reparata , sæpiusque admota dispergi , ubi rotarum objecta volubilitate , quavis equestrum impetus condensato agmine accelerans , exigua manu impediretur. Sed fraude doloque bombardalium magistrorum quandoque evenit , ut pro ferreis globis stupam vel chartam bombardis imponant , vel hostes audaci aggressu radios rotarum solius haste immissione impediant , ne è loco moveantur.

CAP. VI.

De organicis bombardis.

Habebant etiam inter alias bellorum machinas populi Septentrionales , hostibus

bus præcipue equestribus congressuri, bombardas collaterales, more organorum aut juncturarum fistularum colligatas, ut eas vel pariter vel successive excitato igne in inimicos relaxatas, citius iterum pulveribus globisque immixtis, opponerent ad omnem motum eisdem inimicis: quibus etsi visi sunt, sereno præsertim tempore, gravia intulisse bella, propriaque perstrenue defendisse castra: tamen quia frequentiora acerbioraque prælia (prout infra dicetur) evenire soleant in Aquilonaribus regnis tempore horribilis brumæ, dum nives excidunt densiores, quibus bombardarum usus in excitando igne prohibetur: idcirco rarior factus est earum usus in campis, & nihilominus frequentior in castellis, ad arcendos obsidentes.

CAP. VII.

De fundamentis arcium comburendis.

IN planis ac campestribus locis, ubi vel ex conducto, vel electione hostium, vel eventu temporum ac occasionum exoritur præliandi facultas, incolæ terrarum, ut fortius inimicum aggrediantur, vel cautius ad tempus declinent, curulibus utuntur bombardis, quæ & curulia castra vocantur: quorum

rum aurigæ, non minus quam vexilliferi, vel alii exercitus ductores, sunt armati, imo & ipsi equi indurato boum corio in collo & tergo. Quatuor itaque hac arte periti bellatores, vel plures, exonerandis ex utroque latere bombardis deputati, impetum, quem fors dederit, aurigæ concurrente ingenio & audacia, exercent in hostem, ut à fronte vel latere discissus, equestribus armatis perfacile non resistat.

CAP. VIII.

De fundamentis arcium comburendis.

Veteris ruinæ vestigia in Aquilonaribus regnis satis clare demonstrant, quomodo quamplurima fortissima loca rupibus ac inuiis accessibus imposita, artificialibus flammis è subterraneis specubus excitatis, velut tonitruis concussa dissolutaque reperiuntur. Cum enim fortalitia huiusmodi ob continua latrocinia, ex his limitaneis præcipuæ provinciarum locis suscitata, deprehenderentur, communibus armis, unanimi gentis consensu, iudicisque decreto, incolæ convocati, ea adorti miris ingeniis demoliebantur, eo scilicet modo, ut loca montium magis ruinosa introeuntes, eadem malleis, dolabris cuneis, cæterisque instrumentis, ad
lapi-

lapides excidendos murosque demoliendos accommodis, validissima manu perfregerint, aut si spelunca fuit naturalem habens concavitatem, usu similium instrumentorum sensim ejus fastigia ex ea parte præciderint, qua præsidiorum fundamenta denudarentur, erectas trabes ex ordine subicientes, quibus murorum innixa moles sustineretur, ne statim compages ipsa corrueret, aut dissolveretur. Ut autem decisorum atque cadentium lapidum fragor haud exaudiretur, ex altera arcium parte armatis, cum clamore & strepitu horridiorem, vel simulatione, vel serio inferebant insultum. Verum ubi jam murus eo spatio, quo supra specum porrigebatur, pendulus totus est factus, ita ut lignis duntaxat incumberet, aridiore undequaque collecta materia, igneque injecto, confestim ipsa sustentacula correpta perfringebantur, & imposito ponderi concessere: præsidii autem pars omnis, quæ tignis sublevata detinebatur, in vacuum collabendo subsedit, turreſque ea è regione, & propugnacula, celerrime à cætera compagine divulsa, in declive deferebantur, foribus atque portis arctissime coherentibus, simili ruina concussis.

CAP. IX.

De crudelitate adulatorum, proditorum & advenarum, sæpius in regia civitate Stocholmiensi sævissime perpetrata.

STocholmia celeberrimum emporium totius regni Suetiæ, imo Septentrionis est: in quod ex omni gente & natione, maxime autem ex Germania inferiore, cives conscribi consueverunt: & inter eos non raro miscentur illi, qui vel ob æs alienum, vel turpe aliquod facinus in sua patria nequeant commorari: hi crescentibus divitiis solent sæpe naturam, quam paupertas occulerat, aperire, & patriæ à qua benigna hospitalitate exceptifuerant, extremam moliri perniciem, maxime quando Principem talem assequuntur, sub quo omne libitum licitum esse putaverint. Tales igitur Teutones in civitate Stocholmiensi tempore Regis Alberti CLXX. inventi fuerunt: qui occulta conspiratione colligati, se Cucullatos fratres appellabant: crevitque postea eorum numerus ultra mille quingentos. Horum studium præcipuum erat, conjectis in Sueones & indigenas convitiis, ad rixas & lites provocare, ut demum apud Re-

Regem delatos, vita, aut fortunis, vel pariter utrisque spoliarent, prout postea actum est. Nam ut eos exquisitis tormentorum generibus crudelissime dilaniarent, aptabant ex ligno serras, quibus eorum præstantiores ita ad mortem usque tormentabant, ut magis ad horrorem tam crudelis facti ingemiscere, quam scribere oportet. Tandem reliqui cives Sueci sub mediæ noctis silentio ex arce Regia, ubi captivi detinebantur, per naves ad proximam insulam jactu balistæ distantem, *Keplinge* dictam, exportati vivi, in domo quadam inclusi, digitis in perforato pariete cuneorum impressione affixis, superjecto igne combusti fuerunt, majore quidem numero, quam affirmari possit: nam ut oves colligati, plures intrudebantur comburendi. De hac urbe Albertus Crantzius in hunc modum meminit: Stocholm insigne Suetiæ emporium, insigni clade afficiebatur. nam de cælo fulmine tactum, pene totum conflagravit. Perierunt mille sexcenti homines. Sed miserabilius, quod sequitur: Fœminæ proles, & sine numero puellæ, navibus res suas invexere cum parvulis. at ob nimiam confluentium pressuram incendium fugientium, in ictu oculi pariter suffocati periere.

CAP. X.

De origine & situ hujus Regiæ.

PRæcipuam hanc Sueonum civitatem, Regiam Stocholmiam, à fundamento illustris & fortissimus vir Regius tutor Birgerus Ierl à fundamentis erexit, murisque & mœnibus fortissimis communivit, in loco adeo opportuno, & necessario, atque invincibili, ut nihil unquam commodius per eum excogitari potuisse credatur. Est enim locus torrentibus undique munitus, (quondam solis piscatorum usibus usurpatus) atque inter aquam salisam & dulcem ita positus, ut porta totius Sueciæ appellari possit. Prius enim Estones, Moscovitæ, Russi, Tavesthi, per eas fauces continue ingrediebantur, & clandestinis incursionibus Suecones, nullam hostilitatem suspicantes, adorti prædabantur: factaque ingenti hominum strage, libere & impune atque maximis spoliis onusti, in suas terras evaserunt: quo incurso Joannem secundum Archiepiscopum Upsaliensem in sua propria mansione *Almestek* occiderunt, & nonnullos alios clarissimæ stirpis & memoriæ procures. Sed hæc Stocholmia extructa, omnes & singuli diuturnam pacem assecuti fue-

fuerunt, hostes vero sempiternam formidinem: qui viso tam insuperabili præsidio contra quoslibet inimicos in reliquum tempus erecto, à diripienda Suecia abstinuerunt. Quam tamen Holmiam si quis obsidione cingere, viribusque superare præsumperit, nunquam proficiet, etiam si pertinax perseverare posset in omnimoda ejus obsidione. Sita enim est in profundissimis aquis, & rapidissimis fluminibus, duas solum portas longis interpositis pontibus ex Austro & Aquilone tenens; quæ portæ pontesque plus Regibus Daniae constant in frustrata impugnatione, quam decem majores sui regni civitates. Nec obsideri poterit, nisi tribus fortissimis exercitibus in insulis solida terra & aqua distinctis: qui tamen exercitus nullo tempore à sagittariis terrarem subito congregandis securi videbuntur. Probet qui velit, & inveniet terribiora.

CAP. XI.

De situ montis Bruncaberg extra Regiam Holmensensem, & praeliis in eo factis,

EXtra hanc Regiam urbem versus Aquilonarum plagam, mons est seu collis eminens, & arenosus: super cujus verticem
& ob-

& obliqua latera, multorum principum,
 nobilium, civium, & plebejorum acerrima
 certamina, tam vetustis, quam recentiori-
 bus seculis, tamque per internos, quam ex-
 ternos hostes sunt commissa. De quibus
 quia charissimus frater meus D. Joannes
 Archiepiscop. Upsaliensis complura verissi-
 me nominatimque in Suecicis ac Gothicis
 tangit Historiis, non est quod iis repeten-
 dis fastidio afficiam Lectorem: uno tamen
 salvo, quod Christiernus Rex Daniæ ejus
 nominis primus, fugiendo ex hoc monte,
 urgentibus Dalacarlis in acerrimo prælio,
 ad præsidia suæ bellicæ classis, quatuor su-
 premos dentes ictu manualis bombardæ a-
 miserit, prout inde progrediens ætas in can-
 tionibus & computationibus meminisse
 gloriatur. Præterea Christiernus II. fame
 & morbo laborantem exercitum suum, æ-
 gerrime ex hoc monte transferre potuit per
 aquas, ad classem retro montes ante hanc
 Holmiam Meridionali situ conservatam.
 Sed nec ibi eundem famelicum exercitum
 reficere potuit, nisi subdolis pactis, ipsius
 urbis & regni Principi & incolis sub fide
 violanda oblatis, sumptus & escas necessa-
 rias, à stulte credulis civibus, pro eodem
 exercitu, imo sua regia mensa, liberalissi-
 ma donatione recepisset. Quomodo autem

honori suo regio, pro æterno ævo consulens satisfecit, dudum ante hanc relationem per alios relinquo pro parte enarratum, quod scilicet rupta fide sex nobiliores regni obsides secum in Daniam pertraxit invitos. Hic etiam mons à quodam Brunchone regni proditore, & turpi adultero, nomen ab eventu sortitus est. Erat etiam in hoc monte olim subterranea specus, ubi aliquo tempore victitabant eremitæ: qui monita salutis præbebant exeuntibus ab ea urbe, donec superveniente hostilitate (qua frequentissime ea civitas vexatur) aliorum emigrarent, & locus ille in speluncam latronum verteretur: quibus iterum purgata, repleta jacet humo, ne cuiquam deserviat homicidæ, vel scelerata negotia meditati.

CAP. XII.

*De pascendis pecoribus in tectis
obfessorum.*

Accidit præterea, urbes obsessas adeo duris & pertinacibus armis terræ marique comprimi, ut nihil solatii aut alimentorum pro restauratione obfessorum invehi concedatur, sed extremo discrimine ac armata potentia ab hostibus ipsis violenter eripiuntur, ac exportantur:

tur : fitque multoties ea occasione tam
 atrox prælium , sicut pro raptu aliquot
 paucorum pecorum , plura millia pere-
 ant armatorum : dumque funestius cer-
 tatur pro bestiis , campi replentur fune-
 ribus militum occisorum. Sed nec eo cruo-
 re furoreque reprimuntur obsessi. Viribus
 etenim primis annis , demum (milite stragibus
 continuis diminuto) artibus , dolis ,
 & insidiis obsidentium surripiunt commea-
 tum , præsertim pecudes , quas secum ab-
 ductas , in herbosis domorum tectis pa-
 scendas imponunt. Quod autem in tectis
 commode pascuntur pecora , ritus Gothica-
 rum gentium in primis est attendendus.
 Ædificant enim domus lapideas , sublimes ,
 ac amplas , ligneasque : quas tignis abietini-
 sis , & corticibus arboris betulæ , exquisita
 industria tegunt , terram herbiferam qua-
 drata figura à campis excisam superimpo-
 nentes : quam submisso avenæ vel hordei
 semine , firmioribus radicibus nectunt :
 quo fit , ut tecta hujusmodi pratorum vi-
 rentium speciem & virtutem æmulentur.
 Sed ne herbæ tectorum , priusquam evel-
 lantur , arescant , vicissim cum pluviis do-
 mesticæ diligentia aquas aspergunt. Ita ne-
 cessitas homines fortes instruit , ut supra
 humanas vires obsidentibus resistent , &

illudant, ac penuriam omni contempta ad-
versitate superent.

C A P. XIII.

De aquarum defectu sublevando.

Occasione insuper hic orta super defe-
ctu recentium carniū, & forsitan
gravioꝛe aquarū, hic ostenditur modus
Septentrionalium obsessorum, quomodo
inter cætera necessitatis remedia etiam cu-
ram ineant de aquis inveniendis. Evenit
nanque obsessis tanta scaturientium aut
putealium aquarū (ob hostile impedi-
mentum) penuria, ut vel se dedere cogan-
tur obsidentibus, vel incurabili morbo, vel
inevitabili nece perire. Quocirca pruden-
tes arcium aut civitatum præfecti, velis vel
telis, concava flexura, longaue extensio-
ne, è superioribus tectis suspensis ac dilata-
tis, & funibus cuneato situ versus ima de-
pressis, desuper casuras pluvias aut rores
præstolari disponunt. Nec frustra: quia im-
bres frequenti nivium resolutione adeo co-
piosos torrente sole è montibus descen-
dentes excipiunt, ut cunctis tam homini-
bus, quam bestiis sufficiant ad optatum u-
sum & necessitatem. Demum qui venas
salis maris, arcium fundamenta, vel fontes
intran-

intrantes habent, per vasa arenis plena pluries distillando purificant, & inveniunt aquam dulcem, & tractabilem ad omnem usum, & æquè bonam, per hanc simplicem artem, prout ante paucos annos quidam patricii Veneti (qui in salis aquis & algæ habitant) talem distillandi modum à quodam alchumista sunt mercati.

CAP. XIV.

De panum defectu sublevando.

Ingressuri Gothi Suecique hostiles terras Moscovitarum, sæpe reperiunt eos, ob adventum formidabilis exercitus, nedum ad latebras sylvarum ac rupium repente fugere, sed & quæcunque ad usum humani victus necessaria sunt, domibus incensis secum in vastam solitudinem asportare, nil penitus quod mandi poterit, venturo hosti relinquentes. Quo casu providi exercitus præsides more veterum Gothorum, ne prius fame, quàm ferro numerosus exercitus corruat, bonam siliginæ farinæ quantitatem in saccis ad hoc dispositis, retro sellas equitum unà cum lamina ferrea alligare solent, confestimque ubi res postulat, igne structo, laminæ ferreæ superpositæ pastas imponunt panum tanquam in clibano con-

ficiendorum : qua nihilominus lamina more clypei (in cujus modum formata est) corpora sua protegentes, geminam ac summè necessariam militaris industriæ opem ex una re prudentissimè mutuare videntur. Faciunt etiam panes subcinericios, ex farinæ massa subtilibus arborum populearum corticibus & foliis involuta, ignitisque cineribus cooperta : qui etsi viles esse videntur, primum tamen voracitatis ardorem eligibilis tollunt, plusque durioribus stomachis conveniunt, quam quivis alter primarius vel secundarius panis. Est præterea tertius modus faciliior supradictis, quo in planis montibus, qui sæpius occurrunt, panificia fiunt. Struunt enim copiosum ignem in una atque altera & tertia montis parte : (quia undique gratis habent ligna) donec sufficienter calefacta purgataque eadem parte, pastam rotunda lataque forma superimpositam citius decoquere possunt. Interim tamen, propinquam & continuam montis partem eodem igne actis combustibilibus succensam, pro novi panis decoctione disponunt, eamque priori modo purgatam, simili usui commodissimam reddunt, eoque compendio plura milia panum brevi conficiunt : quorum satietate integer exercitus à mortifera fame diebus multis liberatus,

beratus, terras inimicas ingreditur, & ubilibet easdem (nisi pactis obviatum fuerit) cædibus ac flammis evertit: tantisque onustus rapinis egreditur, ut nulla, vel exigua reputetur perpeſſa calamitas, quam tantis ſolatiis & divitiis viderint compenſatam.

LIBRI IX. FINIS.

OLAI MAGNI, GOTHIC
ARCHIEPISCOPI UPSALIENSIS,
DE
Bellis Navalibus.

EPITOME LIBRI DECIMI.

CAP. I.

De præliis palustribus, & ruptis
pontibus.



Nota Septentrionalis regio fere montosa, ac nemorosa est, habetque loca plurima naturaliter tam aquis, quam rupibus ab hostium incurſibus præmu-

nata, ita ut contra equestrem, vel pedestrem exercitum, paucorum manu securitatem inueniat fere ubique optatam: imo & plurimæ paludes ita inviæ ac cœnosæ sunt, ac profundæ, quod vix etiam in algidissima hyeme congelari videantur, ut peditem sufferant leviter gradientem. Talisque inter cæteras, alioquin valde voraginosas, locus *Rotabro*, ist est, Pons ruptus, appellatus, itinere horarum duarum à Regia civitate *Stocholmiensi* prædicta distat: de qua civitate cum remotius prædandi causa hostilis exercitus, ab externis inimicis, Germanis vel Dacis, advectus, in terras opulentas exire præsumpserit, illico mediis sylvis incolarum congregatorum munitionibus & sagittis retrusus, unde exierat revertitur, vel viribus actis incolas ipsos cedere cogit in alium quem poterunt locum: sicque (quod raro accidit) ad hunc palustrem pontem profugientes, immobiles in quocunque acerrimo certamine perseverant. Rupto nanque longissimo ponte ligneo, ac stricto utroque latere voraginosa, non est quod hostis ullam inueniat occasionem naturæ vim inferendi, fortissimis viribus præmunitæ. Habita sunt in loco sæpius atrocissima bella diversorum Principum tempore, prout cantiones patrio rhythmo passim usque in hunc diem convi-

vali.

vali more exhilaratis vocibus & júbilo fieri solitæ attestantur, videlicet quod arte, natura, viribus, & experientia veteranorum militum, præfectorumque industria & fide, parta sit victoria, & ampliter augmentata.

CAP. II.

De forma & usu antiquorum navium Septentrionalium.

PAlustrium bellorum progressus & exitus in Septentrionalibus regnis, hanc sortem & vicissitudinem circa externum hostem retinent, ut rebus infelicitè gestis; (quemadmodum frequentius ob locorum ignorantiam accidit) per invia, ac devia, sylvarumque compendia ad navigia certo loco reposita, refugium habeant duces: dumque ab initio, quoties unus alterum, aut pariter ambo alterutrum se mutuo, levi forsàn ratione, ad prælia provocabant, continuum iter habuerunt, utputa propter raptas virgines, aut arripiendas, (prout Saxo Danorum historicus in Aquilonaribus regnis inter potentissimos Principes frequenter meminit, etiam interveniente cruentissimo bello, fuisse factum) inglorii; & non sine clade redierunt. Forma igitur vetusta-

rum navium, juxta fluctuum brevem vel
spaciosum cursum, lata vel oblonga fabri-
catur: veluti in mari Oceano versus Nor-
vegianos, ubi spatiosæ, sicuti Hispanici ma-
ris, undæ longas laticque recipiunt naves:
quemadmodum in mari, Gothorum Sueo-
numque littora alluente, brevia, lataque
navigia, oneraria præsertim, ob strictas, sæ-
piusque reflexas undas, adesse oportebit.
Antiquitus unaquæque provincia, etiam à
mari distans, penes littora in aliquo tuto
portu & plerunque in littore, sub tecto ser-
vabat naves suas, & earum singula orna-
menta: quales in littoribus Norvegiæ, &
demum Sueciæ, vidi. Quæ quidem naves
ingruente necessitate, subito motu ad usum
impositis instrumentis, commeatu, & ho-
minibus armatis, quantum ea ætas tulit in-
aquam & expeditionem in magno vel par-
vo numero, juxta Principis edictum emit-
tebantur: quæ tamen ita signis, coloribus,
& nominibus distinctæ erant, ut quocun-
que classico surgente cum hostibus con-
gressu, semper sine confusione nutu suorum
præfectorum dirigerentur: nisi rapida ver-
tigine ventorum, præsertim Circii, plusquam
adversa classe, disgregentur in mari: is enim
ventus quasi exitialis hic est, ut Helleston-
ticis Subsolanus.

CAP. III.

De alia specie navium Septentrionalium.

O Missis pluribus navium generibus forma quidem cum aliis quarumlibet aquarum nationibus fere congruentibus, sed nomine patrio discrepantibus, de his solis hic mentio fiet, quæ communiori vocabulo generali notitia demonstrantur: ut sunt naves actuariæ, onerariæ, lembi, lintres, &c. hippagogæ; quæ ob multitudinem eorum ab Aquilone ultra mare ad Germanos evehendorum maximæ sunt. Præterea bellicæ naves, quarum una Gostavi Regis Sueciæ tantæ magnitudinis erat, ut mille armatos, nauclerosque trecentos, qui optimi bellatores sunt, una cum aliis ingentissimis navibus classico certamine deputatis, emittere posset. Præterea idem Rex primus usum biremium, triremium ac quadriremium, circa annum Domini 1540, in mari Gothico, ac Suecico, manu artificum Venetorum liberali stipendio conductorum, introduxit, maxime ut prædones Moscorum, ac Estthonum, pluries violatis induciis terras suas invadentium, celerius corripiat vel captivet. Jamque gens sua Finno-

nica lignariæ artis peritissima, ea compagine & robore, vel forsitan meliore, triremes conficere novit, uti insigni industria apud Venetos fieri vidi: sed non ea celeritate, ut illi qui omnibus necessariis ad navigandum velificandumque, cum armis & bombardis ac commeatu 60. vel amplius, ex rudi ligno, spatio unius mensis usque ad bellicum congressum educere possunt. Habebant præterea lembos, cymbas, parones, celoces, myoparones, scaphas & similes. Lintres præterea plurimum in usu apud Septentrionales sunt, eo quod facile è grandibus lignis abietinis, & quercinis cavantur, 20 vel 30. hominum capaces: sed qui minoris quantitatis sunt, piscatorio usui deputantur.

CAP. IV.

De mutua strage mercatorum pro portubus Islandiæ.

Miserabile spectaculum negotiatorum; mutua strage sese ob quæstum usque ad vitæ periculum & discrimen bonorum omnium, etiam ulciscendæ stirpis, sive domi sive foris impetentium, ut oculis apertis, & clara luce, intueri non valeant, quantis depredationibus ubique sint subjecti, nisi &

& ipsi arma acuere scirent, & in propriam extendere calamitatem. Inter quos Vandalicarum urbium Bremenses, Rostochienses, Vismarienses, ac Lubecenses Principales existimantur: demum Anglorum, Scottorumque mercatores: qui de primatu & privilegio Islandensium portuum occupandorum, adeo pertinaciter instar navalium bellorum litigant, & mutua strage ob questum lacerant, ut sive is, sive alter se strenuum victorem existimet, semper fisci speculator assistat, qui utranque partem tam ordinaria quam extraordinaria exactiōe, tam in ære quam corpore, gravissime corrumpere novit.

CAP. V.

De punitione rebellium nautarum.

Quemadmodum in cunctis hominum statibus & generibus, constitutæ sunt leges & regulæ, quibus honestius, justius ac cautius vivatur: ita in nauticis officiis rationalibus usus & consuetudines conditæ, ac rigide observatæ reperiuntur. De quarum speciebus (licet innumeræ sint) nonnullas saltem generaliores ostendere, existimatur opportunum. Qui igitur seditione mota gladio patronum, aut rectorem navis

inva-

invaserit, aut invadere præsumpserit, seu malitiose nauticum gnomonem, aut compassum, & præcipue portionem magnetis, unde omnium directio dependet, falsaverit, & similia horroris scelera in navi commiserit, ut plurimum (si vitæ parsum fuerit) gladiolo vel cultello firmatam manum (cujus officio frequentius utitur) ad malum, seu principale lignum navis, mediam scindendo retrahere oportebit. Qui vero tumultuarius, aut injuriosus fuerit, funiculo ligatus uno latere navigii subtus immerfus, ex altero sub dorso navigii retrahitur: atque, si propter absorptam in gurgite aquam opus fuerit, supinus reponitur, aut pronus, ne intereat suffocatus. Quidam vero enormitate sceleris, aut rebellionis, proditionisque, præsertim in bello navali manifeste notati, totaliter vivi mittuntur in mare, ne totam classem versuta machinatione disperdant. Reliqui pro minutis facinoribus immunitatem in prora celerrime petita repositam habent: vel antequam eam intraverint, sociorum manu apprehensi, ter natibus ad antennam vel malum torti, eum impetum sentiunt, ut quasi meridie suspiciant stellas. Hæ & similes poenæ, imo graviores, ex constitutionibus vetustissimæ urbis Visbycensis in insula Gothlandiæ, dominio

minio Regis Sueciæ & Gothiæ perpetuo jure subjecta, quatenus opus fuerit, extensiori modo repetuntur. Et licet urbs illa potentissima, ac opulentissima, quondam fuerit, & pro minima occasione, nempe fractione unius fenestralis vitri, vix valoris obularis, humiliata sit: tamen leges maritimæ, & decisiones omnium controversiarum, singulariter longe lateque, usque ad columnas Herculis, & ultimum mare Scythicum, ex ea petuntur, & datæ observantur, ut cuncta sub debita tranquillitate peragantur, quæ pacificis commerciis valeant & debeant convenire.

CAP. VI.

De equestrium natatione.

QUamvis non minus infaustum, quam temerarium sit, armatum equitem vel peditem gurgiti natando se committere: at tamen quia Gothi omnia temporum momenta ad excolendam militiam collaturi erant, nullas partes militari exercitio idoneas experiri omiserunt. Quocirca artem & usum aquas innatandi, adeo perfecte calluerunt, ut plerunque armis onusti, atque equis investiti, magna fluminum spatia inter hostiles exercitus, ad resistendum vel fugiendum,

dum transnatarent. Nec minori equos industria, quam se ipsos, ad natandi consuetudinem instruebant, prout Cornelius Tacitus asserit de Germanis: quorum nobilissimum institutum erat, equos ad natandi studium informare, audacterque sese fluminibus cum equis natare peritis immergere. Nec testimonium Saxonis in hoc casu omittendum est. Is enim dicit, Biornonem quendam Norvegianum, insignem pugilem, equum habuisse præstantem corpore, præpetem velocitate, adeo animosum, ut indefessus obstrepetem vorticem superaret: cujus aquæ lapsus tam cito, ac præcipiti volumine defertur, ut animalia nandi vigore defecta, plerunque pessundare soleat. Eo tamen equo, tum Fridlevo pugile fortissimo (de quo superius in 5. lib. dictum est) urgente, tum scrupulo atque iniquo loco privatus est, & ad ultimum hostili strategemate, equi errore captivatus. Ita nullibi terrarum, species aut natura videtur deficere equi Seiani. Quod autem Gothorum equi ejusmodi natandi artibus perhibentur instructi, necessariam causam, magnitudo, latitudoque immensorum fluminum ubilibet administrat. Vix enim ulla certamina apud Orientales, Occidentalesque Gothos, aut Finnos, Ruthenos, & Moscos, instaurari vel.

vel perfici possunt, nisi aquarum vastitas, & vorax impetus superetur.

CAP. VII.

*De natatione pedestrium armatorum,
& praesertim pinguium.*

Libet hic ex Saxone singulare exemplum afferre de quodam Sivardo Norvegiano: qui post multa praeclaraque facinora in bellis edita, ab hostibus interceptus, cum navi in alto mergendus veheretur, quasi funus suum inferiis praecessurus, empta de industria potione remiges oneravit, quibus exhilaratis, gubernandi potestatem supremi beneficii loco impetravit: nautasque impensius edere remigium hortatus, cum vehementissimum navigii cursum animadverteret, projecto gubernaculo praecipit in undas insiliit; priusque littori, quam concitate ratis impetus concessisset, restitutus; Regem Haraldum improvidum occidit. Deinde navali praelio dimicans incredibili & praestantiori fortitudine, solus aliquandiu, consumptis sociis, navigium ab hostibus vindicavit: quorum multitudini tandem cedere coactus, singulari nandi peritia fretus, quanquam hybernium tempus instabat, armis militaribus onustus, profundo se credi-

credidit, atque sub undis enatans, dubium effecit, majoris audaciæ specimen in puppi præbuerit, an inter undas agilitatis ediderit. Siquidem loricam, qua corpus munierat, quo liberius enataret, cum reliquis armaturis sub undis sibi detraxit, ac demum cum capeffendi spiraculi gratia fluctibus emerfisset, à quodam familiari suo per habitum hostibus indicatus, tunicam, qua se prodi suspicabatur, rursus corpus aquis occultando deposuit. Sed cum ne sic quidem proditoris notitiam fefellisset, ad extremum se veste nudavit. Nec tamen adhuc indice ludificato, cum solus ex sociis superesset, seque hæc omnia, quæ & callide, & animose tentaverat, frustra expertum animadvertet, tandem fati simulatione profundo diutius immorans, insidiatoribus, an viveret, dubium reliquit. Ad ultimum, cum humanæ respirationis consuetudine superne aërem capeffere debuisset, cujusdam forte navigii gubernaculum pertinacissimis brachiorum amplexibus apprehendit, eique aliquandiu tacitus inhæsit, donec cujusdam curiosius cultum contemplantis indicio deprehensus intercipitur, & morti adiudicatur.

OLAI MAGNI, GO-
THI, ARCHIEPISCO-
PI UPSALIENSIS,

DE
Bellis Glacialibus,

EPITOME LIBRI VNDECIMI.

C A P. I.



REperiuntur in annalibus Sep-
tentrionalium regionum, tam
vetusto, quam recenti tempo-
re, inter Ruthenos, seu Rus-
sos, aut Moscovitas, & Sueo-
nes, sive Finnos, ob diversas, sed arduas
causas, tam in mari, quam in terra, atque
plana glacie, & densis altisque nivibus, sæ-
pius atrocissima fuisse commissa certamina,
sorteque militari & fortuna variata, nunc
uni, nunc alteri (ut fieri solet) strenuam
victoriam adjacuisse: quæ rursus devictæ, in
horribilem prolapsa sit calamitatem. Hu-
jusque discriminis causa est, loci temporis-
que, ac gubernatorum circumstantia, quæ
in talibus celerrimam accelerant occasio-
nem.

nem. Duæ igitur sunt fortissimæ arces: quarum altera interjecto profundo & verticoso gurgite, dominio magni Magistri Livoniæ (sic enim maximæ provinciæ Princeps appellatur) subdita est : altera vero magno Principi Moscovitarum pertinet. Una tamen *Narven* regimini Christianorum Livoniensium, & altera schismaticorum Moscovitarum subjecta est : quæ arx Moscovitis subjecta, tanto naturæ munimine, ob circumcurrentes aquas & armatas vires, se tutam perenniter dudum credidit, ut nullius etiam potentissimi hostis insultum expavescere vellet. Sed hæc insania uti fallax extitit, ita & inevitabilem experta est calamitatem. Nam Suecorum Gothorumque illustrissimi Principes, Steno Stur antiquior & Suanto, multis & gravibus Moscorum injuriis ac perfidiis provocati, post arduissima bella, ac damna eorundem Moscorum, potentibus provinciis ac populis illata, exercitum quinquaginta millium armatorum prædictamque arcem Moscovitarum aggredientes, ferro flammaque (speculantibus amicis Livoniensium castris) insuperabili furore expugnarunt, ut Mosci cruciabiliter vulnerati, multis interemptis, ac combustis, vix fuga sibi pepererint salutem. Hacque arce superata, inæstimabile spoli-
lium

lium argenti, & pretiosarum pellium zebellinarum, Principibus Suecis, & Gothis antedictis, & exercitui eorum, cessit in prædam, ut inde perpetuo gloriarentur, pro gravibus arduorum præliorum molestiis, tam æstu quam frigore perpeffis, maximis spoliis onustos triumphasse. Sed hæc optima spolia, uti superatis hostibus irrecuperabili damno dolorique fuerunt: ita & Principibus prædictis, & amicis, ac terris eorum ob discordiam pretiosissimæ prædæ hinc inde usurpatæ, perniciosum ac inextinguibile odium (unde postmodum regnorum ruina orta est) excitarunt. Hanc itaque arcem ab hostibus militari fortitudine erutam, cum magnus Magister à Suecis victoribus gratis & dono oblatam, suo dominio formidaret adungere, flamma imposita, exportatisque ingentibus spoliis, per Finlandiam in Sueciam, & Gothiam, victor exercitus est reversus. Tanta tamen copia ceræ (quæ Orientalium negotiatorum immensus quæstus est, & dominorum dives tributum) in eadem arce, ob impotrabilem gravitatem, relicta est, ut flammis resoluta navigabile iter per magna locorum spatia exundatione sua reddere posset.

CAP. II.

De conflictu glaciali.

NEque minori bellandi impetu Sueci ac Gothi contra Moscovitas seu Ruthenos, pacta constitutæ pacis ob ardorem rapinarum in finibus Finnonici maris violentes, super aperta glacie, quam in ipsa solidissima terra confligunt: imo, ut prius dictum est, ubi antea æstivo tempore acerrima commissa sunt bella navalia, eisdem in locis glacie concreta, aciebus militari modo instructis, bombardisque ordinatis, habentur horrendi conflictus. Adeo solida glacies est in equestribus turmis sufferendis, ampliter vel stricte collocatis. Neque mirum, aut incredibile cuiquam, Latiali præsertim homini, videatur, quomodo equorum ungulæ in lubrica glacie firmari poterunt, ut nedum impetuosissime cursitent, sed & in gyrum versi, atque ad cursum agitati, armatum sustineant pugnatorem. Equi etenim ad eo firmati sunt in pedibus adunco ferro, & clavis acutis, ut nusquam, quantumcunque plana sit glacies, fessori de lapsu sit formidandum: imo talibus equorum ferramentis glacialia frustra, impetu fugientis excisa, in faciem immittuntur insequentis,

tis, ut ilico moribundus corruat, vel vulnus recipiat, non facile curandum.

CAP. III.

De irruptionibus Moscovitarum, seu Ruthenorum.

Magno gentis suæ numero non tantum ad præliandum, quantum prædandum, pro majori parte, exiguo, vel nullo servato ordine militari, ad bella proficiscuntur Moscovitæ, præcipue qui limites regni Sueciæ, ac magni ducatus Finlandiæ, præliaturi aut prædaturi accedunt: prout in annalibus eorundem regnorum, præcipue circa annum Domini M.CD,XCV, viribus sexaginta millium hominum factum fuisse commemoratur. Causam moræ irruptionis posuere trium parochiarum collimitationum, scilicet *Egrebpe, Lasche, & Savallox*, atque de fluminibus eorum repetitionem, quasi æquius ad eorum pertinerent ditionem, quam regni Sueciæ jurisdictionem. Sed revera stimulatione Joannis Danorum Regis tanta colluvies eo ingressa est, ut maxima regni Sueciæ provincia subjugata, partem juri & dominio Moscorum subiiceret, & partem dominio ejusdem Regis Danorum subjugaret: quemadmodum pau-

paucis inde evolutis annis, anno M. D. postea in Regia civitate Holmensi legati Moscovitarum eidem Regi Joanni in quadragesima proposuerunt, asserentes, pactum hoc osculo sanctæ Crucis inter utrosque Principes, pro humilianda ac usurpanda corona Suetiæ, solenniter fuisse stabilitum. Sed utraque pars in meditationibus suis subito fuit exinanita, ut Rex Joannes in suam Daniam (relictæ Regina Christina, de Ducibus Misniæ, muliere optima) fugere sit coactus, & ipsa Moscorum turma hostiliter humiliata, atque more prædonum repulsa ad patrias redire habitationes, ea memoria cladis accepta, ut Danorum persuasione nunquam dominia Regis Suetiæ, aliena stimulatione, vel proprio ausu, præsumpserit impugnare. Utcunque se res habet, cum Daniæ regnum parvulæ telluris angustiiis (teste Saxone) claudatur, importune, & astute providere solet, ut amplissima vicinorum regnorum Suetiæ, Gothiæ, & Finlandiæ dominia, multorum Principum confederationibus & auxiliis usurpare possit, præcipue Moscovitarum, seu Ruthenorum ex Oriente, Scotorum & Gallorum ex Occidente, & Germanorum ex Meridionali plaga: quæ nationes simul conjunctæ in Suetiam subjugandam venientes, citius tumu-

a: φ:
 s: δ: es:
 - - - -
 a: φ: sa:
 s: δ: es:

mulum inveniunt, quam triumphum.

C A P. IV.

*De specu horrifono, Smellen vulgari-
ter dicto.*

V. **I**sum est superiore capite, glaciei, tan-
am inesse fortitudinem, ut equeftres
pedeftresque bellatrices turmas facillimè
fufferre poffit. Jamque intuendum erit,
specum fubterraneam effe prope littoralem
urbem, Viburgum appellatam, eifdem
Mofcoviticis terris plurimum vicinam: quæ
ejus fecretæ virtutis eft, ut animali vivo ifa
ipfam projecto, tam horribilis fonus excite-
tur, quo fua excellentia aures prope pofito-
rum fuffocet, ne audire, aut loqui, vel fla-
re poffint: qua virtute multo plures, quam
vehementiffima bombarda, interimit, vel
debilitat in momento. Sed neque hoc na-
turæ opifcium videtur effe ociofum. In-
gruente enim hoftilitate, præfectus terræ
jubet omnium aures concludi cera, cellariif-
que ac antris abfcondi victuros: & demum
fe muniens, animal aliquod vel fune præci-
pitat in os fpeluncæ: unde tam horridus ex-
citatur fonus, ut hoftes obfidentes in cir-
cuitu, quafi mactanda pecora collabantur,
lapfique (fi incolis vifum eft) longo inter-
P vallo

vallo remaneant spoliandi. Sed nulla voluptas ultionis sumendæ victoribus inest, quando naturæ potentia tam fortiter opprimi videntur inimici: qui mox ut sensum ceperint, non præliandi, sed fugiendi tempus assumunt, ne sono iterum excitato, tandem moriantur, vel mortifera ægritudine contracta, paululum etiam fugientes supervivant. Quo casu evenit, ut qui armis & viribus à bellico furore reprimi non potuerunt, solo terrore mugientis naturæ tabescant, pristinum vitæ robur tarde vel nunquam recuperantes.

CAP. V.

De eodem.

Miserandum & infelix hujus calamitatis exemplum plus cæteris hostibus Rutheni seu Moscovitæ, multis millibus suorum amissis, quandoque ad posteros reliquerunt, ne vicinas gentes, maxime Finnos, superba multitudine gratis opprimere pergant. Hi etenim Finni & mutuis præfidiis, & Gothicis ac Sueticis armis, magicisque artibus, & elementorum secretis viribus, sese suasque terras inconcussæ servare solent. Hujus autem specus ratio, undecunque constat, à provido semper viro dirigi ac custodiri

stodiri debet, etiam intra plures circumpo-
sitos muros : quia ejus , ut aliarum rerum ,
secreta natura in maxima potentia sita est.

C A P. VI.

De praliis Finnorum contra Moscos.

Q Uemadmodum amplissimus ac po-
tentissimus est principatus maximi Du-
cis Moscovitarum , ac Ruthenorum , ita &
titulum suæ ditionis amplificat, & extendit,
prout literæ ejus novissime per quendam
Demetrium Clementi Septimo transmissæ,
attestantur in hunc modum : Magnus Do-
minus Basilius , Dei gratia Imperator ac
Dominator totius Russiæ, nec non magnus
dux Volodemariæ , Moscoviæ , Novogro-
diæ, Permiæ, Vetchæ, Bolgariæ, &c. Do-
minator & magnus Princeps Novogrodix
inferioris terræ, Cernigoviæ, Razaniæ, Vo-
lotchiæ, Rozeriæ, Belchiæ, Roschoviæ, Ja-
rosslaviæ, Belozeriæ, Vdoriæ, Obdoriæ,
Condiniæque , &c. Datum in civitate no-
stra Moscovia, anno ab initio mundi mille-
simo tricesimo septimo, tertio Aprilis. Ve-
rum hunc titulum tam magnum & am-
plum, vicinæ nationes plus mirantur, quam
ejus vires formidant, maxime Finni, qui sæ-
pius provocati , non desinunt tam potenti-

bus ejus t tulis & populis insidiari. Sed non tam frequenter in campis (nisi asperrima hyems fuerit) quam aquis in plurimos amnes lacusque divisis: verum ut plurimum latrunculi sunt pro utraque parte, ardore (ut supra dictum est) rapiendi præliantes. Sed neque ob hanc minutam rationem Principes Apuilonis in apertam hostilitatem ruunt.

CAP. VII.

De modo latrocinandi Moscorum.

Rutheni, seu Moscovitæ, quam perniciosam in piratica seu latrocinandi studio peritiam ac astutiam habeant, his paucis declarabimus. Dum enim Carelos, sive alias vicinas gentes, latronum more invadere prædisponunt, societate congregata, atque certis legibus & pactis instructa, lembos abietinos longos ac leves, 20. aut 25. hominum capaces, in solitudinibus diligentius asseribus planis & subtilibus fabricant: eo videlicet ordine, ut pars dolabris eos cavet: pars picem in subterraneis specubus (ne fumo prodantur) ex pinis stipitibus, aut scandulis, concoquat: pars cuspides jaculorum, ut indurescant, adurat: pars arcus & nervos, sagittasque adaptet. Pro omnibus

omnibus enim similibus instrumentis materiam aptissimam habent solitudines illæ. Quibus videlicet lembis paratis, pariter eos in aquas velut classem latrunculi immittunt, & armis instaurant. Deinde vicos, villas, castella, navesque onerarias, in Albo lacu, vel Venedico sinu, vel Livonico mari, sub anchoris stantes, spolia rapturi aggrediuntur. Nec bona spoliasse aut diripuisse contenti, sed etiam innata crudelitate, sine quocunque discrimine & discretione, homines talibus ingeniis superatos, in gurgitem mittere suffocandos satagunt.

CAP. VIII.

De eodem.

T Alique prosperitate freti adeo insolentes evadunt, ut naves majores, marina tranquillitate retardatas, circa tabulas aquis viciniore, obterebraturi, aggredi & molestare non formident: sagittis enim, ne superne à propriis defendantur navigia, satis acriter avertere contendunt. Attamen rarissimam pro tantæ præsumptionis audacia victoriam consequuntur, quia tormentis, ballistis, & jactilibus saxis frequentius repelluntur. Deinde dum considerant, se non satis diu post illatam violentiam, & ra-

pinam, inter homines afflictos permanere securos, aut ulteriori omnium dispendio publicam exercere piraticam, lembos humeris impositos, in abdita sylvarum referunt, quorum secretiora loca intimius cognoscunt: ut rursus eisdem pro similibus latrociniiis exercendis opportuniore tempore uti possint: interim præsidia in nemoribus firmantes, ut in his tanquam secretioribus eremi locis, spoliis abundantia se nutriant, ac armis tueantur. Verum, uti facinus eorum horridum est & perniciosum, ita promptissimos vindices ilico invenit in sui ultionem. Venatorum nanque diligentia & sagacitate primum latronum sylvestria præsidia explorantur: deinde turmatim exeunt populi furvis armis induti, hostium vires usque ad extremam interuersionem deleturi. Neque tamen id sine cruenta victoria venit, dum latrones sceleris conscii, pro vita tuenda quasi agonizantes decertant. Ad extremum tamen viribus fracti, partim ad montium antra, partim ad terrarum cavernas, partim ad densos arborum ramos scandendo se recipiunt, eo securiores se putantes, quo secretiora hæc loca antea ad tantum facinus perpetrandum præelegerant in ea solitudine vasta. Sed Dei vindicta exigente, neque eo modo aut loco

loco vitam aut immunitatem merentur, qui tam diris cruciatibus innocentes opprimere consueverunt. Omnes enim sine ulla clementia lembis & præfidiariis ædibus impositi, comburuntur. In cavernis vero & antris latitantes, grandibus admotis saxis & palis, vivi proluxiori fame relinquuntur interimendi. Qui densis arborum frondibus se tutos opinantur, latratu canum proditi, nisi de vita redimenda paciscantur, mox sagittis opplentur, ut decidant in terram morituri. Nec alia apud eos efficacior vis est investigandi sylvestres grassatores & fures, quam odoratu & latratu canum venaticorum.

CAP. IX.

De modo recipiendorum Oratorum apud Moscovitas.

PErhibent nonnullæ Septentrionalium regnorum veteres historiæ, quosdam Principes Moscovitarum miris præstigiis Regum & Principum legatos excepisse, atque adhuc excipere solere. Siquidem elegerunt, nuncque pro tempore ex plebeja multitudine quam plurimos procerioris staturæ viros, insigni canitie, & proluxioris barbæ forma spectabiles, elegantissimo cul-

tu, vestitu scilicet Principis eos exornantes, eligunt, ut in amplissimo nobilium cœtu hinc inde cum silentio sedentes, sui ornatus splendore & multitudine oculos perstringant ingredientium Oratorum: qui tanto apparatu fascinati, aut territi, nihil austerum proponant, vel propositum communibus eorum sententiis annuant concludendum. Sed is apparatus, uti mentitam magnificentiam continet, ita & frequentius in suo exitu vilescere judicatur. Longe etenim ab ea æstimatione aberrant, quam se putaverant consecuturos. Nam expeditionibus legatis, qui latius arduis deductis negotiis penetraverunt orbem, totus ille splendor præstigiosusque cultus contemptibilis apparet, & pudendus. Præterea mos est apud Tartaros, ut Legati, antequam eorum Imperatori commissa proponant, inter duos ignes ire cogantur, ea potissimum causa, ut si venenum portaverint pro intoxicando Principe, ardore ignis in portatorum necem prius dissolvatur. Noluntque aliter eosdem legatos audire, nisi munera ferant, flexisque genibus commissa loquantur, cæteraque cælicolis debita homini mortali impendant: & hæc facere recusantes, vix sine vitæ periculo absolvuntur. Ut autem hic ritus recipiendorum legatorum apud Moscovi-

fœdus clarioribus ostendatur exemplis, in-
 ferendam esse volui Serenissimi Regis Po-
 loniæ legationem, anno Domini M.D. LI,
 ad ducem Moscorum, ordine quo sequitur,
 institutam. Orator Regis Poloniæ Mat-
 thæus Barthlomievicza *Kneze Gedroitzki*,
 vir nobilitate insignis, per milliaria Germa-
 nica CC. à Vilna civitate celebriori Lithua-
 niæ, ad Mosquam Moscoviæ metropolim
 perveniens, ingressurus, consummato præ-
 dicto itinere, ab aliquot equitibus ad hoc à
 magno Duce destinatis susceptus est : ac
 postea paucis diebus elapsis, ad tradendum
 Regias literas, solenni pompa (uti Mosco-
 vitis visum est) in arcem deductus est, per
 duo atria, quæ homines procerae staturæ, ac
 prælongam barbam nutrientes, & plerun-
 que servilis conditionis, in subselliis orbicu-
 larim sedentes, splendidisque satis amicti
 vestibus, ad magnum Ducem pertinenti-
 bus, ut possit solummodo ex longinquis o-
 ris venientibus ostentare suæ aulæ magnifi-
 centiam, occupabant : ad palatium tandem,
 in quo magnus Dux una cum suis Principi-
 bus, etiam ejusdem formæ indutis vestimen-
 tis, morabatur, introductus est. Magnus
 autem Dux in sella aliqua, ab aliis Princi-
 pibus multum separata, longa talari tunica
 ex serico villoso, cujus extremæ oræ mar-
 gari.

garitis unionibusque prætextæ, indutus sedebat : ac scipionem, sive baculum, superiore ex parte inauratum, inferiori vero, argento inductum, cui innitebatur, manu tenebat : denique capiti suo mitra (quod illi sua lingua *Kalpak* appellant) de præstantissimis subnigris vulpinis pellibus (quæ istis in terris maximo in pretio sunt, longeque superant zebellinas pelles, quoad æstimationem) imposita erat. Quando autem legatus palatium ingressus est, ilico qui eum adduxerant, ac magno Duci præsentabant, in pavementum coram eo se prosternebant, ac capite terram terque quaterque (quemadmodum Moscovitis moris est hoc modo reverentiam supremam suo Domino exhibere) quatiebant. Verum oratori ad fores, distantia L. pedum à magno Duce, una cum famulis suis, quorum 12. cum illo adveniant, consistere, per Procuratorem sibi (quæ illi *Przista* vocant) constitutum, jussu magni Ducis injunctum est, nec propius ad eum progredi permissum : ibique, donec ad magnum Ducem orationem haberet, ac Regias literas Secretario ad hoc destinato traderet, perstitit : cujus quidem Regis literas Orator magni Ducis, alias dum in Polonia esset quod suum Dominum *Czar Ruzki* (hoc sonat Cæsarem Russiæ) à Metropo-
lita-

litano istius terræ sic creatum minime compellarent, atque hanc ob causam idem Dux proprium Oratorem postmodum misisset, recipere recusarat. Postea dictus Regis Poloniæ Orator à Procuratore iterum in hospitium satis magna pompa, ostentandi gratia deductus est. Hæcque de modo recipiendi Oratores apud Moscovitas sufficiant.

CAP. X.

De Italico Oratore crudeliter occiso.

INsuper Albertus Crantzius Historicus Germanorum insignis, in sua Vandalia asserit, Oratorem Italum, eo quod caput suum totaliter coram Principe Moscovitarum verba facturus non nudaret, crudeliter fuisse interemptum. Cum enim Orator patriæ suæ consuetudinem (qua nullius dignitas vel majestas tecto capite orantis offendi putaretur) allegaret, efferus Princeps ferreo clavo tegumentum cerebro conjungi jussit irrisorie asserens, se ritum hujusmodi tali memoria non violaturum, sed confirmaturum.

CAP. XI.

De ingenio negotiatorum Moscovia.

NEgotiatorum Moscovitarum mos est, novas, scilicet diversis occurrentibus stagnis & fluminibus, fabricare naves, & merces eisdem immittere comportandas. Iter enim quæstus causa in Septentrionalibus terris institutum, ad ccc. vel cccc. leucas se extendit: in cujus spatio cum sylva atque longi amnes, vel lacus, frequenter occurrunt, comportatis rebus, navibus jam fabricatis aut fabricandis utuntur. Nec est qui de injuria, aut incisione sylvarum, vel piscatione talium mercatorum querulatur, modo ultra hæc naturæ dona alia non usurpaverint, patronis ignorantibus aut invitis, veluti jumentis pro eorum navibus pertrahendis, aut edendis pecoribus, loco quorum carnibus ferinis, inter itinerandum sagitta quæsitis, abunde utuntur. Merces autem eorum sunt pelles pretiosæ, & omni-genæ sortis apud eos in pretio, videlicet zebellinæ, mardurinæ, & varolinæ, alias vulgari Italico Dossi dicti: de quibus superius ac inferius nonnihil est annotatum, & annotandum.

CAP. XII.

De diversis modis præliandi Finnorum.

Cum apud Finnos seu Finlandos, populos Septentrionales, ob eorum nimiam ferociam, gravibus poenis seu censura Regia edictum sit, ne domi in mutuam perniciem bellicis armis utantur, videlicet lanceis, telis, jaculis, gladiis, aut pugionibus oblongis: attamen securium dolabrarumque usum pro domestica necessitate levanda omnimode permissum habent: quibus etiam conficiunt structuras admirandas. Verum ne defensoris armis, quibus sese à Moscovitis latrocinantibus, nimium vicinis, oportuno tempore defendant, carere videantur, hastatis fundis primos insultus sufferunt, aut repellunt. Deinde comminus certaturi, jactilibus saxis cingulis eorum alligatis se tuentur. Fortissimi enim sunt brachiorum, atque plurimum jaciendo experti, ita ut nullus frustra pereat jactus. Habent etiam longissimas hastas abietinas, Sole arefactas: quarum cuspides clavis vel sudibus acuunt. Hisque velutum, seu levium equorum impetum primi repellunt. Quidam restibus instar retium ferinorum ductilibus sublimi jactatione utuntur. Ubi enim.

nim cum hoste congressi sunt, iniiciunt eos restes quasi laqueos in caput resistentis, ut equum aut hominem ad se trahant. Quidam etiam lapide pugillaris quantitatis, funiculo quatuor palmorum longitudinis (quibus ferrei, vel plumbei globi, vel cate-nulæ ferreæ non sunt) baculo alligato, equitum brachia vel equorum pedes involvunt, trahendoq; in casum repentinum retorquent. Nec minus eisdem Finnis adiutorio sunt maximi ac mordacissimi canes: quos non minus equi Moscovitarum horrent, & fugiunt, quam Persici equi camelos. Hi etenim canes saltu & morsu (prout disciplinati sunt) naribus equorum insidiantur: quo evenit, ut ea formidine subito se in posteriores pedes erigant, equitem abicientes, ilico interimendum vel captivandum.

CAP. XIII.

Adhuc de eorundem armis, & munimentis.

VTuntur & iidem Finni pro corporum munitione, partim thoracibus è corio phocarum calce macerato, partim corio alcium jubato: quod superfusa aqua (si hyeme bellandum sit) congelari permittunt; nec

nec glacies pilis forinsecus adhærens, sudoribus portantis concepta duritia relaxatur. Galeis quidam eorum instar squamarum piscium, ex ungulis alcium sive rangiferorum, aut boum, ingeniose connexis utuntur: quidam vero certarum volucrum exuviis intrinsecus filis ferreis diligenter contextis: quidam coriariis galeis, ex spissa humidaque cute, calce decocta, super ligno ad formam capitis contracta, eaque aëre sensim siccata, tutissimæ muniunt caput. Verum galeas hujusmodi, ne capite incalcescente flaccescant, subtili cortice arboris populeæ intus piscium visco (qui liquoribus resistit) confirmant.

CAP. XIV.

*De præfectis Septentrionalibus
Regis Sueciæ.*

Quemadmodum superius dictum est de præfectis Islandiæ, id est, terræ glacialis, qualiter edicto Regis Norvegiæ jura reddendo, lites pro portibus illius terræ motæ averterent, aut inter mercatores Germaniæ flagrant, iusta poena corripere eo navigantes, ne vel ipsi negotiatores legitimo quæstu, vel ipsi incolæ suo commodo, vel ipse Fiscus debito tributo, & omnes

omnes amœna commutationis pacificæ societate privarentur : Ita & in his Finnonicis terris populosissimis & opulentis , Regis Sueciæ præfecti , viri sagaces & prudentes , strenui & mansueti , ut jurgia tam indigenarum , quam alienigenarum , recto justitiæ tramite auferant , & pacem unicuique adjudicent , constituuntur . Quanto enim ferociores , austerioresque , eo sub climatè reperiuntur populi , (prout revera sunt) tanto prudentioribus viris opus est , qui magis suadeant , (salva justitia) quam rigide cogant , spolient , vel tormentent . eoque casu nedum præscripta tributa alacriter exhibent sed ad quævis imperata , etiam si periculis mortiferis annexa sint , ut eis obediant , sese promptissimos reddunt . Talibus præfectis prudentibus , justis , & moderatis , semper floruerant Aquilonaria regna cum Regibus & Principibus suis , ut suaviter recordari congruit antiqui Stenonis Sture , xxiiii . annis durissimum populum spatio bis mille Italicorum miliarium strenue & pacifice moderantis : & rursus Regis Caroli , ob avaros , contumeliosos , ac violentos omnium suarum provinciarum præfectos , vii . annis exulantis .

CAP. XV.

*De arcibus violentorum Præsidum
comburendis.*

Ruricolæ seu communitates, sentientes, se quandoque incessabili violentia ab iniquis præsidibus præter omnem æquitatem vexari, ad animaritudinem provocati, fortissimas arces ampla glacie circumdatas, cohortibus ac turmis, quasi vir unus, modo quo sequitur, aggrediuntur debellandas. Quoties enim in Septentrionalibus regnis intolerabilia vulgi onera (nulla exigente necessitate) vel alię crudelissimæ oppressiones inducuntur, toties vi publica armorum gravaminibus tam atrocibus perpetue infringendis obviatur, ita videlicet, quod incolæ, seu rustici, (qui semper potentes, & uniti ibidem sunt) hujusmodi fortalitia demolituri, conducto tempore plura millia ejusdem territorii in sylva, ac glacie arcibus viciniore, conveniunt, communi ferocia repente quid faciendum sit consulentes, & concludentes. Inter quos viri acrioris ingenii, brevi exhortatione ad multitudinem furentem super passis ac patiendis gravaminibus exposita, unicuique agmini sub ductoribus severioribus officia distribuunt
oppor-

opportuniore: aliis, ut machinas fortissimas ac altas, subito è lignis super glaciem construant: aliis, ut multa millia fasciculorum penes eos è sylva excisa comportent: aliis, ut magistros operis, ballistis & armis, per excubias à tyrannicis incursumbus tueantur, donec omnibus paratis, unanimiter institutum negocium aggrediantur. Quo fit; ut primum machinas, sive propugnacula, contra hostium tormenta vel sagittas, securissime antrorsum in lubrica glacie trudent, manipulatimque fasciculos, infinita multitudine & humeris & vehiculis congestos, super muros & mœnia jactent, donec eorum altitudine vel superata, vel æquata, ignibus immixtis flamma & fumo absumantur inclusi: qui neque periculum hoc avertere, neque sese ob immensam combustibilis materiæ molem defendere possunt, aut æquam conditionem apud inexorabiles & furiosissimos hostes invenire: neque fugere conceditur, ob multitudinem ad omnem cædem & truculentiam excitatam. Nec aliter quam stupa exardescenti comburuntur hæc fortalitia: quæ incendiis obnoxia sunt. Majore enim parte non latere cocto, aut campestribus saxis, sed ex densis sylvis (ob arcendum frigus) coagmentatis lignis concamerata ædificia constituuntur, prout
infra

infra dicetur de domibus Aquilonarium regionum.

CAP. XVI.

De machinis glacialibus.

Vtuntur etiam Gothi ac Sueci in aggrediendis diripiendisve fortissimis arcibus castellis & urbibus, machinis seu propugnaculis obliquis, è trabibus abietinis validissime fabricatis: quas quidem machinas facillimo compendio super ipsam glaciem impetuosa manu admotas, mœnibus opponunt, earumque præsidio muniti, omnem saxorum trabiumque jactum, directe vel superne emissum, ne noceat, avertunt. Nihil enim vel altitudinis impetu, vel gravitatis impulsu, quantumcunque violenter demissum fuerit, machinas ipsas propter earum obliquitatem infringere vel dissolvere potest, imo nec ignibus immixtis ab obsidione clausis comburi: quia continue aquam in vehementi frigore desuper effusam, spissius congelari procurant, paulatimque propinquius ad portas & mœnia, vi armata protrudunt, ac turmis militaribus firman; eadem fere sub machinis & castrensis præsidiiis utentes commoditate, qua perfrui solent viatores in glacialibus casis,
ubi

ubi pro frigoribus arcendis copiosa suppetunt ligna, itidem & commeatus sufficientes, ac stipendia liberaliter distribuenda: & ob id atrociorem obsessis inferunt difficultatem. Quo viso trepidum militare agmen obsidione clausum, intra muros & mœnia acrius se tueri compellitur, dum nullus insidiarum locus, pro conficiendo vel abigendo hoste, undique attentatis occurrit. Non enim combustilibus fomentis hostiles machinas propter circumdantem glaciem comburere possunt, nec dolosis cuniculis ob terram saxea duritie congelatam erumpere, nec bombardis, aut tormentis minimo saltem loco hostes conficere, vel sagittis aut fundis deturbare, nec aperto congressu eisdem tute resistere, nec arcibus relictis sylvarum latebras ob asperrium gelu fugiendo recipere. Constantibus tamen armis & animis iidem inclusi sese defendunt, donec obsidentes, formidine glaciei resolvendæ, machinas ipsas aut sponte comburant, aut longe remotius in littora fugientes secum abducant. Neque sic ab eorum atroci impugnatione securi redduntur obsessi. Machinas enim easdem, subito in latissimas rates conversas, eodem loco super apertas aquas, quo alias in solida glacie steterunt, facillime reponunt, aut
finunt.

sinunt eas majori, super inducta amplitudine, in ipso gurgite liquefacta glacie firmiter permanere, additis lembis, seu lintribus, alioque navigiorum genere, quo peritissimi sagittarii rates hujusmodi valeant defendere, & nocturnas vigilias, ne quisquam obsessorum evadat, diligenter observare. Idemque faciunt campestribus propugnaculis ubique præsidentes. Pari enim atrocitate persequuntur obsessos, quorum impia crudelitate ad tantum vindictæ ardorem diutius fuerant provocati. Quo fit, ut pro majori parte tam duris custodiis constricti, sæpe imaginentur, an laqueo, an aqua, an igne, an præcipitio, an veneno, an mutuo jugulo se ipsos occidant.

CAP. XVII.

De vehiculis igniferis.

Cum Gothis ac Sueonibus glacialis pugna, per equestres vel pedestres turmas, à Moscovitis, Danis, Germanis, vel internis hostibus, intentatur: iidemque hostes diutius ad vim inferendam suas munitiones in faucibus montium, vel vallium, collocare disponunt, unde irruptiones faciant in regnicolas: qui pro sua defensione simili proposito in armis congregati; ne
eisdem

eisdem hostibus tantillulum degrassandi spatium temporis, vel locum, concedant, ingeniis & viribus utuntur opportunis, tunc vehicula oblonga aridis sarmentis & cæteris combustilibus materiis replent, ut aterrimum fumum, intolerabilemque foetorem, igne directorum audacia accenso, attractuque equorum sylvestrium & furiosorum, inimicis opponant: idque celerius committitur quo collateraliter equi ligati ardore ignis retropositi stimulantur ad cursum: nec currere desinunt, donec hostilem aciem turbaverint, ut vel eo loco, vel alibi, à latere armatis incolis impetuosissime insultantibus cedant, vel eosdem fugam simulant, quasi certi victores insequantur; ut sic educti disperfi que, potius secretis glaciæ voraginibus, quam armatorum insidiis interimantur. Hisque ex aliis sylvarum angustis (si opus fuerit) agminatim populus erumpens, ballistis & telis armato hostium certamini sese immittit; & opponit; nec persequi cessat, donec hostem abegerit severissima ultione. Glaciales vero hæ pugne, ubi fieri soleant, aut in quibus lacubus, aut locis, sequentibus capitulis diffusius ostendatur.

CAP. XVIII.

*De bombardis, ac globis evehendis,
& modo sagittandi.*

Hic jam satis apertè declarabimus, quibus ingeniis & artibus Septentrionales populi in promovendis præliis, sive super campos, sive super glaciem, intrepidè adversus inimicos, injuria vexati, uti consueverint. Utique vehicula habent (sic enim hyemalia seu glacialia plaustra vocantur) oblonga antrorsum, ob majorem flexibilitatem & agilitatem cuneata seu incurvata : quorum tanta commoditas & firmitas est, ut ad objectos viarum gibbos sive tumentes glacierum aut nivium colliculos, uno vel pluribus equis trahentibus, plus oneris ponderisve sustineant, quàm 5. vel 6. rotati currus in itineribus complanatis & communis. Tamen uno potiùs utuntur equo in lubrica glacie, tritaque nive, quàm duobus: ut occurrentibus plaustris in viis strictis, parumper declinando cedere possint, imò propter altitudinem nivium tortum vehiculum (lege poenali constituta) & graviora plaustra vertere teneant. In glaciali autem itinere ob infinitam latitudinem nulla difficultas occurrit, nisi in certis rupturis

ptatis glacierum, vehementia inferioris exhalationis, quasi vi tonitruorum, ob pinguedinem fundi, causatis. Dico quasi vi tonitruorum, quia tantus sonus tamque horrendus mugitus subtus glaciem longo tractu veluti in lateribus densarum nubium hinc inde auditur, ut necessarium sit, quasi fulgurum vehementia generari scissuram unus pedis, duorum, trium, vel sex, in amplitudine exhalationis impellentis, & spiritus à fando excitati.

CAP. XIX.

Adhuc de eodem, & modo penetrandi rupturas glacierum.

QUas quidem rupturas ut pertranseant viatores, subito ex obliquo latere integras partes glacierum repertas, dolbris & securibus adaptant, & reponunt, quasi petras redactas in pontes. Si verò iumentum non prævisa ruptura in vastis tenebris immersum fuerit, tunc ilicò chórdis & liguis subtilibus semper comportatis, assueta agilitate extrahitur viatoris. Si verò homines inter glacies (ut sæpius accidit) inciderint, mox eruti jucunda memoria prosequuntur adjuutores. Nec terrorem exinde concipiunt, quod ilicò circumstante frigo-

frigore glaciuntur in veste: motu enim, cursuque continuo causante, celerius restituitur calor. Igitur in his vehiculis tempore glacialis prælii, commeatus, globi, pulveres, ac alia ad usum præliorum necessaria, constituto laboris pretio ab incolis facillimè comportantur, quemadmodum æstate usu navigiorum in eodem maris vel aquarum sinu, vel curribus rotatis, industria aurigarum, vel nautarum, fieri solet: imò vehicula hæc in maximo numero multiplicata, veluti propugnacula, aut aggeres, ipsis hostibus opponuntur, (velut carri in Cimbricis bellis:) sagittæque arcuales, vel bombardales, ex iis in hostem facillime excutiuntur, donec vel interposita pace mutua concordia abeant, vel timore glaciei resolvendæ præpropere cedant, aut in pertinacia perseverantes, velut plumbum in aquis vehementibus demergantur.

CAP. XX.

*De impedienda aquarum conge-
latione.*

MUnitissimæ civitates, & arces, hyberno tempore, dum omnia loca invia ac pervia glacie constricta sunt, arcta obsidione premuntur, quæ alias æstivo tempore

re quasi insuperabiles & inaccessæ videntur. Quocirca hic dicendum erit, quomodo se muniunt, qui talibus angustiis & periculis sunt subjecti. Imminente igitur publica vel privata hostilitate, si loca sita sunt in mediis aquis fluvialibus vel stagnatis, valde solliciti sunt inclusi, ut dolabris ac ligonibus in modum circundantium fossarum aperiant glaciem, ad minus spatium $xxiv$. vel xxx . pedum, glacialia fragmenta introrsum trahentes, ut super glaciem relicta, aucto gelu & frigore, in modum aggeris congelentur: eaq; apertura confecta, mox pinguedinem balænarum, phocarum, vel vitulorum marinorum infundunt, hastisque sufficienti & magna quantitate infusam commovent & dilatant. Quo fit, ut aquæ sic congelatæ, hostibus spem adimant, ne propius accedentes diu cupita victoria potiantur: imò sæpius evenire consuevit, ut prius glacierum voragine, temerario ausu & accessu, suffocati intereant, quam conspiciant vel accedant obsessos vel obsidione claudendos; non quod glacies ipsa in profundo lacu vel flumine debilis sit, sed eo forsitan loco audax & minax inimicus aggreditur, ubi labentibus è littore paludinoso rivulis, glacies ipsa subtus excisa sit, & debilitata.

CAP. XI.

De mœnibus glacialibus.

ESt præterea alius in obsidione glaciali servatus vel servandus muniendi modus, is videlicet, ut cum pertinax hostis, equis dimissis, vel voragine aquarum perditis, aperturam aquæ, fossæ pinguedine prædicta (ne congeletur) impletam, transire volet, trabes longissimas suprapositis tabulis seu asseribus in modum ampliatae scalæ connexas, nocturno præsertim tempore, impetuosius quam poterit per aquas, versus obsessos vel obsidendos, ut marginem glaciale penetret, præcipiti servato cursu intrudat, quasi solido ponte usus. Contra quem impetum, ubi sagittarum bombardarumque resistentia, præ nimia hostium festinatione ac ferocia non attenditur, tunc inclusi, aquas super mœnia atque ad latus infundunt; quæ subito magis magisque adaucta, asperrimo gelu cooperante, longissimo urbium tractu veluti specula conspiciuntur. quæ mœnia uti ab imbellibus fœminis, pueris, juvenibusque, multiplicatis & apportatis aquarum urnis, hyeme & glacie constricta sunt: ita & frigore durante quemcunque globorum jactum infracta

fortitudine sustinere non horrent. Mulieres etiam subductis supra genua vestibus, inter glaciatas aquas porrigunt urnas aquarum plenas. Ita in angustia inventionis necessitas cogit omnia audere, & attentare. Sed dum homines hujusmodi strategematibus inter se dimicant, finem tandem, quæ Deus voluerit, vel una, vel altera pars, etiam nova suborta difficultate, consequetur, licet non incruenta victoria, quæ tot trophæis quot funeribus, invicta cohorte bellicis cincta legionibus, conqueri solet. Itaque suspensis super glaciem machinis, tam foris quam intus constituti, ad complusculos dies, septimanas, vel menses, mutuo conflictu sese molestant, donec resolvenda glacies indomitos obsidentes (si propriam vitam servare voluerint) celerius abire, quam alias advolavere, compellat. Dignum risu spectaculum, (si cui in tali casu ridere vacaret, & alienum periculum & turpitudinem spectare voluptati foret) præsertim ubi majus certamen contra aquas, quam arma, subeundum erit: quod etiam eo terribilius adesse & urgere dignoscitur, quo repentina suborta tempestate, & rupta glacie, quasi in abyssum demergi videntur, ubi paucis antea diebus instar triumphantium victorum aggredi & ingredi continuo credebantur.

debantur.

CAP. XXI.

De glacialibus excubiis, & nocturnis.

ARcium & civitatum, castrorumque obsidionum Aquilonares armati milites, tam equestres, quam pedestres, in campis vel aquis solidissima glacie rigentibus, servaturi vigilias longissimæ noctis, viginti fere horarum, in medium divisæ, diligenter attendunt: atque custodes mutant, non cornibus, aut campanulis, quasi dormire videantur personantes, sed signis secreto retentis, ut nocte aliunde accedentes ex verbo responsionis, unde, & qui sint, intelligere queant: quod verbum signum forsitan per oblivionem amittens, non secus ac proditor à Principe (si jus militare extendi debeat) in vita vel bonis omnibus condemnari meretur: quod adeo rarissime evenit, ut pro portento reputandum veniat, si quispiam ea negligentia inculpetur. Sed major vis est in equorum impatientia, propter frigus, quo stridor pedum in collisione glaciæ, unde sonus excitatur altior, continue causatur: ubi sessores armatos, etiam pellibus indutos, in frigore portant: licet hi pervigiles exsomnesque custodiunt com-

missam stationem : eoque diligentius & cautius , quo nox progreditur ad auroram , circa quam violentiores committi solent insidiæ, dum humanæ vires stupore somnoque graviore ligantur: tuncque insidiatores omnium temporum quasi ex constitutis articulis sunt attentiores.

CAP. XXIII.

De fortunatioribus præliis matutinis.

MOs igitur fortissimorum militum est , diluculo obequitare, aut in classe navaliter pugnare , nec grandinum , nebularum , pruinarum , nivium , frigorum , nec hostium expavescere injuriam : & hoc non tantum Principis charitate, sed æmulatione fortium virorum dura quæque pati, & jurejurando statuere ac firmare , sese nullo terrore locum deserturos , pœna addita. Si eques discesserit, nedum armis, & equo exuitur, sed & legali fama , honore , ac fidei existimatione privatur, imo & circumstantiis ponderatis, gravissima pœna multatur. Si pedes , certo plagarum numero cunctis aspicientibus castigatur , pœna nihilominus perpetuæ infamiæ penes utrosque, quasi cicatrice indelebili, remanente. Si vero fortissime pugnando , vel constantissime stationem servando, adustione frigoris perpetuo

tuo debilitatus fuerit, tunc unicuique juxta
 qualitatem honoris, & generis, liberale
 subsidium, quo in reliquum tempus com-
 modissime vivat, more veteris militiæ de-
 putatur à fisco: quod & Principis munifi-
 centia favorabiliter ampliatur. Pro reme-
 dio tamen adusti corporis in frigore, uturi-
 tur medicina speciali, cinere scilicet com-
 bustę pellis leporinæ, quo applicato optime
 linitur infirmitas pedum: de quo etiam ali-
 quid de medicinis simplicioribus Aquilona-
 rium gentium infra dicetur.

C A P. XXIV.

De oppugnatione arcium in glacie munitionum.

E St & alius pugnandi modus super gla-
 ciem valde tritus & usitatus in Septen-
 trione. Ubi æstatis tempore ob aquarum
 voragines, accessus hostilis intentari non
 possit; orto demum immenso frigore, gla-
 cieque concreta, ultionem contra arces im-
 manium præfectorum assumere volentibus,
 in glacie lubricissima, castra seu munitiones
 imponere, facillimus offertur accessus. In
 quo non segnius in arcem & hostem erui-
 tuntur sagittæ, quam si in campo fortissimo
 firmata præsidia forent. Ubi vero arx est

insularis, admotis machinis, quadrato agmine sine intermissione oppugnari videtur: eoque acius proficiunt obsidentes quo magis uniti fuerint & concordēs, unius scilicet gentis ritus, & mutuæ confortationis: quod exercitus ex diversis hominum generibus collectus, sibi invicem nondum vel lingua, vel usu vivendi notus, alter alteri diffidens, efficere sit ineptus: quoniam exinde discordia nascens, fictum aggressum, vel fugam apertam, aut prodicionem ostendit: maxime quia tales extranei milites frigoris impatientes, ita assueti non sunt, ut incedere vel accurrere valeant, eminus aut cominus pugnaturi. Longe etenim alia ratio est in glacie, vel nivibus, (ut alibi etiam ostendetur) quam montibus, campis, sylvis, vallibus vel arena præliandi. Glacialis congressus fit in laneis calcibus, non pelli-
bus, aut coriis unctis. Vis etenim frigoris, quodcumque sit unctuosum, convertit in lubricitatem glaciale. Usus tamen armorum est, ut tribulis, sive triangulis ferreis, seu triplicato stylo, pro firmiori cursu vel statione muniantur. Quidam vero præmeditato congressu, vel insultu, in medio noctis silentio cineres super glaciem late dispergentes, securissimam efficiunt præliandi stationem aut cursum.

CAP. XXV.

De oppugnandis navibus inimicorum congelatis.

Accidit plerunque in littoribus Gothici maris, ut inimicæ naves, tam rostratas falces, quam harpagines aliasque terribiles munitiones & noxia instrumenta habentes, contrario flatu diutius vexatæ, repentino gelu superveniente, quasi in muris intra angustias glaciales fortissime concretæ perstringantur, nec se eruerè, neque transmarina auxilia petere, aut expectare, aut assequi, neque sociales naves eadem causa tempestatibus interclusas, commeatum ferentes, accipere possint. Quare difficultatibus his, vel similibus, præcipue caritate lignorum in asperrima hyeme constrikti, necessitate mortifera urgente, se dedunt, vel præsentissimam mortem incurrunt. Porro vero sceleris immanitate (qua inter circumpositas gentes in cædibus, spoliis, & crudelitatibus ultra morem humanum sævierant) obstante, multoties ad extrema vitæ remedia concurrentes, infatigabili labore in mediis tenebris glaciem confringere student, quo forte succisa glacie, interstitio quatuor vel decem miliarium vel plurium Germa-

nicorum, ad apertum mare evadere possint. Interea tamen incolarum (ad debellandum, spoliandumque eos) accedentium sagittis quasi imbribus per aëra sublimius ad eorum navigia directis & cadentibus, in periculo occisionis velut desolati consistunt: imo frigoris horrore plerunque mortui, sociorum manu (dum terra sepeliri nequeunt) urna inclusi, per forata glacie demerguntur in aquas. Vel si nobiles, aut alterius reputationis insignes viri sunt, sine horrore foetoris, quasi ligna virentia, saxea duricie congelati, à sociis à periculo evadentibus, ad honestiorem tumulum, ne in hostili terra permaneant, reservantur. Attamen petitis & obtentis induciis, si cadavera sua humo sacra recondere possunt, nunquam eis denegatur: imo nobiles & præstantiores terrarum incolæ adsunt in eorum honorabili sepultura: quod & in campestribus præliis hostilis terræ satis ceremoniose servatur. Veluti recentius exemplum est, de quodam potentissimo equite aurato D. Achone Hanson Vestrogotho, anno M. D. X. in Schoningia haud satis feliciter pugnante, ac lancea veteris sui familiaris Dani transfosso: qui totius terræ nobilibus accurrentibus, honestissimæ traditus est sepulturæ.

CAP. XXVI.

De pœna infidelium servorum per aquam gelatam inflicta.

PUtabat Paulus Jovius Episcopus Nucerrinus, externarum regionum curiosus scrutator & scriptor, furum latronumque, & similium malefactorum, gravissimam fore pœnam, quod frigidis aquis guttatim super colla eorum dimissis tanquam durioribus tormentis, commissa flagitia confiterentur. Ita enim in Sarmatia sua testatur: Fures, sicarios, latrones, per quæstionem examinant Moscovitæ eo modo, quod aquam gelidam super caput ex alto paulatim dimittant: hocque habent pro intolerabili tormento. Hæc ille. Sed rêvera vel ludibriose bonus præsul à versuto Moscovitici Principis nuntio, Demetrio dicto, tempore Clementis VII. informatus est Romæ, vel aliis rebus curiosioribus intentus, non integre referentem patrios mores intellexit, hoc scilicet pro terribili tormento in ea durissima gente reputari, quæ flammis & eculeis adhibitis, vix, ut acta revelet, tantillulum commovetur. Hos tamen Moscovitas robore exsuperant Sueones & Gothi, qui Calendis Januarii solum in rebel-

les, discolos, & insolentes has pœnas infligunt, ea præsertim causa, quod Principes & Dominos suos ad sacra Christi natalitia primum nocte, demum die accedentes, sequuti non fuerint, ac permanserint: imo etiam quicumque in aliqua privata æde vel familia idem non fecerint, aut turpia verba scandalosaque facta commiserint, hos socii, testes, accusatores, & iudices, sonoro æris tympanorumque strepitu, longo ordine ad congelatas aquas eductos, genibusque enixos, nudato collo, & prono vultu in genua pressos, guttatim gelida aqua omnium applausu perfundunt. Quibus tamen compendiarium pœnam (promissa erratorum emenda) celeriter infligere decreverint, ea gratia conceditur, ut simul & semel toto nudato capite, justæ quantitatis & mensuræ urna totaliter perfundantur. Soli Æthiopes ob verticis nimiam nuditatem, hanc pœnam horrescunt, qui licet raro perveniant ad Aquilonares regiones, veniunt tamen inter subsidiarios milites, à Rege Galliarum Regi Danorum ad impugnandum Sueciam & Gothiam missos. Plerumque ergo his Æthiopibus pariter & Danis infelicitè pugnantibus, non frigida aqua infligitur, sed dura captivitas, & inevitabilis sepultura.

CAP. XXVII.

De eisdem pænis.

EST & alius modus omni alio tempore hyberno contumacibus & obstinatis à maioribus decretus, scilicet ut perforatis glacierum foraminibus xx. vel xxx. pedum ab invicem distantibus, chorda sub brachiis ligati, per unum foramen subtus glaciem immissi, fune altero prætenso ad aliam pertrahuntur glaciale aperturam. Si celeriter id factum fuerit, gratiam referunt amicis, quod festinanter, & fideliter expedierint eorum causam: sin autem protractius, sic forte exigentibus demeritis animi pertinacioris) tunc extractus experitur se habuisse censores & fautores rigorosos, quia in gravi periculo fuit suffocationis. Quod super glaciem instar speculi lubricam agilitè hæc fieri videntur, mirandum non est, quia triangularibus uncis ferreis solitariis, aut calceis affixis, non tantum ad hunc, sed quemlibet actum in glacie perficiendum, secure (ut infra de piscaturis glacialibus dicendum erit) utuntur. Moscovitis tamen schismaticis hæc aquarum submersio religionis cultu deputatur, quia sub glaciem perforatam infantulos suos immergentes,

ritu suo baptizant: qui si rapido fluminis impetu sub glacie deferuntur in longum, arbitrantur eos ad superos illico evoluturos.

CAP. XXVIII.

*De cursu equorum pro pallio
vel bravio.*

R Epletis vehiculis, (sic enim gens hyemales rhedas aut currus appellat) pluribus hominibus, uno tantum præmissso equo, cursum impetuosissimum ad quinque vel sex miliaria Italica intendunt homines, ut non currere, sed velocissime volare videantur, maxime quia uncis acutissimis, & ferreis clavis in ungulis firmati sunt equi. Bravium vero (ut primo libro in simili cursu hominum monstratum est) vestis, sive equus victus, aut certa mensura salis, aut annona seminanda, ilico solvenda taxatur ad certum tempus: quo nunquam (nisi solverit obligatus) habebitur liber.

CAP. XXIX.

*De onagris seu alcibus, in nivosa
glacie currentibus.*

O Nagrorum, sive alcium, vehementissimus etiam cursus in nivosa glacie est apud

apud Sueones Septentrionales, maxime ultra regiam Holmensem versus superiores partes Aquilonis. Inferius vero ad plagam Meridionalem, etsi in magna multitudine vastorum nemorum sunt, ob Regium tamen edictum in usu non habentur, ne scilicet eorum currendi celeritate (quæ longe superat omnium equorum velocitatem) proditores utantur, ad secreta regni inimicis quam ocissime revelanda. Famis etenim ac sitis, laborisque patientissima est hæc bestia, ut diem noctemque immensa spatia ducentorum miliarium Italicorum, currendo valeat perficere: privata cibo. Cæteras ejus animalis virtutes, infra de animalibus liber monstrabit.

C A P. XXX.

De rangiferis in nive currentibus.

Magna etiam multitudo alterius generis rangiferorum est in Septentrionalibus locis, quorum usus est nedum pro curribus trahendis (ut infra de animalibus ostenderetur) sed etiam in onerariis vehiculis super cacumina nivium petrahendis. Et hi quoque rangiferi (à tractoriis instrumentis ita appellati) edicto regni prohibentur à ministerio meridionales partes inhabitantibus.

tibus quovis modo exhibendo. Miræ etenim velocitatis, ut onagri sunt, in absolvendo brevi tempore longum ac difficile iter. Vehicula autem eorum ab aliorum formis differunt, quia antrorsum instar calceorum sunt cuneata ad penetrandum nives, veluti marina navigia ad dividendum fluctus & undas.

CAP. XXXI.

De suffocatione hostium in vallibus nivosis.

DUm Sueci & Gothi hyemale certamen adversus Teutones, Danos, aut Moscovitas, gravibus provocati injuriis instaurare coguntur, modis omnibus hostilem exercitum, quanta equestri vel pedestri potentia præditus sit, explorant: compertoque, quod egregiis ac grandibus equis, majori parte cataphractis, numero & apparatu quasi invincibili accedunt, quæcunque resistentia suis viribus prostraturi, in eorum occursum non tam armati, quam animati viritim incolæ exeunt, maxime ut hostes tam atroces, virium atque locorum congressibus attritos, jugulent, ac prædentur. Certa enim experientia norunt, talem hostem haud difficulter superandum fore, qui plu-

pluribus gravis armaturæ impedimentis inter altas nives, opacas sylvas, abdita præcipitia, & nivales glacialesque voragine irretitus & illusus, etiam si adversarius aliquis patriæ defensor non obstaret, necessario corruet urgente natura: eoque celerius id ipsum eisdem inimicis evenit, quo delicatius enutriti sunt, & locorum ac periculorum ignari, dum ipsi Aquilonares populi, cæli terræque injuriæ assueti, per montes & devia, in ipsa sæva hyeme nivibus densatis, vel occurrentibus inimicis congregi non formidant: unde & bello imminente, superbos hostes simulata fuga, vel in loca nivosa, ubi gravitate armorum velut in limosa voragine immersi, more ferarum retibus, constrictarum, ab inermibus rusticis interimuntur, vel in paludes, stagna, lacus, & amnes, propter latentem sub nivibus aquam, educunt, ut casu continuo ruant submergendi. Apparet quidem nix solida in superficie, sed subtus secreto fluminum esu, adeo infirma, ut vix lupum, minus hominem, & maxime armatum, sufferre possit.

C A P. XXXII.

De globis nivalibus equorum ungulis impressis.

E St præterea equestribus inimicis aliud spectaculum seu periculum, inevitabiliter formidandum, quod ungulae equorum ferratae, ob frigiditatem nivi connexam, accedente inferius aqua, vel desuper pruina, cito generantur nivei globi in formam pilarum, usque ad magnitudinem capitis puerilis: & ita rotundati, ac congelati adhærent, ut impossibile sit, quin eques à jumento, vel cum eo concidat occidendus, vel captivandus. Non enim quartum aut sextum saltum, ob globos niveos pedibus adhærentes, in rectum vel obliquum efficere potest, quin illico cadat: quantoque magis calcaribus equum stimulaverit, ut currat, aut saltet, tanto velocius fatum accelerat, ut subito lapsus, corporeque fractus expiret, vel in aliam emigret miseriam, nece forsitan deteriore. Qui vero pro defensione patriæ militant in ipso certaminis aggreffu equos ferramentis sub pedibus totaliter denudant, ut niveis globis non adhærentibus expeditius irruant in hostem. Qui hac commoditate ac securitate non audet
uti,

eti, quia refugium non habent, quemad-
 modum incolæ regni locum habent & ami-
 cos. Neque minus periculum hostibus eis-
 dem imminet, quando vallium montium-
 que latera, lubricis glaciibus veluti specu-
 lum micantibus circumfusa ascendere, aut
 descendere constringuntur, quin adhuc ma-
 jorem collisionem incurrant, quando præ-
 cipuè glacies hujusmodi cooperitur tenuis-
 sima nive, vel ipsa vi ventorum coacta, fau-
 ces & præcipitia claudit, voraginesque &
 specus profundas veluti campestrem plani-
 tiem coæquat quam Teutones & Dani, vel
 Moscovitæ locorum ignari, præcipiti cursu
 illapsi pari calamitate ac nobilitate confo-
 diebantur: imo & quam plurimi milites
 bellicosissimi, qui cædibus & flammis alibi
 concusserunt orbem, ibidem in nivibus fa-
 cillime conficiuntur.

LIBRI XI. FINIS.

OLAI

OLAI MAGNI, GO-
THI, ARCHIEPISCO-
PI UPSALIENSIS,

DE

Structuris Aquilonaribus.

EPITOME LIBRI DVODECIMI.

C A P. I.

De varietate & forma saxorum.

PRæter manualementem artem, reperiuntur in plerisque montibus Septentrionalibus provinciarum lapideæ moles, ita à natura indiversitate figurarum, præcipue quadratarum & oblongarum, formatæ, ut vix aliquid præter politum splendorem, ad ornatum pulchriorem eisdem superaddi possit. prout apparet in vasto quodam monte *Amaberg* dicto, non procul ab insigni monasterio Vastenensi per illustrissimam mulierem S. Brigittam (cujus corpus in celeberrima memoria, & filiæ ejus beatæ Catharinæ primæ Abbatissæ, ibidem requiescentis, habetur) ædificato. imo &
alio

alio quodam cœnobio divi Benedicti, *Alvastra* appellato : ubi lapides varii coloris, præsertim atri, ad quævis ædificia incolarum gratis extrahuntur, ac ratibus seu dromonibus deportati, in pulcherrimum & commodissimum usum, à fundamentis, fenestrarum interpositione, ad culmina tectorum rediguntur, hoc opinabili relicto iudicio, quod vel natura artem, vel ars ipsa naturam superare videatur. Dixi gratis, quia nec pretio, nec precibus emuntur à possessoribus loci, ob inexhaustam huiusmodi saxorum abundantiam, ut deputentur ad publicam & privatam utilitatem. Nec mons ille omni amœnitate plenissimus, latus & sublimis, à longe navigantibus aliter, quam civitas aliqua turrata mœnibusque cincta, apparet. Extant hodie plura ædificia prædicti cœnobii *Alvastra*, atque civitatis Lincolniensis, ejus generis saxorum vetusto tempore, quadrato opere satis polita, sicut & alibi fabricata. Sunt præterea alii montes Ostrogothorum, versus Orientaliora littora maris Gothici, lucidos lapides adamantinæ speciei, forma hexagoni, instar crystallorum, longo ordine hinc inde producentes : è quibus (si supervacaneus luxus æstimatorum haberet) splendidi parietes, admiratione pleni, formari possent. Præterea

terea apud Vestrogothos mons est eminentissimus *Kindaberg* dictus, in circuitu marmorea saxa adeo pulchro colore naturaliter variata habens, ut cuivis structuræ applicata, plurimum decoris afferant & utilitatis. Demum in suppolaribus insulis magnetum montes reperiuntur, quorum fragmentis ligna fagina certo tempore applicata, in saxeam duriciem, & vim attractivam convertuntur. Deinde tam vivi campestrès lapides diversarum formarum, quam coacti, in maxima quantitate, nedum protectis, sed & muris, ubique applicabiles reperiuntur.

C A P. II.

*De domibus fabricandis, & earum
varia forma.*

Diversitates ædificiorum miræ multæque sunt in Septentrionalibus regnis, videlicet pyramidales, cuneatæ, arcuales, rotundæ, & quadratæ, Pyramidales scilicet ex solis hastis sursum connexis, deorsumque ampliatis, idque pro tempore æstivo, ne fumo & flamma pariter cum Solis ardore molestantur operarii manuales. Cuneatæ ædes fere omnes in altum porrectæ sunt, ut densæ onerosæque nives citius vento arceantur

ceantur, ne deprimant tecta, quæ corticibus betulæ, vel tegulis, vel fissilibus scandulis è pino, ob innatam picem, vel abiete, vel quercu, vel fago confectis, divitum vero tecta, vel cupreis, vel æreis, aut plumbeis laminis, quemadmodum templorum, sunt cooperta. Arcuales structuræ satis artificiose contra vim ventorum, casumque nivium; tam muro quam lignis, ad varium & valde necessarium usum fabricantur. Talesque reperiuntur in ædibus magnorum pro supellectilibus domesticis, aut rusticanis conservandis. Rotundæ, & hæ plurimum raræ, ut diversi artifices pari luce è culmine reflexa, in exercitiis suis potiantur. Quadratæ autem domus frequentiores sunt: sed lignis grossissimis mira combinatione in angularibus juncturis (quibus magistrale artificium ostenditur) coaptatæ: & hæ quoque fenestras habent plurimum in tectis elevatas, unde lux introrsum super quemlibet descendere possit. Muratæ autem ædes portas habent proportionatas, sed strictas fenestras, ob intensissimum frigus, & pruinosas nives. Nam si majores, amplioresque more Italico essent, confestim minutissimis nivibus vento valido (veluti pulveribus) turbine agitatæ, ædes ipsæ importabili mole ilico casuræ replerentur.

CAP. III.

De eodem.

FEnestæ communiores Aquilonarium ædificiorum, præsertim in vaporariis, sunt in obliquis firmatæ tectis, per quæ prior lux, è cælo descendit. E vitro autem, vel tela picata, pro pluvia arcenda ponuntur. A latere vero in urbibus, propter vicos angustiores, ferreas habentes craticulas, & clausuras, portæ incolarum extremos limites regnorum inhabitantium, ex industria strictæ, depressæque sunt, ne prædonibus pateant, & inimicis. Imo ut eisdem & apertis hostibus sagittando resistant, parietibus utuntur perforatis. Similiter & egestæ terræ secretis fossis, cum vel stipitibus frondosis seu aridis contextis, ne forte eo modo conficiant hostem. Tecta vero trabibus, & tabulis abietinis, corticibus populeis, & germinantibus terreis glebis, gemino ordine interjecto pauco avenæ vel hordei semine, combinantur: & hoc, ne fulgure comburantur, imo verius ut supereffusa aqua tempore hostili pascua præbeant ovibus & agnellis, prout superius reperitur ostensum. Quidam etiam in urbibus eo constringunt loco ædium stiuendarum

darum, ut mutuo sumptu, & consensu, conjunctis quinque vel sex lateralibus ædificiis, constituent unum castellum, unicuique portam ferream fortissimam præfigentes, ut etiam si hostis muros & mœnia superarit (quemadmodum in regia Sueciæ Holmensi à culmine domorum ubique arcetur) resiliat ab incepto. Materiem autem ædificiis aptam & fidelem, ad vetustatem inducendam & conservandam, periti architecti noverunt invenire, imo ab arboribus abstinere, quæ ædificiis impositæ, difficultatem parietibus ingerunt, & miseras mortes.

CAP. IV.

De maxima multitudine & magnitudine arborum in Septentrionalibus terris.

A Bietum & Pinorum, ac Juniperi, Laricisque maxima abundantia est in Aquilonaribus sylvis, tantaque proceritatis, ut altis turribus æquari possint: & ob id, quæ mari sunt propinquiores, ad antennas, malosque magnarum navium adaptantur, & præcipue pinæ arbores: quæ ob cognatam resinam & picem, sui natura imbribus, ne cito putrescant, sed diutius durent, resi-

R flere

stere solent. Abietum tamen fructus, vel pinorum, in nullo usu sunt, quemadmodum in Italicis oris, unde voluptuosa medicina conflatur. Arbores pineæ navigiorum tabulatis operiendis, serrarum sectione, dolabrisque aptantur. Harum etiam dulcibus medullis in cacumine (quæ cerebrum vocantur) regnicolæ, præsertim Lappones, in principio æstatis recollectis, loco panis, ut Parthi palmis, utuntur. Rami Abietum pro vasorum circulis, imo & sæpibus agrorum, ac arcibus ballistarum, sicuti & larices, quasi flexibiliores coaptantur. Trabibus vero abietinis perpetuus honos attribuitur, quia testa templorum durabili earum firmitate & levitate teguntur, eoque proceriores sunt, quo locus natus fabulosior inveniatur: macro tamen corpore, quia arenosis fomentis haud nutriuntur, unde pinguißimus succus resinam, seu picem emittens, connasci videtur. Præterea betulæ arboris copia maxima est in toto Septentrione: cuius hæc est virtus, ut incisa infra corticem & librum, lachrymas potabiles emittat, uti fructus ejus tempore famis habentur pro pane, cortexque tegumento. Similiter & Juniperi legumina, imo & radices ejus, loco panis habentur, licet anxini accessum ob aculeos præbeant: in quibus

bus aculeis, seu spinis, prunæ vivaces, ignisque per annum durat: quem nisi restinguant incolæ, suborto cæli turbine, ac tempestate, sylvestre incendium excitatum, quasi vagabundum, circumjacentes agros depopulatur.

CAP. V.

Adhuc de arboribus Septentrionis.

QUercus incorrupta sub aquis durat, & ob id utilissima navium costis. Cori-
cibus vero ejus coria præparantur, & perficiuntur, ut infra de glacialibus structuris ostendetur. Sunt & aliæ arbores durioris naturæ e quibus detornantur annuli pro usu antennarum, ac utres, & amphoræ, resina, ne intus putrescant, liniendæ. Præterea aliæ ignoto nomine sponte nascentes: quæ tamen ob effectum in pondere, colore, duritia, rotunditate, proceritate, & fructibus utiles æstimantur. Cotoneæ autem, & sambuci, cum jujubis dulcissimis, ibidem reperiuntur. Itidem & salices duplici genere annotatæ: quibus ad premendam famem lepores utuntur. Et hæ licet steriles sint, densissima tamen sobole excisis ramis & plantatis renascuntur, ut reliquæ lignorum caduæ sylvæ germinantes, rursus à ra-

dice succisæ. Multæ etiam arbores inveniuntur, quæ quia altas multasque radices habent inextricabiles, nisi turbine, vel fulmine tangantur, continue perseverant: quarum facilis ratio non datur, cum aliæ alibi nascantur. Hedera præterea veluti adulatrix, adeo communis est & onerosa, ut nivium fomento paulatim muros & mœnia, nisi extirpetur, absumat.

CAP. VI.

De diversitate arborum.

SUnt præterea multiplicis generis arbores in eisdem frigidis locis, & hæ præcipuæ, præter superius dictas, ut populeæ, fraxineæ, & aliarum juniperorum, quæ ob proceritatem commodam propter annexum odorem quasi cupressinum, aptantur ad electas mansiones, & ignea fomenta, tam tempore pestis, quam alio quotidiano usu. Sponte enim huiusmodi arbores genitæ, perpetuitate stirpis indefinenter accrescunt, & inextirpabiles coalescunt, ita ut productæ ad robustam ætatem (ut jam dictum erat) sublimibus & imis structuris, tanquam fortiores trabes, coaptentur. Quercus vero, & fagi, ultra septuagesimum elevationis poli Arctici gradum, versus zonam frigidam
non

non reperiuntur : imo paucae reliqui generis, nisi betulae, veluti incurvati frutices, in extremis Oceani Scythici littoribus, ob frequentes tempestates. Verum in terris versus meridionalem plagam, maximus est proventus arborum fructiferarum : quarum fructu, glandium scilicet, & corylorum nuncum, ac fagorum, tempore sterilitatis incolae loco panis pariter cum caeteris animantibus utuntur : quae tamen animantia, ut mures, glires, & aves, futurae famis arcendae ultra humanam sagacitatem hoc habent, ut hos fructus ad antra cavernasque comportent, unde & providi terrarum incolae imminere famem futuram cognoscentes, diligentius solito prospiciunt eventibus suis. Fagorum nuces triangulae sunt, rubeo cortice munitae, subintra barbatum calicem habentes : quarum esu, sicuti glandium, mire impinguantur porci, sola inspecta differentia, quod laridum his durius, illis vero mollius, seu fluidius reperiatur.

CAP. VII.

De fructuum qualitate.

NUces corylinae adeo abundanter ibidem crescunt, ut indigenis & advenis sufficiant ad omnem optabilem usum : quo

fit, ut quæstus causa ac mercatorum lucro, aliquot millia vasorum è Septentrione in Germaniam exportentur: etiam stipites corylini, quorum tortuosa flexibilitate fere omnia vasa commodissime colligantur. Pomina vero, ac pira, diversorum generum ibidem vel seminata, vel transplantata, satis abunde crescunt: quorum etiam aliquod genus generosissimum est, ut instar olivæ (quæ nusquam in Aquilone crescit) in summo frigore maturescat: etiam sylvestria poma, quæ sibi ætatem à natura retinent propagatam, ut in Decembri primum maturecant: & hæc vinosum saporem habent, ideoque in potum, musti nomine, torcularium pressura disponuntur. Aliqua etiam tantæ acerbitalis reperiuntur, ut aciem gladii succo suo perstringant, iisque loco aceti utuntur. Quædam rotunditatem habent mali, quædam turbinationem piri, quædam figuram ovatam, quibus natura honorem tribuit peculiarem. Sed quæ exotica sunt, & ultramarina, quia carnosiora, dulcioraque judicantur, pretio majori æstimantur. Similiter & pira, ac pruna siccata: non enim nisi duo genera in Aquilone nascuntur, alba scilicet & nigra. Cerasa etiam in duplici genere, sylvestria scilicet, & hortensia: quæ tamen nimia acerbitate edentibus generant

nerant stuporem, aceti loco deputata: & hoc, quia in opacis, umbrosisque locis sine Solis attactu enascuntur. Quæ vero Sole tanguntur, satis grato sapore placere solent. Sunt præterea quædam arbores ignotæ virtutis, quæ sine floribus producant nivales fructus. Fructiferæ tamen arbores gaudent mutatione, & dulcescunt. Sylvestres vero ferinum habent saporem, forte propter canos arborum villos, Solis ardorem excludentes: alioquin aliqua possent blandiri suavitate vescentibus.

CAP. VIII.

De Gummi abietino, sive Resina, & origine Ambra, seu Succini.

QVia maxima varietas in scriptoribus de origine & natura, ac qualitate Succini, seu Ambra reperitur, præcipue Perotto referente, qui insigni diligentia, concordare nisus est multorum opinionem singularem, unde, & quomodo nascatur hic liquor gracilis & mirandus: idcirco quid verisimilius est ex Aquilonarium sententia, hic veniet attendendum. Abietes, seu pinæ arbores, natura sua resinosa, excelsa proceritate sive super litora maris, sive super rivos, vel alias sylvarum declivitates

crescentes, succinum sudant, maxime dum maturis frugibus Solis fervor (ut infra latius dicetur) torrentibus ipsis Junio Julio-que mensibus incendiosior, Cancris atque Leonis tetigerit metas. tum istæ arbores æstu valido fissis corticibus, succinum sui liquoris in subjectos latices, seu fluvios, indurandum emittunt, sicq; stillando, quodcunque objectum corpus sui tenacitate tanquam glutinum involvit: quo fit, ut ranæ, mures, culices, araneæ, muscæ, aristæ, legumina, & his similia, in resinoso hoc vitico rapta involvantur, ac indurentur, etiam si in arenam ceciderint continuatæ guttæ, quia imbres supereffuso ad rivos, inde in flumina, & tandem in mare deferuntur: ubi instar aliarum arborum tantum cetero tempore indurantur, ut saxosa duritie coctum, dira tempestate per mare Gothicum, seu Finnonicum, ac Livonicum, evomatur in Prutenicum litus, scilicet Meridionale, directe oppositum Septentrioni: & hoc omni tempore, quo flatibus undæ volvantur ad Prutenicam terram: in qua ob Principis edictum, nulli nisi deputati & iurati laboratores succinum hujusmodi colligere possunt.

LIBRI XII. FINIS.

OLAI MAGNI, GO-
THI, ARCHIEPISCO-
PI UPSALIENSIS,

DE

Agricultura & humano victu.

EPITOME LIBRI XIII.

CAP. I.

*De diversitate messium colligen-
darum.*



Naturæ admiranda dispensatio est, ut aliter, alioque tempore, modo & industria colatur terra Septentrionalis, ut dictum est: aliter Æthiopica, vel Afrorum: aliter etiam novarum Insularum. Quoad Aquilonares, hoc certum est, in plerisque agris Vestrogothorum, parte obiecta meridionali plagæ, hordeum spatio 36. dierum à semine projecto maturum colligi, hoc est, à fine Junii usque medium Augusti, & aliquando celerius. Ea nanque maturitas ex soli natura, aërisque

R 5.

cle-

clementia, ac humore lapillorum fovente radices, Soleque torrente, necessario provenit, ut ita nascatur, ac maturetur: talesque spicæ sex ordines in numero aristæ habent, aliis tamen communibus minores: quæ cervisæ coquendæ satis commode adaptantur. Reliqua vero semina in principio Maji projecta, circa medium Augusti mutua ope rusticorum, non tam labore, quam alacritate, & voluntario impetu colliguntur, ne superveniens frigidus flatus messem exurat. Nec aliam diurni laboris mercedem desiderant, quam jucundam convivationem vespertinam, in qua juvenes utriusque sexus, ob fideles agrorum labores, providorum parentum iudicio & assensu, ac permissione, eliguntur futuro conjugio copulandi: non tamen ad delitiosa connubia, etiam si illustres sint, sed ad solitudinem domesticæ honestatis & utilitatis, pro familia sagaciter & suaviter dirigenda.

CAP. II.

De Pistrinis, & coctione panum.

Quia receptum est apud veteres, quomodo Ceres frumenta invenerit, & Pan conspersas fruges coxisse perhibetur (unde & nomine ejus panis est appellatus:),

tus:) ita & illa prædicata est quod reperit ,
& iste laudatus, qui decenter humanis usi-
bus applicavit. Ideoque videndum hic e-
rit , quæ frugum genera ad hunc necessa-
rium usum afferuntur , & quibus hoc effi-
cium competit apud homines Septentrio-
nales : qui ut in regiones multiplices tam
situ quam moribus distincti differunt, & se-
parati sunt : ita etiam terræ nascentia, pro
qualitate regionum & climatum , variata
videntur. Quanto igitur magis ad Aquilo-
nem acceditur, tanto minor tritici ubertas ,
& major ad austrum ubilibet invenitur.
Sueonibus tamen, sive Suecis, immensa vis
tritici, sed major siliginis est concessa. Go-
this vero tam Orientalibus, quam Occiden-
talibus, utentibus hordeo & avena, indefi-
ciens abundantia pro cibo & potu propitio
numine est largita. Omnium tamen ha-
rum frugum utrobique usus est. Sed dili-
gentior siliginis præparatio apud Sueones :
quorum scæminæ ita noverunt purgare sili-
ginem, ut colore, sapore, ac sanitate exupe-
ret frumenti bonitatem.

CAP. III.

De torrendis frugibus duraturis.

Diebus calidissimis fervente Sole , pan-
nos instar velorum navalium, sive ipsa

R. 6

vela,

vela, late super faciem terræ vel planos ac nudos montes extendunt, ac desuper torrendam frugem diebus sex, vel pluribus, aut paucioribus, juxta Solis ardorem imponunt: deinde eam purgatam, in quercibus repositoriis collocant, vel in farinam redactam simili custodia servant: multosque in annos sic torrefacta, integritate salva perdurat. Attamen si molita farina non sit, sed fruges, expedit ut interim Soli objiciatur semel in anno retorrenda: eoque modo nova fruges tosta poterit illi, ne deficiat, quoties opus fuerit, sagaciter commisceri. Farina autem in quercinis vasis, aut cupis, forti ligneorum malleorum impulsu intrusa, locoque sicco reposita, sine quacunque verminum corrosione pluribus annis durare solet.

CAP. IV.

De ritu bibendi Septentrionalium.

NEc displicet curiosis inspectoribus interpretationem admittere, qualis sit modus Septentrionalium gentium in bibendo. In primis, quod religiosum sit, stando, pro reverentia Numinum ac Principum, bibere: & quasi in agone per sudorem contendere, quis uno, vel altero, vel multiplici haustu

haustu amphoram evacuet capitulinam. Videntur itaque in mensa quasi coronati sedere, ac certa forma vasis potare: quod forsan inexpertis generare posset admirationem. Sed mirabilius esset longo ordine intueri ministros, quasi cornutorum cervorum pastores gregatim incedere, ut ea vasa cereali liquore repleta propinent convivis. Sed neque his contenti ceremoniis, etiam contendunt monstrare sobrietatem, ut vase tam alto, repletoque, nudo capiti superposito, choream gyrando reducant: similiter & alia vasa manibus utrisque allata, vino, cervisia, medone, aut mulso, vel musto repleta, convivantibus ad æquales haustus exhibeant epotanda.

CAP. V.

De diversis modis coquendi salis.

A Pud Sueones sive Suecos & Gothos nulla fit decoctio salis: non quia è fundo maris extrahi non possit aqua salsa, sed quia gens aliis rebus abundans, facilius exoticum sal comparat, quam superfluis expensis id decoquat in littore suo. Adventu enim grandium navigiorum Hollandæ ac Germaniæ, ab Hispanicis & Gallicis ac Britannicis portubus, Ulysbonico præsertim

& Brovaso portu, sal acceptum justo precio venundatur. In Polonia vero montes profundissimi salis sunt, præsertim in Vielisca & Bochna: ubi videndi causa, M. D. XXVIII. quinta Januarii transcensis L. scalis fui, & vidi in profundioribus locis laboratores, nudos ob calorem, ferreis instrumentis eruere opulentissimum thesaurum salis, veluti aurum & argentum ex mineris inexhaustis.

CAP. VI.

De difficultate advehendi salis in Aquilonaria regna.

AT ubi inciderint maritima bella in Baltico mari, ut defectu salis videantur ab hostibus premi posse Septentrionalia regna, tunc arte quæsitâ domesticum sal conficiunt, ne ea penuria suam libertatem subijciant inimicis. Ut tamen id expeditius, etiam ad perpetuum lucrum, continue efficerent incolæ Nortlandiæ, id est, Septentrionales, R. D. Jo. Magnus Gothus Archiepiscopus Upsaliensis, charissimus frater & antecessor meus, alias 1523. Hadriani VI, Pontificis legatus, & demum electus evolutis duobus inde annis, Upsaliensem diocesim visitans, propriis suis sumptibus, emptis scilicet

habet & datis instrumentis ubique sufficientibus, modum & artem ab expertis acceptam, præcipuis in locis aptioribus incolis communicavit: quibus ex tunc & in perpetuum necessario salis beneficio, quacunque imminente hostilitate, libere & facili labore uti possent:

CAP. VII.

De maxima copia butyri.

TRanscurrendo singulas provincias Septentrionalis plagæ à 52. usque ad 84 gradum elevationis poli Arctici, ubique propter fertilissima terrarum pascua, & armentorum abundantissimos greges, maximam butyri copiam reperire licebit: non tamen æquali virtute, tum propter salis varietatem, tum etiam propter floridiores ac tenuiores herbas, longè à se invicem distantium provinciarum nutritivas. Ubi enim pascua sunt grossiora; saleq; butyrum conditum grossiore ejus efficaciz non est, ut alterius, conditi in pascuis herbarum minutarum. Modus tamen conformis est omnium regionum, vel sale grosso, vel tenerissimo & candido, multo magnorum vasorum millia negotiatoribus ultramarinis vel pretio, vel rerum commutationibus (nisi
Regio.

Regio edicto, instante vel flagrante bello, prohibitum fuerit) distrahendi vel venundandi, quemadmodum in annona, lardo, atque aliis necessariis nutrimentis, ne hostibus afferantur, caveri solet. Insula præterea est Meridionalis Gothiæ, Oelandia appellata, ubi æris salubritas cum pinguis arvi fecunditate consentiens, herbas producit dulcissima qualitate conditas: quarum pastu vaccarum turba saginata, lac tanta salubritate conficit, ut quibus multa medicorum auxilia vel consilia prodesse nesciunt, solus videatur potus ille è butyro expressus optabilem afferre sanitatem, hocque butyrum tanquam aromaticum, & cæteris omnibus salubrius, appretietur.

CAP. VIII.

De magnitudine & bonitate caseorum.

SI Parmensis aut Placentina, vel aliæ terræ, ac villæ Longobardorum, de magnitudine, multitudine, ac utilitate caseorum ubique commendari poterunt, profecto origini suæ nativæ, scilicet Scandianæ peninsulæ, & præcipue regioni Vestrogothorum in regnis Septentrionalibus, gratias sunt acturæ: Hi enim Vestrogothi super omnes

omnes incolae Aquilonares maximam commendationem obtinent, quod nulla gens illis similis est in confectione caseorum: quod provenire videtur ex uberrimis pascuis: in quibus & militares equi, fortes, alti & robusti, bovesque proceri innumerali multitudine procreantur. Caseos itaque tam magnos plerunque conficiunt, ut duo valentes viri vix unum ad breve spatium deferre possint. Virorum tamen manu & arte nunquam fiunt, sed mulierum: quæ vicatim ex pagis vicinioribus, adducta lactis multitudine, æstatis tempore in domo volentis caseos coagulare, confluentes, magnis caldaribus lac calefactum, adhibito coagulo, lignæ formæ quadrangulæ præcipue imprimunt, caseolosque alias Sole aereque siccatos in particulas comminutos, eidem lacti quasi ferventi imponunt, veluti fit in grandibus muris, qui lapillorum & cementi intusione compactiores exurgunt. Nec vir quispiam huic operi sceminarum interesse meretur, etiam si precibus hoc impetrare conaretur. Habent enim fortissimæ mulieres illæ divisa exercitia domestica seorsum à maritis, in quibus illi sese nunquam intromittunt, ut nere, texere, panes & cervisiam coquere, cibos parare, & proles ornare, ac vestire, lectosque & tegmina
apra-

aptare, & agnellis, vitulis, aliisque minutulis animalibus providere: ubi viris graviores incumbunt labores, ut agros colere, messes triturare, equos domare, (quod & foeminae plerunque faciunt) arma acueri, atque sepes agrorum aratraque & agros disponere. Ostrogothorum vero casei lacte pecorino in maxima multitudine formati, mira commendantur bonitate: ita & superioris Suetiae, praeterquam apud Helingos & Norvegianos: qui caseos quasi putres habentes vermium scaturigine, & repletione visa, latantur in eorum bonitate: imo exesa interiori substantia, eorum corticibus loco clypei, instar indurati corii, utuntur in bellis. Estque caseorum laudatissimus sapor apud Finningos, qui conspicuos eos multorum millium pondo faciunt à lacte caprino: quibus laudem augent, & saporem, submisso paululum myrtino fumo, ut sine vermibus servari valeant ad plures annos, praesertim in obsidionibus castrensibus tolerandis. Apud Septentrionales scilicet Vestrogothos naturae beneficio ita temperati sunt, ut aromaticis speciebus, ad senium vergentes, redoleant, cum gratissimo sapore. Talibus etiam utuntur nautae, dum tempestatibus, ne alia coquant arcentur ab igne.

CAP. IX.

De textoribus.

TExturis lineis lâneisque Aquilonares
fœminæ, miro ingenio callentes, in-
cumbunt: exceptis Lapponum mulieribus:
quæ ex nervis animalium (ut alibi dictum
est) conficiunt telas, & de pellibus diver-
farum bestiarum accommodas vestes: quia
in ea regione extrema linum non crescit,
neque oves gignuntur: Ubi vero in cali-
dioribus locis Septentrionis linum habetur,
talìa fila ex eo confecta colorant, & texunt,
ut opus in medio Latio ingeniose contex-
tum judicaretur. Vidi enim apud eas gen-
tes textile opus lineum, varietate linearum
coelestini coloris pulcherrime elaboratum:
quale demum Italiani & Romam ingre-
diens, quasi una manu reperi ad similitudi-
nem illius omnimode per texturam factum
& ordinatum: hoc solo discrimine viso,
quod uti Romanæ fœminæ, vel potius viri,
textores sunt ingenio vivaciores. ita & in
opere manuum reperiuntur subtiliores: &
forte quia exemplaribus insignium picto-
rum utuntur, ubi mulieres Aquilonares ex
floribus, iride, aut frondium umbris super
aqua sole splendente reflexis, excipiunt
for-

formas. Retiaria tamen intexta filorum opera, qualia videntur in domibus Principum Romæ, facillime reliquos orbis artifices videntur excellere mulieres Aquilonares, dum huic exercitio etiam illustres personæ ad evitandum otium, quasi hæreditario domorum ornatui præcipua subtilitate intendunt. *Ædes* enim diurno usui deputatas, candidissimo illo opere retiario, quod *Spraaigning* vocant, totaliter, etiam sub relictis, perpetua communique consuetudine exornant, exceptis proceribus, sericeis pannis ornantibus palatia sua: & hoc quoad thalamos, & ornatum illustrium fecminarum, ac nuptialium festivitatum.

LIBRI XIII. FINIS.

OLAI

OLAI MAGNI, GO-
THI, ARCHIEPISCO-
PI UPSALIENSIS,
DE

Variis conditionibus Aquilona-
rium populorum.

EPITOME LIBRI XIV.

P R Æ F A T I O.



*M*irari quispiam non debet, in
amplissimis Septentrionalium
terris, præsertim peninsula
Scandianæ, (quam Plinius, ob
incompertam magnitudinem,
alterum orbem, & Iornandes, ac Paulus
Diaconus, vaginam sive officinam gentium
appellant) diversitatem fore habituum, ac
vestimentorum, pariter & morum ac con-
ditionum, circa incolarum convictum, &
cohabitationem adventantium alienige-
narum, ac iudicia utriusque, & quam
syncera tranquillitate veteribus institu-
tis olim adherentes, singuli concordi-
ter vivere dicebantur; ubi nunc, crescente
discordia, paucissimi sua sorte contenti vi-
dentur:

dentur: in quo rursus mirandum non est, dum eo processit astuta hominum pernicies, ut quisque suæ destructionis factus sit artifex ingeniosus, foris scilicet habitu discissus, & intus in mente corruptus: foris legibus parere simulans, & ubique disseminans dolos: quorum tandem effectû, & exitu, ad ultimum infamia plenus, & omnibus odiosus, è vita discedit.

CAP. I.

De diversitate habituum.

Longe aliter olim vestitus in Septentrionalibus regnis & populis, quàm nunc est, formatus erat, præsertim in exteriori interiorique ornatu mulierum. Exteriori inquam, quia verusto tempore illustres feminae tunicis utebantur, ad pectus & brachia strictissimis: sed in extensione fimbriarum monstrosa videbatur longitudo, adeo ut vix una sufficeret ancilla in fimbriis hujusmodi comportandis: quæ etiam in hoc abusu aliquantulum dominæ suæ conformabatur. In capitibus vero subtilissimis pannis lineis, negotiatorum quæstu ab exteris regionibus longo maris circuitu importatis, sub his tamen tegumentis, aureas coronas lapidibus pretiosis intextas, secundum qua-
lita-

litates stirpis & opulentia portabant : ad
 umbilicum vero pro cingulo, vel zona, au-
 reis filis, contexta vel fusa extensaue in
 longum aurea aut argentea lamina, laritu-
 dine duorum digitorum, utebantur. Reli-
 quæ mulieres latissimas habebant manicas,
 sed has in medio cuneatas, ac argenteis vel
 deauratis nodis quasi tenaculis clausas.
 Præterea capitis ornamentum erat è panno
 rubro superius strictum ac cuneatum, simi-
 liter argenteis nodis claudendum vel ape-
 riendum : & hæ quoque coronis deauratis
 sub lineis pannis, valde subtilibus, ornaban-
 tur. & uti earum togæ, præsertim nobilium
 pariter & plebejarum, (excepto valore pan-
 ni) erant strictissimæ ac brevissimæ : ita
 urbanorum longissimæ, deauratas & qua-
 dratas in anteriori parte laminas, à collo
 usque pedes super fimbriis ex utroque late-
 re dependentibus, habentes. Scapulari au-
 tem virgines utuntur, quo pudicitia obser-
 vantia designatur.

CAP. III.

*De pudico virginum ornatu, & rigore
 pudicitia.*

Virginum ergo ornatus in pretiosis &
 amplissimis aureis vel deauratis coronis

nis in capitibus erat : & pro pudicitiae custodia, è collo antrorsum retrorsumque dependebat sericeum vel lineum candidi coloris pallium : quale nunc religiosi *Scapulare* vel Patientiam nuncupant: quo habitu vel pallio, omnia corporis membra, tanquam freni moderamine, incedendo vel conversando, cum admirabili modestia & verecundia (visu vel colloquio virorum nusquam, nisi parentum licentia permissa, utentes) dirigebant. Tantaque inerat eis pudicitia, ut vix rogatae virum publico in coetu, donec conjugali vinculo stringerentur, raroque tunc, inspicere vellent. Adeo casta celebritate oculos ubique, etiam à licitis, refrænabant. Mira etiam & pertinax Aquilonarium foeminarum suae pudicitiae custodia, ut etiam admissa honesto conjugio, certis temporibus refrenent amplexus, ea scilicet constantia, ut in toro interpositione districti gladii mutuum sibi coarctent congressum, veluti Saxo de quadam Thira Regis Angliae filia meminit, & insuper de singulari castitate multarum virginum illius ævi.

CAP. III.

*De benedictione Catholicorum
Regum.*

Catholicum ritum in populo fideli regnatura-
rus, multis & magnis benedictionibus,
ut Deo acceptior, & populo utilior, ac sibi
ipsi sedulior fiat, repleti solet. Sed in primis
sponte per sancta Dei Evangelia jurat, &
coram Deo, & Angelis ejus, promittit, ut le-
gem, justitiam & pacem, Ecclesiæ Dei, po-
puloque sibi subiecto, cum observatione
jurium & privilegiorum, ac omnium bono-
rum, custodiat: & hinc benedictionem Ec-
clesiæ postulat, & illi tribuitur, ut in donis
gratiarum multiplicetur, dextera potentiae
Dei ubique circundetur & protegatur: ut
Abrahæ fidelitate, Moysis mansuetudine,
David humilitate, Salomonis sapientia de-
coratus, Deo in omnibus complacet, juste
incedat, in hostes crucis Christi fideliter
triumphet, & optabilem pacem in omnibus
servet. Deinde visibili oleo, sanctissimis ver-
bis benedicto, inungitur, ut dona invisibilia
percipere, & temporali regno justis mode-
rationibus executio, æternaliter cum Deo,
Regum omnium Rege, glorietur. In super
orat Ecclesia, ut efficacia illius sacræ Un-

ctonis, principatus sit super humerum ejus, atque ut sit justus, fortis, fidelis, providus, & indefessus regni & populi gubernator, infidelium expugnator, justitiæ cultor, Ecclesiæ sanctæ & fidei Christianæ defensor, ad decus & laudem gloriosi nominis Dei. Demum virtute Dei dato gladio, ad vindictam malorum, & laudem bonorum, ut in hoc æquitatem exerceat, iniquitatem destruat, & sanctam Dei Ecclesiam ejusque fideles propugnet ac protegat, atque falsos Christianos disperdat, viduas & pupillos clementer adjuvet & defendat, desolata restauret, & ea conservet, quatenus in hoc virtutum triumpho cum mundi Salvatore, cuius typum gerit, sine fine regnare mereatur. Insuper corona capiti ejus imposita : qua gloria & honor, ac opus fortitudinis intelligitur : ut participationi ministrorum Ecclesiæ Christi in omni adversitate defensor assistat, regnoque à Deo dato, & Pontificali benedictioni, vice Apostolorum, qui per fidem vicerunt regna, omniumque Sanctorum ejus regimini commissis, utilis executor perspicuusque regnator semper appareat : ut inter gloriosos athletas virtutum gemmis ornatus, & præmio æternæ felicitatis coronatus, cum Christo sine fine gloriatur. Deinde accepta virga, seu sceptro, intelli-

telligit, se obnoxium, mulcere pios, terrere
 improbos, errantes reducere, lapsis manum
 porrigere, superbos disperdere, & relevare
 humiles. Postea inthronizato Regi in solio
 sedenti dicit Archiepiscopus, qui eum cum
 assistentia Coëpiscoporum introduxit: Sta, &
 retine amodo locum tibi à Deo delegatum,
 per auctoritatem omnipotentis Dei, & tra-
 ditionem nostram, omnium scilicet Episco-
 porum, cæterorumque Dei servorum: &
 quanto clerum sacris altaribus propinquo-
 rem prospicis, tanto ei potentior in locis
 congruis honorem impendere memineris,
 quatenus mediator Dei & hominum, te
 mediatorem cleri & plebis in hoc regni so-
 lio confirmet, & secum regnare faciat Iesus
 Christus. Ultimo Metropolitanus inter alia
 orationem super Regem ad Deum facit: Sis
 ei contra acies inimicorum lorica, in adver-
 sis galea, in prosperis sapientia, in protectio-
 ne clypeus sempiternus: & præsta, ut gentes
 teneant illi fidem, procures habeant pa-
 cem, diligant charitatem, fugiant cupidita-
 tem, loquantur iustitiam, custodiant verita-
 tem, ut semper maneant tripudiantes, & in
 pace victores. Regine etiam, mutatis mutan-
 dis, quæ sexui foemineo congruunt, plurima
 ex supradictis à Deo reverenter optan-
 tur. &c.

CAP. IV.

De equitibus auratis, & eorum juramento.

FActa igitur juxta præmissas ceremonias (apud Deum & homines omniævo commendabiles) coronatione, ipse Rex secundum formam antiquarum legum regnorum suorum, nova privilegia diverso hominum statui, quatenus, & quibus opus sit, liberaliter concedit, vel pridem ab antecessoribus suis concessa restaurat, & auget. Demum milites auratos, feudis abundanter distributis, cingulo, & ense, ac clypeo præstitis, tali tamen interveniente juramento, in manibus alicujus Prælati assistentis facto, creat: Ego N. opto mihi ita Deum propitium, & beatam Virginem, ac sanctum Eri- cum, quod volo juxta extremum meum posse per vitam & bona mea, defendere fidem Catholicam, & sanctum Evangelium, & tenere ac protegere Ecclesiam & ejus ministros in sua libertate, & stare contra omne quod iniquum est, & confortare pacem & justitiam; & defendere pupillos & orphanos, virgines, viduas, & pauperes, & fore fidelem meo Regi, & regno seu patriæ meæ, & justè exhibere & exercere meum mili-

militarem statum, ad honorem Dei, secundum ultimum posse meum. Sic me Deus adiuvet, & omnes sancti ejus. Amen. Hocque juramentum adeo fideliter & stricte observare solebant, ut audita proclamatione belli contra hostes fidei, maximè schismaticos Moscovitas in Orientali limite regni Suetiæ, & Finlandiæ, imo & à summis Pontificibus prædicata Cruciata contra Turcas, ilico propriis expensis armata & valida manu alacriter prælia Domini bellaturi sese in expeditionem conferrent, vel ad terram sanctam peregrinantes, accepto ad sepulchrum Christi militiæ cingulo, se in numerum fidelium armatorum contra eosdem Turcas pro religione præliaturi, voluntariè immiscerent: quo plerunque evenit, ut gloriosi victores redirent in terrenam patriam, & tandem coronam suscepturi, in patriam cœlestem ac sempiternam.

C A P. V.

De nuptiis plebeiorum.

MOS plebeiæ multitudinis apud Gothos, Sueones, & sponsalia contrahere cupienteis, pluribus uti ceremoniis, diverso tempore; modo, ordine ac testimonio repetitis, præsertim hac ratione, ut stabiliores

permaneant in mutua cohabitatione, ut nullo sit opus divortio, etiam à lege permisso. Parentes nanque puellæ ad conjugium petendæ, cujus stirpis, honoris, famæ, vel infamiæ, probitatis aut improbitatis, morum & industriæ sit proculus, imo an legitimo toro procreatus, diligenter inquirunt: compertaque virtute viri, præsentibus duobus ex paterna maternaque linea testibus, pater præsentat filiam sub his verbis astanti proco: Do tibi meam filiam ad honorem, & uxorem ad medium lectum, ad januas, & claves, & ad omnem tertiam pecuniam possidendam in mobilibus bonis ac immobilibus, & ad omne jus, quod superior Suecia à S. Erico habet, & ipse S. Ericus dedit. In nomine Patris, & Filii, & Spiritus sancti, Amen. Eoque casu sponsalitia pacta vigorem suscipiunt, & accelerata maturitate, melioribus supperadditis solennitatibus absolvunt, talibus præsertim, ut affines, agnati & consanguinei, sub prudenti virorum ductore, ac honesta mulierum ductrice, statuta die in equestri pompa undequaque ornatius ad Ecclesiam confluant parochialem: ubi ardentibus faculis mirificè factis & incensis, sacerdotali benedictione coronata sponsa producit: eaque ante summum altare lateraliter cum sponso collocata, utriusque solen-

lenniter requisito cohabitationis in prosperis & adversis consensu, per annuli impositionem, & nuptialem benedictionem, omnes præmissæ ceremoniæ ratificantur. Nec silendum est, quod ipsa annuli impositione dorsotenus pugno sese astantes impetunt, ut eadem ratione actum corroborent, uti in Aurati militis creatione, ut memor sit, servari solet. Qui talibus adsunt nuptiis, ut agnati, cognati, affines & amici, dona plurima, videlicet equos, boves, pecora, lectos, pannos, & fruges liberaliter offerunt: ut iis felicibus auspiciis incipiant & perficiant lætorem cohabitationem. Specialibus tamen ceremoniis equus, ac bos, & securis traditur: ut sciant, se venire ad eum laborem, periculorumque societatem, qua idem nolle & velle permanere debeat, donec vel divortio, si lex urserit, vel morte solvatur. Sunt & multæ ceremoniæ circa tori introitum, ut parochialis sacerdos, si adsit, vel clericus, canat hymnum, Veni creator Spiritus; cum invocatione divini auxilii, ut novis conjugibus prospera cuncta desuper elargiantur. Præterea mos est, ut aliquot delicatiora fercula in lecto sedentibus nuptis exhibeantur, ut iis cum astantibus brevi mora vescantur. tandemque valedicentibus amicis, sua pace fruuntur. Sequenti tamen die nova nupta

crinibus absconsis, affabili incessu convivis argenteos scyphos electiore liquore repletos, in signum, quod mater familiâs effecta sit, liberaliter propinat.

CAP. VI.

De adulteris, & eorum pœna.

Mulier adulterans, testimonio sex virorum deprehensa, perdit dotem, & quicquid secum tulit in cohabitationem viri: qui ea suscipiet: in dō vitæ utriusque potestatem habet & hæreditatis eorundem, vigore municipalium legum patrię Gothorum & Sueonum. Si verò multa contentari velit, etiam eam ex municipalibus præscriptam habet: quam & volens hic pertranseo, licet Regi, Episcopo, & Fisco civitatis pars ejus debeat, cuilibet separatim. Si pœnam pecuniariam dare nequierit adulter, tunc duo saxa mulieri humero tenus imponi debent: & ipsa, virilibus adulteri funiculo ligatis, ipsum per plateas civitatis aspicientibus cunctis pertrahere, ac demum abjurare civitatem, deinceps non ingrediendam, cogetur. Si unus conjugum simile scelus commiserit, eadem pœna partialiter fiet, altero ianocuo declarato. Verum ministro civitatis in talibus servienti, speciale pecuniarum munus sive præmiū deputatur.

LIBRI DECIMIQUARTI FINIS.

OLAI

OLAI MAGNI, GO-
THI, ARCHIEPISCO-
PI UPSALIENSIS,

DE

Diversis hominum exercitiis.

EPITOME LIBRI XV.

C A P. I.

De puerorum exercitiis.

NE autem Gothorum pueri & adolescentes ignavia & otio torpescere permittantur, aut damnatis artibus primos annos transigant juventutis, pro consuetudine semper servatum est, ut diversis exercitiis instruatur exilis ætas, præcipue militaribus exercitiis reservanda, in sagittatoria arte, juxta uniuscujusque ætatis capacitatem, ut se diligenter exerceant: eo videlicet modo, ut non panis quidem pueris exhibeatur, nisi sagitta prius tetigerint metam, instructorum industria collocatam. Reperiuntur itaq; pueri vix duodecim annos egressi, tanta peritia sagittandi instru-

cti, ut iussi telo trajicere caput, pectus, pedesque minimarum avium à longe positarum, infallibiliter tangant : nec minus senes oculorum aciem adhuc retinentes. Hujus rei monstrosus exemplum Saxo Danorum historicus de quodam sene adducit : cujus ballista tam portentoso cornu portendebatur, ut denos nervo calamos adaptaret : hi vegetiore jactu pariter in hostem detorti, totidem numero vulnera confecerunt.

CAP. II.

De ritu fugandæ hyemis, & receptione æstatis.

Suecis Meridionalibus, & Gothis, longissimo provinciarum spatio à polo remotis, alius ritus est, ut primo die Maji, Sole per Taurum agente cursum, duplices à magistratibus urbium constituentur robustorum juvenum & virorum equestres turmae, seu cohortes, tanquam ad durum aliquem conflictum progressuræ. quarum altera sorte deputato duce dirigitur: qui hyemis titulo & habitu, variis indutus pellibus, hastisque focalibus armatus, globatas nives, & crustatas glacies spargens, ut frigora prolonget, obequitat victoriosus : eoque duriores se simulat, & efficit, quo ab vaporariis

rariis stiriac glaciales dependere videntur. Rursumque alterius equestris cohortis præfectus æstatis, Comes florialis appellatus, virentibus arborum frondibus, foliisque & floribus (difficiliter repertis) vestitus, æstivalibus indumentis parum securis, ex campo cum duce hyemali, licet separato loco & ordine, civitates ingrediuntur, hastisque edito spectaculo publico, quod æstas hyemem exuperet, experiuntur.

C A P. III.

De eodem.

Vnde & acriter utraque parte triumphare cupiente, illa vehementius alteram urget, quæ eo die ex aëris clementia vel austeritate videtur mutuare vigorem. Si hyemis asperitas adhuc suum gelu spirat, depositis hastis, cineres vivis ignium scintillis commixtos, urnis vel sacris extractos, obequitando, hyemis persona, super aspicientes effundit. Similiter & hi, qui eodem cultu & habitu, quasi auxiliares turmae adjuncti sunt, in equis ignivomos globos eiciunt in aspicientes. Ne autem æstatis persona ob defectum ramorum virentium florumve, cum sua equestri cohorte privetur honore cupito, longe antea betuleas fron-

des, seu tilia virgas, vaporarii calore & irrigatione artificiose virentes, quasi è sylva productas, clanculo elatas, sed aperte reductas ostendit: quo casu ob defraudatam naturam, hyemis propugnatores infestius instant, ne dolo quæsitæ victoria emergat, aut sistat in placida pompa: quæ tamen, favorabili astantis populi asperrimum hyemis dominium per amplius sufferre negantis iudicio, digna iustaque sententia convincitur, ut æstati pro publica lætitiæ victoria cedat, victoriamque partam splendido instructo convivio æqualibus perficiat, & corroboret haustibus, quam assequi vix potuit hastis.

C A P. IV.

De Majalibus festis.

DEmum omnibus tam sylvis quam prætis & campis virescentibus, & florescentibus, Sole per Cancrum transeunte, hoc est, in Vigilia natalitii ortus D. Joannis Baptistæ, (quem diem miris festivitibus servabat antiquitas, celebrique cultu posteris servandum docuit, & præcepit) populus omnis utriusque sexus & ætatis, turmatim in publicis plateis urbium, aut planicie camporum, ubique copiosis accensis.

signibus, pro choreis tripudiisque exercendis, concurrere solitus, vetustorum heroum domi forisque magnifica gesta ubilibet in orbe peracta, saltando decantat: etiam quid illustriores sceminae pro æternis assequendis laudibus, amore servandae pudicitiae perfecrerunt. Præterea quid degeneres ignavique nobiles, crudeles tyranni, & turpes sceminae exclusa honestate fecerunt, patriis cantionibus & rythmis, sonantibus citharis, ac tibiis alternatim adductis, exolvunt. Insuper puellae, matrum doctrina præmonitæ, quot quantaque mariti vitia, in lusibus alearum, rixa tabernarum, luxu vestium, societate scurrarum, & continua ebrietate & crapula exerceant psallendo resolvunt. Sed rursus ingeniosiores adolescentuli concinere norunt, quam pigerrimæ, fallaces, indomitæ, rixosæ, garulæ, furaces, nugaces, & infidæ sunt mulieres, ne sola querela maritos suggillent. Deinde quid perfidi cives, versuti artifices, vagi negotiatores, stertentes nautæ, rusticique infideles, & avari crudelesque terrarum præfecti efficiunt, varietate cantionum, & musicis instrumentis exponunt: ea potissimum ratione permoti, ut tenera juvenus agnoscat, quam excelsa ac splendida virtus sit, æternisque laudibus digna.

bono.

bonorum inhærere vestigiis, & à pessimis resiliire ac præcavere exemplis.

CAP. V.

De lusu Aleæ & Schacorum.

MOs est apud illustriores Gothos & Sueones, filias suas honesto conjugio collocaturos, procorum animos miris ingeniis & passionibus examinare, præsertim in ludo Latrunculorum, seu Schacorum. Eo enim ludo ira, amor, petulantia, avaritia, socordia, ignavia, aliæque plures dementiæ, passionēs, & animi motus, fortunæque vires & proprietates demonstrari solent: scilicet an procus agrestis animi sit: quod subito triumphando indiscretè exultet, aut injurias illatas cautius pati, vel modestius avertere norit.

CAP. VI.

De chorea gladiatoria, vel armifera salutatione.

HAbent præterea Septentrionales Gothi & Sueci pro exercenda juventute alium ludum, quod inter nudos enses, & infestos gladios seu frameas, sese exerçant saltu: idque quodam gymnastico ritu & discipli-

sciplina, ætate successiva, à peritis, & præfultore, sub cantu addiscunt: & ostendunt hunc ludum præcipue tempore carnisprivii, *Maschararum* Italico verbo dicto. Ante etenim tempus ejusdem carnisprivii, octo diebus continua saltatione sese adolescentes numerose exercent, elevatis scilicet gladiis, sed vagina reclusis, ad triplicem gyrum. Deinde evaginat, itidemque elevatis ensibus, postmodum manuatim extensis, modestius gyrando alterius cuspidem capulumque receptantes, sese mutato ordine in modum figuræ hexagoni subjiciunt: quam Romanam dicunt: & ilico eam gladios retrahendo elevandoque resolvunt, ut super uniuscujusque caput quadrata rosa resultet: & tandem vehementissima gladiatorum laterali collisione, celerrime retrograda saltatione determinant ludum: quem tibiis, vel cantilenis, aut utrisque simul, primum per graviolem, demum vehementiorem saltum, & ultimo impetuosissimum, moderantur. Sed hæc speculatio sine oculari inspectione vix apprehenditur, quam pulchra honestaque sit, dum unius parcissimo præcepto, etiam armata multitudo quadam alacritate dirigitur ad certamen: eoque ludo clericis sese exercere, & ei immiscere licet, quia totus deducitur honestissima ratione.

CAP. VII.

De arcuali chorea.

ALia etiam juvenum exercitatio est, ut certa lege arcualem choream ducant atque reducant, aliis quidem instrumentis, sed eadem ut gladiatorum saltantium disciplina reducta. Arcubus enim seu circulis inclusis, primum modesto cantu, heroum gesta referente, vel tibiis aut tympanis excitati, gyrando incedunt, seque dirigentis (qui Rex dicitur) sola voce reducant. tandem solutis arcubus aliquantulum celerius properantes, mutua inclinatione conficiunt (veluti alias per gladios) rosam, ut formam sexangularem efficere videantur. Utque id festivius sonoriisque fiat, tintinnabula, seu æreas campanulas genu tenus ligant. Est & alia quædam choreæ seu ludi species, qua machina quadam lignea homines per aëra, rotarum more & impulsu, jactantur: vel alio modo agilitate corporum insignes Indunt: ut hastis, circa quas se volvunt: funibus etiam, supra quos reciproci ambulant: item circulis, per quos se more piscium transmittunt: item tabulis, e quibus in aëre pendunt, uno brachio se sustinentes: hicque ludus Petauristicus appellatur, quod juvenes

nes levioribus saltibus moventur. Pilarum etiam projectilium atque fustium impulsus, aliarumque infinitarum specierum ludi, secundum varietatem temporum ibidem, currendo, luctando, saltando, pedibusque sursum erectis super manus ambulando, fiunt. Sunt etiam bellicrepæ armorum saltationes, quæ clypeis ac ensibus, tibicinis moderatione, tardius vel celerius variantur ad saltum.

CAP. VIII.

De Pyrrhi saltatione.

MOS est ante aulas Septentrionalium Regum & Principum, tempore frigoris copiosos ignes, ex arboribus abietinis præcipue, quarum ibidem copia est, instruere: quia ex earum combustione tantus enascitur sonus & stridor, ut à longe non videntes sed audientes, existiment corrui traves, & tecta. Ne autem fragor ille naturæ videatur ociosus, quasi tympanis excitati circumsedentes ignibus fortissimi quique viri, in gyrum saltumque convertunt, tantoque impetu saltando constringunt, ut necesse sit postremum quemque, quasi rupta fortissima catena, in ignem illabi: moxque exiliens saltantium applausu in sublimiori sede reponitur, ut ilico pro Regii ignis

gnis violatione, amphoram unam atque alteram, bene magnam, fortioris cervisiæ epotet. Eo enim potu sanissimo, sobrie tamen exhausto, animam viresque resumens, celerrime revertitur ad suos congyrantes & saltatores, qui similiter motu, igne, siti-que agitati, non inviti retrahuntur ad pœnas affixas, exceptis his, qui alias flammarum saltibus fuerant excitati: quibus ars & robur inest, ut amplius haud possint in ignem intrudi. Fortius nanque tenendo, per experientiam didicere in tali spectaculo subsistere cautiore. Ideoque majori mensura bibendi honorantur, licet minime deliquerint in Regium ignem. Reliqui vero successiva alacritate etiam in profundam noctem saltum continuantes, quasi omnes alternatim præcipitantur in flammam: tali-que modo roboris firmitatem, varioque agitationis genere tirones militiæ plurimum consequuntur, ut constantissimos mores in igne, saltu, & duro tactu firment, quatenus seriosis instantibus bellorum congressibus, æquanimiter sufferre valeant turbationes vehementiores. Sortiuntur etiam taxillis adhibitis, quis ignem vestitus transiliat. Si vero quis januam Principis malitiosa presumptione jocum excedens offenderit, vix ignem, quod in eo non comburatur, evadet.

OLAI MAGNI, GO-
THI, ARCHIEPISCO-
PI UPSALIENSIS,

DE

Ecclesiasticis Disciplinis;

EPITOME LIBRI XVI.

C A P. I.

De ritu orandi in Ecclesiis.



Gentes Septentrionales ex pa-
gis remotissimis ad Parochias
baptismales provecturæ, aliud
genus armorum, præter balli-
stam, gladium & securim, non
ferunt. Ballistas inquam, propter feroces
bestias, ursos præcipue immanes, & insa-
tiabiles lupos, qui tribus mensibus, Ianua-
rio, Febuario, & Martio, plus solito fero-
ciunt, quam reliquo anni tempore: quod
interimantur eo, apud Deum præmisso vo-
to, atque servata fide, ut pelles feræ percus-
sæ, quasi pro sacrificio, scabellis sacrorum
altarium sub pedibus celebrantis offerantur.
Et

Et hinc est ortum, quod maximo ac horrendo vigentē frigore, super ursinam pellem stant sacerdotes celebraturi. Si vero lupina pellis, aut lyncea, vel vulpina, aut alterius generis retibus excepta fuerit, pretium ejus pro cereis Ecclesiæ fideliter adaptatur. Dixi præterea gladios, ut vim vi, si in insidiis occurrerit, repellant. Deinde secures, propter arbores diris tempestatibus per transversam viam ejectas, ut libere transeant excidendas & amovendas, vel pontes subita inundatione perfractos celerius restaurent. Ferunt etiam lanceas loco baculi, ob aqueas fossas transiliendas. Habent nihilominus baculos annales, seu Calendarios, (de quibus libro primo dictum est) pro gestamine manuum: quibus docent, disputant, interrogant, & concludunt lunares conjunctiones, & oppositiones, ac cursus: festa mobilia, ac fixa: pariter & signa dierum, infallibili experientia, quasi è libro declarata legent, exponuntur & interpretantur.

CAP. II.

De Principum funeribus & sepulturis.

MO S antiquorum erat, cadavera principum in frondosis arboribus, præsertim quercinis, tanquam sacris locis numinibus

bus consecratis, suspendere, aut flammis
 juniperini ligni comburere, vel certis mon-
 ticulis grandibus saxis, vel quadrato vel ro-
 tundo ordine circumseptis, humi cum gladio
 & clava recludere, quemadmodum Saxo
 lib. 8. de victo & mortuo Danorum Rege
 Haraldo meminit: cui victor Rex Sueciæ
 Ringo fastuosissimum adhibuit funeris cul-
 tum. Hæc etenim pietatis conditio est, ut
 victum victor inferiis prosequatur: & qui
 defuncto hosti (teste eodem Saxone libro 3.
 iusta persolverit, superstitis sibi favorem
 adsciscit: vivumque beneficio vincit, quis-
 quis extincto studium humanitatis impen-
 dit.

CAP. III.

*De varietate agrotantium, morbo-
 rum, & medicinarum.*

MOrbi Aquilonarium peculiare hi sunt,
 Tussis, calculus, dentium oculorum-
 que dolor, tormina intestinorum, febris, pi-
 tuita, scabies, & Gallicus morbus, ac puero-
 rum morbilli: pestis etiam quo rarius venit,
 eo seritus interimit homines, in crapula præ-
 sertim infatuatos. Est & alius morbus ca-
 strensis, qui vexat obsessos & inclusos: talis
 scilicet, ut membra carnosâ stupiditate qua-
 dam

dam densata, & subcutaneo tabo, quasi cera liquefcens, digitorum impressioni cedant : dentesque veluti casuros obftupecit : colores cutium candidos ac ceruleos reddit : torporemque inducit cum naufea cupiendarum medicinarum : vocaturque vulgari lingua gentis *Schoerburh*, Gracè *Καχιξία*, forfitan à tubcutanea mollitie putrefcente : quæ videtur efu falforum ciborum, nec digefforum, nafci, & frigida murorum exhalatione foveri. Sed vim tantam non habebit, ubi muri interius tabulis quòrumcunque lignorum funt cooperti. Insuper fi diutius grassatur ifte morbus, abfinthiaco potu continuato illum arcere, ficuti & calculi radices, per decoctionem veteris cervifiæ cum butyro epotæ, tollere folent : quæ, paffiones huiusmodi calculi & renum totaliter auferre, vel in magna parte alleviare folent.

LIBRI XVI. FINIS.

OLAI MAGNI, GOTH-
THI, ARCHIEPISCO-
PI UPSALIENSIS,

DE

Animalibus Domesticis,

EPITOME LIBRI XVII.

P R Æ F A T I O.



*Animalium genera uti multa
variaque sunt in toto terra-
rum orbe, suis provinciis &
naturis appropriata, ac distri-
buta, ut elephantes, cameli,
leopardi, leones, struthiones, tigrides, si-
mia, & id genus reliqua, sine pilorum den-
sitate in calidis terris numero incompara-
bili multiplicata: Ita & in frigidis regioni-
bus complures reperiuntur bestia, sed valde
pilose, propter asperrimas hyemes exuperan-
das: ut sunt ursi albi, uri nigri, alces alti,
rangiferi proceri, lupi feroces, gulones voraces,
lynces perspicaces, lutra fallaces, castores
medicinales, damula pavidæ, vulpecula
astuta, nigra & alba, atque alia alibi inu-
sita-*

sitate natura & nominis bestia, successivis capitibus inferius per ordinem diligentius insinuande: ea potissimum causa, ut pius inspector agnoscat, quam admirabilis excelsi Creatoris affectus & amor est in omnibus creaturis suis, ubique terrarum sua dispositioni subjectis, maxime in frigidissimo climate Septentrionalis plage (concessa naturali sagacitate) conservandis: scilicet ut undique conclusa nivibus & gelu tellure pastum prohibente, nedum vivere, sed & genus producere atque alere possint, & inter asperrima elementa illasa manere.

CAP. I.

De Arietibus & Agnis.

INsula est in Gothico mari, regno Gothorum, seu Sueciæ, subjecta, Gothlandia, id est, bona terra, ab omnibus eam frequentantibus sic nominata, eo quod inter Aquilonares insulas merito felix & abundans, ob plurimas naturæ dotes, computari debeat, & magnificari. Hæc arietes, sive verveces, cæteris robustiores, & proceriores, producit: quibus quaterna, vel octona cornua crescunt: tantumque ferociæ à cornibus mutant, ut tempore coitus, nisi serra vel lima demantur, cæteris animantibus sint nocumento,

mento, ipsique pastori rebelles. Lanam habent longam, & mollem: quam aliquando Romæ, exigua veste resolutam, artifices birreta facientes mire commendarunt. Habet etiam tota Septentrionalis regio magnorum arietum & ovium multitudines: in quibus & fœminæ cornua gerunt arcuata. Sunt & multa loca versus polum Arcticum, ubi nec arietes, nec oves cornua habent, neque tauri, aut vaccæ.

CAP. II.

De Bobus & Vaccis.

Regna Aquilonaria, præsertim Vermlandia ac Dalia, propter pascua uberri-
 ma, boves habent electissimos, etiam provinciæ Vestrogothorum: hi que boves singulis annis non tam proceritate corporis, quam numero magno multiplicantur. Habet Norvegia, Suecia, & Finlandia, similes, ad æstivalia seu hyemalia plaustra, seu etiam agrorum usum, aptissimè dispositos: quibus, sicuti & equis, ad vomeres volvendos utuntur. Sed nunquam vaccæ plaustris trahendis aut agris præparandis aptantur: imò nec ulli oneri, ob spem vitulorum gignendorum, subduntur. Sed hi adhuc tenerrimi à matribus segregati, sæviente frigoris hor-

T. rore,

rore, in æstuariis ad hoc specialiter ordinatis, nutrirī solent: hyemeque productiore asperioreque invalescente, putaminibus quercinis, loco scœni vel culmi, jumenta vescuntur. Aestate verò, in lucidissimis noctibus pascua sumunt sub cura pastorum, propter improbos vermes, & bruchos: quos ipsi custodes piceis fumis, ubique pinorum combustione flammantibus, exutunt, aut arcent. Sed non ex integro, quia ingruente autumnali tempore, bruchi ingrediuntur cutes macrorum boum, ibique hybernant, ut tempore vernali cutem exedant, ac hospitem vexent: veluti erucæ, folia arborum depascentes, quarum seminario foliolo inhaerentes, hyemem transigant quietiorem. Boves tamen, quibus vermes hujusmodi sunt infesti, è cœtu aliorum, quantum industria permittit, seorsum impinguandi mandandique segregantur: tuncque dorsotenus velut cribrum cutis perforata apparet, pretium sui diminuens aliena labe. In iis autem locis sanius conservantur, celeriusque impinguantur, ubi nec muscarum aculeis, nec bruchorum stimulis agitantur & fatigantur, & herbarum virentium satietate non privantur.

CAP. III.

De Equis Septentrionalibus.

NOrvegici equi statura mediocres admirandæ fortitudinis & pernicitatis sunt in montibus ac viis saxosis penetrandis: Suecici verò ac Gothici, paludes & colles altos, profundosque saltus, indifferenter longiore diæta, magnaue celeritate absolvunt. Oelandici, quia parvuli sunt, ludicro magis spectaculo, quam labori deputantur: licet & in illis egregii laboriosique, distincto genere reperiantur. Equi etiam Finnonici bonæ qualitatis sunt.

CAP. IV.

De Equis praliaribus.

Maximi verò equi, quos Septentrio producit, præsertim in regno Vestrogothorum, non solum publico edicto hippagogis educi prohibentur, sed ut militaribus exercitiis, & disciplinis, ad omnem armorum usum pro patriæ defensione enutrirî, custodiri & adaptari debeant, satis strictè jubetur. Tales etenim equi hyemalibus bellis, quæ in Aquilonaribus regnis fiunt, ob connatum frigus assueti, hyemis patientes,

animositate ac fortitudine armatum fessorem, quocunque direxerit, inoffenso accessu, ac valido cursu, intrepide comportant: & ob id omnibus generosis equis, quos Hispania, Neapolis, Gallia vel Germania gignit, affimilari possunt, si præferri non merentur. Licet Africis, Numidicis, aut Turcicis equis in celeritate cursus non comparantur: hanc tamen velocitatem mira audacia & fortitudine recompensantes, pro natura populi, loci, & temporis qualitate, maximis bellis satisfacere deprehenduntur.

CAP. V.

De Felibus seu Cattis.

FEles seu Catti, Græco vocabulo Aeluri nuncupati, satis magni, frequentesque, candidi præsertim coloris, in Septentrionalibus terris reperiuntur: qui nedum domos, humanasque habitationes, horrea atque granaria, sed & agros ædibus viciniore, mira sagacitate murium gliriumque præda compurgant. Qui verò sylvestres sunt, avibus & minutulis animalibus insidiantes, vescuntur. Harumque felium pelles vestibus subductæ, mirè prosunt adversus hyemales asperitates.

CAP. VI.

De Hircis & Capris.

Hircorum & Caprarum in Aquilonari-
bus terris longè major est abundantia,
quam in reliquis Europæ locis, ob montana
pascua, & pastorum caprariorum diligentis-
simam curam. Hirci itaque ibidem sunt
magno corpore, crassis cruribus, brevi &
plena cervice, auribus flexis & depressis,
parvo capite, longo, spisso ac nitido collo,
cornibus altis & latis, animosi, bellicosi, &
robusti, ita ut lupis mediocribus, canum ta-
men auxilio, congregari non formident. Ferè
omnes colore albi sunt: ita & capræ. Hye-
me pascuntur pinearum arborum cortici-
bus, atque musco, & populeis virgis. Pelles
eorum maximis navigiis quæstus & lucri
causa, decadumque numero, exportantur ad
Germanicas oras: ubi rursus amplius di-
sperguntur in orbem. Similiter & casei, pro-
pter efficaciam nutrimenti, ac medicinæ,
scilicet stupidæ ac ingrossatæ carnis, vel tur-
gentis. Carnibus caprinis crudis, Sole, sale
ventroque siccatis, incolæ avidius vescuntur,
quam ilico mactatis: idque tempore æsta-
tis, & agriculturæ.

CAP. VII.

Qua munera dentur novis nuptis.

POpulis Aquilonaribus mos est, novæ nuptæ plebejæ conditionis, pro initian-
dis augendisque armentis, & domestica su-
pellectile, liberaliter donare porcā, ovem,
& vaccā, atque marito equinos pullos,
canem, selem, & anserem.

CAP. VIII.

De Rangiferis.

IN partibus Septentrionis utriusq; Both-
niæ, (sic enim extremi Aquilonis terræ,
quasi à fundo vasis vocantur) & magnæ
Laponiæ, bestia tricornis est, de genere
cervorum, sed longe procerior, robustior,
ac velocior, Rangifer duplici ratione dicta:
una, quod in capite ferat altā cornua, velut
quercinarum arborum ramos: alia, quod
instrumenta cornibus, pectorique, quibus
hyemalia plaustra trahit, imposita, Rancha
& Locha patrio sermone vocantur: quo-
rum cornuum duo cæteris majora, eo loco,
quo cervus habet: sed ramosiora ac exten-
siora, ad ramos quindecim aucta. Aliud
vero in medio capitis, ramusculis circun-
stan-

stantibus cæteris brevioribus, situm est. Caput undique contra inimicas bestias, præcipue lupos, armatum reddens, imo admirationis decus inter cætera monstra præsentans. Cibus hujus bestię est, muscus montanus, candidus, præsertim in hyemæ, nivibus in superficie soli coopertus : quas nives, licet densas, naturæ instinctu (quasi sylvester equus) perforat, cibum quæsiturus. In æstate vero foliis ac frondibus arborum, stando eundoque melius, quam se inclinando floribus ac herbis, propter cornua nimis antrorsum incurvata, vescitur : idque laterali & obliqua capitis inclinatione. Jubatum habet collum, veluti equus : ungulas bisulcas, & fere rotundas, à natura tributas, eo quod ejus transitus, aut cursus, etiam admissio sessore, sit super altas nives, in vallibus, campis, aut montibus condensatas.

CAP. IX.

De utilitate hujus animalis.

MAnsuefacta hæc animalia, veluti armentarii greges, maximam præstant dominis suis utilitatem, videlicet in lacte, pelle, nervis, ossibus, ungulis, cornibus, pilis, ac carnibus ad victum delicatiorem,

CAP. X.

De curulibus plaustris Rangiferorum.

Videndum est, duo esse genera Rangiferorum, sylvestrium videlicet, & domesticorum: qui usibus humanis subdita mansuetudine fideliter inserviunt, ubi feræ naturæ reliqui in solitudine relictī augmento generis se lociant, ut interim venatione premantur. Qui domestici sunt, curulibus plaustris aptantur, optimeque gravissima plaustra per rura camposque deducunt, res scilicet pretiosarum pellium, pannorum, piscisque diversæ speciei continentia: eo quod pro majori parte Lappones ichthyophagi sunt, inexhausta fertilium aquarum piscatura viventes, ut & infra de eorum diversis exercitiis erit aperiendum. Iter itaque eorum est in vallibus planis, Norvegiam (ad quam frequentius proficiscuntur) respiciens, tanquam in rerum commutatione locum viciniorem, ac populum fidelioris amicitiae servandæ commodiorem. Qui vero his curribus præfecti sunt, vulgari gentis nomine *Quenar* appellantur, singulis diebus, si ita beneplacitum est, aut exigit necessitas, centum & quinquaginta millia passuum, id est, triginta miliaria Gothica, sive Germa-

nica, conficientes: cursusque eorum animalium non minoris gravitatis, quam equorum reputantur.

C A P. XI.

De vehiculis hyemalibus Rangiferorum.

HYemalium vehiculorum usu miram commoditatem assequuntur prædicti Lappones, maxime quod lubricitate huiusmodi vehiculorum cum nive conformi, longa peragunt itinera, ad loca rerum commutationibus deputata, prout superius libro I I. de forma eorum extitit declaratum: & edicto, ne externis hominibus ob maximam celeritatem accommodentur. Hic vero ostenditur, quod ea velocitas causatur ex pellibus tenerrimorum Rangiferorum, vehiculis his hyemalibus subductis, hac præcipue arte, ut anterior pars pellis antrorsum consuatur sub rheda: quo fit, ut pili foras everfi, nedum lubricitatem generent progrediendi, sed & resistendi firmitatem, ne retro labatur auriga: alioquin in collibus altis nunquam haberetur, aut perficeretur optatum iter. Imo eo compendio viatores arcubus sagittisq; extensis, sylvestres rangiferos venatu acquirere solent.

CAP. XII.

De commoditate partium hujus animalis.

LAc deputatur ad usum domestici nutrimenti, ac serum illius, ad potum convenientem. Pellis pro tegumento humano, tam corporis, quam lectorum: imo equestrium sellis, culeis, & follibus artificum diversorum aptatur: valde enim tenax & fortis est, ac durans. Nervi loco lini (ibidem ob frigora non crescentis) ad indumentorum usum, instar fili præparati, deputantur, prout superius lib. 4. de colligatione navium, ferro deficiente, fuerat interpretatum. Ossa atque cornua, arcuum & ballistarum artificibus, avide ea pro rerum commutatione quærentibus, applicantur. Similiter & ungulæ spasmodicis profunt. Pili pro farciendis mollificandisque sellis equestribus, atque pulvinaribus, pro hospitibus honorandis, & hyeme reprimenda. Carnes ejus animalis optimæ & salubres sunt sale ventroque siccatae, durabiles ad plures annos: licet interim mos genti sit, ex venatione veteribus adjungere recentiores.

LIBRI XVII. FINIS.

OLAI MAGNI, GO-
THI, ARCHIEPISCO-
PI UPSALIENSIS,

D^e

Animalibus Sylvestribus,

EPITOME LIBRI XVIII.

CAP. I.

*De Altibus seu Onagris, & captura
earum.*

VAgantur Alces instar Cervo-
rum gregatim in vasta solitu-
dine, insidiisque extensorum
telorum, industria venatorum
sæpissime capiuntur, vel maxi-
morum canum insultu retruduntur in antra
rupium, ut inde raro vivæ evadant: imo
quiescentes humi, vel erecti stantes onagri
maximi, à minima quandoque mustela gur-
tur insiliente mordentur, ut sanguine de-
currente ilico deficient morituri. Adeo in-
satiabilis est hæc bestiola in cruore fugen-
do, ut vix similem suæ quantitatis habeat
in

in omnibus creaturis. Hacque bestia can-
nis imposita, chordaque directa, quidam
prædantur nidos hirundinum, columbarum,
& gallinarum, ut eorum extrahant pullos:
quibus mire insidiatur, hoc solo instinctu,
ut sanguinem sugat, quasi ventrem haberet
elephante majorem.

CAP. II.

*De pugna Alcium, seu Onagrorum,
contra Lupos.*

Sed nec sufficit commodo atque utili ani-
mali, homines sustinere venatores telis
asperis, sagittisque latis, millenis insidiis
sefe in vasta solitudine impetentes: imo &
bestiolas contemptibiles, mustelas scilicet
præmissas, respectu tam proceræ altitudinis
suæ: nisi & ferocissimos lupos, montanos
præsertim, sufferat insidiatores: eo videli-
cet modo, ut quum asperrimæ hyemes sint,
densæque nives, ipsi lupi fame præssi, eremi
latebras vasto agmine circumeuntes, expo-
stulent prædam: lacubusque congelatis
onagros inesse speculantur: in quos irruen-
tes, & ungulis & cornibus vel interimun-
tur, vel effugantur. Tanta enim vis est in
ictu ungulæ, ut ilico tactum lupum interi-
mat, aut fodiat: quod sæpius in canibus ro-
bustis-

bustissimis venatores experiuntur, imo clabente cane opposita arbor eliditur, quasi fungus adestet. Onagri naturæ instinctu, norunt apta certamini loca, scilicet in lubrica glacie, in qua mucronatis ungulis sunt solidiores, ubi lupi quasi in vaginis ungulas retinent viribus vacuatas: atque ita in conflictu manentes, non procul absunt venatores qui fatigatam partem prælio excedentem, ad interitum usque subsequi solent, alieno periculo prædas opulentiores conquisturi. Fit enim atrox certamen, ut pauci onagrorum, at multi luporum lacerati relinquuntur: quos ob pellium valorem venatores acceptant, atque interim onagri seu alces in tuta recedunt. Lupi procul dubio super congelatum nivium cacumen, tanquam levius insultantes, exciperent victoriam, ubi alces gravi pondere nivibus immerfæ, lupis fierent esca. Ita providens natura unicuique animanti, idoneum campum pro sui defensione distribuïsse videtur.

CAP. III.

De Cervis & Damulis.

Licet in Septentrionalibus terris, plusquam in alia orbis ulla regione, videntur asperrima frigora prædominari: tamen
innu-

innumerabilis ibidem etiam ignoti generis animalium multitudo reperitur, ut partim dictum est, atque per amplius ostendetur. Inter quæ ad esum humanum prædicti onagri, & hic dicendi cervi, damulæ, atque capreoli, nobiliorem sortiti sunt æstimationem: & ob id eorum venatio solis nobilibus, atque eorum officialibus, & privilegiatis regnicolis, ut sunt hospitum receptores, & Ecclesiarum præsides, antiqua lege reperitur admissa: atque etiam ne aviditate venatorum (quorum maximus ibi numerus est) solitudines evacuentur in sobolis propagatione. Cornibus tamen in nemoribus, tanquam pignore futuræ prædæ relictis, utuntur occupatores: licet non facilius sit ea invenire, quam cervas prospicere parturientes, aut onagrum liberum in terra salsuginis rugientem.

CAP. IV.

De Castoribus.

Maxima horum animalium abundantia est in Septentrionalibus aquis, eo quod quietiores sunt, quàm Rhēni, vel Danubii: ubi strepitus est, & incessabilis navigantium labor. In Aquilone infiniti fluvii sunt, & arbores aptissimæ pro domibus ædificandis: quas

quas & mira fabricant arte, docente magistra natura. Gregatim ad cædenda ligna incedunt, dentibusque ligna præscindunt, & præscissa ad sua latibula miro modo comportant. Nam unum ex suo grege laboribus inutilem, desidem aut ignavum, vel senio confectum, sed maximè alienæ societatis & gregis, profugum, pro vehiculo pedibus elevatis supinum, in terram dorso tenus sternunt: inter coxas & crura, ligna ordinant, & componunt; & eum trahentes ad suas mansiunculas, à lignis exonerant: iterumque exeunt & redeunt, donec institutæ domunculæ fuerint elaboratæ, situ scilicet bicamerali, vel tricamerali, ut corpus ab aquis emineat, atque cauda in eis quiescat. Quæ, ut pedes posteriores, pro piscibus in escis habetur. Est enim cauda instar piscium squamosa, coriacea, tum densitate suffulta, atque nodis latentibus mire distincta, delicatissimam præbens escam, atque medicinam iis, qui faucibus intestinis elanguent. Nec periti coci ejus præparationem ignorant, sive pro cibo, sive pro medica refocillatione sit præparanda. Dentes habet acutissimos, ut arbores juxta flumina, quasi ferrea novacula cædat: quin & hominis, venatoris præsertim, parte comprehensa, non ante quam fracta concrepuerint ossa, morsu resolvit.

CAP. V.

De gulonibus.

INter omnia animalia, quæ immuni voracitate creduntur insatiabilia, Gulo in partibus Sueciæ Septentrionalis præcipuum suscepit nomen, ubi patrio sermone *Ierff* dicitur, & lingua Germanica *Vielfras*, Sclavonicè *Rossomaka* à multa comestione: Latino verbo non nisi fictitio, Gulo, videlicet à gulositate, appellatur. Grossities ejus, ut magni canis: aures & facies, velut catti: pedes & ungulæ asperrimæ: corpus villosum, & prolixorum pilorum subfuscorum: cauda ut vulpis, licet brevior, sed crinium densiorum; unde optima conficiuntur hyemalia capitum tegumenta, Hoc igitur animal voracissimum est. Reperto namque cadavere tantum vorat, ut a violento cibo corpus instar tympani extendatur: inventaque angustia inter arbores, se stringit, ut violentius egerat: sicque extenuatum, revertitur ad cadaver, & ad summum usque repletur: iterumque se stringit angustia priore, repetitque cadaver, donec eo consumpto, aliud sollicita venatione inquirat. Creditur à natura creatum ad ruborem hominum, qui vorando bibendoque vomunt, redeuntque ad men-

mensem, noctes & dies continuaturi, prout Mechovita in sua Sarmatia opinatur. Caro hujus animalis omnino inutilis est ad humanam escam : sed pellis multum commoda, atque pretiosa. Candet enim fuscata nigredine, instar panni Damasceni, diversis ornata figuris : atque pulchrior in aspectu redditur, quo artificum diligentiore industria, colorum conformitate, in quocunque vestium genere fuerit coadunata : soli Principes & magnates eo indumento tunicarum more confecto, hyemis tempore utuntur : quia calorem adducit citius, & eum diutius servat inductum : idque non solum in Suecia & Gothia, sed & in Germania, ubi raritas harum pellium majorem sortitur æstimationem, quando navigiis una cum cæteris mercibus fuerit appretiata.

CAP. VI.

*De honestandis hospitibus in harum
pellium tegumentis.*

NEque incolæ terrarum quæstus causa permittunt has pelles educi in alienas regiones, cum & earum tegumentis tractent in hyeme hospites honorabiliores : argumentum ostendentes sufficiens, sese nihil amoenius clariusque ducere, quam bonos hospi-

hospites quovis tempore & ordine magnificare, etiam in vehementi frigore, quando inter alia beneficia lectos tam pretiosis pellibus stratos, eisdem exhibent præparatos. Sed neque silendum existimo, quod dormientibus sub harum pellium tegumentis, evenire solent somnia, quasi ejus animalis vitæ naturæque conformia, in insatiabilitate devorandi, & bestiis insidiis faciendis & præcavendis: quod forsan sub ratione fit, ut qui species calidas, zinziber, aut piper comedunt, comburi videantur; & saccharum manducantes, aquis suffocari credantur. Videtur & aliud subesse naturæ secretum, ut iis pellibus induti, bibendo & comedendo nullum saturitatis vestigium relinquant. Intestina hujus animalis, citharædorum opera ad usum chordarum (voluptate gentium) formata seu extensa, raucum generat sonum: qui temperamento chordarum dulcium cito resolvitur in amœnitatem. Ungulæ in modum circuli vertiginosis capitibus, ac tinnientibus auriculis, appensæ, celeriter recuperandæ sanitati profunt, Sanguis ejus aquæ calidæ admixtus, venatoribus est propotum: imo etiam melle rarissimo conditus, in nuptialibus triumphis propinatur. Arvina seu pinguedo ejus, putridis ulceribus per modum unctionis adhibita, celerrimè san-

rati

tati confert. Dentium usus incantatoribus patrocinator. Ungulæ prædictæ recenter extractæ, catos canesq; fugant, si monstrantur, quemadmodum aviculæ viso vulture, vel erythrotaone.

C A P. VII.

De modo venandi Gulones.

Venatorum arte varia acquiritur hoc animal insidiosum solo respectu pretiosæ pellis, hoc modo : Portatur in sylvam cadaver recens, ubi frequentius hæc bestia vagari videntur, præsertim in nivibus altis. (estate enim nil valent pelles.) quo cognito per odorem, & apprehenso, vescitur, donec ventrem instar tympani extensum, inter arbores angustas, non sine cruciatu cogatur exonerare : sicque occupatum, lata dimissa sagitta venator occidit. Est & alius modus hujus bestia capienda, per trabes tenuissima chorda distinctas, ut ejus levi motu, cadaver edendo, stranguletur : vel etiam in effossas scrobes seu cavernas obliquas incidens, capitur, si cadavere immisso fames urgeat ut vescatur. Aliaque via vix conceditur, ut à canibus apprehendatur, cum ungulas dentesque adeo acutos habeat, ut ejus congressum formident canes, qui
in

EPITOME LIB. XVIII. 453
in ferocissimos lupos vires extendere so-
lent.

CAP. VIII.

De Leporibus.

Quia in frigidis nationibus Septentrio-
nis maxima est Leporum multitudo ,
volui paucis eorum naturam saltem in mira
colorum mutatione declarare. Est igitur
certissimum , omnes lepores Aquilonares
post æquinoctium autumnale , primo præ-
sertim nivium casu, candidum (dimisso gri-
seo) induere pilum. Vidi & ego mures
candidum saccharum continue comedentes ,
album induisse colorem , atque itidem
eundem exuisse , sacchari comestione sub-
tracta. Quantum ergo ad escam leporum
Septentrionalium regionum, certum est, eos
(frigore ac nivibus conclusa terra) vesci cor-
ticibus arborum pinei, quercini , tremulei ,
ac populei generis , & aliis sagacitate natu-
ræ conquestis , non autem nivibus , ut Pli-
nius opinatur lib. VI. in mensibus hyber-
nis. Somnumque capiunt sub densis abie-
tum ramis, altitudine nivium (fovea relicta)
condensatis. Habet nanque hoc genus ar-
borum majus frigoris temperamentum ,
propter densitatem ramorum , & latebras
secre-

secretas, in animalibus conservandis, quam quodvis aliud fruticum genus. - Æstate vero in rupibus & petris domicilium eligit securum, cum se novit, naturali cooperante timiditate, omnibus animantibus datum in prædam: quam sola velocitate & fuga, ubi poterit, evadere meditatur. non autem quando ludit cum mustela: quia hæc, etsi lusum ostendit, tamen collo ejus in tantum premendo se astringit, ut ilico guttur leporis, quantumcunque valide currentis, dentibus, ut sanguinem eliciat, confringat, & manducet. Ita dolo, non viribus bestiolæ, superatur: etiam accipitris velocitate: contra quem, ut flexuo o cursu adversus canem, vix aut raro se reservat immunem. Leporum cibus valde communis est, & usitatus in Septentrione, maxime elixus, cum juseculo atro pro more gentis, satis salubri, atque ejus generis carnibus assis. Unam tamen infelicitatem pleræque mulieres uterum gerendo incurrunt, ut vel esu, vel saltu super caput leporis facto, generent infantulos oris leporini, inter os & nares divisa labia perpetuo retinentes: nisi statim à principio assuant particulam pectoris tenerimi pulli, ilico occisi, & sanguinolenti. Qui podagram patiuntur, pedes imponunt juseculo leporis cocti, temperato calore relictò.

Renes

Renes etiam leporini inveterati, pedibus al-
 ligati, podagram levant. Contra dolorem
 pedum frigore adustorum (ut plerunque i-
 bidem accidit) cineres pili combusti appo-
 nuntur, & prosunt. Pellium leporinarum,
 candidarum præsertim, maximus quæstus
 & usus est apud institores Moscovitarum:
 qui plura millia vestium vel vendunt, vel
 pendunt Tartaris, ut redimant quietem pa-
 ce securiore fruituri.

CAP. IX.

De Lyncibus, & pellibus eorundem.

LYNCES in Septentrionalibus sylvis non
 adeo frequentes generantur, ut lupi,
 licet impares haud sint in aviditate præda-
 rum. Natura igitur lyncis est, ut non respi-
 ciat retro, sed continuo progressu & saltu
 præcipitet cursum. Cibus illi sylvestrium
 cattorum frequentior, aut suavior est: quia
 sicut illis libentius vescitur, ita & eorum la-
 tibulis, ut rapiat, insidiatur. Pelles ejus,
 mollioribus plumis & pulcrioribus maculis
 præditæ, satis care venduntur, præsertim
 in asperrima hyeme prædatæ: tunc enim in
 virtute & colore sunt aptiores, uti æstate
 viliores, imo deteriores.

CAP. X.

De Lupis, & ſævitia eorundem.

Sicut Africa & Ægyptus inertes parvosque lupos gignunt : ita frigidus orbis Septentrionis hos asperos & truces emittit. Et vere ſic eſſe, ſævitia & malitia eorum oſtendit, præſertim tempore coitus, & frigoris immenſi, quando viatores armatos incedere oportebit, ut ſe, jumentaque ſua, illæſos conſervent, præcipue mulieres partui vicinioreſ, quibus lupi capto odore magis inſidiantur. Ideoque nulla ſœmina ſola permittitur itinerari, quin armatus caſtos illi aſſiſtat. Evenit enim plerunque menſe Januario, ut hyemalibus vehiculis homines itineranteſ, agminatim ab utroque latere accurrenteſ lupos, ſi vivere velint, arceant ſagittis & bombardis: unde fit, ut non ſecus viatores, ad privata negotia, etiam Eccleſiaſ rurales, tranſituri, armis prædictis ſint proviſi, quam ad publica certamina forent proſecturi: imo in tantam ſæpiſſime ferociam & rabiem, urgente fame, frigore, & naturali congreſſu, incidunt, ut humanas habitationeſ intranteſ, rapta jumenta ibidem celerius devorent, vel ſecum in ſylvas lacerata deportent. Sed neque impune hoc
fa-

faciunt: habent etenim & in his malis remedia ruricolæ, quod falces ferreas alligato cadavere ponant in nivibus: ut lupi, prædam voraturi, pedibus amputatis poenas luant; vel sagittis impetiti ilico moriantur; vel subterraneis specubus, aviditate prædæ, immersi, fame macerentur.

CAP. XI.

De multiplici genere Luporum.

Sunt in montibus Doffrinis, Suecica ac Norvegiana dominia dividantibus, lupi albicantis coloris, gregatim, ut pecora, partim in vallibus, partim in montibus evagantes: quorum esca sunt animalia imbecilla, ut mures, talpæ, &c. Sylvestres & communes lupi sunt, qui armentis incolarum mira importunitate insidiantur, ut vaccis, vitulis, capris, ovibus, &c. Contra quos, pauperiem incolis facientes, venatio publica, loco, die, & hora instituitur, ut retribus, canibus, ac reliquis insidiis interimantur. Non enim tantam curam habent pro veteribus lupis interceptiendis, quam catulis, ne coalescant, interficiendis. Quidam etiam ex catulis sic interceptis, etsi domestici fieri videantur in vinculis clausi, tamen sævissimi generis non obliti, quibusvis aliis etiam volatili-

latilibus insidiantur. Foetus tamen ex iis & cane domestica procreatus, valde inimicus efficitur in omne aliud luporum genus, quod gregibus insidiatur. Est & genus luporum *Thoes* dictum, cæteris longitudine procerius, sed brevitæ crurum dissimile, velox saltu, venatu vivens, innocuum homini: habitum, non colorem mutat: per hyemes hirtum, æstate nudum.

CAP. XII.

De Lutris & earum diversitate, ac pellium falsitate.

Lutræ quadrato ore mordaces, ut castores: quibus similes in pellibus, triplo tamen longiores: & in Septentrionalibus aquis, præsertim superioris Sueciæ, Helsingiæ, Medelpadiæ, Angermanniæ, Jemphthæ, & Bothniæ utriusque, reperiuntur. Quarum pelles, sicut castorum, atque aliorum animalium, mira multitudine versus Moscovi-
tas, & exinde versus Tartaros exportantur: quia in iis locis frigidioribus, pro humanis tegumentis, rerum commutationibus potius, quam nummis, avidissimè comparantur. In Suecia autem apud quosdam magnates adeo cicurantur seu domesticantur lutræ, ut signo dato per cocum, vadant in piscinam, piscem magnitudine ab eo designata

gnata suscipientes, rursumque alium & alium, donec sufficit imperatis satisfacisse. Caro ejus solummodo valet pro bestiis venatione apprehendendis. In magno etiam usu gentium Aquilonarium pelles earum sunt, ad fimbrias (propter corii tenacitatem) vestium ampliandas. Numero decadem, ut castorinæ, atque vulpinæ, seu mardurinæ, &c. divenduntur: carbonibusque & piceo fumo falsificantur, ut appareant nigredinem tenere resplendentem: sed mox linteo albo attritæ, colore relicto, sophisticationem ostendunt. Ita & luporum pelles, carbone ac creta pulverisatæ, linteo confriatæ demonstrant falsificationem. Ita & sciurinæ (*Dossa* Italice dictæ) pelles, creta respersæ, se ipsas panno adhibito atro ostendunt, quis naturæ vel artis color sit inveniendus & æstimandus.

C A P. XIII.

De Sciuris.

HOrum animalium minutorum infinita est multitudo in Septentrionalibus sylvis, pilorum densitate & colore distincta: una adjecta infallibili regula, quod quanto magis tractus terrarum vergit ad Septentrionem, tanto pulchriores (frigore causante colorem) sunt harum bestiarum pelles,

sub elevatione poli scilicet 77. graduum incipiendo versus supremum polum : in quo spatio venatores magis fatigantur, quam satiantur, hac infinita præda ubique in arboribus veluti grege piscium in aquis abundante, ea præsertim commoditate, quod arbores non sunt sublimes, in quibus hæc animalia ludunt. Sed reflectendo ad Meridionalem regionis situm, quanto magis reditur ad Austrum, tanto deteriores & magis fuscæ occurrunt pellis. Caro hujus bestiolæ assa venatoribus est pro esca suavi. Dentes vero præstigiatoribus serviunt, ut iis detegant futuros eventus.

CAP. XIV.

Adhuc de eodem animali, præscio futurorum.

TRanatat hæc bestiola per amnes exiguo ligno, caudam habens pro velo expansam : non enim ei natura alium concessit natandi modum, propter exiguum corpus, & nimiam pilorum densitatem in cauda villosa : qua cito imbuta aqua, mergeretur in fundum. Neque pedes habet huic necessitati accommodatos. Alioquin sagacissima est tempore caloris, ut cibos habeat pro parte longæ hyemis reconditos,
ubi

ubi dormiendo & quiescendo reposuerat nidos : quos claudit ad latus, vel aperit, juxta flatuum asperitatem. Nuces autem corylinæ, & faginæ, sive pinei pampini, sunt cibus earum. Estque alia earum species, quæ somno pascuntur pro cibo. Miræ pernicitatis sunt in saliendo de una arbore in aliam : caudaque librant motum, & agilitate unguarum acutissimarum in ramis exultant, ludosque pulcherrimo spectaculo super congelatas nives ostendunt. Harum pelles decadam numero ad plura millia fere ad totam Europam navigiis institorum exportantur, pretii augmentum viarum longitudine atque voluptate eas concupiscantium accumulantes. Senibus quidem utilis & honestus est : sed minimè deservit armatis aut fortibus viris, quibus congruit lupina pellis, vel gulonina.

CAP. XV.

*De Marduris, & Zebellis, ac pel-
libus eorum.*

Marduri ac Zebelli, frigidarum regionum animalia sunt, universis in nomine tantummodo nota: paucis tamen in proprietate virtutis : nisi ex qualitate pellium, quales bestię sint, agnosci possint. Id au-

tem in eis deprehenditur, quod valde agiles sunt in cursu, & saltu prævalentes. Fere etenim ut sciuri, cauda quasi pro temone utentes; de arbore in arborem, ramos unguis apprehendendo, saltant: sed morfu terribiles sunt, pro sui generis exilitate. Dentes enim natura eis quasi novaculas dedit, & ungulas valde subtiles & acutas. Sed ut caro ad nullum usum valere dicitur, ita & pelles horum animalium sunt plurimum appretiatæ, apud remotas præcipue nationes: quæ luxui magis intendunt quam commoditati. At earum differentia in hoc deprehenditur, quod mardurinæ grossioris pili sunt à vertice ad caudam, non autem econtra contrectatæ, pulchrum ordinem habentes: hæud ita zebellinæ, quia à cauda ad verticem contrectatæ, æqualem servant decorem: quia villosiores sunt, & densiores pili: quæ ob id citius à vermibus consumuntur, quam reliquæ pelles, nisi sint in continuo motu, aut absinthii ramis interpositis conserventur. Et si pelles zebellinæ ad apertum Solem siccandæ appenduntur, plus uno die consumuntur, quam si tritæ vel portatæ forent per unum annum. Vivens enim bestia semper latitat in umbroso saltu, ex insidioso quæstu avicularum quærens victum: libidinosum animal, & valde foetidum

dum in naturali congressu, ut infra de muribus Ponticis seu hermelinis ostendetur. Utræque tamen pelles, hæscilicet & istæ, pilos habent tactu blandiores, satis supervacaneum generantes luxum: quia vermibus tandem consumitur, ac moritur ho. is suis, postquam tanti empta sit voluptas aliena. In extremis Moscovitarum sylvis zebellus nascitur, & magno terrarum mariumque spatio deportatur ad alienigenas.

C A P. XVI.

De Hermelinis, quos secundum Plinium mures Ponticos opinor.

Conduntur (ut Plinius libro VIII. cap. xxxvii. scribit) in hyeme Pontici mures, & ii duntaxat albi: quod qualiter intelligi poterit, salvus sit sensus unicuique, sine injuria tamen naturæ philosophanti. Si hyeme perpetua clauderentur, & asperimo gelu, nunquam appareret albior pelles hujus bestiolæ, quæ æstâte subrufa videtur in fine Maji, quando deposita albedine, propagationi intendit inter novas herbas, prout fateor me obiter inter equitandum vidisse apud Helsingos populos Septentrionales, Anno Dom. M. D. XVIII, ita ut in congressu propter nimiam conjunctionem,

in cursu velocissimo cohærent, atque dentibus striderent, tantum foetorem in magna parte sylvæ diversarum arborum (quia ibidem plures congregiebantur) relinquentes, ut vix meminerim me deteriorem sensisse unquam. Asserit idem Plinius lib. X. capite LXV. mures lambendo generari, quod in his animalibus simile vero haud videtur, quia more communi bestiarum coeunt, licet volens taceo modum copulationis. Hæ autem bestiolæ singulo quoque triennio, ut plurimum, præ nimia comestione, ad maximum lucrum mercatorum ampliantur, ac prolongantur in pelle: quod eo modo nedum in Norvegia, sed & in prædicta Helsingia atque vicinis provinciis Diœcesis Upsaliensis evenit, scilicet ut bestiolæ quadrupedes, *Lemmar*, vel *Lemmus* dictæ, magnitudine soricis, pelle varia, per tempestates & repentinos imbres è cœlo decendant: incompertum unde, an ex remotioribus insulis, & huc vento delatæ, an ex nubibus fœculentis natæ, deferantur. Id tamen compertum est, statim atque deciderint, reperiri in visceribus herbas crudas nondum concoctas. Hæ more Locustarum, in maximo examine cadentes, omnia virentia destruunt, & quæ morsu tantum attigerint, emoriuntur virulentia. Vivit
hoc

hoc agmen, donec non gustaverit herbam renatam. Conveniunt quoque gregatim quasi hirundines evoluturæ: sed statuto tempore, aut moriuntur acervatim cum lue terræ, (ex quarum corruptione aër fit pestilens, & afficit incolas vertigine, & ictero) aut bestiis, dictis vulgariter *Lekat*, vel *Hermelin*, consumuntur: unde iidem *Hermelini* pinguescunt, & reddunt pellium mensuram longiorem. Et hæ quoque pelles decadam numero, præsertim XL. pelles in quolibet fasciculo, ut zebellinæ, mardurinæ, vulpinæ, castorinæ, ac sciurinæ, vel leporinæ, venundantur, atque navigiis in regiones longinquas exportantur.

C A P. XVII.

De venatione Hermelinorum.

Qualiter autem Hermelini (ut vocabulo Italico, imo & Gothico utar) à venatoribus capiantur, & ad quem usum deputentur, paucis ostenditur, & in primis supradicta positione transversorum lignorum subtilissima chorda adhibitorum: quæ (ingredientibus hermelinis tribus, quatuor, vel octo simul) mota, repente eos in sua pressura claudit: taliaque ligna ob nimiam multitudinem harum bestiolarum, passim sunt

extensa. Item sunt & foveæ seu fossæ oblongæ, quibus substernuntur subtilissima ligna, atque super ea nix, ut quasi appareat continuus atque solidus campus, in quam fossam magno numero cadentes bestię, à patrono loci vel ejus substituto captæ, occiduntur. Item sunt & canes adeo celeres & sagaces, ut eas comprehensas morsibus occidant, & comportent, vel ante pedes patroni cumulando colligant. Item sagittarii inter adolescentes, plurimi adeo triti sunt, ut nec in sagitta, nec in præda arripienda fallantur. Caro autem hujus animalis, propter esum vilium escarum, nihil valet: sed pellis sola: quæ propter candidissimum colorem in summis Principum utriusque sexus veneratur aulis. Licet ipsa bestiola sit luxuriosissima, ut prædictum est: in uno tamen admiranda, quod ad finem Maii certis diebus operam præstet propagationi: & ita naturæ legibus est contenta. Illustres personæ utriusque sexus his pellibus continuo candore, interpositis raris caudis nigris, utuntur, maximè in amplissimis vestium fimbriis, antiqua honestate servatis.

CAP. XVIII.

De natura Taxorum.

TAxi, quia in specubus ac subterraneis antris naturaliter habitant, mansionem mirabili modo confingunt, ita videlicet, ut unum taxum constituent terræ pedibus suis effossæ vectorem : qui supinatus extensis cruribus, & erectis, supra ventrem suum terrâ effossa accumulatur, oneraturque : per pedes ab aliis exportatur, totiesque hoc faciunt, quousque mansionis latitudo habitatoribus sufficere possit. Sed habitationem huiusmodi tanto labore partam, non sine difficultate postea tuentur, Primam nanque hostilitatem patiuntur ab insidiis vulpeculæ : quæ quum domum nunquam fabricat, dolis confisa malignis & solitis, taxorum foveam ingreditur, ac fœtore stercoreis tantum inquinat, ut præ horrore suam domum relinquere cogantur, & securitatem. Attamen ne insidiosæ vulpis impunita perduret astutia, sæpissime venatorum industria canum prodicione comprehenditur, & excoriatur.

CAP. XIX.

Ahhuc de eisdem.

ESt igitur Taxus animal agreste, magnitudine vulpis, licet staturæ humilioris: quia tibiae habet curvas, pilosque plures albos, quam nigros, præsertim in dorso & in latere: caput in medio nigrum, & in lateribus album. Pili ejus duri sunt, & spissa pelliculis, ac fortis: dentes acuti, ideoque mordax. Unde à canibus vel aliis bestiis molestatus, se ipsum resupinat, & dentibus pedibusque repugnat: præcipue contra vulpes: à quibus haud aliis armis quam foetido stercore è propriis ædibus abiguntur. Duplex eorum genus est: Domesticum videlicet, valde ludicrum: & sylvestre, rigidioribus setis respersum. Dicitur etiam taxus caninus, quia in varia findit pedem, ut canis: etiam porcinus, quia in duo findit ungulam, uti porcus. Ibi etiam vulpibus sunt majores, pellem habentes villosam, & setis rigidam, atque tenacem: de qua pharetras omnes & militares cooperiant, & venatorias, ut sagittas à pluvia & nivibus illasas conservent. Fiunt & vestes integræ habitus virilis, prout & ex lupis, ex hac pelle, contra frigora & omnem casum nivium sufferendum. Morsus ejus
fortis.

fortissimus est, & exitialis, ac venenatus, propter nimiam vermium, reptilium, scarabæorum, & murium comestionem.

CAP. XX.

De Ursis piscantibus.

URSI albi maximi & fortissimi, qui unguibus glaciem rumpunt, foramina multa faciunt, in Islandia sæpius prænominata reperiuntur: per quæ glacialia foramina se in mare immergunt, & sub glacie pisces capientes, eos extrahunt, & ad littus deferentes, inde vivunt: idque toties, quoties opus fuerit, reiterant, pro sua suorumque catulorum sustentatione: quos etiam, ut similiter piscari debeant, naturali instinctu informant. Pelles horum urforum albæ, per venatores offerri solent summis altaribus Cathedralium vel Parochialium Ecclesiarum, ne sacerdos celebrans in pedibus, tempore horrendi frigoris, gelu patiatur. In Ecclesia Nidrosiensi, id est, Metropoli regni Norvegiæ, continuis annis tales reperiuntur albæ pelles, voto venatorum fideliter in omni præda raptæ atque oblatae, etiam pelles laporum, pro cereis emendis, atque ad reverentiam Sanctorum comburendis.

CAP. XXI.

De Ursis ingeniose interficiendis.

DEnigris ac ferocibus ursis, in Aquilonaribus regnis capiendis, is servari solet modus, ut, cum in Autumno maturis certis arborum rubeis fructibus, instar uvarum conglomeras, arbores ascendendo, vel humi stando, arbore ad terram tracta, vescitur, sagax venator ballistis adaptatas latas sagittas, quæ pilos bene penetrent, in eum relaxet: ex quo terrore & vulnere tantum subito concutitur, ut impetu quodam eos fructus, quasi grandines & lapillos per secessum emittat: & mox in occurrentem statuat, instar hominis vel spectri ex industria collocatam, irruit: atque in ea dilanianda laborat, donec aliam lethalem recipiat sagittam ab ipso venatore post saxum vel arborem sese abscondente. Mira etenim furia accepto vulnere: atque viso sanguine, quodcunque occurrens ferit, & maxime ipsa ursa, quando catulos alit.

CAP. XXII.

De insidiosa venatione Ursorum.

ATtendunt quam diligentissime ursi cervorum transitum, & maximè enixis
catu-

catulis ipsa foemina : quæ non tam fame urgente , quam metu ne rapiantur catuli , in omne objectum animal sævire consuevit. Illa etenim hujusmodi violentiis provocata, urfi fortitudinem, dolos, & insidias, ut raptum vindicet, longe superat & excellit. Latitat enim inter densos arborum ramos, & virgulta : cui si cervus, cornuum gloria, augurium virtute, vel cursus celeritate confidens, incautius appropinquat, mox in eum irruit jugulandum : & si primam sui defensionem triumphumque in cornibus ponat, illorum tamen nodositate & pondere fessus, ursinaque rabie agitated, ad humum deprimitur, ut viribus & vita destitutus, ilico corruat devorandus. Accedit deinde cornutum taurum, simili astutia utens, se super dorsum ejus proiciens : cumque ursam abigendo, cornibus se liberare nititur, ipsa cornua scapulasque tenet ungulis, donec pondere fatigatus corruat moriturus. Deinde dorso, velut sarcina, imposito tauro, bipes sylvarum latebras ingreditur, ut eo vescatur. Verum quum hyeme committitur in hanc præda : ursa canibus vel nivalibus vestigiis prodita, non facile evadet ilico venatores undique concurrentes. A trigesimo die conceptionis, quinos ut plurimum catulos, paulo muribus majores, informes, & candidos

carne

carne, sine oculis, sine pilo, unguibus tamen apparentibus, parere solet: quos paulatim lambendo matres figurant. Nec quicquam rarius hominibus, quam parientem videre ursam. Ideo mares quadragenis diebus latent, foeminæ quaternis mensibus. Specus si non habent, ramorum fruticumque congerie ædificant mansiones impenetrabiles imbris, mollique fronde & musco constratas. Septenis diebus gravi somno premuntur, ut vulneribus vix excitari queant: tuncque mire pinguescunt, suctu præsertim dextri pedis. Fœtus rigentes apprimendo pectori fovant, idq; veluti volucres ova sua.

CAP. XXIII.

*De Erinacei sive Echini cum
Urso conflictu.*

Licet erinaceus pinnas habeat cacumine aculeatas, quibus sibi poma colligit ad victum, atque recondit in cavis arboribus, & ursum in nido molestat: attamen mole opprimitur ursi, ingenio adhibito, quando scilicet convolvitur erinaceus in formam pilæ, ne quid in eo præter aculeos comprehendi possit: quo tamen remedio, aut urinae aspersione, contra ursum, ulciscentem hospitium violatum, prævalere nequit: neque

que ursus eam prædam, licet miseram & inopem, quasi spinosam escam, vorare potest. Quocirca rediens in cavernam suam quiescit, atque suctu ungulæ vivit, & impinguescit: casuque quo caperetur, & caro ejus assaretur, præter morem omnium carniū nigresceret, licet nullum argumentum minimi humoris, in alvō ejus inveniat, neque circa cor, nisi exiguæ guttæ, nihilque sanguinis in reliquo corpore. Proce-
dunt vernali tempore mares præpingues: cujus rei causa non prompta est, quippe qui nec somno quidem saginentur ultra 13. dies. Est etiam pugna urforum contra apros, sed rara victoria: quia plus præsidii habent in dentibus, quam cervi vel tauri in cornibus aut celeritate. Equas gravidas dentibus ac calcitracione pedum validi caballi defendunt ab ursis. Pulli agilitate cursus se defendunt, attamen pavorem semper retinent ut inutiles sint ad bellum: in quo sub strategemate, solet aliquis armatus occurrere in pelle ursina, propter equos ab ursis alias vexatos.

CAP. XXIV.

De occisione Urforum per ferream clavam.

Cum in Aquilonaribus terris, maxime Podolia, Russia atque vicinis locis, ob infinitam apum multitudinem, domestica alvearia non sufficiant: facile terrarum incolæ sinunt, ut ad cavas arbores arte ad eum usum aptatas, vel à natura sic relictas, evolent, stirpem multiplicaturæ. Urfis igitur ad rapinam mellis assuetis, eo modo parantur mortiferæ insidiæ, ut (cum debilissimum caput habeant, uti leo fortissimum, quod aliquando alapa accepta exanimetur) clava lignea, ferreis cuspidibus circumdata, super foramen egredientium apum ex altiori ramo, vel alias, suspendatur: quæ impatientis urfi, mella rapturi, à capite rejecta, revertens interimit rebellantem, ut vita privatus carnem & pellem dominò exhibeat, pro exiguo melle. Carnes sale conditæ, quasi suillæ asservari solent, sicuti & cervinæ, alcinæ, vel rangiferinæ, pro castrensibus cibis: arvinaque, pro medendis vulneribus quacunque occasione susceptis.

CAP. XXV.

De raptu puella, & generatione Vlfonis, astutissimi ac fortissimi viri.

N Iſi Saxo Danorum ſcriptor, atque reli-
qui poſt eum, tot circumſtantiis recen-
ſerent puellæ raptum, parum referret hujus
hiſtoriæ meminiffe. Attamen quia ſimile
nonnihil apud alios autores oſtenditur, in-
dignum non erit opus naturæ potius admi-
rari, quam temere tantillulum in abditis
ejus rebus convitiari. Quantum igitur ad
raptum puellæ attinet, ſic ut ſequitur, ex
nova hiſtoria chariſſimi fratris & anteceſſo-
ris mei, Joannis Magni, Archiepiſcopi Up-
ſalienſis, libr. 18. ex relatione Saxonis ac-
cepta, diffuſius manifeſtatur. Ait enim: Cu-
juſdam patrisfamilias in agro Suecico filiam
liberalis formæ, cum ancillulis luſum egreſ-
ſam, eximiæ granditatis Urfus, deturbatis
comitibus, complexus rapuit: exceptamque
unguibus præ ſe leniter ferens, ad notam
nemoris latebram deportavit: cujus egre-
gios artus novo genere cupiditatis aggreſ-
ſus, amplectendi magis quam abſumendi
ſtudium egit: petitamque laniatui prædam
in uſum nefariæ libidinis vertit. Continuo
enim ex raptore amator effectus, famem

con-

concubitu solvit, ardoremque gulæ Veneris satietate pensavit. Quoque eam indulgentius aleret, crebris incursionibus vicinum acrius incessabat armentum: nec nisi lautioribus ante vesci solitam, sparsis sanguine dapibus assuefecit. Adeo enim captivæ species efferatam raptoris sævitiam fregit, ut quem sanguinis sui cupidum extimescebat, amoris avidum experiretur, pastumque ab eo perciperet, cui fore protinus alimonia metuebat. Tandem fera à canibus & retiaris circumventa, ac venabulis occupata, confoditur. Ut ergo duplicis materiæ benigna artifex natura, nuptiarum deformitatem seminis aptitudine coloraret, generationis monstrum usitato partu edidit, sylvestremque sanguinem humani corporis lineamentis excepit: natoque filio paternum nomen à necessariis imponitur: qui tandem agnita suæ propaginis veritate, à patris interfectores funesta exegit supplicia: cujus filius Trugillus Sprachaleg, nihil à paterna virtute deficiens, Ulsonem genuit: à quo Rex Sueno, & cætera Danorum Regum stemmata, ceu quodam derivata principio, longo successionis ordine (teste Saxone) profluxerunt. Quomodo autem similes partus judicabuntur, Aug. de civ. Dei plurima dicit de simili propagine, utri sexui magis sit attribuenda.

CAP. XXVI.

De raptu fistulantium Subulcorum.

SÆtis tritum est, urfos, sicuti & delphinos, cervos, oves, atque vitulos, imo & agnos plurimum delectari musicis melodius, rursusque certis horrifonis cornibus, seu tubis, adeo ab armentis arceri, ut sono percepto, in longos sylvarum recessus abscedant. Quod quia non ignorant pecorum pastores, bicornibus fistulis ludentes, aliquando per urfos rapti, continue sufflant, donec fame urgente ursus discedat alimoniam conquiriturus. Quocirca accepto caprino cornu, interdumque vaccino, sonum horridum excitant, ut territa fera, immunes ad armenta dispersa recurrant. Quod bicornem fistulam, vulgari gentis *Seecpipe* dictam, secum ad pascua ferant, ita naturæ usus docuit, ut oves & armenta avidius escam sumant, atque compressius pascantur in herbis.

CAP. XXVII.

De chorea Vrsorum Lituanicorum.

Russi ac Litvani, Sueonibus & Gothis in Orientalibus plagis viciniore, pro
fin-

singulari voluptate ducunt , ferocissimas
bestias semper ad manum habere domesti-
catas , ac omni eorum arbitrio singulariter
obtemperantes. Unde ut id celerius fiat, in
caveis vel catenis eas recenter è sylvis captas
(præsertim urfos) aliquantulum fame ma-
cerandas observant, unum vel plures magi-
stros conformiter vestitos , eis escas porre-
cturos, deputantes, ut eo pacto ad lusum ac
tactum cum eis etiam solutis assuescant. Ad-
hibent & dulcem sonum fistularum , quo
plurimum gaudent : ut eos ad ludicros ge-
stus & choreas assuefaciant : ac tandem dis-
sona tubarum voce ad pedes erigendos ,
tanquam acriore signo, inducunt : idque fi-
naliter, ut à choreæ inspectoribus, matronis
præsertim & virginibus , pilo anterioribus
ungulis porrecto , bipedali incessu merce-
dem saltus exquirant : quæ si illiberalior visa
fuerit ; directoris nutu murmurant, atque
capite moto numinum petunt augeri. Ita
mutus interpres , linguæ ignarus in exteris
terris , ubi hæc spectacula fiunt , mutæ feræ
signaculo præscribit astutum quæstum. Nec
tamen id fieri videtur , quod solum eo exili
quæstu vivant ita proficiscentes : quia si ur-
forum ductores sunt ad minus sex vel duo-
decim valentes viri : in quorum societate
quandoque sunt filii magnorum nobilium
&

& magnatum, ut remotas nationes, mores, locorum distantias, arma, concordiam Principum, iis ludicris artibus agnoscant. Verum cum aliquando deprehensi sunt in Germania viatores spoliasse, atque ursi ob-
jecisse devorandos, technis his oppositę sunt
leges gravissimę, ne amodo eo ingredian-
tur.

C A P. XXVIII.

De agilitate Ursorum.

O Ccurrit & aliud spectaculum, quo ursi
capti deportantur navi, atque per fun-
nes ascendendo, vel descendendo, ludicras
exhibent exercitationes, aliquando etiam
utiles, pro rerum inopinato eventu. Nam
accidisse meminere provincialium historię,
quendam a pirata æmulo suo liberatum
fuisse, hac occasione, quod territus erat is
pirata in accessu sceleris perpetrandi, ex eo
quod à longe funibus vidit ascendentes &
descendentes hominis (ut putabat) pro de-
fensione navis, ut moris est, è sublimiori
malo navis. Nec alii erant, quam juvenes
ursi, in funibus colludentes. Præterea amœ-
nius est spectaculum, quod eis ad aquas ex-
tra naves aspicientibus, maxima multitudo
marinorum vitulorum admirabunda occur-
rit,

rit, ut quasi innumeri porci videantur hinc inde circumnatare navem : fitque ut hastis longis, atque hamatis, affixa chorda capiantur a nautis. Similiter & cæteræ bestię, quæ captum vitulum marinum ejulantemque more porcorum juvare conantur: imo & ipsi ursi ad natandum dimittuntur, ut ab eis admirantes vituli capiantur, vel alias orta tempestate, cœloque tonante, eminentes extrahantur.

CAP. XXIX.

De ursiſ volventibus rotas:

NE autem domesticati ursi escas, quasi solis spectaculis reservati, inutiliter consumant, rotis applicantur in curiis magnarum, ut uno vel duobus sociis aut pluribus annexis, pondera aquarum, vel alias res elevent à puteis: idque convenientibus urnis magnæ quantitatis capacibus, ad hoc specialiter ordinatis. Nec solum in hoc juvenaminis genere, sed & magnis plaustris pertrahendis applicantur: quia magna fortitudo eis inest in brachiis, ungulis, & lumbis. Sed nec invisum est, ut in pedes erecti, saccos vel ligna ad locum designatum comportent, aut in portis magnatum pro custodi-
bus, ne noxiæ intrent bestię, deputentur.

Mirum

Mirum tamen ludum dum parvuli sunt, cum pueris domesticis impunè exercent.

CAP. XXX.

De Vulpibus, & earum dolis.

Sunt in Septentrionalibus sylvis vulpes nigrae, candidae, rubeae, crucigerae, in dorso, aliæque caelestino colore resperstae omnes tamen in eadem malitia atque astutia participant. Nigrae pelles preciosiores cæteris aestimantur, quia Moscovitarum Principes frequentius his utuntur. Deinde crucigeræ pelles, hoc est, quæ nigra cruce dorso tenus sunt à natura signatae, propter majorem ornatum, & pellium magnitudinem; quam non nisi in maturiore ætate vulpes consequitur. Hæque pelles, ut nigrae, magno commercio Moscovitarum & Russorum, & Tartarorum, appreciantur; quamvis nigrae annexam habent suspicionem, quod atro colore, fumo videlicet picearum tædarum, sint adulteratae. Candidae pelles minoris sunt reputationis, & coloris caelestini, aut asurini, propter multitudinem, & pilorum casum: minus enim cutibus adhaerentes durant. Attamen qui curiositati student, aut utilitati, mixtura diversarum pellium opera-
 X tium

tium conficiunt, quia magnum calorem cito inductum conservant, levesque sunt, senioribus convenientes. Rubæ vulpes prædictis omnibus frequentiores, ubique reperiuntur, facileque vestigiis post se in nivibus relictis, venatorum sagacitate, & canum celeritate capiuntur, prout & lepores, ursi, cervi, lupi, lynces, propriis vestigiis se venatoribus produnt, æstate vero odore canum.

CAP. XXXI.

De doloso ingenio Vulpium.

Vulpes pressa fame, frigore, & nivibus, accedendo ædes humanas fingit latratorum canis, ut confidentius domesticæ bestiæ eam accedant. Insuper fingit se mortuam, ac resupina flatum attrahit, lingua porrecta. Tunc aves incaute descendentes quasi cadaver comesturas, aperto ore rapit & vorat. Præterea quando esurit, nec invenit quod manducet, rubea terra se involvit, ut appareat quasi cruenta: projiciens se in terram, retinet flatum: quam videntes aves non spirantem, linguamque ore ejectam, mortuam putant. Sed mox ut descenderint, eas attractas devorat. Præterea quum videt non posse propter aculeos superari echinum, se resupinat, atque ita mollem

lem corporis partem lancinans enecat. Vesp-
 sparum etiam quandoque multitudinem
 cavens, simulans se abscondit, extante cau-
 da: circa quam ut illas certatim occupatas,
 villoque denso implicitas animadvertit, e-
 greditur, atque ad saxum sive arborem per-
 fricando obterit, ut extinctis deinde pasca-
 tur. Eodem fere commento cancris & pi-
 sciculis insidiatur, ripam oberrans: cauda-
 que in aquam demersa, illi novitati occur-
 runt, villisque obvoluti ilico extrahuntur.
 Præterea cum pulices habet, fasciculum
 mollis fœni ore accipit pilis involutum, se-
 que paulatim posterius inchoando in a-
 quam mergit, ac totum corpus; ut puli-
 ces aquam fugientes, ad caput ascendant.
 Deinde caput immergit, ut in fœnum fu-
 giant: quo factò, fœnum relinquit in aqua,
 & mox enatat. Præterea cum famem pati-
 tur, ludum simulat cum lepore: quem ilico
 rapit & devorat, nisi fuga, ut frequentius
 fit, suam vitam conservet. Canes etiam
 quandoque evadit latratu, se canem fin-
 gens, sed certius, dum ramo se suspendit,
 canes errare cogit, incerta vestigia inse-
 quentes. Solet etiam venatorem & canes
 eludere, dum gregem caprarum intrans u-
 nam ex eis occupat, ejus dorso insiliens, ut
 per cursum caprę fugientis propter odiosum

sessorem, citius evadat. Nam & alię caprę se-
 quuntur: quas quum venator turbati timet,
 canes revocat, ne pereant plures. Capta
 quoque in pedica, quandoque morsu sibi
 pedem præscindit, ut vel sic evadat. Quum
 vero fuga nulla patet, se mortuam simulat,
 ut à pedica extracta fugam arripiat. Præ-
 terea quum canis eam insequitur, & asse-
 quutam apprehendere nititur, villosam
 caudam suam per insequentis ora trahit: sic-
 que canem eludit, donec sylvarum latebras
 ingrediatur. Vidi & ego, in scopulis Nor-
 vegiæ vulpem inter rupes, immensa cauda
 ex aquis plures educere cancos, ac demum
 devorare. Idque non rarum est spectacu-
 lum, quum nulli pisces, ita ut cancri, im-
 missæ rei, præsertim villosæ, adhæreant:
 etiam aridis piscibus in aquas ad emollien-
 dum emissis. Qui podagra vexantur, calida
 hujus bestię pellicula extracta, atque pedi-
 bus circumligata, sanantur. Adeps etiam e-
 jusdem animalis, auribus & membris poda-
 gram patientis adhibita, prodest. Pinguedo
 ejus torminosi & omni dolori confert.
 Cerebro ejus infanti sæpius dato, nunquam
 caducus erit. Et ita hæc & similia pro sim-
 plicibus medicinis per experientiam obser-
 vant Aquilonares.

CAP. XXXII.

De ferocia hominum per incantamenta in Lupos converforum.

IN festo Nativitatis Christi sub noctem, statuto in loco, quem inter se determinatum habent, tanta luporum ex hominibus diversis in locis habitantibus converforum copia congregatur, quæ postea eadem nocte mira ferocia quum in genus humanum, tum in cætera animalia, quæ feram naturam non habent, sævit, ut majus detrimentum ab his, istius regionis inhabitatores, quam unquam à veris & naturalibus lupis accipiant. Nam uti corapertum habetur, ædificia hominum in sylvis existentium, mira cum atrocitate oppugnant, ipsasque fores effringere conantur, quo tam homines, quam reliqua animantia ibidem manentia consumant. Cellaria cervisiarum ingrediuntur, ac illic aliquot cervisix aut medonistonnas epotant, ipsaque vasa vacua in medio cellari unum super aliud elevando collocant: in quo à nativis aut genuinis lupis discrepant. Locum vero, ubi forsitan illa nocte quieverunt, harum terrarum incolæ fatidicum arbitrantur: quia si alicui in eo quid adversi contigerit, veluti vehicu-

lum obvertatur , atque ipse nivibus injiciatur, plane sibi persuasum habent, eum isto anno morte moriturum , quemadmodum id à multis temporibus per experientiam explorarunt. Intra Lituaniam , Samogetiam , ac Curoniam est paries quidam , ex quodam castello diruto reliquus : ad hunc certo anni tempore aliquot millia eorum conveniunt, ut uniuscujusque agilitatem in saltando explorent : qui hunc parietem transilire nequiverint, uti pinguioribus fere evenit, flagellis ab eorum præfectis cæduntur. Denique constanter asseritur , inter hanc multitudinem etiam istius terræ magnates , atque ex prima nobilitate viros , versari. Hæc igitur metamorphoseos ratio, ipsi naturæ maxime contraria , à quodam hujus beneficii perito , per poculum cervisiæ propinando (dummodo is qui huic illicito consortio applicatur, illud acceptet) certis verbis adhibitis datur. Postea quando sibi consultum videbitur, hominis ideam in cellarium aliquod , aut abditam sylvam se conferendo , in lupi formam totaliter transmutare potest. Denique hanc juxta placitum post aliquot tempus relinquere , atque illam vicissim assumere sibi integrum est.

CAP. XXXIII.

Exempla hominum eorum, qui in lupos conversi sunt, & contra.

ACut ad exempla perveniamus. Cum nobilis quidam longum per sylvam iter faceret, aliquotque servilis conditionis rusticos, hujus beneficii haud ignaros, (quales plerunque istis in oris reperiuntur) secum ducebat: dies ad vesperam tendebat: tum etiam in sylva pernoctandum erat, quia in proximo nullum hospitium fuit: denique fame ac penuria premebantur. Tandem unus eorum repentinum consilium proponit, cæteros debere esse quietos, nec ullum tumultum, si quid viderent, excitare: se è longinquo gregem ovium pascentem conspiciere: curaturum, ut absque magnis laboribus unam ex his ad cœnam haberent assandam. Statim deinde in opacam sylvam, ne ab aliquo conspiciatur, se confert, ibique formam hominis in lupum transfiguravit. Postea in ovium gregem magno impetu irruit, & unam ex eis retro in sylvam fugiendo diripuit: quam aliquanto post in lupi forma ad currum desert. Socii autem hujus prædæ conscii, talem grato animo suscipiunt, & in curru clam abscondunt: qui vero in

lupum se transformaverat, ad sylvam iterum revertitur, humanamque formam rursus assumit. Contigit quoque in Livonia haud multis ab annis, inter nobilis cujusdam conjugem atque servum suum, (quorum illie majorem copiam, quam in ulla Christianorum regione habent) quod altercarentur, homines in lupos mutari haud posse: prorumpit ergo ille, extemplo ejus rei exemplum velle ostendere, dummodo sibi facultas concederetur: cellarium solus ingreditur: unde paulo post lupi forma indutus egrediens, à canibus per agrum ad sylvam tendens effugatur: qui ei oculum (etsi satis acriter se defendebat) eruunt. Postera autem die, ad dominam suam monocolus redit. Denique recenti adhuc memoria compertum relinquitur, quomodo Dux Prussiae, tali beneficio, parum fidei adhibens, quendam hujus maleficii expertum, vinculis clausum, coëgit, ut in lupum se transformaret: quod ita factum est. Hunc tamen, ne hujusmodi idololatria impunita maneret, igne postea comburi mandavit. Talia enim flagitia tam divinæ quam humanæ leges severissime puniunt.

LIBRI XVIII. FINIS.

OLAI

OLAI MAGNI, GO-
THI, ARCHIEPISCO-
PI UPSALIENSIS,

De Avibus,

EPITOME LIBRI XIX.

CAP. I.

*De Accipitre, & diversis ejus spe-
ciebus.*

IN partibus Aquilonis hujus a-
vis natura generosior ac for-
tior, quam in cæteris mundi
partibus esse censetur, maximè
propter cœli solique rigorem,
& abundantissimam escam volucrum, scili-
cet suæ naturæ convenientium, pro solido
nutrimento. Sanguine enim, corde, ac pe-
ctore earum avidius nutritur, magnamque
venandi audaciam affectumque sumit: qui
& naturali superbia, ac tyrannide magis
quandoque quam necessitate stimulatur ad
raptum, & delectatur in illo. Sunt etiam qui
cor tantummodo, latere per rostrum aper-
to, devorant: aliquando etiam cerebrum

appetunt, reliqua parte corporis rejecta. Qui venationi student per accipitres, can-
cros eis offerunt manducandos: ex quarum
esca mira satietate delectantur, avideque
volatilia venantur, ut gratam pro exquisita
esca restituant prædam: idque facillime fa-
ciunt ob volatus agilitatem, quam supra re-
liqua volatilia habent, pennasque acutas,
quæ singulis annis, veteribus abjectis, eis
renovantur. Estque huiusmodi naturæ, quod
avem, quam vesperi prædatur, ungulis sub
pectore ob inducendum calorem servat,
maneque liberaliter sine iterata rapina ab-
solvit.

CAP. II.

Adhuc de natura accipitrum.

DOmesticus accipiter, domino rapinam
sylvestrem porrigit: unde cor & inte-
stina recipit in escam. Et hi tepidioribus lo-
cis plus delectantur, citiusque carne bovina
vel porcina impinguantur, uti gallinacea
carne juvene marcescunt, & veteri tempe-
rantur. Ante aucupium commodius in locis
non nimium tenebrosi servantur, ut alter-
nis diebus producantur. Sed ante omnia
cavendum, ne teneris infantulis exitio sint.
Nulla nanque bestia quantumcunque do-
mestica,

meſtica, adeo graſſatur in infantulos, ut ſi-
miæ, & magni accipitres: qui advolant cuna-
bula, ungulasque tam fortiter imprimunt
oculis & naribus prolium, ut vix evoluturi
eximant. Hique ſunt corpore amplo, oculis
variis & pellucidis, vultu hilari, groſſis pedi-
bus, longis unguibus, delitioſe comedentes,
cunctasque aves invadentes: quia nullas
timent aves, niſi pavonem. immo & lepo-
res, cuniculos, vulpeculas, porcellos, anſeres,
grues, anates, & gallos ſylveſtres venantur,
præſertim fame & frigore urgente, quando
advolant domos humanas: ubi ſubtilibus
filis ala permotis, intra januam recluſi ca-
piuntur: tandem longo jejunio domeſtican-
tur fere eodem modo quo falcones. Eſt &
aliud genus accipitrum in Septentrionalibus
terris, quod domeſticis avibus inſidiatur, ut
anſeribus, anatribus, & pullis: hyemeque
tempus ſuum cognoscens, latitat in nidis:
audax in parvis, & timidum in magnis. A-
niſo etiam fugatur, & gallo: tandemque e-
moritur fame. Niſus rapax, ultra omnium
ferarum naturam ſæviens in ſuum genus,
prout homo, ibidem in magna multitudine
reperitur. Solus frequentius volat, ne in
præda ſuſtineat ſodalem. Paſſeres, cæteræ-
que aviculæ ejus inſidias fugientes, quam
celerrime ſeſe recipiunt ad rubos ſpinoſos.

CAP. III.

De Aquilarum natura, & differentia earundem.

Aquilam avem nobilem & rapacem, ab acumine visus sic dictam, omnibus notam, relinquo. Verum tamen quia in Septentrione maxima multitudo, propter ferarum abundantiam, reperitur, aliquid de earum natura, præmissa distinctione, præsentibus interponam.

Sex igitur sunt genera Aquilarum.

Primum Herodius, qui & Girsalcus dicitur, avis inter omnes nobilissima, colore cæruleo, ad albedinem tendens, præterquam in pectore & alis, ubi cœlestem colorem evidentius imitatur: adeo fortis, ut aquilam rapiat: etiam adeo animosus, ut si in aere post quatuor vel quinque grues, vel alias aves, dimissus fuerit, non desinat à præda, donec omnes ad terram successive deiiciat, à cane ad hoc edocto rapiendas. Nec revocatus herodius is præ indignatione descendit, donec rapiat elapsam. Nec plures generat, quam unum pullum. Secundum genus post hos nobilius est, quod anseres, cygnos, cuniculos & lepores præcipue rapit, quando pullos habet. Herodio quantitate minor, cola;

coloris varii, ex albis & cinereis pennis intermixtis candidas pennas habens in brevi ano.

Tertium, quod truncatis insidet arboribus, unde denominationem accipit: estque cinerei coloris: anates & anseres venantur, duobus prædictis generibus in quantitate & audacia minus.

Quartum, quod accipit pisces, varium in ventre, album & nigrum in dorso, & in struma nigras habens maculas: unum pedem habet anserinum ad natandum, alium ungulis acutum ad rapiendum. Insidet arboribus super flumina piscibus insidians: quorum maxima est multitudo in Aquilonariis aquis.

Quintum genus parvum est, variique coloris, sed ingenio pollens: nam ossa in sublimi portata, versus saxum, ut rumpantur, ad medullam exugendam emittit.

Sextum genus candidum, vivens ex venatione leporum, cuniculorum, porcellorum, catellorum, vulpium, & similium, Aquila tantum pullos diligit, ut sagittarum ictibus sese pro illis interponat, tanquam scutum.

CAP. IV.

*De proprietate Aquilarum , &
incubatione.*

OMne autem genus earum hoc proprium habet, quod pellibus vulpinis & leporinis casu inventis , vel ab eis extractis, ova fovenda involvunt , nidisque beneficio caloris solaris cubanda reponunt. Non enim continuo cubare possunt manentes in nidis : quia ungulæ tantum curvantur , ut rebus prædandis ineptæ reddantur. Curam tamen erga pullos educandos maximam gestant, pisces, aves, lepores eis in escam adferendo. Quod quum considerant sagaces venatores, nidos ascendunt, anosque pullo- rum ligaculo stringunt , ut comedendi incurrant impedimentum. Solliciti itaque parentes erga sobolem ægritudine liberandam, omnia genera ferarum in cœlo, terra, marique recepta, nidis important, ut diverso medicamine, uno vel altero modo suscepto, sanentur. Congeritur in hanc rem maxima escarum copia : quam aucupes extrahunt, comeduntque , vel vendunt. Nec sterili quæstu id accidere solet , quum aliquando lepores , gallos sylvestres , anseres, anates, acios, & pisces mag nos, plurium florenorum

rum

rum æstimâione inveniunt, inventosque domesticis cibis apponunt, vel magno pretio vendunt. Colligunt, aucupem unum quandoque plus duorum pullorum proventu lucrari, quam colonum aliquem prædiis binis. Ne tamen pulli huiusmodi fame pereant, anum solvunt, an imæque in famelico corpore pendenti appositos cibos permittunt, iterumque restringunt, quanto longius id natura concedit. Est nanq; aquila adeo generosi animi, ut pullos proprios non ante dimittat, quam sibi ipsis enutriendis sufficiant: nec eis putridas escas apponit, sed recentes. Nobilitate naturæ aquilæ nedum aliis avibus secum permittit pastum, verum eo deficiente ex eis unam rapit devorandam: unde & pennæ aquilæ, in pharetris, telis, aliis appositæ, pennas alitum consumunt, præcipue anserinas. Item visa aquila, cæteræ aves pro eo die tantum terrentur, ut vix famem pulsuræ exeant in prædam.

CAP. V.

De Anate; & genera ejus.

A Nas ab assiduitate natandi dicta, omnibus nota, tam sylvestris quam domestica, alioque modo & genere divisa, hic veniet

niet annotanda, maxime quod in Septentrionalibus aquis, tanta earum, præsertim sylvestrium, copia est, ut fere cunctas aquas cooperire videantur. Non enim eas aucupes exturbant, nisi raro: quia anarum curnes frigidae sunt, & grossi nutrimenti: imo verius, quia longe meliores ex sylvestri venatione, quam aquatica, habent carnes. Et licet anates diversi sint generis, tamen omnes conveniunt in forma rostri, seu oris lati, & figura pedum membranaliū ad natandum, colore secundum qualitatem regionis ab invicem discrepantes. Domesticae tamen prope candidae sunt universae: sed sylvestres non nisi in tepidis aquis morantur, quarum subterraneae venae calidam quasi sulphuream exhalationem continue subministrant. Ne tamen glacie constringantur aquae huiusmodi, naturae instinctu circulariter & oblique natantes, eas aquas servant apertas, tantumque vociferantur, ut ad magnam viarum distantiam inde audiantur. Cum vero vehementia frigoris fuerint superatae, in sublime se elewant, vastum mare velut unicum praesidium pro securissima statione petentes.

CAP. VI.

*De mirabili generatione Anat-
um Scotiae.*

PRæterea prope Glegornum (teste Sco-
torum recentiore historico) ad duas
leucas est rupes Bassensis, in qua est aix in-
expugnabilis : circa quam magnarum ana-
tum, (quas Sollendas vocat) piscibus viven-
tium, est mira multitudo : quæ cum anati-
bus ferinis communibus, aut domesticis, non
sunt eadem in specie specialissima : sed quia
eis in colore & figura persimiles sunt, no-
mine communi anatum congaudent. At
discriminis causa *Sollenda* vocantur. Hæ a-
nates in vere turmatim à Meridie in rupem
de Bassæ quotannis veniunt, & rupem duo-
bus vel tribus diebus circumvolitant : quo
in tempore rupem inhabitantes, nullum tu-
multum faciunt. Tunc nidificare incipiunt,
& tota æstate manent, ac piscibus vivunt : &
incolæ rupis, piscibus ab illis captis pascun-
tur. Ascendunt enim illarum nidos, ut su-
perius de pullis Aquilæ dictum est, & ad li-
bitum pisces acceptant. In capiendis autem
piscibus mirabilis est hujus avis industria. In
fundo maris lynceis oculis piscem contem-
platur : contra quam se præcipitat, sicuti
contra

contra ardeam nifus : quem protinus ore & ungulis extrahit: &, fi à rupe aliquo alio intervallo diftet, alio pifce meliore vifo priorem elabi permittit, quatenus pofterius vifum capiat : & fic femper recentiffimos pifces habent , tota æftate rupem inhabitantes. Juniores anates aut anferculos in terra vicina vendunt. Si ex his bis velter quis comederit , fapidiffimæ apparebunt : aves enim iſtæ pinguiffimæ ſunt. Earumque pinguedinem artificioſe extrahunt , quia in multis medicaminibus prodeſt : & partes macras vendunt. In fine autumnii rupem triduo circumvolant , & poſtea agminatim ad partes Meridionales pro tota hyeme avolant, ut illic vivant in æſtate : quia quando nobis eſt hyems , Meridionalibus eſt æſtas. Diutiſſime hæ anates vivunt : quod per quaſdam ſignaturas incolæ perpenderunt. Triginta aut quadraginta in rupe bellatores harum avium fructus alit , & domino rupis nonnihil vectigalis penditur. Præterea alius Scotorum ſcriptor, qui diligentius rerum ſecreta pertractat , dicit, in Orcadibus ex quodam fructu arboris, cadente in mare, generari anates : qui paululum ſuſceptis alis evolant ad domeſticas , vel ſylveſtres.

CAP. VII.

De Anseribus.

Sylvestrium domesticorumque Anserum mira est multitudo in Septentrionalibus regnis, & maxime tempore cubationis, quo Sylvestres redeunt à Meridionalibus plagis, idque circa initium Aprilis: hique cinerei, nigrique coloris, & rubei rostri ac pedum sunt; veluti domestici fere omnes candidi & magni reperiuntur. Sylvestres sunt in multiplici differentia, videlicet in quantitate, colore, volatu, & origine. Quidam enim aliis sunt majores, ut cinerei coloris: quidam nigri & cinerei, alte volantes: quidam candidi, nigerrimas pennas in extremitate alarum habentes, & hi altissime volant: quidam ex arboribus nascuntur, ut præcedenti capite de anatibus Scotiæ dictum est. Utuntur homines Septentrionales adipe anserino domestico in cibis condiendis loco butyri: etiam in medicinis ad perfriktiones, convulsiones, cæcosque dolores subitos. Hic adeps butyro conjunctus, sanguinem sistit: eoque ignis sacer, carbunculus, ulcera linguæ, & labiorum, cutisque in facie, & gravitas aurium sanatur. Anserino adipe utuntur Aquilonares ad rimas labio-

biorum, totiusque vultus, ortas ex frigore, Isque adeps melli conjunctus, & morsui canis rabidi adhibitus, ad celerem sanationem prodest. Carnibus anserinis sale conditis, ventoque siccatis, tam coctis quam crudis, post æstivale solstitium, uti omnium aliorum animalum, utuntur Aquilonares. Sed ante solstitium hyemale augurium sumunt ex osse pectoris anserini, quam sæva & quam durabilis erit hyems, hoc scilicet modo: Si clarum est os carnibus, hyems rigida apparebit. Si spissum & opacum, nix plurima, hyemsque tepida sequetur. Anser tædio longissimæ noctis ante diluculum in forti frigore plus solito cantat: quia fame & frigore concutitur, etiam in tantum, quod albescit rostrum, & ungues: cujus unicum remedium est, paleis uti substratis. Nec minus intentatis insidiis aut orto incendio clamat.

CAP. VIII.

De Corvis marinis.

EST quoddam genus corvorum aquaticum, sive cornices anguillarum appellatum. Hæ aves nigerrimæ sunt, præter pectus & ventrem: quibus cinereum colorem natura præscripsit, & incomparabilem, vorandi

randi aviditatem. Venantur pisces, tardi sunt volatus, diuque sub aquis manent, quando se immergunt. Habent rostra dentata, ut falces messorum: quibus retinent lubricos pisces, anguillas præsertim: quas ardeo gulose venantur, & vorant, ut eas per alvum, tanquam per canale, egerant vivas. Sunt etiam hæ aves ingratissimæ naturæ; quia stercoribus egestis, cortices ac arborum ramos, ubi habitant, inficiunt, ut subito arrescant. Idque ardea facit: quæ æque ac illæ in altis arboribus nidum collocat prope pisciferas aquas, ut fere omnia genera avium aquaticarum. In vere produciunt ova. Est & aliud genus corvorum, quod in principio hyemis septem diebus nidificat, & septem diebus pullos cubando producit. Hyemis autem principium intelligitur, quando quarta cæli hyemem facit, cum scilicet Sol intrat Tropicum Capricorni hyemalem, usque ad Arietem. Accedit etiam huic corvo, ingrato avium generi, alia avis aquatica, Morfex dicta, totaliter nigra: quæ ei insidiatur, rostrum habens serratile, ungues fortes: quibus aquis immersa, grandes pisces venatur, & edit. Gregatim in arboribus nidificat juxta aquas, pullos piscibus pascens. Relinquens nidos, si sentit se gravari, novum cibum evomit, alioqui peritura. Hęc
 satu-

saturata, alas Sole siccandas expandit, diuque aquam cauda percutit, antequam ad volatum elevetur. Sortitur ergo aliud nomen, quod Humusculus vel Humidusculus dicatur. In omnibus littoribus Septentrionis tam æstate quam hyeme hæc avis versatur.

CAP. IX.

De inimica ave horum corvorum.

A Vis est Platea dicta, Septentrionalis aquæ incola: quæ acerrimus vindex est avium se mari mergentium, ut piscibus vescantur. Ideoque his insidiatur hoc modo: Involat in eas, capitaque mordet, & corripit, donec ad suum usum extorqueat prædā: quam mox dimitunt taliter laceffitæ. Hæc aliquando conchyliis se replens, cum testis gravari se sentit, calore ventris semicoctas eiicit, conchyliæque, & ostreum quod intus est, late exugit & edit. Præterea inter pisces Oceani latos & aculeatos Raja dictus reperitur: qui hominem à canibus marinis natantem ad devorandum raptum & suffocatum defendit, nec deserit donec viderit eum à periculo evasisse. Hic piscis corvum marinum, sub undas se mergentem, sæpissime ad pastum rapit, ne etiam in aquis careat ultore suæ rapacitatis.

CAP. X.

De Falconibus, & eorum distinctione.

A Quilonares montes Falcones generant valde feroces, sed generosos, etiam candidos: qui ballistis incolarum, nisi omnimodam vim in rapiendo fecerint, tanquam aves sacrae, non impetuntur: alioquin damna facientes, quantumcunque nobiles aut candidi sint, sagittas incolarum non evadent. Habitant tamen in rupibus quasi inaccessis, viventes ex raptu piscium: quos ob nimiam multitudinem diminueri non sufficiunt homines etiam innumerabiles, nisi concurrerit adjutorium rapacium bestiarum. Adeo natura ludit in rebus, abundantia vel defectu sagacissime temperandis. Abundant etiam ibidem accipitres, & milvi, ac corvi, ob aquaticarum avium segnitiam, ac tardum volatum: quia nimium fertilitate fundi saginantur.

CAP. XI.

De Hirundinibus ab aquis extractis.

ET si multarum naturalium rerum scriptores memoriae prodiderunt, hirundines mutare stationes, hoc est, exurgente le-

vi hyeme repetere terras calidiores : attamen in Septentrionalibus aquis sæpius casu piscatoris extrahuntur hirundines, in modum conglomeratæ mæssæ : quæ ore ad os, & ala ad alam, & pede ad pedem post principium autumnii sese inter cannas descensuræ colligarunt. Notatum enim est, eas eo tempore, suavissimo completo cantu, taliter descendere, & pacifice post principium veris inde evolare, atque repetere vetustos nidos, vel novos naturali sollicitudine fabricare. Massa autem illa per imperitos adolescentes (nam antiqui & experti piscatores eam remittunt) extracta atque in æstuarium portata, caloris accessu hirundines resolutæ, volare quidem incipiunt, sed exiguo tempore durant : quia immatura acceleratione non liberæ sed captivæ sunt reductæ. Accidit etiam tempore verno, libere revertentes, nidosque veteres intrantes, aut novos construentes, superveniente horrida hyeme cum denso casu nivium, omnes pariter emori, ut nullæ in tectis, aut fluminum ripis, tota ea æstate videantur, præter paucissimas, tardius à profundioribus aquis ascendentes, aut aliunde peregrinantes, quæ naturæ beneficio sobolem reparaturæ, hyeme penitus in Maio soluta, advolare cernuntur. Agricola enim ex earum nidis sublimius

Altius vel depressius ædificatis, prognosticum capiunt, an in vallibus, an in montibus, vel collibus, (propter imbrium incrementum, vel decrementum) sint seminaturi. Imo nec bonum omen capiunt incolæ ex testis, ubi hirundines habitare perhorrescunt: quia ea culmina casura creduntur.

CAP. XII.

De avibus sub nive reclusis.

SUNT in Septentrionalibus terris galli sylvestres, quantitate similes phasianis, licet multo brevior cauda; & absoluta nigritie in toto corpore, & candentibus aliquot pennæ in extremitate alarum & caudarum. Mares rubra & eminenti crista, foeminae vero humili ac lata, colore griseo decorantur. Hæ aves mirabili natura sustinent frigus immensum in nemoribus, uti anates in aquis. Verum cum nives instar collium terre superficiem ubique cooperiunt, ramosque arborum diutius deprimunt, & condensant, certos fructus betulae arboris (*Gatulæ* Italice dictæ) in forma longi piperis vorant & glutunt indigestos: idque tanta aviditate ac quantitate, ut repletum guttur toto corpore majus appareat. Deinde partitis agminibus sese inter medios nivium colles immergunt,

præsertim in Ianuario, Febuario, Martio, quando nives & turbines, typhones, vel tempestates gravissimæ è nubibus descendunt. Cumque coopertæ sunt, penitusque, ut nulla videatur; conglobatæ, certis hebdomadis cibo in gutture collecto, egesto ac resumpto, vivunt. Venatorum canibus non produntur: attamen sagacitate expertorum venatorum sæpius evenit, ut canibus in odore errantibus, ipsi signis deprehensis maximum numerum vivarum avium comprehendant, extrahantque ad magnum lucrum. Sed id fieri oportebit celeriter: quia audito canum latratu, mox vigore alarum (non secus ac agmina apum) erumpunt, & se in sublime efferunt. Quod si præsentunt nivem imminere maiorem, prædicto fructu iterum devorato, aliud domicilium captant, inque eo manent usque ad finem Martii, vel celerioris resolutionis nivium, Sole Arietem egrediente: tunc enim nive liquefacta, naturæ instinctu (ut multæ aliæ aves) è latebris surgunt, ova pullosque producturæ: & hoc in montibus, ubi vepres sunt, & arbores densi. Mares & fœminæ vicissim ova incubant, & uterque pullos observat, & præsertim mas ne ab aquila vel vulpe rapiantur.

CAP. XIII.

De venatione earum extra nives.

HÆ aves in maxima turba congregatæ volant, atque in altis arboribus, præsertim betulinis manent: nec descendunt, nisi propagationis causa, quia in earum arborum summitate habent sufficiens nutrimentum. Et eo viso, scilicet quod sese dilatant per campos, etiam nive repletos, venatores sive rustici, ad quos rura spectant, baculis seu fustibus longitudine VIII. vel X. pedum obliquo situ è terra supra nives erectis è quorum summitate dependet laqueus ad omnem tactum mobilis, venantur hujusmodi aves: quia in congressu naturæ mire saltant, uti perdices currunt: & ita incidunt in laqueos, atque pendent manent. Cumque una funiculo videtur suspensa, alię eam liberaturæ advolant, & similibus laqueis irretiuntur. Est etiam alius modus eas capiendi, videlicet sagittis sub umbra equorum, ut minus insidias valeant præcavere. Tempore autem propagationis incessibili garrulitate alterutrum se superare volentes canunt, mares præsertim, ut longo latoque spatio per omnes sylvas audiantur: seque frequentius produnt. Est etiam alia avium

species, Bonosa dicta, carnes habens exterius nigras, interius albas, satis delicatas & sapidas more perdicum, licet sint magnitudine phasianorum. Tempore coitus masculus hianti ore currit, donec spumet: tunc foemina occurrens spumam recipit, indeque videtur concipere & parere ova, atque educere pullos. Carnes vero supradictarum avium, sylvestrium scilicet gallorum, sunt admodum dulces & temperatae, ut caponum: & ob id ingeniose, hyeme scilicet laqueis, & æstate sagittis capiuntur.

CAP. XIV.

De nivalibus Aviculis.

EST præterea admiranda quarundam avium Aquilonarium natura, quod in sylvarum solitudine ita sese contineant, ut ibi genitæ humanis habitaculis nunquam vel raro appropinquent. Sturnorum magnitudinem & colorem æstate habent: hyeme vero multiplicatis nivibus semper candidæ apparent, veluti cygni. Pedes earum rubei, ut nigrarum ciconiarum: sed rostrum croceo colore decorum, brevè tamen & acutum. Cibus earum, ut cæterarum avium, vermiculi inter cortices rimosarum arborum latitantes, vel aridi pinorum, aut abietum,

tum, aut coryli fructus: quæ etiam sub asperissima hyeme vim nutrimenti non amittunt. Sed difficile capiuntur retibus, laqueis, arcubus, aut balistis, ob nivium profunditatem, quum pulchriorem colorem habeant quam saporem. Ubi vero alites prædictæ concavitates nivium, veluti abditas specus fortitæ fuerint, eas ingrediuntur, sese balneantes, uti pulvere gallus, vel sturnus arena: deinde cacumina arborum nivibus oppressarum repetunt, tanquam locum naturæ beneficio majorem voluptatem administraturum, imo & necessitatem, ut eminentius præcaveant insidias importunas accipitrum: quibus visis se in medias nives intrudunt, ut passeret contra milvum inter spinas, & demum nivibus consumptis, inter arbores densas tempore veris. Quando ab albedine in cinereum colorem naturali varietate transeunt, vitam degunt placidam, nullum inter rapaces alites accipitre minore sentientes hostem severiorem.

C A P. XV.

De ponderosis Nivibus, & Culicibus hyemalibus.

HÆcque nivium magna pressura continue durat, usque quo Solis ascensu &

Austrino vento consumitur. Deinde post
tantum tamque diuturnum naturæ certamen, redivivo humore arbores incurvatæ,
ad pristinam libertatem & decorum resurgunt, eo eminentius in sublime tendentes,
quo terra, nivium humore resoluta, majori fertilitate fuerit impinguata: quod & agricolis pro liberaliori commodo cedit. Resolutione enim nivium agri fecundiores redduntur, citiusque germinant, quam quivis alii agri diligentissimo labore præparati. Similiter & prata ac pascua tantum luxuriant graminum ubertate & diversitate, ut necessarium sit inde arcere jumenta, ne nimio herbarum esu crepent, aut debilitentur: imo, ubi prata sunt, falcibus sæpe truncare herbas. Accedit præterea aliud naturæ potentum versus Septentrionem, quomodo in plerisque locis penes terrarum calida spiracula minutuli culices generantur, Austroque flante modicum à terra elewantur, & innumerabili agmine supra nives turbato volatu moventur; & sicut nulli sunt molesti, ita unico flatu venti Borealis asperi, veluti hemerobii extinguuntur. Sed tamen rediens Auster novos producit ex eisdem cavernis & similibus, ut plurima pars hyemalis etiam culices videat in aëre perstreperantes. Licet autem flaccescant arbores nivium.

vium densitate, & teneriam nimio pondere more arcuum deprimantur, atque plures arbores pronæ in terram inclinentur: tamen sub eis, tanquam in opacis locis, irigdo vento liberis, habitant diversæ bestiae in maxima securitate. Sed nec silendum est, itinerantes sub his incurvatis arboribus, tanquam fornicibus, perficere vias suas: leves tamen ictus casu nivium aliquando sustinere.

CAP. XVI.

De ovis insularibus diversarum avium

Quia aquatilibus avibus tutum minimè est, ova ponere in terra firma, aut pullos producere longe ab aquis, propter noxas bestias, vulpeculas scilicet & mustelas: ideo naturæ instinctu insulis (quarum infinitus in Aquilone numerus est) & rupibus, fruticum germine denudatis, maximo agmine ac numero diversi generis cohabitant; nidosque earum aliquæ in nudo silice, aliquæ tortis aridisque stipulis, vel gramine sicco reponunt, ovaque innumera pariunt: quæ quibuscunque navigantibus libere cedunt occupanda, ita ut maxima vasa colligant, & in forum vendenda comportent, aut sale (corticibus exuta) ad do-

mesticum cibum, non ingratum, longo tempore servant: bonique saporis sunt, licet à feris accepta. Anas tamen in terra prope aquas aut insulas educit pullos. Inter eas aves fulica aquatica est, nigri coloris, de genere mergorum, anate minor: quæ in mari & circa stagna habitat, non vagabunda, sed permanens in loco suæ generationis. Cadaveribus vescitur piscium à rapacibus avibus dimissorum: præter quos ipsa insidiosè inter rupes alios venatur: è quibus vice versa cæteris avibus magna liberalitate escam partitur. Tempestatibus gaudet, eo quod ludendo se submergit, & enatat. Matutino clangore tempestatem præfagit.

CAP. XVII.

Aulus de ovibus certarum avium.

IN littoribus Norvegicis etiam sunt innumerabiles insulæ, usque ad suppolares terras progredientes: in quibus uti plurimæ aves alibi non reperibiles sunt, ita & ova producunt innumera: quæ occupantibus cedunt. Sed unum est cæteris spectaculis mirabilius, quod gallina ex anatum ovibus pariter & propriis pullos producens, proprio foetu secum gaudet in fricatione ventris cubatione fatigari: alterum vero aquis se immer-

mergentem vocat ad escam, qui nec matrem agnoscit etiam vociferantem.

CAP. XVIII.

De Pavonibus.

IN Ostrogothia, & Vestrogothia, ac Suecia, plures generantur Pavones, & maxima diligentia educantur, ita ut primis diebus farina hordeacea in modum pilularum confecta vescantur: postea caseo recenti è lacte expresso, (nam serum nocet) deinde xxxv. die evoluti, hordeo solido nutriuntur ac ultimo in apertis agris & campis: ubi naturæ instinctu se ipsos liberius sustentare possunt, præcipue ubi vulpes non habeant ad eos accessum. Quod autem cæteris avibus diligentius fovetur, causam præstat utilitas & pulchritudo pennarum, quam pictores & textores Aquilonarium terrarum in colorum varietate distinguenda imitantur, quum magnorum artificum picturæ raro, ob itineris prolixitatem, a remotis terris afferantur.

CAP. XIX.

De avibus ignoti nominis in Lacu albo.

LAcus albus inter Scricfinnos, & Biar-mos, ac Moscovitas, versus polum Arcticum

cticum situs, dominiorum & gentium terminos habet: longus & latus, adeoque piscosus, ut quibusvis piscatoribus, æstivo præsertim tempore, exhibeat se sine sui diminutione liberalem. Quare ad eum multæ gentes accedunt, domesticam provisionem ex ejus abundantia facturæ in totum annum. In eo lacu, & penes eum, habitant infinitæ species avium, continuum garritum fere sex mensibus sub clarissima luce dierum ac noctium, usque ad grave fastidium emittentium. Quædamque earum ignoti nominis sunt, & maxime mollium plumarum, ut incolæ ejus venantes, exinde acquirant ingentem quæstum. Opus enim est in his regionibus frigidissimis pro arcendo gelu, uti plumis, & mollibus lectis, præcipue pro adventitiis viatoribus, qui talibus asperitatibus non sunt assueti. Cernuntur hic diversorum hominum habitus, in navibus (*Strudzar* & *Haapar* dictis) Moscovitarum scilicet Finnorum, & Scricfinnorum, quibus stante regionum pace, pacifica est compiscatio ineunda, ut nulli (quod mirum est) injuria pro quæstu seu captura piscium aut avium irrogetur: nisi furto (quod raro accidit propter continuam lucem) aliquid ablatum fuerit, aut falsificatum. Gens enim illa Moscovitica more Græcorum astuta est,

82.

& varia in verbis. Videntur etiam aves Onocrotali, saccum sub gutture habentes, ne & deesse videatur inexplibilis avis: de qua suo loco, sicuti & corvo, & reliquis, non-nihil fuerat allegatum, Item in hoc lacu infiniti cygni, anates, & anseres reperiuntur.

CAP. XX.

De Avibus Alle Alle dictis.

EST in hoc lacu quoddam avium genus admodum frequens, imo & in aliis finibus maris Bothnici, ac Suecici, quod tempore æstivo nunquam intermissa voce clamat, *Alle, Alle*: unde propter hoc ubique ab incolis aves illæ *Alle Alle*, appellantur. In eo nanque lacu propter dulces aquas à calidis fontibus undique scaturientes multarum ac magnarum volucrum (prout ante dictum est) tanta multitudo reperitur, ut quasi spatiosa littora & flumina cooperire videantur, præcipue corvi marini, sive cornices anguillarum, morfices ac mergi, anates duarum specierum, & cygni, præterea minuta aquatilia infinita. Hos igitur corvos, & reliquas inexplibiles aves, venatores facilius ob gravem tardumque volatum, duobus vel quatuor cubitis super aquas elevatis, capiunt: eo videlicet modo, quod

in arctis scopulis, velut insularum januis, in utraque ripa hastis atra retia vel aqueo colore tincta appendunt: quæ trochleis sursum deorsumque repente mobilia redduntur, ut agmine magno advolaturas aves, depressis subitoque levatis in obliquum casum retibus involvant: quod necessitatio avibus illis evenit, ob gravem tardumque volatum, quem recto & lineari motu servant institutum: ita ut paucae periculum evadant. Etiam anates, aliæque aves, quandoque retibus hujusmodi subiiciuntur. Hæ igitur aves nigræ & pigræ, sive natantes, sive volantes, semper *Alle Alle* vociferantur, quod Latine sonat, Omnes, Omnes, etiam quando retibus sunt inclusæ: quam vocem irrisoriam sollicitus auceps interpretatur, quod nequaquam omnes habeat in sua potestate, neque unquam per retia quoque sexcenta sit habiturus. Sunt & hæ aves maxima multitudine in scopulis Sueciæ & Gothiæ superioris, licet non tanta, ut lacu prædicto, aliisque fluminibus huic vicinis. Capiuntur etiam aquaticæ aves in vasculis litoralium arborum, ramis per modum nidorum appensis: in quæ anates præcipue sese recipiunt, ad producendum ova & pullos, propter vulpeculas, à quibus in terra infestationem patiuntur. Item capiuntur & visco, præsertim parvulæ.

De Vpupis & aliis avium generibus.

VPupæ quando adSeptentrionales campos statotempore è regionibus alienis adveniunt, veris tempus accedere indicant. Avis gemitu plena & clamore, ob ovorum aut pullorum custodiam. Vulpes in herbis importuno clamore latitare indicat: ita & canes, ac cæteras bestias, ab omnibus locis abigendas exclamat. Bellum eis cum hirundinibus ac picis & monedulis est. In paludum tuberibus ova ponit, & pullos educit. Domesticata venando muscas domum purgat, etiam in murium raptu. Pluviam gemitu indicat: quod & nepæ campestres faciunt, cuculi equarum dictæ: quæ transverso volatu, citatoque forti sonitu, imbres ilico adesse præfagiunt. Item nepæ majores longissimis rostris pluviam adesse prædicunt: ita & pici arborum. Est etiam avis quæ pluvialis dicitur, perdicis magnitudine, variis pennis ornata, croceo, albo, nigroque distincta colore: hæc creditur solo aëre vivere, licet pinguis sit, & in ventre ejus nihil inveniatur. Hanc gravibus baculis venantur aucupes, quos altius in aërem ad deterrendum eam jactant, ut ita avem ad ima volantem, & fugientem, acquirant.

De Cuculo, & multiplici genere Picorum.

Est etiam in Aquilonaribus sylvis optatæ lætitiæ annunciatrix avis omnibus nota, Cuculus appellata, circa principium Maji erumpens in vocem sonoram: quam fere in finem mensis Julii continuat. Sed hoc in vastis nemoribus, ob inimicas aves, naturali odio eam in omnibus molestantes, eo quod & ipsa (Coccyx Græcè dicitur) aliis sit insidiosa. Nidum enim proprium non facit, sed in alienis, palumbis scilicet, alaudæ, vel passeris solitarii, ponit sua ova cubanda, & alterius labore producit pullos: qui ete-
sta exeuntes, pulchritudine, ut educuntur, provocant nutricem: quæ specie & forma impinguescentis sobolis gaudens, sætus suos damnat, atque absumi patitur, donec ab adulterino sætu evolaturo interimatur: & demum ipse Coccyx à suo genere, videlicet accipitre, dilaniatur. Præterea picorum genera plurima sunt in Aquilone, magnitudine monedularum asperissima hyeme in corticibus arborum quærentes victum: quorum aliqui nigerrimi sunt, rubeam habentes cristam, aliqui glauci, aliqui virides, aliqui vario colore respersi, signa asperioris hyemis venturæ gemitu prænunciantes.

OLAI MAGNI, GO-
THI, ARCHIEPISCO-
PI UPSALIENSIS,
De Piscibus,

EPITOME LIBRI XX.

C. A. P. I.

*De triplici Bothnia terra Septentrio-
nalis, & abundantissima ejus
piscatura.*

Bothnia, quæ sinum Gothicum si-
ve Suecicum ad Septentrionem
terminat, latissima est terra, di-
visa in tres magnas provincias,
Occidentalem, Aquilonarem, & Orienta-
lem. Qui Aquilonarem incolunt, piscatu
maxime vivunt: non quod agrum sterilem
habeant, sed quia tanta est his copia piscium
optimorum, ut in omnium necessariorum
rerum permutationem abunde sufficiat.
Suntque in omnibus rebus locupletes: si-
quidem ex Hispania ac Lusitania optimum
vinum, & sal ex Anglia, & Flandria pretio-
sum pannum: ex Germaniæ civitatibus va-
riam domorum suppellectilem & ornatum,
præ-

præter domesticum cultum : ex Suecia & Gothia triticum, siliginem, hordeum, & omne genus necessarii leguminis illuc navibus advectum, comparant. Omne littus, insula, sinus, amnis, rivulus, illic exuberantem piscium copiam toto anno, maxime tempore æstivo, quo omnia ibi amœnissima sunt, præbet. Insulæ circa maris littora plurimæ sunt, & graminibus, maximam recreandi delectationem exhibent. In arboribus avium diversi generis suavis concentus : piscium mira varietas, sese super undas ludendo efferentium : piscatorum maximus in omni loco proventus : nulla illic nociva belua in mari, nullum perniciosum reptile aut formidabile animal prope in terra : nullæ tenebræ tempore totius æstatis, nullus ardor solis : aër salubris, & temperatus : omnia ibi jucunda, quieta, & tranquilla. Verum quod magis mirum est, in tanta locorum & temporum amœnitate, ac licentia, nullum turpis lasciviæ facinus admittitur : castus & verecundus inter homines utriusque sexus conviæctus : nec incestus nec fornicatio, nec adulterium fit aut nominatur in illis : tantum enim valet lex Domini immaculata apud simplices illos populos, ut ipsorum castimonix multi in lege divina doctissimi cedere videantur.

Labitur ex montibus hujus Aquilonaris
 Bothniæ (id est , fundi maris) undosus &
 profundus amnis : qui duobus ostiis fertur
 in mare, relicto in medio brevè spatio , in
 quo fundatum est oppidum, quod Thorna,
 id est , turrata insula dicitur : cujus latitudi-
 nis elevatio est circiter 82. grad. longitud.
 42. Est autem hoc oppidum in loco pluri-
 mum amœno, & commodo situatum : nec
 aliud emporium frequentius in toto tractu
 suppolari, quam est hæc Thorna. Ad ipsam
 enim confluunt Russi albi, Lappones, Biar-
 mi, Bothnienses, Finni, Sueci, Tavaſti, Hel-
 ſingi, & complures alii, ex partibus Norve-
 giæ, per altissimos montes, & vastas solitu-
 dines, ac Jemphthiam regionem : & hi om-
 nes , partim oblongis naviculis, incitatissi-
 mis fluviorum casibus aptatis , partim cur-
 ribus domitorum rangiferorum utuntur,
 partim etiam pandis perticis , quibus con-
 spersa nivibus juga montium cito superant,
 celerique allapsu concurrunt, uti in princi-
 pio hujus voluminis explanatum reperitur.

CAP. II.

*De multitudine piscium hujus
 emporii.*

Comportati pisces diversarum specie-
 rum ex piscaturis superiorum flumi-
 num

num in hanc locum, mercatoribus longinquarum provinciarum rerum commutatione venundantur: & hoc in colligatis fasciculis quingentarum gravium librarum: quod pondus illic est usitatus: & præterea in maximis vasis sale conditi pisces, seu alio modo suavioris saporis conciliandi gratia fumigati. Ad hanc insulam frequentio-rem navigationem Holmenses, Aboenses, Raugmen- ses, & Eregrundenses, quotannis in maximo capi- endo lucro instituunt, ac mercimonia non pecuniarum numeratione, (eo quod gens illa nummos non æstimat) sed commutatione rerum necessariarum, prout libro quarto fuit enarratum, distrahunt. Et id quidem fit, quia ad hoc emporium, ob populi simplicitatem, ac credulitatem, plerumque à dolosis mercatoribus importata moneta, deprehensa sit falsa; vafro præsertim ingenio Moscovitarum, qui illuc circa æstivale solstitium (ut ego anno millesimo quingentesimo decimono- nono vidi) in magno numero, navigia in humeris aliquando inter distantes aquas portantes, concurrere solent. Sed dolus eorum cum detegitur, repentinam illico recipit ultionem.

CAP. III.

De piscatura Salmonum.

Vix alicubi in tota Europa uberior salmonum piscatura reperitur, quam in Bothnico mari versus Lappones, è quorum montibus & terris, vastissima flumina dulcium aquarum descendunt: contra quæ pulcherrimo spectaculo, quasi milites micantibus armis, sub solari æstu adscendere videntur salmones, tanto præsertim agmine, ut superiores montium aquæ prædam reservent piscatoribus suis. Dicitur nanque salmo à saltu: caudam enim ore replicat, & reflectit firmiter eam ore tenens, donec saltus agilitate locum abruptum contingat: ad quem tendens contra fluminis impetum, à proposito non desistit, quousque dulcibus aquis (quas avide desiderat) reficiatur: ac postea vicissim desiliendo, ad nota domicilia intra cavernosas rupes revertitur. Gaudet enim alternatim, salis, & dulcibus aquis. Crescit hic piseis in longitudine 6. vel 7. pedum, magno prævalens robore, sed ponderosus & gravis: omnisque quam habet agilitas, à potentia virtutis ejus est potius, quam à levitate corporis. Carnes ejus rubeæ sunt: quæ licet dulces & gra-
tae

12 sint : valde tamen satietatem cito manducantibus ingerunt : quod verum , si recentes avidius sumptæ. Dum vero sale condiuntur, gratiores æstimantur, ita ut magno pretio ac multitudine emptæ , ad superioris Germaniæ partes usque , primum navigiis, & demum curribus advehantur. Neque genus hoc piscium, quantumcunque capiatur, deficere videtur in loco nativo suo. Vidi enim ego circa æstivale solstitium extremis Bothniæ littoribus circa Thornam , adeo magnam eorum multitudinem capi , atque in tanto numero extrahi, ut fortissima retia rumperentur. Nititur enim hic piscis, dum sentit se retibus pressum, omnibus viribus se liberare , caudam ad os applicando, ut circulari saltu exillat : idque, licet tardus sit, & piger, ob suam pinguedinem, celerrime ostendit. Cor ejus extractum diutius omnium cordibus animalium movetur. In Rheno & Vistula , ac Duna , vel Dzuma prope Regiam in Livonia , magno pretio comparantur salmones : hique fumo queruo ad gratissimum saporem indurantur, prout generaliter fieri solet apud omnes aquas Septentrionales. In regionibus autem Ostrogothorum ac Vestrogothorum, etiam plurimi capiuntur. Flumina enim illic in plerisque locis 20. vel 30. pedum altitudine

ne

ne reperiuntur, maxime penes Vestrogothos in provincia *Vermelandia* dicta, quæ olim regio titulo decorabatur: ubi lacus dulcium aquarum, centum millibus passuum in longitudine, & 40. in latitudine patet, cui nomen *Vener* est: in quem 24. magna flumina à montibus Norvegiæ illabuntur, unum solum exitum versus Meridiem habentia: qui *Trolhetta*, id est, dæmonum capitium appellatur: In fluminibus illis recentibus in maxima copia salmones capiuntur: inque genere suo maxima producunt ova, cicerculas vel pisa in quantitate superantia, ac maculas nigras in cute resperfas habentia cum magno decore. Maximus denique horum piscium, ubicunque capiuntur, quæstus est, & adhibito ingenio capiendi major indies excrefcit.

C A P. IV.

De piscatura Vitulorum marinorum.

Quia in mari Bothnico & Finnonico maxima vitulorum marinorum, sive phocarum multitudo reperitur: idcirco naturam ejus, & demum venandi modum quem videram, paucis annectam. Vitulus marinus, qui & *Helcus* Latine dicitur, à similitudine terrestris vituli sortitur nomen,
ha-

habetque corpus durum & carnosum, ideoque difficulter interficitur, nisi elisis temporibus capitis. Vox ejus est, ut tauri: quatuor habet pedes, non autem auriculas: quia regimen vitæ ejus & mansio est in aqua. Si enim auriculas haberet, multum humorem susciperet, natationemque sibi in aqua prohiberet. Animal generat completum: parit ut homo omni tempore, sed maxime cum primis capris. Vitulus marinus pilo vestitus, averso costu, ut canis, invitus adhæret: parit animal in terra more pecudum, nunquam tamen plures geminis foetus, licet author de natura rerum dicat, tres. Foetus non ante duodecimum diem à partu in mare producit, subinde assuefaciens. Ipsi in somno mugitus, unde nomen vituli. Accipiunt tamen disciplinam, voceque pariter & visu populum salutant, incondito fremitu: nomine vocati respondent: Nullum animal graviore somno premitur. Pinnis, quibus in mari utuntur, humi quoque pedum vice serpunt, sursum deorsumque claudicantium more se moventes. Pelles eorum etiam detractas corpori, sensum æquorum retinere traditur, semperque æstu maris recedente inhorrescere. Dextra pinna vim soporiferam; somnosque alliciendi, capiti subdita habet. Pavidum fulminum, tutissimam putant taber-

tabernacula è pellibus vitulorum marinarum confecta, eo quod solum hoc animal in æquore, ut aquila in æthere, à fulminis ictu immune est, & securum. Hoc animal, catulos mammis lactat.

CAP. V.

De modo piscandi eos, & eorum medicina.

Piscator mentita pelle nigra, cum longa hasta Ferro hamata, super glacie curvatus jacet, mugituque vitulum vocat. qui mox accedit, putans novam suscipere conjugem, propria interfecta: est enim super omnes beluas crudelior uxoricida, ut unam alteri superinducat, donec ab aliqua earum in defensione fuerit interemptus. verum non consortem, sed jaculum, non luxuriam, sed laqueum invenit, ut occidatur. Nam spiculum per hastam immissum, manet in corpore, donec debilitata belua ex suscepto vulnere, per funem attrahatur. Capitur etiam dormiens, præsertim humano mucrone, quia profundissime dormit, ut & alii quidam pisces, de quibus infra de *Rosmarino* dicetur. Canicies, uti homini & equo, sic quoque vitulo marino accidi: senectutique reverentiam juniōres semper habent. Ubi enim in
sco-

scopulis 30. vel 40. vel plures dormiendo
 jacent, tanquam pecorum greges, fideliter
 notatum est, senes pariter & juniores seor-
 sum dormire: unde & seniore in aquas de-
 scendente, nec unus è toto grege in scopulo
 montano, lato, vel in glaciei parte natante,
 remanet, nisi pariendi causa. Nam si mare
 turbatum in fluctus surrexerit, & pilus simi-
 liter erectus exurgit: si vero mare pacificum
 fuerit, pilus in planum sternitur: sicque ma-
 ris status in re insensata, & mortua depre-
 henditur. Bothnici nautæ prognosticon su-
 scipiunt ex vestitu proprio, de pellibus hu-
 jusmodi composito, an mare tranquillum,
 & prospera navigatio sit speranda, vel pe-
 riculum in mari subeundum.

CAP. VI.

Adhuc de virtute hujus bestiae.

Item bestiae hæc adeo animosæ sunt, ut an-
 dito tonitru, visoque fulmine ac corusca-
 tione, gaudentes ascendant planos monticu-
 los, sicuti ranæ exultant accessu pluviarum.
 Navigaturi Bothnienses, seu Aquilonares
 nautæ, versus Germaniam in asperrima hye-
 me, pinguedine hujus beluæ liniunt tabulas
 navium, ne glacie congelentur ad navis de-
 mersionem. Item pinguedo hæc, *Seeltraan*
 vul-

vulgariſter dicta, plurimum valet ad inun-
 gendum diverſa genera coriorum, & pel-
 lium, quas alutas appellant: unde caligæ
 molliores conficiuntur: quemadmodum
 videtur quomodo in Pruſſia hac pinguedine
 per aquarum rotas aluta præparatur, atque
 diſtrahendi gratia in Flandriam, & tandem
 in Italiam, Galliam ac Germaniam tranſ-
 portatur. Tergora etiam bovina, niſi unctæ
 fuerint hac pinguedine, vel ceti, non valent
 ad conficiendum ocreas viatorum in pluvia,
 eo quod arcet omnem humiditatem, &
 diutiſſime conſervat eas: nec mures hac
 pinguedine calceos vel ocreas unctas ro-
 dunt, aut lora equorum ad præſepia ligato-
 rum, ſicuti alia, ſcilicet bovina vel arietina
 pinguedine unctæ. Imo hoc bonum natura-
 liter ineſt huic corio, ut fulmine non tanga-
 tur, ubicunque fuerit alligatum.

CAP. VII.

*De perplexitate comedentium carnes
 huius Viuli tempore jejunii.*

CUM hoc animal carnem habeat, & la-
 ridum, more domesticorum porco-
 rum, nonnulli ſcrupuloſe ſe torquent, ne his
 ſcilicet interioribus carnibus veſcantur in
 Quadreſima, ea ſecuritate, ſicuti lardum

vel pinguedinem, quæ foris est, & avulsa carnem retinet sibi conjunctam. Quocirca rectoribus Ecclesiasticis hæc causa discutienda committi consuevit: dumque in unam & alteram partem physica ratione multa adduci probarique solent, nec satis concorditer diffiniri, simplicioris ingenii viri, multis posthabitis causis, in utranque partem prolatis, dicunt, & probant, ex ipso vitulo marino sumendam fore demonstrationem, hanc videlicet, ut cum partum fecerit in littore, si ad sylvas à venatore compulsa belua fugerit, abstinendum ejus esu erit tempore prohibito: si vero ad aquas, securissime ea vescendum erit. Et ita servatur, ut infinitæ hominum multitudines hac pinguedine utantur in opsoniis suis loco olei: atque ob eam causam carnes in maxima quantitate, veluti latera porcorum, in vasa recluduntur. Pinguedo tamen hujus vituli marini solidior, defertur ad amplam Germaniam.

CAP. VIII.

De Lupis, sive Lucis.

Sunt lacus dulcium aquarum in montanis Lapponiæ, 400. miliarium Italicorum longitudine, latitudine vero 100. & amplius:

plius: in quibus tanta est luporum aquatili-
 um (quanvis & aliorum piscium) copia,
 ut non solum alendis hominibus per qua-
 tuor amplissima Septentrionalia regna suf-
 ficiant, sed etiam latius, sale soleque siccati,
 navigiis velut lignorum magnæ strues in
 amplam Germaniam vendendi exporten-
 tur. Itidem de lacubus Finlandiæ censen-
 dum erit. Est igitur lupo, piscis fluviatilis,
 ore lato, dentibus acutissimis, minorum
 piscium devorator: cui tamen perca squa-
 mis & pinnis asperrimis armata resistit, ut
 sibi non prævaleat: tamen ex insidiis trans-
 versam percam, ore compressam lupo ipse
 minutim lacerat, & deglutit: adeo nullus,
 etiam armatus piscis, à voracitate ejus per-
 manet immunis. Vescitur lupo, seu lucio,
 bestiis venenosis, ut bufonibus, ranis, & hu-
 jusmodi: nihilominus ægrotantibus consi-
 lio medicorum deputatur inter sanos cibos.
 Retibus inclusus facillime evadit, si attra-
 hendo retia piscatores lento utuntur tractu:
 celerrime etenim retia attracta non evadit.
 Lupo hic aquatilis nominatur, & si fluvia-
 les apuas cibumque pro vita sufficientem
 habuerit, successu temporum ad longitudi-
 nem octo pedum evadet: piscemque fere
 ad sui magnitudinem vorat. Nam ubi vi-
 ctum subegerit caput primum ore come-

dit: quo digesto, paulatim sequentia, donec totum consumat. Pari quoque generi suo parcere recusat, vel ob naturalem crudelitatem, vel quia avidus est cibi, rapinæque impatiens. Præterea & propria semina persequitur, ubi induerint formam piscis, neque ab habentibus spinas acutas ac squamas aculeatas abstinet: stomachum namque habet ita gutturi continuatum, quod aliquando ejicit eum, aviditate glutienti piscem.

CAP. IX.

De ejusdem piscis captura.

FOemina hujus piscis cum ova spargit, multum à loco, ubi morari consuevit, abscedit, ibique ova parit, ut filii sui non sint sibi impedimento ad prædam capiendam: idque fit vel naturali crudelitate, vel rapinæ invidia. Capitur multis modis, hamo videlicet lato, ex aurichalco, vel rutilante ære ad hoc fabricato, cui appositus est piscis candidi coloris. Item furca ferrea dentata, sub tenebris ad ignem piceis accensum: quem quum avide miratur, ferreo furcæque percutitur. Insuper quando sub glacie ludit in fine Martii: tunc enim proiicit ova. tantum aquæ strepitum valido capitis motu ostendit, ut ultro

Ulro piscantibus signum suæ capturæ demon-
 straret. Domunculis etiam capitur, ex
 asserculis longis confectis, ac in arundine
 firmatis: quas ingressus grassatur in quosli-
 bet pisces devorandos. Proceres gulæ, qui
 holce pisces in piscinis pro claris hospitibus
 excipiendis, præcipue in Germania, servant,
 plus in eos singulo mense expendunt, quam
 in equos ad equestrem militiam enutrien-
 dos. Sexaginta enim lupi magni, mense uno
 plures pisces, quos carpiones vocant, aliunde
 quæsitos, pede humano longiores, piscinis
 immisos consumunt, quam alias equi de-
 cem in pabulo. Habent etiam nonnulli, ne-
 dum pro voluptate, sed domestico usu fa-
 bricatas penes aquarum littora lacunas, ubi
 piscium agmen sub libera captivitate luden-
 tum, & delectatione reficit animos intuen-
 tum, & hospitibus parat appetitum. Cur-
 runt avidi ad manus hominum, & ante-
 quam cibi fiant, escas experunt. Pascit homo
 delicias suas, & dum habet in potestaté
 quod capiat, frequenter evenit ut repletus
 omnia derelinquat. Lupi autem sale con-
 diti, longo tempore inter castrenses cibos
 servantur: Sed siccati Sole, sale, & vento,
 longe utiliores sunt: qui crudi, fuste vel mal-
 leo contusi, escam exhibent convenientem.
 Sale vero conditi viscositatem sibi annexam

etiamnum retinent. Dentes luporum combusti mediocriter, & in pulverem redacti, rupturas equorum sub ephippio, aspersi, atque membrana cooperti, continuo sanant.

CAP. X.

De piscatione per flammam.

Quia superius de furca ferrea dentata, qua lupi aquatiles facile capiuntur, mentio facta est: ideò prima virtus ejus erit hic ostendenda: quia ea, ob plures hamos, sagaces piscatores in captura luporum ac anguillarum præcipue utuntur, maximumque quæstum facilitate talium instrumentorum assequuntur: eo tamen modo, quo in lintribus monoxylis, aut duobus ex lignis confectis, in prora piceis tædis, quoniam tenebræ sunt, alacriori suscitata flamma, videant lupos & anguillas admirationis causa in magna multitudine accedentes, atque eos, ferro hoc hamato transfossos, ad usus suos retrahant. Quandoque etiam suppositis lignis grossioribus, in natantibus crustis glacialibus extructo igne, simili ferro, quasi in navicula starent, acquirunt pisces: qui ita stupidi redduntur, ut nullum adesse periculum putent. Similiter & frondibus in navigio

navigio erectis capiuntur, quibus pisces
 quiescendi gratia sese submitunt. Sæpe
 etiam accidit, ut sævientibus tonitruis, an-
 guillæ tanquam non securæ in gurgite, aquas
 exilire volentes, vel retibus vel hamis, vel
 cassibus, ac ligneis ædificiis quadratis per-
 foratisque, in maximo numero capiantur:
 Et hinc est major incolarum proventus,
 quando tonante cœlo ab antris excitantur
 anguillæ, alias difficulter exituræ. Item ap-
 penso sufficientis ponderis saxo, cuneata
 vasa lignea perforata, culmis pisorum reple-
 ta, & ad fundum usque demersa, pro ingres-
 suris piscibus servant. Nec frustra: alligatis
 enim funibus extrahuntur ad summum us-
 que repleta. Is modus est noviter inven-
 tus, & mirè lucrosus. In hyeme latent in
 limo profundo, ubi stagna non congelan-
 tur: quæ si totaliter glacie constricta fuerint,
 simul omnes respiraculum ab aëre non ha-
 bentes, pariter suffocatæ moriuntur, prout
 alias vidi, & infra de glaciali piscatura dice-
 tur. Diu etiam, scilicet sex diebus, anguillæ
 extra aquas, præsertim Borea flante, in agris
 pisis consitis vivere solent: sed sabulo, vel
 cinere sparso, inde egredi non possunt. Mi-
 rè delectantur sub frumentariis molendi-
 nis, ob dulcedinem farinæ minutatim de-
 scendentis. Maxima anguillarum multitudo

in Aquilonaribus terris reperitur, tam sale conditarum, quam fumo siccatarum; & hæ crudæ comeduntur.

CAP. XI.

De æstiva piscatione, & aucupio.

DUO præcipue observare solent providi piscatores, ut in aurora ante Solis ortum, quando visus piscium maxime fallitur, gregatimque cibaria quærunt, cum magno silentio piscari possint. Eliguntur ad hoc perficiendum aridi fungi berulini ligni, quos maximos ea regio gignit: qui per vadofas aquas projiciuntur, ut vagantes aves sint securiores. Auceps autem magno fungo, uti galea, caput contestus, ac mento tenus stagnum ingressus, insidias eis ut struat, ad volucrum natantium agmen progreditur: hæ viso fungo capiti aucupis imposito, persuasum sibi habentes, unum esse ex reliquis natantibus, appropinquantes manu ipsius aucupis intercipiuntur: & ita successive plures accedunt, similiter interficiendæ. Nam auceps ex terra sensim manu, volucrem incautam cæco raptu pedibus prehendit & demersam subtrahit in manticam ad id præparatam. Cæteræ volucres sua sponte subnatasse comitem arbitrata, quærendi victus causa

causa (uti solent) nil sollicitæ, omnes suum
 iter prosequuntur, ut sic in aucupis & ipsæ
 manus cadant. Quod autem altera manu
 amplo casse piscatur, non frustra agit: quip-
 pe aqua pedibus ejus turbata, piscium ocu-
 los, alioquin debiles, debilissimos facit, ad-
 coque incautos reddit, ut ultro in retia ten-
 dant. Præterea hamo post tergum bra-
 chiumque longo fune dimisso, non impor-
 tune piscatur. Ubique etenim tanta pi-
 scium occurrit multitudo, ut quibuscunque
 piscatoriis instrumentis, etiam singulis
 membris applicatis, facillime capiantur,
 maxime in sinibus maris, & fluminibus,
 quo magna societate se recipiunt pisces, ut
 tranquillius, tempestatibus liberati, ac se-
 curiores degant. Sed nullibi tuti, ubi hu-
 mano ingenio poterunt deprehendi.

CAP. XII.

Adhuc de ingeniosa piscatione.

Est & alius modus piscandi sonoris insi-
 diis inventus, quum constet, plurimos
 pisces sensum auditus habere, ut soni dul-
 cedine rapantur. Retia tenduntur in lon-
 gum aquæ vel in transversum, & ante retia
 super aquis instrumentum instar arcus, ita
 ut fluitet super undas: in superiori autem

hujus arcus parte nola seu campanula suspenditur. Ob cujus sonum pisces gregatim adveniunt, tinnitum nolæ mirantes: unde apertis insidiis capiuntur. Nec pigeat unum referre casum, quem vidi: Citharædum videlicet aperto mari cithara acuto sono canentem, plurimos allexisse delphinos. Qui postquam spatio unius horæ sonum in tranquillissimo mari (ubi nec festuca ventis movebatur) audierant, flatu caudaque tubarunt aquas: cumque abiissent, signum gratitudinis forte monstrantes, extemplo sequutæ sunt tempestates tam horrendæ, tamque sævæ, ut vix vita ex adeo magno periculo liberari potuerit. Quidam etiam pisces filis alligant vivos, filaque per longum & latum trahunt, ut majores ob prædam & voracitatem grassantes reti circunveniant. Quidam etiam fossas faciunt, juxta Fluminis ripas, ut aqua ingreditur, tabulisque obstruunt, ut pisces quietem capturi ibi delitescant: qui deinde per insidias rapiuntur: idque frequentius autumno, quam æstate contingit, propter sæviores tempestates. Quidam etiam ponunt oblongas cuneatasque sēpes, ex saxis lignisque congestas in modum pyramidalem, ad medium fluminis usque: ne tamen vicinis publi-

publicus piscium meatus, qui per medium flumen protenditur, venaque regia hujus gentis appellatione nuncupatur, omnino occludatur, atque sic in orificio pyramidalis, ubi nassa depressa ac extensa manet, comprehendatur.

CAP. XIII.

De glaciali piscatura.

HIC modus ostenditur diversus, qualiter sub glacie capiuntur pisces, *Borbocha* dicti, seu Lake vulgari gentis idiomate appellati: quos piscatores sub tenui glacie visos, ictu gravis mallei stupefactos, subtus sistere cogunt, atque supinato motu pervertere ventrem, ut glacie perforata eos apprehendant semivivos. Et hic modus circa solstitium hyemale frequentius usu venire solet. Est & alius modus piscandi sub glacie, cæteris communior, per hamos: quibus pisciculi alligati, majores sui dulcedine invitant ad rapinam, lupos præsertim, qui reliquis piscibus perhibentur magis insatiabiles. Mittitur subtilis funis 60. vel 100. passuum, inter duo foramina longe directeque distantia, per noctem integram, sub glacie cum hamis plurimis dependentibus.

permanens : quem quum piscatores sequenti die vicissim extrahunt, miram piscium multitudinem consequuntur : hique pisces varii sunt, & ut plurimum valde pingues, propter meliorem pastum, & tutiorem quietem, quam obtinent in frigidis locis, præsertim in lacubus degentes. Masculi quidem foeminis sunt pinguiores, præter halecem, ut in fine dicitur.

CAP. XIV.

De piscatura equestrium piscatorum.

Modus hic piscandi supra glaciem, in magnis lacubus, & dulcibus aquis, ac sinibus salis maris, singulo quoque anno à mense Novembri in finem Martii, & amplius, quoties opus fuerit, pro multitudine piscium capiendorum, observatur. Sive enim glacies spissa, sive nive cooperta, sive clara, sive lubrica, prout frigore constricta, apparuerit, aut quomodocunque natura eam produxerit, nunquam deest ingenium, aut voluntas publicæ utilitati in necessariis rebus fideliter inserviendi. Ita frigus & æstus pariter æquo animo tolerant populi Septentrionales. Pro calcanda vero glacie, calcis tabulatis utrisque pedibus congruentibus, ferreæ cuspidis triangulares, æqualiter in

in glaciem lubricam cuspidibus versis alligantur : quo fit, ut ad omnem motum solidior figatur gressus, quemadmodum in firma terra. Si ferrum non adsit, nudis sotalibus sine cadendi formidine firmiter gradiuntur piscatores. In calceis vero corii uncti, nequaquam stabiliuntur pedes, propter gelu, quod corium huiusmodi illico induratum in glaciale lubricitatem convertit : maxime si rara nix unius noctis, aut mediæ, super glaciem sit respersa : quia hæc improvisum reddit casum in momento. Alta vero, siue spissa, vestigiis solidiorem incessum & cursum permittit. Volentes igitur piscari sub glacie, duo magna foramina, latitudine 8. vel 10. pedum, centum & quinquaginta, vel 200. passibus à se invicem directè distantia, aperiunt : inter quæ 30. vel 40. minora foramina, latitudine unius pedis & semis, ab utroque latere distantia 30. pedum, intermedia constituunt : tum per ea à primo grandi foramine immisos funes hastis longis sub glacie dirigunt, directisque ad alterum magnum foramen, extremas horum funium partes sessoribus equorum extrahendos committunt : injunguntque, ut eo velocius equos ad trahendum incitent, quo magis retia ad exitum properare videntur, ne pisces captos se sent-

sentientes, maxime lupi, impetuoso strepitu retia frangant, & evadant. Et sic extrahuntur plerunque pulcherrimo spectaculo, adeoque grandi multitudine, diversi generis pisces, ut non libra (cujus usus ibi non est) sed integris plaustrorum magnorumque vasorum mensuris dividantur.

CAP. XV.

De cursu glaciali pro piscibus, & cur tam saepe piscatura instituat.

Accidit plerunque, ut in tanta multitudine piscium, viri juvenes pecuniam non habentes, à piscatoribus gratiam & favorem obtineant, quo celeritate glacialis cursus, posita meta longissima in lubrica glacie, al quam piscium quantitatem, stadio completo, assequi sua fortuna valeant. Nec eis negatur, quod honeste vel laboribus meruerant, vel alia liberalitate eisdem sit ultro concedendum. Communiter xx. vel xxx. pisces (qui forte totidem florenos valerent Romæ) proponuntur eisdem lucrandi. Quod autem tanto labore & industria sub glacie sit piscandum, multiplex ratio urget, tempus scilicet propagationis piscium, quorum plura genera in asperissimo frigore ova emittunt: qui societate plu-
res

res pisces, non naturali amicitia sibi con-
 junctos, sed tanquam suorum ovorum de-
 voratores habent. Utilitas etiam, & ne-
 cessitas publica urget, ut de abundantia pi-
 scium populo provideatur: naturaque pi-
 scium exigit: qui nisi glacie perforata re-
 spiracula susciperent, quotquot in flumine
 vel stagno versantur, subito morerentur.
 Pisces longi miro modo impinguantur ven-
 to Septentrionali, quemadmodum lati au-
 ra Meridionali. Neque uno solo lacu, sed
 fere in omnibus, tempore hyemis fit hæc
 vel similis piscatio glacialis, maxime in am-
 plioribus stagnis, ut sunt *Meler, Vener, &*
Vether, lacus recentes: tempusque hi de-
 monstrant naturali sua proprietate, quo tu-
 to in eis piscatio fieri non possit. Vether
 autem præcipue suam naturam hominibus,
 ne ob hoc grave aliquod periculum incur-
 rant, significat: tempore enim resolutio-
 nis glacierum, vehementissimo strepitu in-
 cipit ebullire, & à fundo commoveri; ma-
 gnaque violentia rumpi in parvas rimas, vel
 scissuras, quæ plerunque sunt in glacie: &
 has in modico temporis spatio valde latas
 faciens. Licet autem tunc glaciæ in densi-
 tate etiamnum plus, quam palmas sex vel
 septem habeat: tamen cooperante supe-
 riore impetu venti, tota in plures particu-
 las.

las dividitur, ita ut multi pedestres vel equestres super ipsam existentes, sæpius submergantur, si ejus naturam ignorent, aut negligant, celerrime fugiendo ad littus, servare vitam, vel saltem audita & visa horribili glacierum collisione, majori particulæ natanti adhærere, quæ vi ventorum celerrius jactatur ad littus.

CAP. XVI.

De mirabili eventu glacialis stagni.

Vether.

Ruricola quidam plaustrum fœni ex adversa parte hujus lacus (Italicorum miliarium **xvi**, in latitudine, longitudine vero **lx**. habentis) in aliud littus transvecturus, audivit crepitum fieri, atque glaciem in rimas exiguas paulatim rumpi. Quocirca intelligens naturam ejus, cito viscerum inferiorum urgente impetu, illam ruptum iri, ac fuga opus esse, ut quam celerrime suæ consularet saluti: relicto plaustro fœni, equis citatis velocissime festinavit ad proximum littus. Quod quatuor armati equites retro eum constituti videntes, hunc celerrime (quasi furem, aut latronem, propter eorum accessum præ nimio terrore fugientem) velocissimeque insequuntur, atque

que in litore apprehendunt : & causa intellecta , quod ob crepitum glaciei mox resolvendæ , secundum experientiam ejus , ac nullum maleficium , aufugisset , valde latati sunt , se præter suam intentionem , atque etiam industriam , à suffocatione liberatos fuisse . Unde & rusticus ille eisdem in litore demonstravit , plaustrum suum non in glacie , sed apertissima aqua natare : quod & illis periclitantibus (nisi quam citissime aufugissent) evenisset . Per hunc lacum qualitercunque congelatum , ab Ostrogothis ad Vestrogothos , & econtra , solet fieri iter . sed nunquam fortunatum equestribus turmis , qui terris illis hostilia arma meditantur inferre . Neque etiam in vicino nemore amplissimo , *Holveden* vulgariter dicto , felicia auspicia senserunt , videlicet cum Danica temeritas ibidem sæpius tentaverit vires suas demonstrare : quæ prima sepulchra eodem in loco invenit , ne ad ulteriora tormenta procedere opus haberet . Demum hic gregario Danorum militi , Ostrogothorum exercitus prima stipendia ferro numerare consuevit .

*De Piscibus nigri fluminis ad Arcem
novam in Finlandia.*

ARx est in extremis terris Finlandiæ sup-
polaris, regno Sueciæ subiecta, Nova
arx dicta, eo quod miris ingeniis extructa,
arte naturaque munita sit: nam in rotun-
do monte collocata est, unicum habens in-
troitum & exitum versus Occidentalem
partem: idque per ratem grandibus catenis
ferreis alligatam, quæ forti labore singulis
diebus trochlearum beneficio, ob aquarum
impetum, per noctem à custodibus Regis
Sueciæ deputatis, vel feudum ibi tenenti-
bus, ad unam partem fluminis attrahitur.
Hoc castrum præterlabitur vastissimus flu-
vius, inscrutabilis profunditatis, ex albo lacu
ortus, successiveque descendens: à fundo,
nigri coloris efficitur, præsertim in circuitu
hujus arcis, ubi omnes pisces nigros habet,
& generat, non tamen ingrato sapore exi-
stimatos, ut sunt salmones, trutæ, percæ,
lupi, & cæteri de genere mollium piscium.
Producit etiam trebium piscem, æstare ni-
grum, ac hyeme candidum, qui (ut Alberto
libro xxiv. placet) in Oceano efficitur ma-
cer, & cum pedalis sit, pinguedinem habet
quinque digitorum: quæ sale condita, au-
rum

rum ex aquis, quamvis in profundissimas deciderit, extrahit, & de fundo facit fluctuare. Tandem vero nigrum lacum efficit, transiens per Viburgum, quemadmodum Nilus nigrum flumen facit, ubi se exonerat.

CAP. XVIII.

De portentoso Citharædo huius fluminis.

QUOD autem superius cernitur imago instar citharædi modulantis in mediis undis, portentum signat, videlicet, quod arcis præfectus, vel capitaneus in fata subito ruet, aut è sublimibus muris negligens & somnolentus custos (castrensi lege) moribundus præcipitabitur. Interea aqua hæc à spectris ac monstris omni tempore apparentibus haud est immunis. Audiuntur & cantus tiliarum, & tinnitus cymbalorum, per oram maritimam.

CAP. XIX.

De piscibus diversorum generum.

Miram diversorum piscium multitudinem circumquaque per Aquilonaria littora inveniri, variæ eorum ac dissimiles figuræ

figuræ ostendunt, quorum usus, nomina, naturæ, & proprietates, nec apud Philosophos, nec alias nationes reperiuntur. Ut pisciculi forma, palmam longitudine non excedens, leporinam faciem ac spicula in dorso habens, qui quolibet etiam magnos pisces solo aspectu terret, & in fugam convertit. Deinde pisces aculeati dorfi, instar ferræ, qui asperis illis aculeis, ac pinnis acutis, antrorsum (dum nocere intendunt) admotis, omnes offendunt. Et hi duo tanquam aquarum & piscium latrones, ubi capiuntur, uti inutiles ob spinas & aculeos, & carnem inspidam, abjiciuntur. Sunt & pisces cornu in capite gerentes antrorsum, sicuti rostratæ vel Liburnicæ naves, in ventre ora habentes, macilentis & insipidi, ob corporis macritudinem, quam incurrunt, alios pisces persequendo. Pisces præterea arcuata figura, capitis bubalini ac soleæ ferreæ similitudinem habentes: In usu escarum plurimum frequentes, cum in grege electorum piscium ad cibum capiuntur. Qui vero electiores ex usitatis aliorum vocabulis reperiuntur, hi sunt. Aranetis piscis, spicula in brachiis habens, quibus appropinquantes percutit: etiam in dorso spinas altas, similiter nocivas. Aniger, bonarum & albarum carnum, rotundus & longus est, dul-

dulcisque saporis. Præmipisces pingues ac
 lati, & longi unius vel duorum pedum. Bor-
 bochæ pisces fluviatiles, & in lacubus de-
 gentes, breviores anguillis, sed magnis
 ventribus: profunda petentes, præterquam
 in hyeme, quando sub glacie (ut supra di-
 ctum est) malleo stupefacti capiuntur. Car-
 nem habent dulcem, pellem viscosam, non
 spissam, hepar magnum, rotundum & dul-
 cissimum. Evoluta duodecimo anno ma-
 ximus evadit, mutatque nomen, ac Solaris
 vocatur.

CAP. XX.

De piscibus salsis, siccatis & fumigatis.

TRactabimus jam de multiplici genere
 salforum, siccatorum, ac fumo indura-
 torum piscium, ea præsertim ratione, quod
 talibus cibis nutriuntur durissima illa cor-
 pora Septentrionalium: in primis siccis pi-
 scibus, ut lupis, mugilibus, præmīs, borbo-
 chis, & quos Gothice *Sijck* appellant: qui
 omnes ut strues lignorum, tum mensura
 cannarum, seu cubitorum, tum ponderum
 majorum, ut centenariorum, millenario-
 rum, ac eorum quæ vulgari Gothico *Schip-
 punt* appellantur, libramento communius
 venundantur. Aptandi itaque hi pisces esui
 hu-

humano, biduo, forti lixivio, ac uno die
 pura aqua, ut ad gratam mollitiem rede-
 ant, resolvuntur: deinde cocti, ac salso bu-
 tyro resperfi, mensis etiam principum, ut
 nutrimentum desiderabile & voluptuo-
 sum, imponuntur. Postea diversi generis
 recentes pisces cum siccis alternato ordine,
 & festivitate, opsoniis interpositis eduntur,
 præsertim in eorum symposiis & ædibus,
 qui luxum & felicitatem in esca reponunt.
 Reliqua hominum turba, cæli rigore sem-
 per urgetur, ut non quam delicata, sed quam
 fortia comedat, curam habeat. Quidem pi-
 sces malleis, ex robusto ligno apparatus,
 ante decoctionem fustigantur: quidam et-
 iam Sole saleque siccari, crudi tunduntur,
 ac manducantur: quos *Sijck* vulgari ser-
 mone vocant: suntque genere duplici, præ-
 sertim in mari Bothnico, in quod influunt
 maxima flumina ex altissimis montibus
 Norvegianis. Fumati pisces non infimam
 sortiuntur æstimationem, ut salmones, præ-
 smi, *sijck*, haleces, murænæ, mugiles, & bo-
 ctes, Salmonum tamen genus cæteros om-
 nes præcellit, eo quod vices omnium esca-
 rum sua bonitate supplet, tum quod ante
 quemlibet potum esus, gratum appetitum
 parat. Estque viatoribus grata & parata es-
 ca: crudi enim optimum saporem habent.

Idem

Idem de harengis assis, quas Germani *Buck-king* appellant, sentiendum est: quæ satis care à Romanis emuntur, & avidissime nullo generato fastidio (præter morem aliorum piscium) manducantur: navigiis vero Flandrorum per portus Hispaniarum in Urbem quotannis, nisi bella impendant, deferuntur. Sunt & Boctes, ac Orches, pisces fumigati, qui in esum genti Septentrionali conceduntur.

CAP. XXI.

De piscibus sale conditis.

SAlitis piscibus infinita gentium multitudo nutritur. Idem fere omnes qui vento ficcantur, aut fumo macerantur, etiam sale ut longius diutiusque interni saporis illæsi permaneant, condiuntur: ac æqua æstimatione, non libra, (ut dictum est) sed numero decadam, & quantitate, venundantur. Horum maximus & necessarius usus in castrorum obsidione, & classica pugna, attendi solet, quales sunt, harengæ, anguillæ, præsini, & quos in vulgari lingua *Torsck* appellamus. Si quis vero huiusmodi corruptos falsificaverit, aut vasis putridis conservandos crediderit, graviter à fisco multatus restituet pretium acceptum: & tales pisces

pisces in aquam projiciuntur, vel in publico foro comburuntur. In aquam autem per raro mittuntur, ne forte reliqui pisces boni sanique, fame urgente, his vescentes inficiantur. Integri vero pisces infinita multitudine signo magistratus appposito validantur, ut in remotas terras pro lucroso quæstu in vasis ad hoc fabricatis exportentur. Et ut omnia juste recteque fiant, jurati officiales, sicuti præfecti annonæ, ita & piscium pelliumque scrutatores ac æstimatores, sunt deputati.

CAP. XXII.

De Halece sive Harenga.

HAlec in littoribus Meridionalis Gothiæ terræ Schöningæ, veteri jure ad regnum pertinentis, sub principio autumnii in tanta multitudine plerumque capitur, & infinitis in vasis sale conditur, exportaturque, ut sufficiat, in salsamentorum genere, majori parti totius Europæ cibandæ. Congregantur enim illic super latic longasque ripas in domiciliis & tentoriis, spatio duorum mensium, ex omnibus vicinis nationibus diversæ sortis mercatores, pretio vel rerum commutatione hujusmodi halecem ementes, ut navigiis abducant. Evenit plerumque
ut

ut levissimo pretio comparari queat, ex
 maximo ejus accessu, quoniam tam vasta
 in multitudine littoribus offertur, quo non
 solum retia piscantium lacerentur, sed e-
 tiam in agmine illo bipennis vel lancea mi-
 litaris in medio piscium immissa firmetur:
 idque Regio fisco maximum in lucrum
 cedit. Lex enim gravibus vallata poenis,
 mercatoribus hujusmodi imposita est, ut
 ante omnia vectigali Regio soluto, ad sua
 abeuntes saluum conductum sive testimo-
 nium à Regio præfecto accipiant: duas qui-
 dem ob causas, tum quod licentia receden-
 di eis libera concessa sit, tum quod ad pro-
 pria revertentes, apertis documentis de-
 monstrare queant, nemini isto in loco, ubi
 tam piscaturam quam mercaturam exercu-
 ere, violentiam, injuriam, vel damnum in-
 tulisse. Capitur & halec, duobus aut tribus
 milliaribus ab eo loco: sed degener est in
 sapore & æstimatione, ac vilipenditur. Est
 etiam eodem tempore copiosissima halecis
 piscatura in littoribus Angliæ & Scotiæ;
 quæ per pisces Flandriæ instituitur: à
 quibus postea sortitur nomen, ut Romæ
 ille piscis delatus, halec Flandrorum appel-
 letur. Non tamen adeo pingue genus est
 piscium, licet longum & crassum, ob steri-
 lem fundum, & pastum minus uberem, ac

undarum conflictum, quemadmodum halec Septentrionale, quod propter gratum saponem ubique in majori pretio habetur.

CAP. XXIII.

De natura Halecis.

Cum unumquodque fere genus piscium marinarum habeat suum tempus, quo sit bonum & delectabile, hoc ab Augusto ad finem Octobris copiam sui præbet: gratique saporis tum temporis esse, cunctis qui eo vescuntur, notum relinquitur. Recenter captus delicatior videtur: salus autem in usus hominum, ultra quam alii pisces (præter salmones) integer durare potest. Omnium fere piscium solus aqua vivit. Ductus extra aquam, statim expirat, nulla mora inter aëris contactum & ejus expirationem, quando aqua extrahitur, visa. Oculi ejus instar luminis noctu lucent in mari: imo quod magis est, hujus piscis maximo motu, & reflexu vasti sui agminis, quasi fulgura & coruscationes per æquora excitata apparent, fulgura halecis communiter nuncupata. Ubique super aquas in mari lumen videt, gregatim adnatat, & hoc astu ad retia statim temporibus allicitur, quasi paratus ad capiendum, ut jussu Dei (qui dat escam in tem-

tempore opportuno) ad usum & nutrimentum infinitorum hominum rapiatur. Hyberno tempore in abdito maris ad consuetum terminum, usque dum capiatur, se abscondit. Appropinquat etiam littoribus propter contemplandos ignes copiosos, ante tentoria mercatorum accensos, veluti in militaribus castris. Est & hæc longitudine unius palmæ in mari Bothnico versus Thormam, quod non minus quam ante dictum, gratissimi est saporis & nutrimenti: atque hoc fere omni tempore capitur, maxime in æstate & autumnno, ac hyeme sub glacie. Tanta etiam multitudine post æqui-noctium autumnale capitur, quo funes retium scindere oporteat. Hic piscis non habet intestinum nisi jejunum, & ideo in ventre ejus nihil invenitur: tamen propter hoc sola aqua haud vivit, quemadmodum superius notatum est. In hoc genere piscium foemina, vulgi æstimatione carius emuntur, quia ova earum stomachum satiant, dum statotempore à piscibus abstinendum erit: quod & similiter aliorum piscium ova, ut salmonum, & quos Gothi *Sijck* vocant, faciunt. Denique mas & foemina eandem afferunt utilitatem, sale, Sole & vento siccati tanquam paratior esca ad præsentissimum usum. De

*Oceanum Codanumque videns, ubi
 Scandia diræ
 Haleces totum mittit piscosa per orbem.*

CAP. XXIV.

De piscinis, & semine piscium.

Sunt etiam in Aquilonaribus terris, qui piscinas pro singulari quorundam piscium quæstu extractas habent: quas aliquando emissis aquis desiccant, atque piscibus evacuant, ut nullo penitus relicto easdem pro alio genere imponendo evacuatæ relinquant: unde & reductis aquis, atque piscibus impositis novis, simul exoriuntur ex semine priorum piscium latente in limo, veteris speciei pisces, atque amplius cæteris immixtis adollescere deprehenduntur, Egyptiacis Nili piscibus non dissimiles, qui post annum à semine sparso, & in limo recedente aqua relicto, accessu redeuntis aquæ quasi infinita multitudine reviviscunt. Quidam etiam semen exenterando pisces receptum, in humido loco per hyemem custodiunt, ut tempore propagationis post vernale æquinoctium in aquas haud projiciunt, eo quod à piscibus famem patientibus,

bus, ob pigritiam quærendi victus, ilico devoraretur; prout plurimi tam malignæ naturæ sunt, ut vel propter præmissam rationem, vel odium proprii germinis augendi, vel luxuriam (ut in terrestribus animalibus dictum est) continuandam, vorent proprium semen. Hoc autem tam fertile genus, nisi in tam infinita multitudine inftar grani papaveris, vel milii, infinito numero de uno pisce emitteretur, non posset coalescere in aquis ad sustentandam humanam vitam. Cui optime, sed temperate, natura subvenit, ubi sunt homines voraciores, veluti in terris frigidis, (gelu cito urente, & consumente) ibi providit de majoribus beluis marinis: ubi vero graciles morantur populi, pisces ordinavit tenuiores.

LIBRI VIGESIMI FINIS.

OLAI MAGNI, GO-
THI, ARCHIEPISCO-
PI UPSALIENSIS,

De piscibus monstrosis,

EPITOME LIBRI XXI.

P R Æ F A T I O.

Spectaculum admirabile vastus Oceanus in suo gurgite cunctis nationibus offert. diversos partus ostendit, hosque non tam magnitudine & comparatione syderum mirabiles, quam forma minaces adducit, ut nec cælo, nec terra, aut ejus visceribus, aut domesticis instrumentis aliquid abscondi videatur, quod non adsit in sua profunditate retentum. In eo namque Oceano tam lato, supino, molli ac fertili accremento accipiente semina genitalia, sublimi semperque pariente natura, pleraque esse monstrifica reperiuntur: quæ perplexis, & in semet aliter atque aliter nunc statu nunc fluctu convolutis, ex se ac aliis principiis generare formas videntur, ut quicquid nascatur in ulla parte natura, etiam in mari
• esse

esse nobis persuasum habeamus, & per-
 quam multa, alibi nusquam reperibilia, i-
 bidem inveniri. Nec solum animalium si-
 mulachra mari inesse licet intelligere in-
 tumentibus, sed urnam quoque in eo, gla-
 dium, ferras, equorum capita in parvis
 cochleis eminere. Præterea spongas, urti-
 cas, stellas, lamias, milvos, monachos, vac-
 cas, lupos, erythinos, spondylos, mures, pas-
 seres, merulas, corvos, ranas, porcos, bo-
 ves, arietes, equos, asinos, canes, locustas,
 vitulos, arbores, rotas, cantharos, leones,
 aquilas, dracones, hirundines, & similes.
 E quibus quedam belua in terram exeunt,
 pastæque radices fruticum ac satorum re-
 meant: quedam Australi, & quedam A-
 quilonari vento hausto impinguescunt.

Sunt & belua in mari quasi hominis fi-
 guram imitantes, lugubres in cantu, ut Ne-
 reides: etiam marini homines, toto corpo-
 re absoluta similitudine, qui ascendere na-
 vigia nocturnis temporibus videntur: sta-
 timque degravari quas insederint partes
 compertum est, & si diutius permanent,
 etiam ipsæ naves merguntur. Imo per fi-
 delem Norvegicorum piscatorum assertio-
 nem addo, nisi tales capti ilico dimissi fue-
 rint, adeo seva tempestas exurgit, cum hor-
 rido planctu ejus generis hominum, ac

nonnullorum aliorum monstrorum ut cœlum ruere videatur : piscatoresque vite sue vix etiam summo labore succurrere, multo minus piscilus insidiari poterunt. Quocirca in tali casu piscaria lege cautum est, & observatur, ut monstrosi pisces taliter attracti, secundum figuræ varietatem, ilico abscissis hamatis funibus dimittantur.

CAP. I.

De piscatura periculosa in Norvegiano Oceano.

Periculosa piscatura in Norvegiano Oceano ob multiplices rationes dicitur, quia in aperto mari longissimo tractu à litote committitur. Diris tempestatibus oris, celerrime piscatores fluctibus obruuntur : tum fluitante mole maxima glacierum disperguntur: balænarum monstrorumque pugna in diversa dividuntur: denique horribili quorundam piscium seu monstrorum è gurgite extractorum forma, & attractu, in manibus enervantur, ac nisi eos ilico dimiserint, mota tempestate suffocantur. Si igitur quidam piscatorum temerarii, certamine commissio cum belua, eam intra navim (cucullati hominis formam habentem) indu-

induxerint, mox ululatu & strepitu soci-
 alium bestiarum obruti, nec hamos ad ca-
 pturam piscium proicere, nec remis labo-
 rare, vixque vela pro fuga arripienda, nisi
 monstrum dimiserint, expandere queunt.
 Hæc monstra etsi æque atque pisces electi
 (salpæ communiter dicti) in retibus appa-
 ruerint, tanquam inutiles eiiciuntur, sed e-
 lecti in navi reservantur, magnoque ven-
 duntur lucro, tum in loco ubi capiuntur,
 tum in vicinis Regnis, ac ultimis Germaniæ
 oris, Plura millia piscatorum in pagis ex-
 tremæ regionis Norvegiæ habitant, *Anda-
 nes*, *Trondanes*, *Duvanes*, *Gamblavick*,
Nyavick dictis, & aliis circumjacentibus
 terris apud *VYardabus*, id est, castrum si-
 ve domum præsidii totius regni. Mense Fe-
 bruario & Martio, imo & Januario, robu-
 stis navibus horum locorum incolæ piscan-
 di gratia à littore in altum vadunt, quan-
 tum scilicet intra biduum navigando confi-
 cere possunt, rebus necessariis ad victum
 xx, vel xxx. dierum spatio secum compor-
 tatis. Locus autem ubi frequentius hanc
 piscaturam exercere solent, inter Norve-
 giam & Islandiam situs est. Neque pesca-
 tores, dum tempestates sæviunt, in ancho-
 ris manent, sed fluxu refluxuque maris flui-
 tando piscantur, donec naves sint undique

plenæ. Sola autem eis salus in repetendo littore indicio gnomonis nautici consistit: quia per hunc ortis ventis, quo iter suum dirigant, agnoscunt, Estque notatum, quotiescunque extrahuntur e mari monstrosi pisces leonina vel humana facie, & similibus, quod semper discordiam & bella in terris portendant.

CAP. II.

De periculo piscatorum, & qualitate piscium.

NEc leve periculum illis ipsis piscatoribus imminet, quando hamis attrahunt maximæ fortitudinis, molis, ac duodecim pedum longitudinis pisces, ut sunt rhombi, squatinæ, & reliqui pisces alati: qui cum apparuerint ab aquis extrahendi, sæpe piscatores in mare retrahunt, nisi se funibus firmati in navi antea præmuniant, aut mutua ope hoc in labore sibi invicem subveniant. Qui vero felici vento tantis maris periculis superatis, navibus piscosis ad littora propria appellunt, pisces extractos purgatosque, integros vel in partes divisos, salito liquore conspergunt, Sole, flatibus asperrimis, frigore, atque aëris rigore ad siccandum exponunt: tum in excelsas quasi lignorum

gnorum strues componunt : quas in naves
 vicissim collocant , atque ad celeberrimum
 totius Norvegiæ emporium *Bergen* nuncu-
 patum , pro rerum commutatione aut pre-
 tio distrahendas exportant. Et hinc verius
 hoc genus piscium *Bergerfisk* vulgari gen-
 tis idiomate vocatur , & non *stockfisk* , à
 fuste vel baculo , ut mollior ad coquendum
 fiat pluries fustigatus, Non tamen uno eo-
 demque genere hic Bergensis piscis , sed
 quantitate vel bonitate æstimatur. Nam
 aliud est genus longioris quantitatis, asellus
 dictus : cujus ventres in bicubitales ligulas
 instar funium abscissos , & aëre desiccatos,
 quasi longè delicatesiores cibos, Aquilonares
 eligere & vendere solent , *Roedscher* di-
 ctos. Similiter & extremas caudas eorum
 piscium in magnis vasis ad quæstum , sive
 delicatam escam, reservant, quas *Spore* Ger-
 mani vocant. Præterea ex ventre rhombo-
 rum etiam fiunt ligulæ cubitales , vel bicu-
 bitales, sed latiores aliis, valde pingues, quas
 incolæ *Raff* vocant : eisque pro pane & op-
 sonio utuntur. Fortibus enim hominibus
 iste cibus convenit , non delicatis : fere ejus
 saporis est , ut semen piscium induratum,
 Italicè *Bottargi* dictum : sed illi longe pin-
 guiores. Capitibus horum piscium loco li-
 gnorum pro cibis coquendis utuntur incolæ

Norvegiæ. Capitur etiam in littoribus Norvegiæ, præcipue in scopulis Afloënsibus, quidam piscis in maxima multitudine, *Makreel* dictus, sale sufficienter conditus, optimus, & sine sale pessimus.

CAP. III.

De Piscibus Islandiæ.

EST & alia piscium distinctio & qualitas, qui in Islandicis aquis infinita multitudine ab incolis illius loci capiuntur, molliori scilicet carne, & longitudine ab illis, quos supra introduximus, differentes. Præterea aselli, rhombi, vituli marini, merlusia, Gothice *Torsck* appellata: inter quos balænæ, pristres, atque alia monstra marina apparent: quorum indomabili immanitate miræ aquarum turbationes excitantur. Pisces vero electiores ibi capti, ab Italis & Hispanis *Marlucz*, in Romam usque etiam per Hispanos aut Lusitanos delati, appellantur. Tempus capturæ eorum est in Februario, Martio, & Aprili: piscesque capti frigidis ventis exsiccantur, ac demum in apertis campis, quasi lignorum combustibilium strues compositi, per mensuras longorum cubitorum, sive cannas Italica mensura, ad plura millia mercatoribus Germanicis diver-

divenduntur, aut pro frumento, cervisia, panno, & similibus, in rerum commutatione distrahuntur. Si vero pondere vendendi sunt, id ipsum centenario ac millenario numero, & æstimatione distincto, fieri solet. Hujusmodi pondus vernacula eorum lingua *VVaagh* dicitur, veluti apud Gothos, Suecos, & Germanos, *Schippunt* communiter appellatum, (ccc. majoribus libris constans) in ponderando observatur. Gentis hujus quasi melior & major proventus est in piscibus, propter quos fiunt maximæ navales pugnæ inter diversarum nationum mercatores: quia ad hanc insulam navigaturi mercatores quæstus causa, non aliter se instruunt, quam si aliquod atrox prælium subeundum foret. Præterea quum humanus hostis sufficere haud videatur, occurrunt vastissimæ beluæ instar montium in magna multitudine, navigantibus, nisi prospexerint, periculum illaturæ. Sed his inter alia remedia per clangorem acute sonantis tubæ succurritur: cujus tinnitum eadem beluæ audiendo, sufferre minus valentes, ad gurgitem ac maris abyssum vicissim aufugiunt, prout infra de physetere ostendetur.

CAP. VI.

De mira abundantia butyri Islandiæ.

IN eadem præterea insula Islandiæ tanta butyri falsi, ob pecudum multitudinem, & pascuorum ubertatem, reperitur copia, ut non sufficientibus vasis aut tonnis, cistas vel capsas ex odorifero ligno confectas, triginta vel quadraginta pedum longitudine, quatuor vero vel quinque altitudine, quotannis pluribus in locis repleant, atque in domesticum usum, imo & mercatorum commutationem conservent. Piscibus enim tostis, hujusmodi butyro inunctis, loco panis frequentius utuntur: unde etiam Ichthyophagi appellati. Capsæ autem hujus abundantis butyri, reperiuntur in Abbatia *Helgafiel* gentis idiomate appellata: quæ in butyro & piscibus siccis, quasi melioribus thesauris, est fundata, quemadmodum & duæ Ecclesiæ Cathedralis Scalholdensis & Holensis, una cum nobilium mansionibus plurimis, habentibus similem proventum. Pro potu gens illa utitur exotica cervisia, è civitatibus Germaniæ maritimis navigio adducta. Præterea sunt apud eas gentes fontes cerealis liquoris dulcedinem habentes, qui omni earum necessitati in bibendo, certa
etiam

etiam cum delectatione ac sano sapore, subveniunt. Hi autem Islandenses sani, iucundi, & liberales sunt: diu sine medicina, etiam supra centum annos vivunt. Facili causa provocantur ad arma ac bella, quæ satis crudelia gerunt: denique tam ad pedestrem quam equestrem expeditionem in omnem eventum cuncta disposita habent.

CAP. V.

De horribilibus monstris littorum Norvegiæ.

Sunt monstrosi pisces in littoribus seu mari Norvegico, inusitati nominis, licet reputentur de genere cetorum, qui immanitatem suam primo aspectu ostendunt, horroremque intuentibus incutiunt, tum in formidinem diutius conspicientes pariter & stuporem vertunt. Horribilis etenim formæ sunt, capitibus quadratis, undique spinosis, & acutis, ac longis cornibus circumclatis, instar radicis arboris extirpatæ: decem aut duodecim cubitorum longitudine, colore nigerrimo, prægrandibus oculis: quorum ambitus octo vel decem cubitos excedit: pupilla vero unius cubiti, rubeum & flammeum colorem referens; qui à longe in tenebrosis temporibus inter undas, vel

veluti ignis accensus, piscantibus apparet: pilos ut anserinas pennas, spissos & longos, in modum dependentis barbæ; reliquum vero corpus ad magnitudinem capitis) quod quadratum est) valde pusillum, cum ultra 14. vel 15. cubitos in longitudine minime habeat. Una harum beluarum plures naves & grandes, fortissimis nautis confertas, facillime subvertit, aut mergit. Huic admirandæ novitati idoneum testimonium perhibet longa ac clarissima epistola Erici *Falchendorff*, Archiep. Nidrosiensis Ecclesiæ, (quæ totius regni Norvegiæ Metropolis est) Leoni X circa annum salutis 1520. transmissa: cui epistolæ annexum erat alterius cuiusdam monstri horrendum caput, sale conditum.

CAP. VI.

De Physeter, & ejus in nautas crudelitate.

IN genere Cetorum Physeter, sive prister, ducenum cubitorum, severam admodum consecutus est naturam: in perniciem enim navigantium plerunque ultra navium antennis se extollit, haustosque fistulis fluctus supra caput collectos ita eructat, ut nimbo-
sa alluvie plerunque naves fortissimas de-
pri-

primat, aut maximo periculo navigantes exponat.

Os etiam hæc belua magnum & amplum habet, circulare, veluti muræna, quo escam vel aquam sugit, pondereque suo in proram vel puppim injecto & impresso, navim deprimit & submergit: quandoque sola aqua (ut diximus) nocere non contenta, dorso vel cauda navim, ut minusculum aliquod vas, crudeliter evertit. Spissum & nigrum corium habet in toto corpore, pinnas longas in forma laterum pedum, ac caudam bifurcatam latitudine 15. vel 20. pedum, qua circumventas navium partes vehementius stringit. Verum malignitati ejus remedio occurritur oportuno, tuba videlicet militari, ob asperum acutumque sonum, quem ferre haud potest: & magnis ac immanibus vasis seu doliis ejectis, cursum beluæ impredientibus, sive pro lusu ei oppositis: aut validis tormentis, seu bombardis, quarum sono magis, quam ferreo vel saxeo globo terretur, cum globus hujusmodi, vel aqua vel pinguedine obstante, vim perdit, vel paululum vulnerat vastissimum corpus, immensa pinguedine instar valli munitum. Imo & addendum erit, in Norvegiano littore frequentius, tum vetera, tum nova cerni monstra, maximè pro-

570 DE PISCIB. MONSTROS.
propter inscrutabilem aquarum profunditatem. In profundo etiam maris multa piscium genera sunt, quæ nunquam, vel rarissime hominum aspectibus præsentantur.

C A P. VII.

De pugna Balenæ contra Orcam.

BAlæna, etsi quantitate maxima, centum scilicet aut trecentorum pedum longitudine, & vastissima corporis mole prædita, tamen orcam quantitate minorem, sed agilitate tam in saltu quam aggressu crudeliorem, sibi infestam habet. Est autemorca similitudine carinæ inversæ, belua truculenta dentibus, quibus ceu Liburnicarum rostris secreta balænæ, ac vituli ejus corpus lacerat, vel celeriter aculeato dorso discurret eam agitando, ut in vada littoraque protrudat. Illa vero, scilicet balæna, pondere vasti corporis ad flexum immobilis, ad repugnandum astutæ orcæ iners, in fuga unicum præsidium collocat: licet ea fuga infirmior sit, eo quod ignava belua pondere suo onerata, ad vada periculaque evitanda directore indigeat.

CAP. VIII.

De multiplici genere Cetorum.

Multiplex est genus Cetorum. quidam enim hirsuti, & hi quatuor iugerum magnitudine: (iugerum vero habet in longitudine pedes 240. in latitudine 120.) quidam planæ pellis: hi que sunt minores, atque in Occidentali ac Septentrionali Oceano capiuntur. Quidam ricium oris habent dentatum, ac longissimum, videlicet longitudinis 12. vel 14. pedum, ac dentes sex, vel octo, vel duodecim pedum. Duo tamen dentes canini cæteris sunt longiores, subtus sicut cornu, ad modum dentium aperi, vel elephantis. Hoc autem genus ceti habet os aptum ad manducandum: oculos adeo amplos, ut ambitus uniuscuiusque 15. homines sedentes admittat, imo 20 vel amplius, secundum beluæ quantitatem. Cornua præterea longitudinis sex vel septem pedum, 250 super quemlibet oculum habet, cornea duritie, ad rigidam vel placidam, anteriorem vel posteriorem motionem & ventilationem. Hæc simul cohærent ad oculorum protectionem tempore tempestuoso, aut cum alia eum invaserit belua inimica. Neque mirum, quod tot
cor-

cornua, licet satis molesta, habeat, cum inter oculos in fronte spatium sit 15 vel 20 aut amplius pedum. Quantæ autem magnitudinis aut longitudinis costæ & ossa ejus sint, aut in quem ulum reservata prodesse queant etiam pellis, caro, pinguedo, inferius ostendetur.

CAP. IX.

De monstroso pisci in littore Septentrionalis Anglia anno M D XXXII reperto.

ET si hæc monstrosa belua pro portento ab incolis illius regionis habita sit, atque cum stupore ob insolitam magnitudinem conspecta: attamen littora Norvegiana inter Bergensium ac Nidrosiensium ora, quasi continuum domesticumque hospitem talem beluam habent. Ideoque locum hic inter grandiores maris incolas obtinet, ea relatione, quo vere descriptus à quodam nobili Anglicano, sub hac forma. Projecit in arenam apud Thinemuthum mare nostrum hoc mense Augusto 1532. mortuam beluam molis & magnitudinis ingentis, quæ jam magna ex parte discerpta est, remanet adhuc tamen, quantum centum fermè ingentia plaustra vix avehere poterunt.

terunt. Ajunt, qui primum beluam viderunt, longitudinis illam fuisse 30. ulnarum, hoc est, pedum nonaginta: à ventre ad spinam dorsi (arenis immerfam) spacium esse circiter octo vel novem ulnarum: certum non habetur. Nam 27. die Augusti ipse ibi affui, foetente jam belua, ut vix ferri posset foetor. Conjectant, dorsum ipsius ad spatium trium ulnarum esse in arena immersum, quandoquidem quotidie alluitur, & operitur fluctibus arenosis. Rictus oris longitudo sex ulnarum & dimidiæ: mandibulæ septem ulnas ac mediam continent: circuitus alicubi ulnæ unius & dimidiæ, alicubi minus: omnino sicut quercus grandis est. Triginta costas in lateribus habet, magna ex parte longitudinis 21. pedum, circuitu unius pedis & dimidii: tres ventres, veluti vastos specus: & triginta guttura, quorum quinque prægrandia sunt. Habet duas pinnas, utranque quindecim pedum in longitudine: vix poterant decem boves alteram earum abstrahere. Palato adhærebant quasi laminæ cornæ, una ex parte pilosæ, qualem jam unam vides, supra mille. Non est fabula Polydori, sed res verissima, quanvis non omnes unius magnitudinis. Longitudo capitis à principio usque ad rictum, septem ulnarum. De lingua variatur: major pars

con-

cenſet, ſeptem ulnarum fuiſſe longitudine. Ajunt, genitale ei fuiſſe prodigioſæ magnitudinis: membrum (inquam) maſculinum vir quidam cum dilaniaret, ferme ſubmerſus fuiſſet, in ventrem beluæ cadens, niſi coſta arrepta ſe ſuſtentaffet. Spatium inter oculos ſex ulnas tenebat: oculi & nares tanto corpori valde impares, & quales bobus eſſe ſolent. Cauda bifurcata & ſerrata, latitudine ſeptem ulnarum. In capite duo magna foramina erant, per quæ putatur beluam plurimam aquam, veluti per fiſtulas, ejeſtaſſe. Nulli denique illi fuere dentes: unde colligitur, non fuiſſe balænam: nam balænis ajunt maximos eſſe dentes, exceptis laminis aliquot corneis, quæ in ore hujus piſcis erant.

CAP. X.

De Xiphia, Monocerote, & Serra.

Quia hæc belua verſatur in Septentrionalibus aquis, merito aliis monſtroſis veniet adjungenda, Eſt enim Xiphias animal nulli alteri ſimile, niſi in aliqua proportionem ceto. Caput habet horridum, ut bubo: os profundum valde, veluti barathrum immenſum, quo terret & fugat inſpicientes: oculos horribiles, dorſum cune-

neatum, vel ad gladii formam elevatum, rostrum mucronatum. Littora vero Septentrionalia plerunque, veluti latrunculi, ac noxii hospites damna semper occurrentibus navigia perforando ac submergendo illaturi, ingrediuntur. Monoceros est monstrum marinum, habens in fronte cornu maximum, quo naves obvias penetrare possit, ac destruere, & hominum multitudinem perdere. Sed in hoc pietas divini numinis navigantibus providit, cum ferox sit hæc belua, tarditas sua, quam habet maximam, prævisa, timentibus ejus accessum fugam concedit. Serra belua similiter marina est, ingens corpore, caput habens cristatum, durum, sicut serra dentatum: subter navibus natans secat easdem, ut intrante aqua merfis hominibus, eorum cadaveribus satietur. Est & aliud genus serræ, se erigens contra velificantes: quod mox 30. vel 40. stadiis peractis lassum descendit in mare. Orcarum gladio dorsotenus elevato sæpe piscatores vulnerati, deficiunt: ita & loliginum tactu manum retrahunt stupefactam.

CAP. XI.

De modo piscandi Cetos & Balenas.

Quia mira aviditate balæna fertur in e-
sum halecis, & vitulorum marino-
rum, tanquam piscium cæteris omnibus
pinguiorum: idcirco sæpius periclitatur in
scopulis arenosis, qui maris æstu, sive fluxu,
atque refluxu, quasi denudati ab aquis, im-
mersæ beluæ exitum non concedunt, ut se
recipiat ad gurgitem propinquiorem: unde
tanto cum impetu fortitudine caudæ labo-
rat, quo fossa amplissima relicta, veluti in
nido ligata (obstantibus undique arenis)
enatare non possit. Hoc cum piscatoribus
innotuerit, turmatim accurrunt, & funibus
atque anchoris fortissimis (ne æstus reditu
evadat) intra rictum oris, atque capitis spi-
racula, seu branchias, bestiam hanc ligant:
magnaue manu multiplicisque viribus
eam in littus attrahunt, vel ita constringunt,
ut nulla etiam magna potentia in aquas re-
silire valeat. Eoque casu feliciter aridente,
divisa præda, quisque regreditur ad alias
domesticas occupationes, donec iterum oc-
currat similis, vel alius optatior quæ-
stus. Saneque in tempestatibus contingit,
ut aliqua immanis belua vi inimicæ bestię vul-

vulnerata vel fatigata, seu cunctis viribus destituta, ventorum vi ad littus proiciatur, præda ut sit occupantibus eam. Verum ubi dubitatur quod illi rediturae sint vires, gladiolos, aut grandes acutissimosque tribulos, sub latus quiescentis immittunt, ut sanguine impetuoso ferri motu effluente, vita destituatur. Accidit etiam, & quidem facilius, quod beluam in arena ad objectum Solis profundissime dormientem, funibus & anchoris ita firment, ut in prædam venantibus cedat.

C A P. XII.

De mira affectione Balanarum erga fœtum.

BAlænæ branchias non habentes, fistulis spirant, quod in paucis animalibus invenitur. Tœtus suos gestant cum infirmantur, & invalidi sunt: & si parvi sunt, eos in ora suscipiunt. Hoc idem imminente tempestate faciunt, & post tempestatem illos evomunt. Quando propter defectum aquæ fœtus impediuntur ne matrem sequantur, mater aquam ore receptam instar fluvii ad eos eiicit, ut sic inhærentes terræ liberet. Adultos etiam diu comitatur. Adolescunt autem celeriter, & decem annis crescunt.

CAP. XIII.

De spermate Ceti, quod Ambra dicitur, & ejus medicinis.

Cetus humane propagationis more cum Balæna congregiendi, ob velocitatem coitus multum sperma emittit, & resolvit, atque sic resolutum vulva totaliter non admittit. Spargitur ample per mare in diversis figuris, colorem ceruleum habentibus, magis tamen ad albedinem tendentibus, sibi invicem conglutinati: atque à nautis sollicitè (ut inter navigandum in Oceano sparsum vidi) colligitur, ut medicis purgandum vendant, qui purgatum *Ambra* vocant: eoque contra guttas & paralyfin, tanquam præcipuo & pretiosissimo unguento utuntur. Est autem alba, & si invenitur coloris gypsei, melior est. Sophisticatur autem cum pulvere ligni aloës, & styrace, musco, & quibusdam aliis. Sed hoc agnoscitur, quia sophisticata ad molliciem facilè reducitur tanquam cera, ambra verò integra non ita liquefcit. Habet virtutem confortandi, valetque contra syncopen & epilepsiam.

CAP. XIV.

De usu partium Ceti.

Cetis seu Balænis è mari piscatorum arte & magno labore extractis, sive vi ventorum ac tempestatum, aut inimicorum piscium furia littoribus impulsis, incolæ prædam securibus & ascis partiuntur, ita ut ex unius balænae sive ceti carne, pinguedine, & ossibus, 250. vel 300. plaustra repleri possint, Carnem & lardum in multis & magnis vasis, inter cæteros immensos marinos pisces, sale condiunt: eisque pro commoditate & esca domestica utuntur, aliisque ad eum usum vendunt in remotas orbis partes deferenda: Pinguedo, vel adeps Ceti, magna est in toto corpore, sed maxima in capite circa cerebri medullam: unde quandoque duodecim lagenæ, quarum quælibet vix ab uno homine portari potest, quandoque triginta, vel quadraginta, hujus pinguedinis plenæ, (quælibet Barile Romanum magnitudine sua superans) per totidem viros fortes vix portatu idoneæ, extrahuntur, eliciunturque. Utilitas verò hujus saginæ ea est, ut lampadibus infusa, & aucta semper, ad altaria, sive alia loca sacra, tam noctu, quam interdiu, continuo lumen admittit:

nistret : privato etiam usui , ac domestico ,
 quum in hyeme nulli ibidem dies sint , plu-
 rimum deserviens. Ossa præterea ejus mi-
 nora, defectu lignorum domestico foco ad-
 aptantur : imo & aliorum piscium capita.
 Ex corio denique balænæ fiunt balthea, lo-
 culi , tractorii funes pro usu campanarum,
 diu durantes : imo partita pelle unius be-
 lûæ, quadraginta homines ex ea vestiri que-
 unt. Nautæ præcipue utuntur ejus pingue-
 dine ad navium tabulas foris inungendas,
 ne in horrida sive asperrima hyeme glacia-
 les aquæ navibus submergendis adhæreant,
 aut congelentur, quia aquarum constrictio-
 nem prohibet. Aurigæ etiam necessarium
 ejus usum sibi vendicant in rotis curraum
 perungendis : imo & pellium præparatores,
 ut etiam superius dictum est de pinguedine
 vitulorum marinorum.

CAP. XV.

De structuris ex ossibus Cetorum.

FACTA mentione quod quam maxima sint
 corpora Cetorum , sive Balænarum , in
 capite, dentibus , oculis, ore, cute , ossa lo-
 cum exigunt ut & suam inveniant declara-
 tionem : quæ talis est. Cum vehementia
 frigorum in extremis partibus Septentrio-
 nis

nis & validæ tempestates ibidem, haud sin-
 nant in altum crescere arbores, è quibus e-
 rigi possint necessariae ædes: ideo provida
 natura incolis prospexit, ut ex ingentissi-
 mis beluarum costis fabricare valeant do-
 mos, & reliqua necessaria in eisdem. His
 enim beluis marinis ad littora tam inimica
 vi aliarum bestiarum appulsis, quam vena-
 tione hominum frequenti attractis, ut illic
 incolarum præda fiant, vel putridi consu-
 mantur, certum est, ex eis relinqui talia
 tamque vasta ossa, quo ex his integræ habi-
 tationes, tum quoad parietes, portas, fene-
 stras, tecta, sedilia, tum etiam quoad men-
 sas, confici queant. Hæ enim costæ 20, 30
 aut plurium pedum sunt: præterea spi-
 næ, spondyli, atque vasti capitis bifurcata
 ossa, haud parvam in se quantitatem ha-
 bent: quæ omnia artificum industria ita
 ferris & limis aptantur, ut faber lignarius
 adhibita ferrea junctura compendiosius ni-
 hil extruere possit.

CAP. XVI.

*De domibus ex erectione integrarum
 costarum.*

EXesis igitur ac dissolutis carnibus & in-
 testinis hujus vastissimæ beluæ, sola os-

la remanent in modum magnæ carinæ : ex quibus demum, imbris & aëre purgatis, viribus hominum ad hoc vocatorum, instar domus erigitur : tum industria, constituentis patroni, fenestris in culmine tecti vel lateribus beluæ collocatis, in plures & commodas habitationes dividitur : januæque fiunt ex corio ejusdem beluæ, longe prius ad eum aliumque usum extracto, atque ventorum asperitate indurato. Separatim etiam intra hanc carinam, quasi domum erectam, distinguuntur camerae pro porcis & aliis animalibus, more aliarum ædium lignearum: relicto semper sub culmine hujus structuræ loco pro gallis, quasi horologiis, ut homines nocte (quæ ibidem hyeme continua est) ad opus excitentur. Dormientes inter has costas non alia insomnia vident, quam si continue in fluctibus marinis laborarent, aut in tempestatibus ad naufragium usque periclitarentur.

CAP. XVIII.

De anchoris dorso ceti impositis.

Habet etiam cetus super corium suum superficiem tanquam sabulum quod est juxta littus maris : unde plerunque elevato dorso suo super undas, à navigantibus
nihil

nihil aliud creditur esse quam insula. Itaque
 nautæ ad illum appellant : & super eum
 descendant, inque ipsum palos figunt, na-
 ves alligant, focos pro cibis coquendis ac-
 cendunt : donè tandem cetus sentiens i-
 gnem, sese in profundum mergat, atque
 in ejus dorso manentes, nisi funibus à navi
 protensis se liberare queant, submergantur.
 Hic cetus (ut superius de physetere & pri-
 ste dictum est) aliquando fluctus haustos
 ita eructat, quo alluvie nimbofa plerunque
 classem navigantium deprimat : & quum
 in mari tempestas oritur, se super fluctus
 attollit, ut in his commotionibus ac turbi-
 nibus naves mergat. Arenas aliquando
 dorso sustollit, in quibus ingruente tempe-
 state, nautæ terram se invenisse gaudentes,
 ac anchoris demissis falsa firmitate quie-
 scunt, ac ignes accensos belua sentiens su-
 bito commota se in aquas mergit, homines-
 que cum navibus, nisi anchoræ rumpantur,
 in profundum attrahit.

CAP. XVIII.

*De Porco monstroso Oceani Ger-
manici.*

DICTUM est superius de monstroso pisce
 reperto in littoribus Angliæ, cum cla-

ra descriptione totius corporis, & singulorum membrorum ejus, quod scilicet 1532 ibidem visus sit, & ab incolis in prædam raptus: nunc autem ad memoriam reducetur monstrosus ille porcus, qui 1537. postea anno, in eodem Germanico Oceano repertus est, totusque in omnibus sui partibus portentosus visus. Habuit enim porcinum caput quartam lunæ partem in occipite, quatuor pedes draconis, duos oculos ab utroque latere in lumbis, tertium in ventre ad umbilicum inclinantem, atque in posterioribus caudam bifurcatam instar usitati piscis.

CAP. XIX.

De Rosmaro sive Morso Norvegico.

Norvegicum litus versus loca ad Septentrionem magis vergentia, maximos ac grandes pisces elephantis magnitudine habet, qui morfi seu rosmari vocantur, forsitan ab asperitate mordendi sic appellati: quia si quem hominem in maris littore viderint, apprehendereque poterunt, in eum celerrime insiliunt, ac dente lacerant, ut in momento interimant. Rosmari itaque hi pisces, sive morfi dicuntur, caput habentes bovinæ figuræ, hirsutam pellem, pilos-

pilosque spissitudine veluti culmos vel calamos frumenti, late diffuentes. Dentibus sese ad rupium cacumina usque tanquam per scalas elevant, ut rorulento dulcis aquæ gramine vescantur, seseque volutando mari vicissim exponunt, nisi interea somno profundissimo oppressi, pendendo in rupibus dormierint: quoniam tunc piscatores appropinquantibus quantocius poterunt, pellem à lardo secundum caudam solvunt: & in hoc, quod solutum est, funes fortissimos mittunt, eosque in scabrosis rupibus vel propinquis arboribus firmannt: saxi deinde funda ad caput, ut excitetur, projectis, eum descendere cogunt majori parte pellis funibus firmatæ spoliatum: unde debilitatus, exanguis ac semivivus, redditur in optimam prædam, maxime propter dentes, qui pretiosi sunt apud Scythas, Moscos scilicet & Ruthenos ac Tartaros, (uti ebur apud Indos) ob duriciem, candorem, & gravitatem: qua de causa etiam framearum manubriis artificum excellenti industria accedente adaptantur. Et hoc Mechovita quoque Poloniae historicus in sua duplici Sarmatia attestatur, & Paulus Jovitis post eum ex relatione cujusdam Demetrii, à Magno Duce Moscovitarum ad Clementem VII. missi.

CAP. XX.

De piscibus alatis.

INvenitur piscis in mari Germanico inter Angliam & Norvegiam, qui habet duos pedes & quatuor alas: quæ moventur flexæ ad inferiora ventris & pectoris sui, sicut aliarum avium alæ. Sunt autem duæ ante juxta branchias, & duæ posterius ante caudam, suntque alæ membranaceæ, spissæ quidem valde juxta corpus in parte quæ est loco adjutorii brachii, & tenuiores in parte anteriori alæ: & hanc dispositionem habent etiam alæ posteriores. Branchiæ autem istius piscis non habent fissuram versus ventrem vel pectus pertingentem: sed hi pisces habent branchias, quæ terminantur super humeros alarum anteriorum quatuor foraminibus quadratis: ita quo duo sint propinquiora capiti, & duo propinquiora alæ dextræ: similiterque disponuntur branchiæ in sinistro latere. Caput autem istius piscis, color, pellis, figura corporis, ac sapor carnis, est fere sicut piscis qui raia vocatur. Crura autem ejus sunt cartilagineæ sine junctura, & subtus in pedibus habet foveas, ut fortius figatur. Cauda autem

tem.

tem ejus non est uti raia, sed similis caudæ aliorum piscium, nisi quod est aliquanto longior. Denique ante caudam in loco dorfi, ubi stringitur solida pars corporis, quæ est post concavum ventris, habet & pinnam more aliorum piscium, valde tamen magnam respectu sui corporis. Capitur hic piscis inter raia & squatinas, ut plurimum minus utilis, propter steriles carnes, & exiguam pinguedinem: verum difficilime è profundo fune & hamo, ob resistantiam alarum, eruitur, &c. Pisces præterea quidam lati corporis sunt, qui quatuor pinnas habent, duas in ventre, & duas in dorso: & hæ pinnae quibus utuntur, alæ vocantur: quales per omnia similes habent pisces lepores marini dicti; hi enim duas pinnas in ventre habent, & duas directe super eas in latere versus dorsum. Est etiam de supradictorum genere ludolutra animal marinum, quatuor habens alas, duas in facie, & duas in dorso, quibus magna velocitate fertur in omnem quem elegerit volueritque locum.

CAP. XXI.

De Polypis.

IN littoribus Norvegiæ Polypus sive multipes animal est, fistulam in dorso habens,

qua mare transmittit, eamque modo in dextram partem, modo in sinistram transfert. Cæterum per brachia. (velut acetabulis dispersis) ac denticulatos forcipes, omne quod sibi appropinquat, involat animal, carens sanguine. Quicquid comedit, aggregat in cavernis ubi manet: deinde putamina, crosa carne, egerit, adnatantesque pisciculos ad ea venatur: testas etiam & crustas cancerorum residuas ejicit. Mutatur color ejus ex lapidis colore cui adhæret, maxime accedente timore ob aspectum congrui inimici sui. Habet 4 pedes medios magnos, & in totum 8. Parvum corpus, quod pedum magnitudine compensatur: aliosque adumbratos pedes, strictos, qui vix percipi queunt. His se sustentat, movetur, & tuetur, tum etiam apprehendit quicquid à se fuerit remotum: supinusque adhæret, saxi, ut vix amoveri possit, nisi re aliqua, foetida admota.

CAP. XXII:

*De crudelitate quorundam piscium,
& aliarum benignitate.*

Hominem natantem in aquis salis, piscis genere canicularum marinarum *Boloma* Italice, & *Hæfisek* Norvegice dictus,

ctus, adeo avide turmatimque ex insidiis
 adoritur, ut non tantum morfu, sed ponde-
 re etiam in profundum demergat, devoret-
 que teneriora membra, nares videlicet, di-
 gitos & genitalia, donec superveniat raia,
 ut injuriarum vindex, quæ per aquas ar-
 mata naturalibus pinnis discurret, ac quo-
 dam impetu demersi hominis grassatores.
 abigit, cumque ut enatet, pro viribus ur-
 get: ea quoque cum custodit, quatenus
 spiritu penitus extincto, post aliquot dies,
 dum mare naturaliter se purgat, sursum fe-
 ratur. Cernitur illud miserabile spectacu-
 lum in Norvegicis oris, quando lavandi gra-
 tia homines, exotici videlicet nautæ, peri-
 culorum & insidiarum ignari, è navibus in-
 undas exiliunt. Latitant enim caniculæ,
 sive bolomæ hujusmodi, sub navibus ad an-
 choras manentibus, velut aquatici arietes,
 ut homines rapiant, naturæ malitia stimu-
 lante. Veruntamen hoc periculum urina-
 tores stylis præacutis lineis annexis evitant,
 quibus arietes marinos & has caniculas in-
 terficiunt: quia nisi his perfolli fuerint,
 haud recedunt. Ita sub aquis cum eis atrox
 oritur dimicatio. Inguina enim hominum,
 & calcæes, omnemque candorem hæbel-
 læ appetunt. Hujus caniculæ cutis in aspe-
 ritate, ad expolienda ligna & ossa, ean-
 dem.

590 DE PISCIB. MONSTROS.
dem naturam cum cute raia^{rum} habet.

C A P. XXIII.

De spongiis.

SPongia, valde multiplicata penes littora Norvegiæ, ejus est naturæ, quod conveniat cum cæteris animantibus in motu dilatationis & contractionis. Quædam vero earum immobiles sunt à saxis, & si abrumpan^{tur} à radicibus, recrescunt: quædam autem sunt mobiles de loco ad locum: & hæ in maxima copia in littoribus prædictis reperiuntur. Cibantur limo, pisciculis, & ostreis. Viventibus idem qui madentibus nigricans color. Adhærent nec parte, nec totæ: intersunt enim fistulæ quædam inanes, quaternæ fere aut quinæ, per quas pasci existimantur. Sunt & aliæ, sed supernæ concretæ. Et subesse membrana quædam radicibus earum intelligitur. Vivere constat longo tempore.

C A P. XXIV.

De vermibus longissimis.

ESt præterea in littoribus Norvegicis vermis glauci coloris, longitudine XL cubitorum, & amplius, vix spissitudinem infantis

fantis brachii habens : lineæ modo ita ut ejus progressus difficulter percipi queat , per mare se transmittit , nemini noxius , nisi humanis manibus pressus : unde contactu tenerrimæ cutis ejus , tangentes digiti intumescunt. Vexatus & detentus à canceris , tortuosum cursum evadendi gratia attentat : sed frustra. Cancer enim brachiis suis quasi denticulatis forficibus , tum etiam pedibus , ita eum stringit , ut non secus ac navis anchora demissa firmetur. Hunc vermem sæpius vidi , ab ejus tactu nautarum informatione abstinens.

CAP. XXV. .

De pisce quem Norvegiani Swamfisk appellunt , & aliis quibusdam monstris marinis.

Varietas horum piscium , sive potius monstrorum , hic inserta est , ob earum mirabilem formam , ac multifariam naturæ proprietatem , cum littoribus Norvegicis inter alias beluas sæpius appropinquant , capiunturque propter pinguedinem quam habent copiosam & abundantem. Eam nanque piscatores , ut carnes , supra ignem coquendo expurgant , venduntque ad usum corii inungendi , aut causa luminis in lampadibus ,

dibus, cum tenebræ continuæ fuerint, conservandi. Occurrit igitur in primis rotunda forma monstrum, Norvegice *Suvamfisk* dictum, cæteris omnibus marinis beluis animal gulosius: continua etiam præda vix satiatur. Stomachum distinctum non habere dicitur: unde quicquid comedit, vertitur in sui corporis crassitudinem, ut nihil aliud videri possit, quam una massa pinguedinis adunata. Dilatatur & extenditur supra modum, cumque amplius extendi nequeat, pisces per os facile ejicit, quoniam, ut cæteri pisces, collo caret. Os ejus continuatum est ventri. Est autem adeo crassum hoc animal, quo urgente periculo carnem, pinguedinem, & pellem suam, uti ericius, super caput reduplicet, & contrahendo se caput abscondat: neque id sine sui detrimento facit, quia inimicas bestias timens, fame urgente se non aperit, sed esu carniū suarum sustentatur, magis eligens in parte consumi, quam à beluis totaliter deprædandum vorari. Scrutatur tamen ut salvetur, si periculum est sublatum. Est & aliud monstrum marinum *Cabab* dictum, pedes parvos habens respectu magnitudinis corporis sui: unum tamen longum, quo loco manus utitur in omnibus membris suis defendendis: & per ipsum ori suo cibum porrigit,
her-

herbasque eradicat, Habet autem pedes
 maxime cartilagineos, & formatos ad mo-
 dum pedis vaccæ, aut vituli. Hoc animal
 natans in aqua, spirat, & cum spiritum e-
 mittit, ad aërem redit, aquamque ejicit in
 altum, ut delphini & balænæ: Apparet e-
 tiam huic aliud simile monstrum Circhos,
 habens cutem testaceam, mollem, partim
 nigram, partim rubeam, fissuras duas in pe-
 de, quæ tres digitos efficiunt. Pes dexter
 hujus animalis valde parvus, sinister vero
 magnus longusque: & ideo dum ambulat
 totum corpus fert super sinistrum, & alium
 post se trahit: aëre sereno absolutum ince-
 dit, commoto autem vento, nubiloque cœ-
 lo, applicatur lapidibus, & immotum quie-
 scit, ac fortiter adhæret, ut vix avelli queat.
 Natura hæc satis admiranda, quæ sereno
 tempore sana, tempestuoso infirma inve-
 nitur.

CAP. XVI.

*De Vacca, Vitulo, Equo, Lepore,
 & Mure marino.*

Marina Vacca monstrum est magnum,
 robustum, iracundum, & injuriosum,
 edens partum sibi similem, sed non supra-
 geminum, unum tamen sæpius, quem plu-
 rimum

rimum diligens solícite secum ducit, quocunque tandem se per mare transmittit aut in terra gressus dirigit. Decem mensibus imprægnatur: demum hoc animal aliquando CXXX annis, per caudæ ipsius amputationem, probatum est vixisse. Vitulus marinus superioribus capitulis pro parte naturæ suæ demonstratus est, hoc uno præsentí loco adjecto, quod eo major halecis deprædator inter aquatilia haud inveniatur. Accedit nanque retia, in quibus halec secundum branchias vel aliam partem corporis captus retinetur, unumque post alium devorat, ut parum remaneat dependens. Equus marinus inter Britanniam & Norvegiam sæpius videtur, caput habens equinum, & hinnitus emittens, pedes autem fissos cum ungulis ad similitudinem vaccæ: tam in mari, quam in terra, pastum quærens. Raro capitur, licet ad magnitudinem bovis deveniat. Caudam denique ut piscis bifurcatam habet. Mus marinus in terra scrobe effossa parit ova, & rursus obruit terra. Tricesimo die refossa aperit, foetumque ad mare producit, primo cæcum, & deinde oculis illuminatum. Lepus marinus varii generis esse in Oceano deprehenditur, sed captus mox, ob suspicionem veneni, quocunque saltem indicio lepori conveniat, dimittitur.

titur. Habet autem post caput quatuor pinnas : duas, quarum motus est secundum longitudinem piscis, & illæ sunt longæ sicut aures leporis : & duas, quarum motus est à dorso secundum ventris piscis profunditatem, quibus gravitatem capitis sui elevat. Hic lepus in mari formidabilis, in terra uti lepusculus, pavidus timidusque reperitur.

CAP. XXVII.

De magnitudine Norvegici serpentis, & aliorum.

Qui navalibus exercitiis in littoribus Norvegiæ, vel mercaturæ, vel piscaturæ operam navant, conformi testimonio stupendam sane rem asserunt, serpentem videlicet vastæ molis ducentorum pedum & amplius longitudine. ac xx pedum spissitudine, in rupibus & cavernis penes oras maris Bergensium versari : qui vitulos, agnos, porcos voraturus, ab antris solum lucido noctis tempore in æstate exit, vel, polypos, locustas, & genera marinorum cancrorum ut deglutiat, maria transmittit. A collo deinceps dependentes pilos cubitalis longitudinis habet, squamasque acutas, atro colore, & flammeos oculos rutilantes. Hic navigia infestat, hominesque se in sublime instat

star columnæ erigens rapit, ac devorat: neque id sine portentoso spectaculo regni, instante mutatione, evenire solet: nempe quod principes in fatum concedent, vel in exilium turbabuntur, aut bellicus tumultus evestigio subsequetur. Est & alius miræ magnitudinis serpens in insula *Moos* dicta, diœcesis Hammerensis; qui ut cometa orbi reliquo, sic is regni Norvegiæ mutationem portendit, prout visus est anno MDXXII alte super aquas se extollens, atque in modum sphaeræ convolvens. Existimatus est hic serpens conjectura collecta ex longinquo visu quinquaginta fuisse cubitorum: quem expulsio Regis Christierni, atque gravis prælatorum persecutio, secuta est; imo excidium patriæ demonstravit.

• C A P. XXVIII.

De diversitate ac vario colore serpentum.

ARbitrantur plurimi, in solis regionibus calidis habitare serpentes, ob connatam frigiditatem eisdem animalibus inhærentem tum quod calore magis multiplicentur, ac citius incrementum suscipiant: sed revera frigida illa Europæ pars in Septentrione etiam pessimos habet & nutrit serpentes, licet quoad naturam veneni debiliores, quam sint

sint Africani. Utcunque se habeat hujusmodi certamen, certum est, plures eosque noxios esse serpentes in frigidissima plaga Septentrionis, terrestres scilicet, qui acrius aquaticos persequuntur: & hi in terris manent, ac diversis nutrimentis minutarum herbarum, in quibus acriorem veneni vim cognoscunt, avidius reficiuntur, maxime in locis montosis productarum: hique deteriores sunt in lædendo homines veneno suo, quam littorales aut riparii. Serpentes autem jejuni, satiatis sunt crudeliores: ita & irati, ac provocati. Coloribus diversis distinguuntur, nigro scilicet, cinereo, arenaceo, candido, rubeo, vario, guttis denique distincto. Remediis vero contra serpentum venena utuntur Aquilonares, theriaca videlicet Veneta, quæ cæteris omnibus præstantior reputari solet, ab exoticis mercatoribus in maxima quantitate ob quæstum terris illis importata. Nigri coloris serpentes, partim terras inhabitant, partim tubera in paludibus existentia (Gothi-*ce tuvar* dicta,) partim rupes petrosas aquis contiguas. Hi serpentes de genere aquaticorum sunt, atque noxii existunt: inter quos & *Bærus* serpens aquaticus locum habet, astutus, nequitiosus & lethifer. Serpentes in rupibus morantes plerunque nigri

gri sunt, quos vulgari gentis idiomate *Snoek* appellant, quamvis etiam ibidem varii in magna multitudine reperiantur. Hi mortalibus in rupibus versantibus, æstate præsertim, haud parum molesti sunt, cum etiam veneno suo sæpe homines occidant, Antra & cavernas incolentes lacertæ sunt, & hæ quoque multiplices: sed non ita noxiæ, ut serpentes, attamen cavendæ sunt. Scytale serpens est duplicis speciei. Unus admiratione suæ pulchritudinis detinet insipientes, piger, parvus, & ignei veneni, ita etiam, quo ille, quem lædit, statim moriatur: atque *Slaa* Gothice vocatur. Hic frigidissima hyeme pellem deponit, sicuti stupefaciens aspis, quæ pellem mutat. Hic etiam, veluti alii serpentes in hyeme latitantes, se recipit in viscera terræ, à Solis videlicet ingressu in Libram, usque dum Arietis signum exeat: intra quem terminum si Solis attractu antra exierit, atque calore haud tempestivo nimis diu delectatus fuerit, nive geluque antrum constringente, moribundus extra illud relinquitur, prout superius de Hirundinibus est specificatum. Alius *Amphisbana* dicitur, eo quod duo capita habeat, unum in loco suo, alterum in cauda, currens ex utroque capite tractu corporis circulato. Hic solus serpentium fri-

frigori se committit, primus omnium procedens.

CAP. XXIX.

De habitatione ac mansione Serpentum,

VIdetur (licet raro) mirum spectaculum in Aquilone, quomodo profunde sub radicibus arboris betulinæ manent serpentes, quorum multitudo suo afflatu calorem in radicibus excitat, ut folia hujus arboris semper durante hyeme viridia permaneant. Quocirca gens naturæ secreta ignorans, arborem sacram putat, quasi magnonum mini consecratam. Hyeme tamen in cavatis arboribus, vel rupibus, serpentes latent, pro cibo somno utentes: alias in æstate cibus eorum herbæ, carnes, & aves sunt: quarum pennas & plumas postea evomunt; demum, si possunt, lac & vinum, vel modicam aquam bibunt.

CAP. XXX.

De pugna pastorum contra serpentes.

SUnt & aspidēs in partibus Aquilonari-
bus scabrosa cute, dura siccitate, cinereo colore, oculis scintillantibus, longitudi-
ne

ne trium vel quatuor cubitorum, veneni acumine hominem interficientes ante horas 4. nisi remediis opportunis occurratur, theriaca scilicet Veneta, aut allio cum cerevisia antiqua bibito, aut succo fraxini expresso, & epoto, aut fursure more emplastri appposito. His remediis pro se pastores, sed theriaca pro pecoribus inungendis cum sale in circuitu tumoris utuntur. Nam hi serpentes elevati super pectus ad medium cubitum incedunt, venenumque, in magna quantitate, diversissimo colore, in gutture collectum, in resistentem aut obvium hominem expuunt, ac celerrime sub antra & saxa fugiendo se recipiunt. Hæc autem ita esse, meo ipsius exemplo comprobare queo, quia ante L. annos is casus in Arosiensibus pratis mihi accidit, dum more scholarium in medio Augusti collecturus eram grana juniperorum, quæ tunc primum in Aquilone maturescunt. Sunt etiam serpentes, qui arcuato seu rotato cursu velociter moventur, decem pedes saltando: & insuper pugnant, strepitum vehementem inter herbas Sole siccatas facientes. Verum benignitate naturæ factum est, ut sonitu prodantur, quando nocituri accurrunt. Venenum autem sic exputum, in vestem occurrentis multiplici colore distinctum descen-

scendit, nec anguis, posteaquam venenum expuendi in hominem sibi audaciam assumpsit, apparet. Sunt etiam domestici serpentes, ut penates, in Aquilonis extrema plaga reputati, qui lacte vaccino vel ovino nutriti, cum infantibus sub tectis ludunt, & plerunque in cunis, ut fidi custodes, dormire videntur: quos lædere pro piaculo existimatur. Sed hi ritus reliquæ sunt veterum superstitionum, omnino suscepta Catholica fide interdicti. Si vero fulgure vel domestico incendio domus hujusmodi deletæ, aut peste grassante habitatoribus evacuata fuerint, remanent serpentes in antris exustæ domus, tantoq; agmine coalescunt, ut difficultatem novo cultori pariant, quo minus tuto cum ipsis cohabitare possit. Cernuntur etiam serpentes innumerabiles sub quercubus in æstatis initio, ducem (cui candida crista ut corona eminet) tanquam apes suum rectorem sequentes. Creduntur veterum relatione lapidem flatu suo gignere, ex aliqua venenata particula eo in loco ubi manent, inter folia producta, vel re-
perta.

*De Thrissa pisce, nuper etiam in
Prussia reperto.*

Quandoquidem Itali in hunc usque diem se solos frui deliciis piscis persuasum habent, quem communiter Thrissam, nostræ ætatis Græci corrupte Phrissam, Romani Laccia appellant: quidam ex eo Clupeam esse opinantur, quod id genus piscium Veneti etiamnum Chieepam nuncupent. talem etiam hoc anno in Prussia circa mare (ut vocant) recens, eo in loco, ubi in sinum Balthicum seu Codanum juxta Celtem se exonerat, videlicet circa castra *Balge & Lockstede*, ad Ducem Prussiæ pertinentia, in maxima multitudine captum esse compertum habetur. Nam horum piscium quos Pruteni *Porpel* appellant (nomen antea incognitum) piscator quidam duodecim millia & sexcentos, seu quod idem est, sexagies (uti upebantur) mille octingentos, mense Majo intra quatuordecim dies, præter alios pisces, quorum etiam haud parva copia erat cepit. Non est igitur quod in posterum Italia de hoc pisce, tanquam sibi soli à divino numine concesso, gloriatur, cum idem prorsus genus per Dei benignitatem aliis in oris quoque repertum sit.

OLAI MAGNI, GO- THI, ARCHIEPISCO- PI UPSALIENSIS,

De Insectis Animalibus,

EPITOME LIBRI XXII.

C A P. I.

*De molestissimis Culicibus extremi
Aquilonis.*

EST versus extremas Septentrio-
nisterras & aquas maxima mole-
stia grandiorum culicum, præfer-
tim in punctura, & fastidiosissi-
mo sono, quando in continua dierum ac
noctium luce dormiendum est. Verum ad
evitandam horum molestiam, Aquilonares
absinthio utuntur, aceto peruncto, ac to-
sto, & fumigato, ut eo gravi odore perce-
pto aufugiant. Simili modo recedunt, quan-
do caput, cæteraque membra, decoctione
absinthii asperguntur, vel rutæ, aut nigellæ,
quum haberi queunt: vel atramento suto-
rio, permixto cum junipero usto & fumi-
gato. Dormientibus autem tentoriolum ex

panno lineo vel cortice confectum necessarium est, sub quo, tanquam velamento, contra injuriam culicum tuto dormire liceat, ac nullus omnino sonoris istis insectis aditus pateat, ne duplici malo, punctura videlicet, & fastidioso sono, quiescentes molestantur.

CAP. II.

De remediis fugandi Culices, & Cimices.

PRæterea ut jumenta in pascuis à culicum muscarumve infestatione libera permaneant, juniperorum rubos ubique, tam in campis, quam sylvis abundantes, vel pineas arbores, ubi greges pascuntur, penes radices pastores incendere solent, similiter & juncos odoratos, ac aridas radices herbæ serpentariæ, quoniam horum omnium fumis mire arcentur. Deinde ad efugandum culices & cimices è domibus, fit suffitus cum minutissimis partibus pini, quæ dum ferratur, in magna multitudine colliguntur: aut cum nigella: similiter cum myrto sicca, & cum sulphure, & bdellio, ac spina foetida, tum etiam stercore vaccino. Item pro eodem malo abigendo, aspergatur domus ex decoctione radices lupinorum
vel

vel nigellæ, vel absynthii, vel rutæ. Cimices gravis odor rubrarum pellium, quæ à Germanis *Reusch leder* appellantur, mirifice tollit: hæ autem à Moscovia per Bulgariam in Italiam & Romam vænales advehuntur: ita & calx viva cum sulphure mixta eos interficit. Occiduntur præterea cimices mixtura ex oleo, argento vivo, sale, aceto, & amaro pomo facta, simulque contrita, decocta, ac rimis lectorum bis vel ter immissa: sed simplicius & frequentius ferventissima aqua, quæ intimius penetrat, etiam semina vermium noxiorum corrumpente. Quod vero culices tam multi frequentesque in suppolaribus illis terris vagantur, hanc præcipue causam habet: quia nulli vespertilioes, qui hos similiaque insecta noctu deprædari solent, propter continuam dierum & noctium lucem, ibidem manent, neque aliæ lucifugæ seu nocturnæ aves: quamvis quædam à natura deputatæ culices ac muscas in escam colligentes reperiuntur. Verum ut à putrescentibus celeriter incrementum accipere apparent, ita & aspero flatu evanescere cito consueverunt: pastu nanque deficiente, ad cognatam putredinem pascendi evolant, atque ibi tabescunt.

CAP. III.

De Apibus, & earum nutrimentis.

Regiones Aquilonares uti in plurimis rebus tam necessariis, quam etiam superfluis, in usum cæterarum nationum communicandis, abundant: ita & singulari naturæ benignitate providente, maximam mellis copiam habent, magnamque curam semper & ubique circa apes adhibent, ut pura custodia serventur, & coalescant. Cum autem mella de alveariis exempta sunt, mos est genti, tantum novellis apibus dimittere, quantum eis sufficere videtur ad hyemalem victum, scilicet duas partes: quia in hyeme, ac principio veris, anteaquam flores appareat, ex melle, contritis ficis, & uvis passis aliunde quæsitis, maxime vivunt. Sed quia res istæ exoticæ sunt, & raro inveniuntur, mel eis pro esca præcipue relinquitur: quod etiam minoris, quam prædicta, venditur: quanvis necessitate urgente, loco mellis, contusis fabis, pis, libis ex papavere confectis, triticea farina mulso humectata, etiam carnibus pullorum recenter occisorum, in minutissimas partes contractis, nutriantur.

CAP. IV.

De melle, & ejus probatione.

MEllis abundantia magna est in Septentrionalibus terris, ut testatur Plinius, favos Septentrionales cæteros magnitudine superare: ponitque in exemplis, octo pedum longitudinis visum favum. Sed revera adhuc longiores in Podoliæ terris Regi Poloniae subjectis reperiuntur: ubi apes, propter pascuorum ubertatem, odorem suavem, florem abundantem, ac saporem jucundum, maximas siccarum terrarum foveas favis melle plenis replent, ita ut immanes ursi in tales foveas cadentes, ob nimium mel devoratum suffocentur. Et hinc est, quod tot tantaque navigia Orientalium gentium, ceræ plena, per universam Europam dispergantur: ceram quidem ad finitimas oras emittunt, verum mel pro infinito usu, præcipue omnigeno potu, vino deficiente, sibi in magna copia reservant, prout superius libri x i i i. satis superque tractatum est. Post æstivale igitur solstitium, uti optimum mel (etiam per excellentiam bonum) colligitur, ita & in illis terris sine fraude dolove in sua puritate conservatur: licet ultra mare translatum, insatiabili mer-

catorum avaritia adulteretur. Mella quæ post solstitia colliguntur, adeo salubria sunt ut nedum pro sano cibo in pane, potu, & escarum condimentis usurpentur, sed etiam pro electissimis medicinis diligenter custodiantur: quandoquidem in Aquilonaribus terris medici rarissimi sint, sed salubris aër, escarum sana virtus, & melleus potus, optimam medicinam præstent. Hic quanto vetustior est à tempore suæ decoctionis (nempe sex vel duodecim annorum) tanto efficacior ad multorum morborum remedia adhibitus reperitur.

C A P. V.

De Formicis.

Formicas tam alas, quam sine alis, in multiplici specie habent terræ aquilonares: quæ majores & alatae sunt, in solitudinibus ædes ex foliis capillatis pinorum, ac in sectis pectinum, modo abietum confectas, atque magno altove cumulo congestas, inhabitant. Has urfi levandi pruritus gratia in naribus impetuose molestant, sed celeriter ab earum domibus recedunt, ne aliquas in suum nidum comportent, quæ quandoque sobole multiplicata, eos à propriis cavernis exturbare possent. Præterea in turribus

bus altis Ecclesiarum, regiisque pomariis, sua domicilia collocant, ubi aliquando notatæ sunt eventum abbreviandi imperii Regum portentoso omine præfagivisse, quod videlicet Reges à plebeja multitudine vel occisi, vel è regno expulsi sint. Quando autem tale aliquod portentum imminet, tunc tenuiores formicæ injuria majorum excitatæ, arborem, præsertim antiquam pium, in qua grandiores morantur, infinita multitudine ad injuriam illatam ulciscendam ascendunt, præliumque grave in ea committunt: quod nullo modo antea dirimere, licet ab utraque parte plurimæ earum ab arboris frondibus moribundæ ruant, quam majores superarint, earumque mansionibus potitæ sint, in animo habent. Hoc genus portenti binis in locis, Upsaliæ scilicet, & Holmiæ, M.D.XXI, notatum est contigisse, quando Rex Daniæ Christiernus II. ab incolis Sueciæ è regnis Gothorum ac Sineonum expulsus est, atque omnibus fortunis spoliatus. Tales enim nullius æstimationis creaturæ per injuriam illatam provocatæ, invictæ pro diversis generibus detrimentorum acceptis, ad vindictam atrociter sumendam existunt: neque aliter, quam iratorum numinum prodigiosi nuntii; nihil boni suis præliis annuntiantes, reputari

queunt. Sunt præterea formicæ rubæ, parvæ, urina sua valde noxium pruritus excitantes: atque hæ ab Aquilonaribus venenatæ appellantur, & in tuberibus pratorum habitant. Verum hoc genus formicarum ab aliis jam enumeratis in laborum assiduitate haud dissimile esse videtur: quoniam etiam vestigia cursus sui in duro silice relinquit.

CAP. VI.

De margaritis, & earum generatione.

NE autem margaritarum delicata materia, post descriptionem piscium ommissa, intacta relinquatur, in primis fatendum est, in Aquilonaribus terris quosdam esse amnes gemmiferos: quoniam hi conchas producunt, è quarum testis albicantes margaritæ, licet pallidæ propter aërem gelidum, extrahuntur. Aër enim iste rori admixtus, circa medium mensis Augusti in concham descendit, causamque præstat, ut quantocius margaritæ maturescant. Hæ autem ita extractæ, in ornatu ac pretio apud Septentrionales habentur, atque ubi debito ordine collocatæ fuerint, pulchritudinem micantem obtinent: quæ illustratione marginum augetur. Et hi quoque splendidiores.

res Orientis margaritas seu uniones maximo numero, præsertim in usum vel potius abusum illustrium foeminarum, imo communis fortis, mulierum, ad oras Aquilonarium apportant: quæ talibus anquam rarioribus gaudent ornamentis atque iis i-coronis, brachialibus, humeralibus, ac capitum denique tegumentis utuntur. Nulla tamen mulier ibidem quantumcunque illustis, visa est unquam margritas, uniones, aut gemmas, propter grave opprobrium evitandum, auribus apposuisse: quasi non unicuique membro suum decorem & venustatem absque aliunde à vermibus vilissimis mutuato splendore, artifex ipsa natura attribuisset.

F I N I S.



I N D E X

Ordo Librorum , & Argumenta capitum Septentrionalis Historiæ..

EPITOME LIBRI I.

DE ritu gentium , & natura rerum , ac
usu bellandi , populorum Septentrio-
naliaum.

CAP.	ARGUMENTA.	Pag.
1	<i>Biarmia descriptio.</i>	1
2	<i>Finmarchia descriptio.</i>	3
3	<i>Scricfinnia descriptio.</i>	4
4	<i>De vehementia venti Circii.</i>	6
5	<i>De Septentrionalium ventorum vio- lencia.</i>	7
6	<i>Diversi effectus tonitruum, fulminum, & coruscationum in locis Septentrio- nalibus.</i>	8
7	<i>De frigoris asperitate.</i>	9
8	<i>De pruinis & casu nivium.</i>	10
9	<i>De nivium & vitrorum varietate.</i>	12
10	<i>De castellis nivalibus juvenum.</i>	ibid.
11	<i>De cursu glaciali equorū pro palliis.</i>	15
12	<i>De cursu glaciali hominum pro bravio.</i>	16
		De

C A P I T V M.

13	De glacialibus hospitibus itinerantium.	18
14	De transitu glaciali inter voragines.	21
15	De glacialibus instrumentis.	24
16	De Bellicis Gothorum obeliscis, & erectis saxis.	26
17	De obeliscis sepulchralibus.	29
18	De saxis figuratis, &c.	31
19	De Horologiis umbrosis.	32
20	De baculis temporum designatoribus.	33
21	De Alphabeto Gothorum.	34

L I B. II.

De mira natura rerum Septentrionalium.

CAP.	ARGUMENTA.	Pag.
1.	De venis sulphureis, & combustione aquarum.	37
2.	De quorundam montium admirabili natura.	38
3.	Islandia, & ejus gentis descriptio.	39
4.	De sonitu horribili littoralium cavernarum.	40
5.	De rupe Monachi marini.	43
6.	De rupe Coronata, & multitudine piscium.	44
7.	De fluxu & refluxu Oceani.	46
8.	De Charybdi, & mira natura glaci- rum.	

I N D E X

	7
<i>rum.</i>	44
9 De scorteis , seu coriariis navibus piratarum Grunlandia.	49
10 De inscrutabili profunditate littorum Norvegia.	50
11 De portubus annulorum ferreorum.	51
12 De periculoso transitu montium Scars & Sula, inter Sueciam & Norvegiam.	53
13 De statuis viarum in montibus nivosis.	55
14 De transitu tenebroso.	56
15 De luminibus & tedis piceis.	57
16 De irruptione aquarum stagnatarum.	58
17 De tribus famosis lacubus Gothorum.	60
18 De specubus insidiosis.	62
19 De excellenti antiquitate Regiæ arcis Vestrogothorum Aaranes.	63
20 De mirabili horto montis Kindaberg prope prædictam arcem.	67
21 De pulchritudine & ubertate insulae Gothorum Elandia.	69
22 De famosissima insula Gothorum, Gothlandia dicta.	72
23 De clypeis principum, montibus Hangoæ insculptis.	75
24 De rupibus galeatis	79
25 De	

C A P I T U M.

- 25 De angustiis portuum lapidosorum. 80
- 26 De scopulis lapidosis, & via per Idenkia periculosa. 82
- 27 De torrentibus rapidis. 83
- 28 De diversis formis littoralium saxorum. 85
- 29 De saxis gigantum, & scaturigine fontium. 87

L I B. III.

De superstitiosa cultura dæmonum populorum Aquilonarium.

CAP.	ARGUMENT.	Pag.
1	De superstitiosa cultura Lituanorum paganorum.	89
2	De Suppolarium hominum superstitiosa cultura.	91
3	De tribus diis majoribus Gothorum.	93
4	De tribus diis minoribus.	95
5	De magnifico templo deorum Septentrionalum.	97
6	De sacris & sacrificiis Gothorum.	99
7	De superstitionibus Gothorum circa tonitrua.	102
8	De impugnatione deorum.	104
9	De fatalibus sororibus & nymphis.	105
10	De Elvarum, id est, spectrorum nocturnarum.	

I N D E X

<i>Æterna chorea.</i>	108
11 <i>Depugna contra Faunos.</i>	109
12 <i>De divinatione.</i>	111
13 <i>De arte magica Erici ventosi pilei, & aliorum.</i>	114
14 <i>De Magicis mulieribus.</i>	116
15 <i>De magis & maleficis Finncorum.</i>	119
16 <i>De Magicis instrumentis Bothnia.</i>	120
17 <i>De Magis marinis.</i>	123
18 <i>De eisdem Magis & similibus.</i>	124
19 <i>De Mago ligato.</i>	125
20 <i>De castigatione Maleficarum.</i>	127
21 <i>De damnis à demonibus datis.</i>	130

L I B. I V.

De bellis, & moribus sylvestrium pa-
ganorum, ac vicinorum.

CAP.	ARGUMENT.	Pag.
1	<i>De infelici pugna Regis Danorum Re- gneri.</i>	131
2	<i>De immanitate sylvestrium incola- rum.</i>	134
3	<i>Adhuc de sylvestrium hominum fero- citate.</i>	136
4	<i>De quintuplici lingua Septentrionalium Regnorum.</i>	138
5	<i>De commutationibus mercium sine num-</i>	

C A P I T U M.

<i>nummis.</i>	140.
6 <i>De nundinis glacialibus.</i>	142
7 <i>De nuptiis Lapponum per ignem & silicem.</i>	145
8 <i>De choreis luctuosis.</i>	146
9 <i>De exercitiis sublunaribus.</i>	148
10 <i>De navibus, nervis, & radicibus colligatis.</i>	150.
11 <i>De instructione sagittandi.</i>	153
12 <i>De venatione Lapponum.</i>	155
13 <i>De transitu equorum super montes nivosos.</i>	156
14 <i>De periculoso transitu intra montes.</i>	158
15 <i>De lege corvorum necandorum.</i>	159
16 <i>De baptizandis pueris sylvestrium incolarum.</i>	160
17 <i>De conversione Finlandia Septentrionalis, & Orientalis, ac maxima hospitalitate.</i>	161

L I B. V.

De Septentrionalium Gigantibus.

CAP.	ARGUMENT.	Pag.
1.	<i>De Gigantibus.</i>	164
2.	<i>De diversitate Gigantum & pugilum.</i>	167
3.	<i>De sobrietate Gigantum ac pugilum,</i>	168,

I N D E X

168. *Starchateri carmen de frugalitate.* 169
- 4 *De virtutibus fortissimi Starchateri.* 172
- 5 *De patrociniis quod tulit oppressis.* 174
- 6 *Ee exercitiis ejusdem Starchateri.* 177
- 7 *De summa gestorum Starchateri.* 180
- 8 *De maximo & terribili bello Suecorum ac Gothorum, cui Starchaterus praefuit contra Danos.* 183
- 9 *De morte Starchateri.* 187
- 10 *De Haldano, aliisque pugilibus ab eo devictis.* 189
- 11 *De alio quodam Haldano, & gestis ejus.* 192
- 12 *De Olone Vegeto.* 195
- 13 *De eodem, pro pudicitia victorioso pugnante.* 197
- 14 *De Arngrimi, & Arvarodi pugilum gestis.* 200
- 15 *De eodem, & prestigitis Finncorum.* 202
- 16 *De occisione Vrsi, & epotatione sanguinis ejus.* 204
- 17 *De Regno Pilosa bracca dicto.* 205
- 18 *De Alfone pudicitia defensore.* 208
- 19 *De strategematibus Fridlevi.* 210
- 20 *De ejusdem strategematibus per aves.* 211
21. *De pugna Harald Regis contra draconem.*

CAPITULUM.

	<i>conem domesticum.</i>	212
22	<i>De pugna Frothonis & Fridlevi contra serpentem.</i>	214
23	<i>De eodem Fridlevo.</i>	215
24	<i>De piratica illustrium virginum.</i>	216

LIB. VI.

De Mineris & Metallis.

CAP.	ARGUMENT.	Pag.
1	<i>De mineris, & earum inventione.</i>	221
2	<i>De situ mineralium venarum.</i>	222
3	<i>De modo cavandi metalla.</i>	223
4	<i>De distinctione mineralium venarum.</i>	224
5	<i>De rotis, instrumentis, & periculis laborantium.</i>	225
6	<i>De arte & ingenio fabrorum.</i>	227
7	<i>De distinctione fusilium metallorum.</i>	228
8	<i>Adhuc de eisdem metallis.</i>	229
9	<i>De metallicis demonibus.</i>	230
10	<i>De fulgure montium metallicorum.</i>	232
11	<i>De Aurificibus.</i>	233
12	<i>De argenteo ornatu virginum.</i>	235

LIB.

I N D E X

L I B. VII.

De bellicis instrumentis, ritu , causa,
& cautelis præliandi.

CAP.	ARGUMENT.	Pag.
I	De artificibus ballistarum , & telorum.	237
2	De sagittis & telis bellicis,	238
3	De subita convocatione communitatis ad arma.	239
4	De custodia viarum & exploratorum.	240
5	De directione multitudinis convocata.	242
6	De littoralibus præliis.	244
7	De fundis lapidum, & igniti ferri.	245
8	De velis Centurionum.	248
9	De modo & tempore adducendi vel- tas.	249
10	De sudibus, telis, & foveis insidiosis.	251.
11	De strategemate Regis Hachonis per frondes.	252
12	De hostilibus incendiis puniendis.	255
13	De eodem periculo amovendo.	257
14	De custodia riparum tempore hostili circa lacum Meler in superiore Sue- cia.	259

C A P I T U M.

L I B. VIII.

De statu Regentium & officiorum, & exercitio militari.

CAP.	ARGUMENT.	Pag.
1	De electione Regis.	262
2	De adoptione illustrium per arma.	264
3	De eadem adoptionis forma.	266
4	De militari educatione illustrium ac nobilium puerorum.	268
5	De ratione & modo equitandi.	269
6	De electione tironum ad arma.	271
7	De eadem per ritum externum.	272
8	De ritu veteris militia Gothorum.	273
9	De reliquis antiquitatibus equestrium.	275
10	De militaribus exercitiis & disciplinis.	276
11	De armis & cautelis equestrium.	277
12	De tyrannica severitate, & exactione praefectorum,	278
13	De eisdem pessimis praefectis.	280
14	De causis perpetuae discordiae, quam Sueci & Gothi contra Danos gerunt.	283
15	De eisdem causis.	285
16	Adhuc de eisdem causis ex libro vigesimo quarto Historia Gothica Ioannis	

I N D E X

- nis Magni Auctoris fratris.* 283
- 17 *De severitate Regis Cbristierni secun-*
di. 294
- 18 *Adhuc de severitate ejusdem Regis.* 297

L I B. IX.

De Bellis campestribus.

CAP.	ARGUMENT.	Pag.
1	<i>De gladiis versatilibus in rotis.</i>	300
2	<i>De curribus falcatis.</i>	302
3	<i>De arcis equis ignivomis.</i>	303
4	<i>De Septentrionalium Bombardis.</i>	304
5	<i>De Bombardis triangularibus.</i>	305
6	<i>De Bombardis organicis.</i>	ibid.
7	<i>De Bombardis curulibus.</i>	306
8	<i>De fundamentis arcium comburendis.</i> 307.	
9	<i>De crudelitate adulatorum, prodito-</i> <i>rum, & advenarum, sæpius in regia</i> <i>civitate Stocholmiensi sævissimè per-</i> <i>petrata.</i>	309
10	<i>De origine, & situ hujus urbis Regiæ.</i> 311.	
11	<i>De situ montis Bruncaberg, extra re-</i> <i>giam Holmiensem, & præliis in eo</i> <i>factis.</i>	312
12	<i>De pascondis Pecoribus in tectis obfesso-</i> <i>rum</i>	

C A P I T U M.

rum.

		314
13	De aquarum defectu sublevando.	316
14	De panum defectu sublevando,	317

L I B. X.

De Bellis navalibus.

CAP.	ARGUMENT.	Pag.
1	De praliis palustribus, & ruptis pontibus.	319
2	De forma & usu antiquarum navium Septentrionalium,	321
3	De alia specie navium Septentrionalium.	323
4	De mutua strage mercatorum pro portibus Islandie.	324
5	De punitioe rebellium nautarum.	325
6	De equestrium natatione.	327
7	De natatione pedestrium armatorum, & prasertim pinguium.	329

L I B. XI.

De Bellis glacialibus.

C A P.	ARGUMENT.	Pag.
1	De duabus arcibus in consiniis Livonia & Moscovia sitis.	331
2	De	

I N D E X

- 1 De conflictu glaciali. 334
- 3 De irruptionibus Moscovitarum seu Ruthenorum. 335
- 4 De specu horrifono, Smellen vulgariter dicto. 337
- 5 De eodem, 338
- 6 De praliis Finnorum contra Moscos. 339
- 7 De modo latrocinandi Moscorum. 340
- 8 De eodem. 341
- 9 De modo recipiendorum Oratorum apud Moscovitas. 343
- 10 De Italico Oratore crudeliter occiso. 347
- 11 De ingeniis negotiatorum Moscovia. 348
- 12 De diversis modis praliandi Finnorum. 349
- 13 Adhuc de eorundem armis, & munimentis. 350.
- 14 De Praefectis Septentrionalibus Regis Suecia. 351.
- 15 De arcibus violentorum Praesidium comburendis. 353
- 16 De machinis glacialibus. 355
- 17 De vehiculis igniferis. 357
- 18 De Bombardis ac globis evehendis, & modo sagittandi. 359
- 19 De eodem, & modo penetrandi ruptura

C A P I T V M.

ras glacierum.

360

20 De impedienda aquarum congelatione.

361

21 De mœnibus glacialibus.

363

22 De glacialibus excubiis, & nocturnis.

365

23 De fortunatioribus præliis matutinis.

366

24 De oppugnatione arcium in glacie munitarum.

367

25 De oppugnandis navibus inimicorum congelatis.

369

26 De pœna infidelium servorum per aquam congelatam inflicta.

371

27 De eisdem pœnis.

373

28 De cursu Equorum pro pallio, vel bravio.

374

29 De onagris seu alcibus in nivosa glacie currentibus

ibid.

30 De Rangiferis in nive currentibus.

375

31 De suffocatione hostium in vallibus nivosis.

376

32 De globis nivalibus, ungulis equorum impressis.

378

L I B. XII.

De Structuris Aquilonaribus.

CAP. ARGUMENT. Pag.

I De varietate & forma Saxorum.

380

Dd

2 De

I N D E X

2	De domibus fabricandis, & earum varia forma.	382
3	De eisdem.	384
4	De maxima multitudine & magnitudine arborum in Septentrionalibus terris.	385
5	Adhuc de arboribus Septentrionis.	387
6	De diversitate arborum.	388
7	De fructuum qualitate.	389
8	De gummi abietino, sive resina, & origine Ambra seu Succini.	391

L I B. XIII.

De Agricultura, & humano victu.

CAP.	ARGUMENT.	Pag.
1	De diversitate messium colligendarum.	393
2	De Pistrinis, & coctione Panum.	394
3	De torrendis frugibus duraturis.	395
4	De ritu bibendi Septentrionalium populorum.	396
5	De diversis modis coquendi salis.	397
6	De difficultate advehendi salis in Aquilonaria regna.	398
7	De maxima copia butyri.	399
8	De magnitudine & bonitate caseorum.	400

CAPITULUM.

9 De Textoribus.

403

LIB. XIV.

De variis conditionibus Aquilonarium populorum.

CAP.	ARGUMENT.	Pag.
1	De diversitate habituum.	406
2	De pudico virginum ornatu, & rigore pudicitia.	407
3	De benedictione Catholicorum Regum.	409
4	De Equitibus auratis, & eorum juramento.	412
5	De nuptiis plebejorum.	413
6	De adulterio & adulterorum poena.	416

LIB. XV.

De diversis hominum exercitiis.

CAP.	ARGUMENT.	Pag.
1	De puerorum exercitiis.	417
2	De ritu fuganda hyemis, & receptione aestatis.	418
3	Ad idem.	419
4	De festis Maialibus.	420
5	De lusu Alex & Schaccorum.	422

I N D E X

6	De chorea gladiatoria, & armifera saltatione.	ibid.
7	De arcuali chorea.	424
8	De pyrrhica saltatione.	425

L I B. XVI.

De Ecclesiasticis disciplinis.

CAP.	ARGUMENT.	Pag.
1	De ritu orandi in Ecclesiis.	427
2	De Principum funeribus & sepulturis.	
3	De varietate agrotantium, morborum, & medicinarum	429

L I B. XVII.

De animalibus domesticis.

CAP.	ARGUMENT.	Pag.
1	De Arietibus & Agnis.	432
2	De Bobus & Vaccis.	433
3	De Equis Septentrionalibus.	435
4	De Equis praliaribus.	ibid.
5	De Felibus seu Cattis.	436
6	De Hircis & Capris.	437
7	Quae munera dantur novis nuptis.	438
8	De Rangiferis.	ibid.
9	De utilitate hujus animalis.	439
	10 De	

C A P I T U M.

- 10 De curulibus plaustris Rangiferorum.
441
11 De vehiculis hyemalibus Rangifero-
rum. 442
12 De commoditate partium hujus Ani-
malis. 443

L I B. XVIII.

De Animalibus sylvestribus.

CAP.	ARGUMENT.	Pag.
1	De Alcibus seu Onagris, & captura eorum.	444
2	De pugna Alcium contra Lupos.	445
3	De Cervis & Damulis.	446
4	De Castoribus.	447
5	De Gulonibus.	449
6	De honestandis hospitibus in harum pellium regumentis.	450
7	De modo venandi Gulones.	452
8	De Leporibus.	453
9	De Lyncibus & pellibus eorundem.	455
10	De Lupis, & sevitia eorundem.	456
11	De multiplici genere Luporum.	457
12	De Lutris, & eorum diversitate, ac pel- lium falsitate.	458
13	De Sciuris.	459
14	Adhuc de eodem animali, praescio fu-	

I N D E X

<i>turorum.</i>	460
15 De Marduris & Zebellis, ac pellibus eorum.	461
16 De Hermelinis.	463
17 De venatione Hermelinorum.	465
18 De natura Taxorum.	467
19 Adhuc de eisdem.	468
20 De Vrsis piscantibus.	469
21 De Vrsis ingeniosè interficiendis.	470
22 De insidiosa venatione urforum.	ibid.
23 De Erinacei sive Echini cum Vrso conflictu.	472
24 De occisione Vrforum per ferream clavam.	474
25 De raptu puella, & generatione Vlfonis astutissimi ac fortissimi viri.	475
26 De raptu fistulantium subulcorum.	477
27 De chore Vrforum Lituanicorum.	ibid.
28 De agilitate Vrforum.	479
29 De Vrsis volventibus rotas.	480
30 De vulpibus, & earum dolis.	481
31 De doloso ingenio vulpium.	482
32 De ferocia hominum per incantamenta in Lupos conversorum.	485
33 Exempla hominum qui in Lupos conversi sunt, & contra.	487

C A P I T U M.

L I B. XIX.

De Avibus.

CAP.	ARGUMENT.	Pag.
1	De Accipitre, & diversis ejus speciebus.	
	489	
2	Adhuc de natura Accipitrum.	490
3	De Aquilarum natura & differentia earundem.	492
4	De proprietate Aquilarum, & incubatione.	494
5	De Anate, & genere ejus.	495
6	De mirabili generatione Anatum Scotia.	497
7	De Anseribus.	499
8	De Corvis marinis.	500
9	De inimica ave Corvi.	502
10	De Falconibus, & eorum distinctione.	503
11	De Hirundinibus ab aquis extractis.	ibid.
12	De Avibus sub nive reclusis.	505
13	De venatione earundem extra nives.	507
14	De nivalibus aviculis.	508
15	De ponderosis Nivibus, & Culicibus hyemalibus.	509

I N D E X

- 16 De ovis insularibus diversarum avium. 511
- 17 Adhuc de ovis certarum avium. 512
- 18 De Pavonibus. 513
- 19 De avibus ignoti nominis in lacu albo, ibid.
- 20 De Avibus Alle Alle dictis. 515
- 21 De Vpupis, & aliis avium generibus. 517
- 22 De Cuculo, & multiplici genere Pico- rum: 518

L I B. XX.

De Piscibus.

CAP.	ARGUMENT.	Pag.
1	De triplici Bothnia terra Septentrionalis, & abundantissima ejus piscatura.	519
2	De multitudine piscium Thorneemporii Bothnia.	521
3	De piscatura Salmonum.	523
4	De piscatura Vitulorum marinarum.	525
5	De modo piscandi eosdem, & eorum medicina.	527
6	De virtute & efficacia vituli marini.	528

C A P I T V M.

- 7 De perplexitate comedentium carnes
vituli marini tempore jejunii. 529
- 8 De Lupis, sive Lucio pisce. 530
- 9 De ejusdem piscis captura. 532
- 10 De piscatione per flammās. 534
- 11 De aestiva piscatione & aucupio. 536
- 12 Adhuc de ingeniosa piscatione. 537
- 13 De glaciali piscatura. 539
- 14 De piscatura piscatorum equestrium.
540.
- 15 De cursu glaciali pro piscibus, & cur
tam saepe piscatura instituat. 542
- 16 De mirabili eventu glacialis stagni
Veter. 544
- 17 De piscibus nigri fluminis ad arcem
novam in Finlandia. 546
- 18 De portentoso Ciitharædo ejusdem flu-
minis. 547
- 19 De Piscibus diversorum generum. ibid.
- 20 De Piscibus salsis, siccatis, & fumi-
gatis. 549
- 21 De Piscibus sale conditis. 551.
- 22 De Halece sive Harenga. 552
- 23 De natura Halecis. 554
- 24 De Piscinis, & semine Piscium. 556

I N D E X

L I B. XXI.

De Piscibus monstrosis.

CAP.	ARGUMENT.	Pag.
1	<i>De piscatura periculosa in Norvegia- no Oceano.</i>	560
2	<i>De periculo Piscatorum, & qualitate Piscium.</i>	562
3	<i>De Piscibus Islandie.</i>	564
4	<i>De mira abundantia butyri Islandie.</i>	566
5	<i>De horribilibus monstribus littorum Norvegia.</i>	567
6	<i>De Physetere, & ejus in nautas crude- litate.</i>	568
7	<i>De pugna Balena contra Orcam.</i>	570
8	<i>De multiplici genere Cetorum.</i>	571
9	<i>De monstroso pisce in littore Septentrio- nalis Anglia anno 1532 reperto.</i>	572
10	<i>De Xiphia, Monocerote, & Serra.</i>	574
11	<i>De modo piscandi Cetos & Balanas.</i>	576
12	<i>De mira affectione Balanarum erga foetum.</i>	577
13	<i>De spermate Ceti, quod Ambra dici- tur, & ejus medicinis.</i>	578
		14

C A P I T U M.

- 14 De usu partium Ceti. 579
- 15 De structuris ex ossibus Cetorum. 580
- 16 De domibus ex erectione costarum Ceti. 581
- 17 De anchoris dorso Ceti impositis. 582
- 18 De Porco monstroso Oceani Germanici. 583
- 19 De Rosmaro sive Morso Norvegico. 584
- 20 De Piscibus alatis, 586
- 21 De Polypis. 587
- 22 De crudelitate quorundam piscium, & aliorum benignitate. 588
- 23 De Spongia pisce. 590
- 24 De vermibus longissimis in littoribus Norvegia. ibid.
- 25 De Pisce, quem Norvegi Svamfisk appellunt, & aliis monstis marinis. 591
- 26 De Vacca, Vitulo, Equo, Lepore, & Mure marino. 593
- 27 De magnitudine Serpentis Norvegici. 595
- 28 De diversitate & vario colore Serpentum. 596
- 29 De habitatione & mansione Serpentum. 599
- 30 De pugna pastorum contra Serpentes. ibid.

I N D E X

31 De *Thrissa* pisce, nuper in *Prussia* re-
perto. 602

L I B. XXII.

De Insectis Animalibus.

CAP.	ARGUMENT.	Pag.
1	De molestissimis <i>Culicibus</i> extremi <i>A-</i> <i>quilonis</i> .	603
2	De remediis fugandi <i>Culices</i> & <i>Cimi-</i> <i>ces</i> .	604
3	De <i>Apibus</i> , & earum nutrimento.	606
4	De <i>Melle</i> , & ejus probatione.	607
5	De <i>Formicis</i> .	608
6	De <i>Margaritis</i> , & earum generatione.	610.

FINIS INDICIS CAPITUM.

INDEX RERUM

Insigniorum quæ in hoc Olai
Magni de Gentibus Septen-
trionalibus libello tra-
ctantur.

*Prior numerus librum, Posterior libri
caput designat.*

A.

A Aranes arx regia,	1. 17: 2. 19
Abbas Nydalensis cum septem mona- chis suspenditur.	8. 18
Absinthium servandis pellibus prodest.	18. 15
Abietes miræ altitudinis.	4. 10
Abietum usus.	12. 4
Accipitres infantum hostes.	19. 2
Accipitris aquilonaris ferocia.	19. 1
Acho Hanson Vestrogothus eques auratus.	11. 25
Adipis anserini remedia.	19. 7
Adolescentes ad principum curias mittun- tur.	8. 5
Adoptio illustrium virorum per arma.	8. 2
Adulterii labes, 2. 19. punicio.	6. 12: 14. 6
Ædes odoriferæ.	12. 9
Ædificia nociva.	12. 3
Ædifi-	

I N D E X

Ædificiorum diversitates.	12.2
Æris & Cupri fusio.	6.7
Ætas hominum Septentrionalium.	4.4
Ætatem legitimam Gothis virtus facit.	8.7
Ær maxime caliginosus.	1.8:2.6
Agricolæ ex hirundinum nidis omen capiunt. 19.11. mineras argenteas abscondunt.	6.4
Alce animal.	18.1
Alcium cursus vehementissimus.	11.29
Albertus Crantzius Germanorum historicus. 3.1. Danicarum rerum scriptor.	5.8
Albertus Suetiæ rex.	2.22
Albuin rex Longobardiæ.	8.2
Alfo puditiæ defensor.	5.18
Alle alle avis genus.	19.20
Allium cum cervisia antiqua ebibitum confert moribus serpentum.	21.30
Almerstech castrum.	8.16:9.10
Alphabetum Gothorum.	1.21
Alvastra monasterium.	2.17:12.1
Alvilda virgo verecunda. 5.18. piraticam exercet.	5.24
Ambraë origo. 12.8:21.13. Ejusdem medicina.	21.13
Amnes gemmiferi apud Aquilonares.	22.6
Amphisbæna Serpens biceps.	21.28
Anates domesticæ & silvestres.	19.5
Anatum Scotiæ generatio mirabilis.	19.6
An-	

R E R U M.

Anchoræ arboreæ.	4. 10.
Anchoræ dorso ceti impositæ.	21. 17
Angermania, provincia Septentrionalis.	2. 4.
Angues virgineæ.	5. 17
Anguillæ capiuntur per auditum tonitruum	
20. 10	
Aniger piscis.	20. 19.
Animalculorum ad famem arcendam sagacitas.	12. 6
Annulorum ferreorum portus.	2. 11.
Anseres Septentrionales.	19. 7
Apium historia.	22. 2
Apes nutriendi ratio, 22. 3. maximas foveas melle replent.	22. 4.
Aquæ nigræ, & in eisdem pisces nigri.	20. 17
Aquarum congelatio quomodo impeditur.	
11. 20. inveniendarum ratio.	9. 13.
stagnatarum irruptio.	2. 16
Aquis innatandi ars & usus penes Gothos.	
10. 6	
Aquilarum genera sex, 19. 3. proprietas & incubatio.	19. 4.
Aquilonares futurorum præsagi.	3. 12
Araneus piscis.	20. 19.
Arbores in extremis Septentrionis humiles.	
21. 15	
Arborum maxima multitudo & magnitudo.	12. 4.
diversitas.	12. 9
Arx magni magistri Livoniæ & magni principis	

I N D E X

cipis Moscovitarum.	11. 1
Arces magnatum & nobilium apud Ostro- gothos & Sueones. 1. 17. Arces Septen- trionales magna ex parte lignæ. 11. 15	
Arces violentorum quomodo debellan- tur. 11. 15.	
Arcium fundamenta comburendi ratio. 9. 8	
Arcuum Septentrionalem vis. 7. 2: 8. 11	
Arenga piscis.	20. 21
Argenti fusio. 6. 6. usus multiplex. 6. 11	
Arietes Gothlandiæ.	17. 1
Aristæ hexagonæ.	13. 1
Arma bellica Finnis interdicta. 11. 12. Ar- ma hominum Septentrionalium. 4. 4	
picata.	2. 28
Arngrimus pugil Sueticus. 4. 1: 5. 2: 5. 14.	
5. 15	
Arverodus gigas.	5. 2: 5. 14.
Arx nova, Finlandiæ arx.	20. 17
Asellus piscis.	12. 2
Aspides in partibus aquilonaribus. 21. 30	
Astrorum peritiam qua ratione Gothi affe- quebantur.	1. 20
Athletæ duodecim in regno Helsingorum;	
5: 2	
Avaritia apud Lappones non regnat. 4. 5	
Auctor sub frigore natus & versatus. 1. 7.	
dira tempestate jactatus.	2. 26
Aucupium æstivum.	20. 11
Aves	

R E R U M.

Aves domesticæ edicto prohibitæ. 5.20.
sub nive reclusæ. 19.12:19.14

Aviculæ volatu globulos nivium excitantes, 2.13

Auri vis maxima in cupro Suetico. 6.11

Aurificum copia. 6.11

Axungie phocarum apud Gothos magna mercatio. 9.1.

B.

Baculi cavati pro vagina usus. 5.12. Baculi temporum designatores. 1.20

Baculus tripalmaris cum edicto mittitur. 7.3

Balderus è superum semine creatus. 3.9

Balanæ pugna contra orcam. 21.7. piscandi ratio. 21.11. affectus erga fœtū. 21.12

Balistarum artifices. 7.1

Baptismus Moscovitarum. 11.27. sylvestrium incolarum. 4.16

Bella hyeme quam æstate crebriora. 2.15

Bellorum Lappones ignari. 4.5

Bellum toto septennio ante præparatū. 5.8

Beluæ marinæ fugantur sono cytharæ. 21.3

Benedictio regum Catholicorum. 14.3

Berghen emporium celebre Norvegiæ. 21.2

Berus serpens aquaticus. 21.28

Betulæ arboris lacumæ potabiles. 12.4

Biarmie descriptio. 1.1

Bibendi ritus apud septentrionales. 13.4:

15.

I N D E X.

15.8

Biarcho pugil Aquilonaris. 5.16.

Biorronis somnium. 3.12. Equus ejusdem,
10.6

Biremium usus in mari Gothico. 10.3

Birgerus Ierl Stocholmiæ conditor. 9.10

Bleixen defunctorum Deus. 3.6

Boctes piscis. 20.19

Boloma piscis. 21.22

Bombardæ curules. 9.7. organicæ. 9.6

septentrionales, 9.4. Triangulares, 9.5.

Boniosa avis genus, 19.13

Borbocha piscis, 20.13:20.19

Borcharus, os contumeliosum dictus, 5.

11:5.24

Borcholm arx. 2.21

Bornholm insula. 2.10

Bothnia triplex. 20.1

Bothniensium simplicitas. 4.5

Boves proceri, alti & robusti. 13.8:17.2

Braviken fretum Norcopiæ. 2.28

S. Brigidæ monasterium. 2.17

Broderus & Buchi pugiles. 3.11

Bruncaberg montis extra Holmiam situs.

9.11

Bruncho regni Suetiæ proditor, 9.11

Bucking halecis genus. 20.20

Butyrum electissimum. 2.21. maxima ejus-
dem copia. 13.7:21.4

Cal-

R E R U M.

C.

Calcaria veterum Gothorum. 8.9

Calcei lignei ferreos stylos habentes. 1.15

Calx viva sulphuri admixta cimices tollit.

22.2

Campanulæ appenduntur equis calcitrosis.

8.8

Campanulæ argenteæ in caudis equorum.

6.11

Canes Finncorum in bellis acres. 11.12

Canes venatici investigant silvestres gra-
fatores. 11.8

Canis acerrimus. 5.12

Canicula piscis Norvegicus. 21.22

S. Canutus occiditur. 8.15

Capita piscium lignorum vice. 21.2

Capitum tegumenta ex anserum seu ana-
tum exuviis. 4.3

Caput urfi infirmum. 18.24

Capræ Septentrionales. 17.6

Capræ ligneæ ad condendum butyrum tri-
ginta pedum longitudinis. 21.4

Caputium Dæmonis, ostium Vener lacus.
2.18

Carmina magica in bellis. 4.1. Starchateri
de vita sua. 5.7

Carnes crude caprarum eduntur, 17.6. lan-
giferorum optimæ & salubres. 17.12

Carnes urfi edules. 18.24

Caro-

I N D E X

Carolus Gothorum rex exulavit ob præfe- torum suorum tyrannidem.	8.13:11.1
Casei Scandianæ insulæ præstantia.	12.8
Casimirus Poloniæ rex.	3.13
Castella nivalia juvenum.	1.10
Castor animal.	18.4
Catillus magus.	3.19
Cattus Suevorum insigne.	2.23
Cauda pro velo utuntur sciuri cum natant.	18.14
Caudæ vulpinæ contis alligantur.	8.11
Centurionum veltæ.	7.8
Cerasa acerba.	12.7
Ceræ maxima copia incendio colliquata, 11.1. per universam Europam disper- gitur.	22.4
Ceres dea frugum.	13.2
Cervisiæ calidæ medicamentum.	6.10:16.2
Cervus volans adoratur.	3.2
Chalybis electissimi copia.	6.8
Characteres Gothici.	1.20
Charybdis, & mira natura glacierum.	2.8
Chorea gladiatoria. 15.6. arcualis. 15.7. nocturna Elvarum. 3.10. urforum Li- tuanicorum.	18.27
Choræ luctuosæ, & quamobrem.	4.8
Christiernus I. Daniæ rex ictu bombardæ quatuor anteriores dentes amisit.	9.11
Christiernus II. Daniæ rex crudelissimus,	6.1.

R E R U M.

6.1: 21.27. Stocholmiam obsidet. 8.16
Ejusdem severitas. 8.17: 8.18. regno pul-
sus. 7.4. Ejus exercitus ferro ignito fusus
7.7: 8.13: 4.11. infelicitas. 2.11

Christina Daniæ regina. 11.3

Cimices fugandi remedia. 22.2

Cincturæ argenteæ. 6.11: 8.8

Cineres super glaciem noctu respersi, secu-
rissimam efficiunt præliandi stationem,
11.24

Circius ventus exitialis apud Septentriona-
les, 10.2

Clava pro conto, Gothorum proverbium, 3.8

Clavi ferrei apud Aquilonares nulli. 4.10

Clypei ex caseorum crustis. 13.8

Clypei militares argentei. 6.7

Clypei militares pani coquendo apti. 9.14

Clypei principum, montibus Hangæ infi-
xi. 2.23

Cetorum genus multiplex. 21.8. piscandi
ratio. 21.11. sperma. 21.13, partium
usus, 21.14. structuræ ex ossibus. 21.15.
ossum ceti compago pro domo erigi-
tur. 21.16

Communitatis ad arma subita convocatio.
7.3

Commutationes rerum & mercium absque
nummis, 4.5

Conjugia per ignem & filicem federantur,
4.7

I N D E X

4.7	
Continentia conjugal.	14.2
Cor salmonis diutissime vivit.	20.3
Coronæ aureæ tres, Sueonum arma.	2.23
Corpora Septentrionalium populorum durissima.	20.19
Corporis frigore adusti remedium.	11.23
Cortices arboris Betulæ scribendis literis apti.	1.21
Cortices quercini pro lumine.	2.14
Corvi marini.	19.8
Corvorum necandorum lex.	4.15
Cotes apud Vestrogothos.	2.28
Craca Norvegiana mulier magica.	3.14
Crudelitas inaudita.	8.15
Cryſtallini lapides apud Vestrogothos.	2.28
Cuculus avis Septentrionalis.	19.22
Culices infesti Aquilonaribus. 4.9:22.1. remedia.	22.2
Culices hyemales apud Septentrionales.	19.15
Cultura superstitiosa Lituorum Pagano- rum.	3.1
Cunabula infantum argentea.	6.11
Cupri & æris fusio.	6.7
Currendi ratio admiranda,	1.3
Currus falcati.	9.2
Currus rangiferorum uno die triginta mi- liaria Gothica excurrunt.	17.10
Cur-	

R E R U M.

Cursores temerarii.	1.22
Cursus glacialis pro piscibus.	20.15
Cursus glacialis equorum. 1.11. hominum probravio.	1.12
Cursus equorum pro pallio vel bravio. 11.28	
Cytharædus piscis.	20.18

D.

Dæmones metallici. 6.2. sex genera dæ- monum.	ibid.
Dalecarli invictum pugnatorum genus. 6. 6:7.4	
Damna à Dæmonibus data.	3.21
Dani ab Hachone bello subacti. 7.11. non ducunt intervitia & sordes mentiri & fal- lere.	8.14
Daniæ regnum parvulæ telluris angustis clauditur. 11.3. regum genus.	18.25
Danorum procures flammis oppressi. 7.12	
Defunctorum apud Gothos sacra memoria. 1.16	
Dentes luciorum combusti rupturas equo- rum sub ephippio sanant.	20.9
Dentes Morsi beluæ marinæ loco eboris, 21.19	
Dentes sciuri præstigiatoribus serviunt. 18.13,	
Delphini musicis melodiis delectantur. 18. 26:20.12	

Deus

I N D E X

Deus pro virtute pugnantes adjuvat.	5.13
Dian rex Hellesponti.	9.3
Diceneus philosophus.	3.6
Dies quinque mensium continuus.	1.3:4.9
Dii majores & minores Gothorum tres.	
3.3. & 3.4.	
Difa regina excelsi spiritus.	4.6
Disciplina militaris.	8.10
Discipuli Starchateri.	5.3
Discordiæ causæ inter Suecos & Danos,	8.
14: 8.15	
Divinationis studium apud Aquilonares.	3.
12. potentia. 3. 13. ratio,	3.16
Doffrini montes.	2.13: 4.13
Dolabræ sive secures ad glaciem perfinden-	
dam.	1.15
Donativum regium Gothorum.	14.4
Domus cuneatæ.	22.2
Domus ex ossibus ceti constructæ.	21.16
Draco domesticus occisus.	5.21
Draco Slavorum insigne.	2.23
Dufflinum Hybernix opidum.	5.19
Duna urbs.	5.20
Dox hyemalis & æstivalis.	15.2
Dysting nundinarum glacialium locus.	4.6

E.

Ebbo pirata insignis.	5.10
Educatio militaris nobilium puerorum.	8.4
Egber.	

R E R U M.

Egbertus Barmorum rex.	5.15
Eggiaford Icepulus Norvegiæ.	7.14
Egthras pugil oppressus.	5.10
Elandia Gothorum insula.	2.21.
Elxnaabben portus.	2.24
Elvarum nocturna chorea.	3.10
Enses septentrionalium.	8.11
Epitaphia pia,	1.17
Equestrium arma & cautelæ.	8.11
Equi ærei ignivomi.	9.3
Equi ad natandum instructi apud Gothos,	10.6
Equi Septentrionales. 17.3. pascuntur piscibus & lignis, 2.21. præliares.	17.4
Equitandi ratio ac modus.	8.5
Equites aurati & eorum iuramentum.	14.4
Equorum greges validissimi & ingemiosissimi. 2.21. cursus pro pallio vel bravio. 11	28.
transitus super montes nivosos.	4.13
Equus marinus.	21.26
Ergastula piscium ossibus constructa.	4.2
Ericus hausto Cracæ pulmento sapientissimus & prudentissimus evasit.	3.14
Ericus cognomine Emundus.	3.13
Ericus Gothorum rex Bothnienses ad Christi fidem coegit.	2.23
Erici regis memoria in saxis campestribus.	2.29.
Ejusdem ars magica.	3.13
Ericus Sueciæ rex.	8.12

E e

Ericus

I N D E X

Ericus Falchendorff archiepif. Nidrofien- fis.	21.5
Efa filia Olai Vermorum regis.	5.13
Efus leporinæ carnis gravidis noxius.	18.8
Exercitia militaria.8,10. Exercitia puero- rum,	15.1
Exercitia Septentrionalium.	4.4: 4.9

F.

Fabri ingeniofi.	6.6
Falcones aquilonares.	19.10
Falonia provincia,	2.29
Falsitas Lapponibus & Bothniensibus ig- nota...	4.5
Farina ad Solem torrefacta in multos an- nos fervatur.	13.3
Farinæ ufus ad famem fublevandam.	9.14
Fatales nymphæ ac fiores apud Gothos,	3.9
Favi Septentrionales , cæteros magnitudinē superant.	22.4
Feles candidi.	17.5
Fenestræ aquilonarium ædificiorum in te- ctis.	12.3
Ferrum candens proiicitur fundis.	7.7
Fefta majalia.	15.4
Fidei integritas ftricto gladio merita.	8.7
Finlandiæ Septentrionalis ad fidem con- verfio.	4.17
Fin-	

R E R U M.

Finmarchiæ descriptio. I 2. Ejus tempe-
ries. 1.2

Finni vendunt ventos. 3.15

Firnis domi bellare interdictum. 11.12

Finnorum lignipedum in prælio agilitas. 4.1

Finvidia, quæ olim Finnia. 7.2

Floccus Russiæ rex à Starchatero superatus.

5.4

Focûs carbonarius in domibus super gla-
ciem. 1.13

Fœminæ pulchræ & fœcundæ. 4.11. Ve-
natrices. 4.12

Formicæ apud Aquilonares. 22.5

Foveæ insidiosæ. 7.10

Fratres cucullati 1500. 9.9

Fraudare Lappones nesciunt. 4.5

Frenum virginale. 14.2

Frēna equorum argentea. 6.11

Fridlevus rex. 3.12

Fridlevi strategemata. 5.19: 5.20: 5.22: 5.23

Frigga Deus major Gothorum. 3.3

Frigora maris Germanici. 1.13

Frigore adusti subsidio ad vitam donantur,

1.1, 23

Frigoris asperitas. 1.7

Frigus extremum æstate media. 2.12

Froë Deus minor Gothorum. 3.4

Frotho Danorum rex crudelis & impius,

3.13: 5.22: 8.14

I N D E X

Fructus exotici in maxime noxi.	2.20
Fruges sex hebdomadis maturefcunt.	13.1
Fulgur montium metallicorum.	6.10
Fulica avis aquatica.	19.16
Fulminū diverſi effectus. 1.6. remedia.	20.4
Fundæ haſtatae. 11. 12. lapidum & igniti ferri.	7.7
Funera principum.	16.2
Fungus agaricus noctu lucet.	2.14
Furari apud Lappones inſigne piaculum.	4.5

G.

Galeæ Finncorum.	11.13
Galli ſylveſtres ſub nive recluſi.	19.12
Gallinarum pulli, dicti ſcopuli quidam inaccessibiles Meler lacus.	7.14
Gallinæ ex anatum ovīs & propriis pullos producentes.	19.17
Gatulo, arboris betulæ fruſtus.	19.12
Gedanenſe emporium.	6.12
Genitale monſtri marini, prodigioſæ magnitudinis.	21.9
Geſtiplindus Gothorum rex.	3.14
Gigantes olim in Dania.	5.1
Gigantum ſaxa. 2.29. viſ portentofa.	5.2
Gigantum & pugilum diverſitas,	5.2
Gigantum ſobrietas.	5.3
Gilbertus magus, quaſi alter Prometheus,	

- Ginfalcus, aquila genus. 19.3
 Giuraha virgo regni flenimaris. 5.11: 5.24:
 7. 11
 Glacialis pugna ratio. 5.24: 11.2: 11.24
 Glaciales machinae. 11.16. excubia noctur-
 fa. 11.22. poena. 11.27
 Glacialia instructa. 1.15
 Glacierum rupturas penetrandi modus.
 11.19
 Glacies admirandae fortitudinis. 1.14: 11.2
 Gladii Septentrionalium. 7.2: 8.11. ver-
 satiles in rotis. 9.1. nivales equorum
 ungulis impressi. 11.32
 Gormo rex. 3.11. cognomento impius. 3.12
 Gostavus Ericson, princeps & rex Suetiae
 proclamatus. 7.4: 8.16
 Gostavus Erici Trolle Filius. 8.16: 8.17
~~Gothi pugnantes. 3.7. Deos in pugnant,~~
 3.8. in arte sagittatoria ceteris experto-
 res. 4.4. capillos non tondent. 8.5
 Gothia, terra. ops. 8.8
 Gothia 1370. annis prius quam Dania Re-
 ges habuit, 5.1
 Gothlandia insula famosissima Gothorum,
 17.1: 2.22
 Gothorum imagines. 2.23. studia impia,
 3.6. de spectris opinio. 3.10. pugna tu-
 multuaria. 7.5. Arma. 8.8. Equi natan-
 di artibus instructi. 10.6
 Ee 3 Gotho-

I N D E X

Gothorum pontificum ut regum æqua potestas. 3.7 constitutio.	14.3
Govarus Norvegiæ rex divinandi studio clarus.	3.12
Grimmo pugil.	5.10
Gulo animal.	18.5
Gummi abietinum.	12.8
Gunno latro.	5.12
Gunolmus ferrum suis hebetavit carminibus.	5.19
Guthones sagittarii.	5.8
Guthruna maga mulier.	3.14
H.	
Haafisk piscis Norvegicus.	21.12
Haapar navigii genus.	4.10:19.19
Habituum diversitas apud Septentrionales.	14.1
Habituum Septentrionalium.	4.4
Hachonis Suetiæ regis strategema.	7.11
Hadingus Deus minor Gothorum.	3.4
Hadingus Danorum rex. 5.20. ad inferos ductus & reductus.	3.13:3.18
Hagberta mulier magica.	3.14
Haldanus Gothorum pugil.	5.10:5.11
Halecis historia.	20.21:20.23
Hama Saxoniarum pugil.	5.4
Handuanus Hellesponti rex.	5.20
Hangoe portus.	2.23:5.24
Haquinus rex magus,	3.18:5.8:5.10
Ha-	

R E R U M.

Haquonis Daniæ regis crudelitas.	8.15
Haraldus Suetiæ rex.	5.6:5.8:5. 1:8.15
Haraldi regis Norvegiæ pugna contra draconē domesticum	5.21.occiditur. 10.7
Haraldus Hilderan.	5.24.
Harpagines adunco mucrone formatae.	1.15
Hartbenus gigas.	5.2:5.10
Hastæ Gothorum longissimæ.	7.4
Hastæ Finnorum.	11.12
Hastis vexillatis Gothi non utuntur.	8.11
Hartherus Starchaterum morte à se emptā necavit.	5.9
Helcus vitulus marinus.	20.4
Helgesiel abbatia.	21.4
Helgo Norvegiarum rex.	5.5:8.14
Hella princeps Hybernus.	5.17
Helsingia provincia.	2.29
Helsingi fabri ingeniosi.	6.6
Helsingorum præstigia seu maleficia.	3.16
Henricus præsul Upsaliensis Finnos ad Christi fidem convertit.	4.17
Herinacei cum urso conflictus.	18.23
Hermelinus.	18.16
Herodius aquilæ genus.	19.3
Herodus rex Sueciæ.	5.17
Heiða scæmina militaris.	5.8
Hiallus & Schatus constupratores.	5.13
Hialtho sanguinem bibit ursinum.	5.16
Hiarmerus Norvegiarum pirata.	5.14

I N D E X

Hielsnabben portus.	2.24
Hildigerus septuaginta pugilum oppressor.	
5. . 1	
Hirci Septentrionales.	17.6
Hirundines Septentrionales.	19.11
Hithin gigas.	5.22
Hollerus magus pro Deo habitus.	3.17
Holmenſis civitas Sueciæ regia. 2.24, ejus descriptio.	9.10
Holveden sylva.	20.16
Hominum per incantamenta in lupos con- verſorum ferocia.	18.32:18.33
Hominum ſylveſtrium ferocitas.	4.2:4.3
Hordeum ſpacio 36 dierum a ſemine pro- jecto matureſcit.	13.1
Horologia umbroſa.	1.19
Horvilla, mons Lapponum.	4.14
Hospitalis regis fides & clementia.	8.3
Hospitia glacialia itinerantium.	1.13
Hostes in vallibus nivosis ſuffocant Se- ptentrionales.	11.31
Hostis nunquam procaciter contemnen- dus.	7.7
Hotherus Sueciæ & Daniæ rex.	3.9:3.11
Hujrillus Hallandiæ princeps.	5.24
Huſaby regia ſedes.	2.19
Hybernorum crudelis commiſeratio.	2.8
Hyemis fugandæ ritus.	15.2

R E R U M.

I.

Iagello Lituorum princeps.	3.1
Iarmerici regis crudelitas.	8.15
Idenbenckia via periculosa.	2.26
Jemphthia provincia.	2.12
Jerff animal.	18.5
Ignem Lituani coluere.	3.1
Ignes odotiferi.	12.9
Ignis abietini stridor.	15.7
Ignis qui servari possit toto anno.	12.4
Imagines sanctorum aureæ & argentæ,	
6.11	
Immanitas sylvestrium incolarum.	4.2
Imperium violentum non diuturnum.	8.1
Incantationibus diris Lappones inimicos	
adoriuntur.	4.5
Ingellus Daniæ rex.	5.6
Ingolvus pugil Septentrionalis.	1.16
Injurias atroces quam vehementi spiritu	
Gothi vindicare soleant.	7.11
Insulæ innumerae Aquilonares.	19.16
Intestina gulonis citharcedis conferunt.	18.6
Joannes Archiepiscopus Upsalien- tur.	9.10
Joannes Danorum rex.	11.3
Joannes Magnus cruci à Christierno secun- do affixus.	8.17
Joannes Magnus Archiepiscopus Upsalien- sis.	

I N D E X

fls. 1:17: 1.21: 3.3: 4.6: 5.8: 9.11:18.	
25: Adriani V. pontificis legatus.	13.6
Ionacopia opidum.	2.17
Islandiæ descriptio. 2. 3. ejusdem pisces.	
21. 3. butyro abundat.	21.4
Itinerum pericula.	1.9
Iuniperi legumina & radices loco panis.	
12.4	
Iuniperorum arbores congelatæ.	1.14
Iuramentum regum Sueciæ.	14.4
Iusculum leporis cocti podagricis confert.	
18.8	
Jusse Ericson exactor crudelissimus.	8.12

K.

Kalpach capitis tegumentum.	11.9
Karentina Rugiæ urbs.	3.20
Keplinge insula.	9.9
Ketelberg mons.	2.28

L.

Laboratorum in metallis pericula.	6.10
Lack piscis.	20.13
Lacus albus.	2.17:4.3:19.19
Lacus ignea sua virtute quidquid in eo dimittitur coctum vel adustum remittens.	
1.2	
Lacus insignes Gothorum.	2.16
Lacus in Lapponia ingentes.	0.2.8
Lami.	

R E R U M.

Lamina ferrea ad coquendum panem igne superimposito accommoda.	9. 14
Lana Gothlandiæ Romæ in precio.	17. 1
Lapides globuli figura formati.	2. 28
Lapidis symbolum.	8. 1
Lappones ichthyophagi.	17. 10
Lapponum simplicitas. 4. 5. castimonia. 4. 7. dies maxima. 4. 9. venatio.	4. 12
Laridum saginum,	12. 6
Laridum duritiem petrarum penetrat.	2. 17
Latgerta puella.	5. 16
Latomia montis Amaberg,	12. 1
Latronum spelunca.	2. 18
Leckio arx in alta rupe, ubi puteus 200. pe- dum altitudinis:	2. 17
Legati Tartarorum.	11. 9
Legatio regis Polonorum ad ducem Mos- coviæ anno 1551.	11. 9
Lembi Moscovitarum humeris impositi portantur.	11. 7
Lemmar vel Lemmus bestiola per imbres è cælo decidit.	18. 16
Leo coronatus insigne veterum Gotho- rum.	2. 23
Lepores Septentrionales. 18. 8. salicibus utuntur ad premendam famem.	12. 5
Lepus marinus.	21. 26
Lex naturalis quid præstet mortalibus.	4. 17
Lex piscaria.	21. 1

I N D E X

Leges nauticae.	10. 5
Libertas caro empta.	4. 2
Lincopia opidum.	2. 17
Lincopia natale solum Auctoris.	2. 28
Lingua Septentrionalium regnorum quinquplex.	4. 4
Lintres in usu apud Septentrionales.	10. 3
Linum in extremis regionibus Aquilonari- bus non seminatur. 4. 9. ubi non cre- scat.	13. 9
Littorum Norvegiae profunditas inscruta- bilis.	2. 10
Litواني tria gentilitatis tempore numina coluerunt.	3. 1
Lodbroch, id est, bracca pilosa.	5. 17
Loffoeth charybdis.	2. 7
Longobardi ex Scandiana insula concedunt in Italiam.	2. 22
Lotharus rex.	8. 14
Lucius piscis fluviatilis in Lapponia.	20. 8
Ludovicus Hungariae rex.	8. 4
Ludus petauristicus.	15. 7
Lula parochia Upsalensis diocesis.	2. 6
Lularsch lacus ingens & pisculentus.	2. 17
Luminum genus quo Septentrionales u- rantur.	2. 15
Lunam adorant Suppolares.	3. 2
Lupi insistantur Alces. 18. 2. insidiantur mulieribus praegnantibus.	18. 10
	Lutra

R E R U M.

Lutra animal.	18. 12
Lychnus Septentrionalium.	4. 9
Lyncis historia.	18. 9
Lyse, piscium pinguedo.	2. 15

M.

Mæcliinæ glaciales.	1. 16
Maga carmine potens.	3. 13
Maga in bovem conversa Prothonem cornibus occidit.	3. 14
Magia à suscepto Christianismo Gothis interdicta.	3. 15
Magiæ ars Erii Pilei ventosi.	3. 13
Magica instrumenta Bothniæ.	3. 16
Magi marini.	3. 17
Magnetum montes.	12. 1
Magnificèntia mentita.	11. 9
Magnus, Gothorum rex. 3. 7. ejusdem somnium.	3. 12
Magnus, Sueciæ Rex.	2. 22
Makreel piscis.	21. 2
Magus ligatus.	3. 12
Maleficarum conventus. 2. 21. castigatio- nes.	3. 20
Maleficæ Finncorum.	3. 15
Mallei Ferrei Septentrionalium.	8. 11
Mallei Joviales.	3. 7
Manicæ muliebres.	14. 1
Mardurus animal.	18. 15
Mare	

I. N D E X

Mare Cymbricum congelatum.	1. 13
Maris Norvegici navigatio periculosa.	2. 8
Margaritæ apud Aquilonares.	22. 6
Marlucz piscis.	21. 3
Maschararum ludus.	15. 6
Mathematicorum genus triplex.	5. 1
Matrum purgatio post partum.	4. 7
Matthæus Bartholomievicza Orator Poloniae regis ad Ducem Moscoviæ.	11. 9
Mechovita Polonorum historicus.	3. 1
Medici apud Aquilonares rari.	22. 2
Meler lacus. 2. 17. Nundinæ ad eundem	
4. 6. Ejusdem riparum custodia. 7. 14:	
20. 15	
Mellis abundantia. 22. 2. probatio. 22. 3.	
ininitus usus.	22. 4
Mensæ argenteæ.	6. 7
Memingus Sylvarum Satyrus.	1. 1: 3. 12
Mercatores se mutua strage afficiunt pro	
portubus Islandiæ.	10. 4: 11. 14
Mercimonia per commutationem rerum	
necessariarum.	19. 2
Mercium absque nummis commutationes.	
4. 5	
Messium colligendarum diversitas.	13. 1
Metalla cavandi modus.	6. 3
Metallici demones. 6. 8. homines imper-	
territi.	6. 5
Metallorum fusilium distinctio.	6. 7
Methot	

R E R U M.

Methot Deus minor Gothorum.	3. 4
Milites tondebantur olim.	8. 9
Miliarium Septentrionalium ad Italica re- ductio.	4. 13
Mineræ argenteæ, cupri ac ferri.	2. 17
Mineræ argenteæ absconduntur ab agrico- lis.	6. 4
Mineræ ferreæ.	6. 8
Mineræ probatiores.	6. 2
Minerarum inventio.	6. 1: 4. 6
Mœnia glacialia.	11. 21
Monachi rupes.	2. 5
Monoceros monstrum marinum.	12. 10
Monstra littorum Norvegiæ.	21. 5
Mons ignivomus, qui creditur animarum purgatorium,	2. 2
Montes Hybernix eminentes.	1. 4
Montes profundissimi unde sal exhauritur.	13. 5
Montium quorundam natura admirabilis.	2. 2
Morasten lapis,	1. 18: 8. 1
Morbi Aquilonarium peculiare.	16. 3
Morbo mori militibus olim probrosum.	5. 9
Morfex avis sive Humusculus.	19. 8
Mors vita potior.	4. 8
Morsus taxi exitialis.	18. 19
Mortem suam emit Starchaterus.	5. 9
Morsus belua marina.	21. 19
Mosco-	

I N D E X

Moscovitæ fugientes à Gothis proprias domus comburunt.	9. 14.	taxantur astutia.	
	19. 19.	vafrieie.	20. 2
Moscovitarum dux appellari vult Cæsar.	11. 9		
Moscovitarum irruptiones.	11. 3.	Ducis titulus.	11. 6.
		Latrocinandi modus.	11. 7.
		Insolentia.	11. 8.
		Baptismus.	11. 27
Mostastrom pars maris.			2. 7
Mugitus horrendus sub glacie.			11. 18
Mulier Anglica auguratrix & malefica.	3. 20		
Mulieres magicæ.			3. 14
Mulierum diversa à viris exercitia.	13. 8.		
		ornatus.	14. 1.
		prægnantium pericula.	4. 11
Mures ex candido saccharo album induere colorem.			18. 8
Murium quorundam in coitu fœtor pessimus.	18. 16.	Mus ponticus	ibid.
Mustelæ lusus.			18. 8

N

Narvens arx magni Livoniæ magistri.	11. 1		
Natalis Christi dies quam religiose servetur apud Gothos & Suecons.			11. 26
Naves colligatæ nervis & radicibus.	4. 10.		
		congelatæ quomodo oppugnentur.	11. 25.
		scortæ piratarum Grunlandiæ.	2. 9
Navicula Gepidæ in signis usi.			2. 23
Navigia cûrta lata & non profunda.	4. 10.		
		humeris portantur.	20. 2

Naviam

R E R U M.

Navium antiquarum Septentrionalium forma & usus, 10. 2. diversæ species, 10. 3	
Nautarum rebellium punitio. 10. 5	
Natatio equestris. 10. 6. pedestrium armorum. 10. 7	
Necessitas homines fortes instruit. 9. 12	
Negotiatorum Moscoviæ ingenium. 11. 11	
Nervi rangiferorum texuntur. 4. 9: 4. 10	
Nervi rangiferorum locolini. 17. 12	
Nidrosia Norvegiæ metropolis. 18. 20	
Nicolaus Holste præfectus sanguinarius. 8. 13	
Nix habens tineas. 2. 8	
Nives ponderosæ. 19. 15	
Nivium casus & varietas in terris Aquilonaribus. 1. 8	
Nobilitas Danica. 4. 4. articulos evulgavit contra regem Christiænum. 8. 18	
Nobilitas in	
Noctes viginti quatuor horarum. 11. 22	
Nodi magici pro ventorum usu. 3. 15	
Nomades. 4. 2	
Nucium coryllinarum abundantia. 12. 7	
Numeri novenarii sacra observatio. 3. 6	
Nundinæ glaciales apud Septentrionales. 4. 5: 4. 6	
Nuptiæ per ignem & filicem. 4. 7	
Nuptiæ plebejorum apud Septentrionales. 14. 5.	

Nuptis

I N D E X

Nuptis novis quæ munera dantur.	17.7
Nymphæ fatales apud Gothos.	3.9

O.

Obelisci bellici Gothorum. I. 16. sepulchra- les.	1.17
Oblationes ex ossibus piscium & anima- lium.	3.2
Oceani fluxus & refluxus.	2.8
Ocreæ veterum Gothorum.	8.9
Oculorum admiranda acies.	2.14
Oddo Danicus pirata maximus.	3.17
Odium inter Suecos & Moscovitas.	11.1
Oduin rex Longobardiæ.	8.3
Odhen Deus major Gothorum.	3.3
Oelandia insula fecunda.	13.7
Olaus rex Gothorum baptisatus. 2. 19. S.	
Olaus occiditur.	8.15
Olla maleficarum est commune instru- mentum.	3.14
Olo gigas reges 70 & pugiles 12 peremit. 5. 12. interfectus in balneo.	5.13
Omen prodigiosum ex formicis.	22.5
Onager animal.	18.2
Onagrorum cursus.	11.29
Onocrotalus avis.	19.19
Orandi ritus in Ecclesiis	16.1
Orator Italicus crudeliter occisus à Mosco- vitis.	11.10
Ora-	

R E R U M.

Oratores apud Moscovitas recipiendi mo-
dus. 11. 9

Orbem alterum Plinius regiones Septen-
trionales vocavit. 4. 4

Orches piscis, 20. 19

Ornatus Aquilonarium in splendore armo-
rum. 2. 28

Ossa Rangiferorum. 17. 12

Ossium cetorum structuræ. 21. 15

Ostenus Sivardi filius. 5. 18

Ostrogothorum casei. 13. 8

Osura, 12 filios genuit ex Arngrimo. 5.

14: 5. 15

Othinus divinatione clarus. 3. 12: 3. 18

Ova insularia diversarum avium. 19. 16

Oviken nundinæ super glaciem ad me-
dium Martii. 4. 6

P.

Panis appellatio unde dicta. 13. 2

Panis pineus. 12. 4. ex nucibus corylorum,
12. 6

Panes subcinericii ex farinæ massa de po-
pulearum arborum corticibus. 9. 14

Panum defectum sublevandi ratio. 9. 14

Pannum rubrum adorant Suppolares.
3. 2

Pascua fertilissima apud Aquilonares. 13. 7
Pasto

I N D E X

Fastorum Aquilonarium pugna contra serpentes.	21. 30
Paulus Jovius capitur.	11. 26
Pavones apud Septentrionales.	19. 18
Pecorum pascendi ratio in tectis obse-	9. 12
rum.	
Pecunia quo in loco non negligitur.	20. 2
Pelles hermelinæ aut zebellinæ. 4. 7. tan-	
giferorum. 17. 12. guloninæ. 18. 7. vul-	
pium nigrarum preciosæ. 18. 30. sophi-	
sticæ qui deprehendi possunt. 18. 12. vul-	
pium crucigeræ. 18. 30. zebellinæ &	
mardurinæ. 18. 15. hermelinæ. 18. 16.	
Pellibus pretiosis vestiuntur Lappones non	
ornatus sed necessitatis causa.	4. 4
Pellis ursina pro sacrificio scabellis sacro-	
rum altarium.	16. 1: 18. 20
Pellium pretiosarum magno mercatura.	
11. 11	(18. 6
Pellium tegumentis hospites honestantur.	
Pennæ aquilarum alium pennas consu-	
munt.	19. 4
Petaurificus ludus.	15. 7
Perræ cavantur ardente axungia.	2. 17
Petræ marmorei generis apud Vestrogo-	
thos.	2. 28
Phaleræ bubulæ.	9. 7
Phocarum partus. 20. 3. pellium progr o-	
sticon.	20. 4
Phy-	

R E R U M.

Phyfeter ceti genus.	21.6
Phyficulatores gigantum genus.	5.1
Picispinex usus.	4.10
P. corum genera plurima in Aquilone.	19.22
Pienthen lacus.	2.17
Pilarum projectilium ludus.	15.7
Pileati apud Gothos pontifices.	3.7
Pilei ventosi cognomē Erico inditum.	3.13
Pilorum rangiferorum usus.	17.12
Pinguedo vitulorum marinarum impedit ne aquæ congelentur.	11.20
Pini miræ altitudinis.	4.10
Pinus nauticæ.	12.4
Piratarum pœna.	1.8
Piscatio per flammæ. 20.10. æstiva pesca- tio. 20.11. ingeniosa. 20.12. equestris. 20.14. glacialis. 20.13. periculosa in oceano Norvegico.	12.1
Pisces è partibus eiectioni.	1.5
Pisces alati.	21.20
Pisces nigri in aquis nigris.	20.26
Pisces falsi, siccati & fumigati.	20.20
Pisces portentosi bella portendunt.	21.1
Pisces vento siccantur. 4.2. ad campanæ sonum capiuntur.	20.11.
Piscibus saginandis qui venti commodio- res.	20.24
Piscis monstruosus in littore Septentrionalis Angliæ.	21.9
Pisci-	

I N D E X

Piscinæ aquilonares.	20.24
Piscium multitudo. 21.6. semen. 20.33. capita lignorum vice.	21.2
Piscium quorundam crudelitas & benignitas.	21.22
Platea avis Septentrionalis.	19.9
Plaustra pro domibus.	4.3
Plaustra curulia rangiferorum.	17.10
Plenilunium, infallibile nundinarum glacialium tempus.	4.6
Pluvialis avis aëre vivens.	19.21
Podagræ ex lepore remedia. 18.8. ex vulpe.	18.31
Polypus piscis.	21.21
Poma quæ mense decembri matureſcunt.	12.7
Pontes ad arcem Aaranes.	2.19
Pontes rupti.	10.1
Populi in seditionem acti furor implacabilis.	7.9
Porcus monſtroſus Oceani Germanici.	21.18
Porpel piscis.	21.31
Portuum lapidosorum angustia.	2.25
Potus è butyro.	13.7
Præfecti Septentrionales regis Suetiæ.	11.14
Præſectorum in bello ſedulitas & prudentia. 7.5. tyrannica ſeveritas.	8.12
tyrannidem Gothi non ferunt.	7.8
Prælia Finnorum contra Moſcos.	11.6.
	lit-

R E R U M.

littoralia.7.1. matutina. 11.23. palu-	
stria.	10.1
Præliis excedentium poena.	11.23
Præliandi apud Finnos modi diversi.	11.12
Prælium commissuri Gothi quidnam facie-	
bant.	3.7
Præsides Septentrionales.	4.3
Præstigiæ in bello.	5.15
Prasimus piscis.	20.19
Procorum mores quomodo examinantur.	
14.5	
Pudicitia virginum Septentrionalium.	14.2
Puella ab urso rapta.	18.25
Puellæ teneræ magiam callent.	3.16
Paellarum gigantea vis.	5.2
Pugilum & Gigantum diversitas. 5.2. so-	
brietas.	5.3
Pugiones Septentrionalium.	8.11
Pugna contra Faunos.	3.11
Pugna Frothonis & Fridlevi contra serpen-	
tem.	5.22
Pugna Gothorum tumultuaria.	7.5
Pugnæ glacialis ratio.	5.24:11.24
Pulices quomodo abjicit vulpes.	18.31
Pugna Haraldis regis contra draconem.	5.21
Pyramines Septentrionales.	1.13
Pyrrhica saltatio.	15.7

Q.

Quadriremium usus in mari Gothico. 10.3

Que-

I N D E X

Quenar, præfecti cur tuum rangiferorum.
17.10

Quercum excidit Borcharus pro clava. 5.11

Quercus incorrupta apud septentrionales
sub aquis durat. 12.5

R.

Raff piscis pro pane & obsonio. 21.2

Ra a piscis hominum amator. 19.9

Rangifer animal. 17.8. ejus pondus. 4.14

ejus utilitas. 17.9

Rangiferi in nive currentes. 11.30

Rapere aut furari Lappones nescii. 4.5

Regionum Septentrionalium amplitudo &
nomina. 4.4

Regnerus Danorum rex. 2.29: 3.11: 3.13:

3.18. Ejusdem infelix pugna. 4.1

Regnerus pilosa bracca dictus. 5.17

Regis Sueciæ eligendi ratio. 8.1

Regum Catholicorum benedictio. 14.3

Regum gesta saxis insculpta. 5.1

Regum prudentia & clementia servantur
regna, & tyrannide disparent. 8.18

Regno quidam, pietate vir insigni. 3.13

Religio Gothorum in sepeliendis corpori-
bus. 11.25

Reling campus in quo Starchaterus sepul-
tus. 5.9

Res gestæ altis rupibus insculptæ. 2.19

Rerum commutatio apud Bothnienses. 20.2

Rerum

R E R U M.

Rerum commutationes abſq; nummis.	4. 5
Reſinæ origo.	12. 8
Reſho pirata immanis.	5. 11
Reuſchleder corium cimices odore ſuo tol-	
lit.	22. 2
Rhombi piſces.	20. 2
Ringo Suetiæ rex.	5. 6: 15. 2
Riparum cuſtodia tempore hoſtili circa la-	
-cum Meler.	7. 14
Ritus veteris militiæ Gothorum.	8. 8
Roedſcher piſcis,	21. 2
Roefſt charybdis.	2. 7
Rofa gladiatoria.	15. 6
Rofmarus belua marina.	21. 19
Roffomaki animal.	18. 5
Roſſarus Deus minor Gothorum.	3. 4
Roſticphus Deus minor Gothorum.	3. 4
Roſtra corvorum occiſorum præſidi exhi-	
bentur ad percipiendum conſtitutam	
mercedem.	4. 15
Rotabro locus.	10. 1
Rotæ tractoriæ laboratorum.	6. 5
Runden lacus.	2. 10
Rundiſvalia locus in ſcopulis marinis,	2. 10
Rupes coronata. 2. 6. galeata. 2. 24. mo-	
nachi marini. 2. 5. ſub aquis latitantes,	
2. 25	
Ruſila virgo Piraticam exercens.	5. 24
Ruthenorum irruptiones.	11. 3

I N D E X

S.

- Sacra & Sacrificia Gothorum. 3. 6
 Sacrificiorum genera apud Gothos. 3. 7
 Sagarum conventus. 2. 21
 Sagittæ tricuspidales. 7. 2. ignitæ. 7. 7
 Sagittandi instructio. 4. 11: 15. 1
 Sagittarii peritissimi. 4. 11: 15. 1
 Sala flumen, ad quod hodie Uplalia. 3. 5
 Salis advehendi ad regna Aquilonaria difficultas. 13. 6. cõquendi modus diversus. 13. 5
 Salinæ in Polonia. 13. 5
 Salmonum copia. 2. 16. piscatura. 20. 3. præstantia ejusdem apud Aquilonares, 20. 20
 Salmoxes Philosophus. 3. 6
 Salpæ quomodo lixentur. 20. 26
 Saltatio armifera. 15. 6. Pyrrhica. 15. 7
 Sampse insula. 5. 14
 Sanguis gulonis venatoribus pro potu. 18. 6
 Saxa figurata. 1. 18. gigantum. 22. 9. in locis Septentrionalibus erecta. 1. 16. signo Crucis insignita. 1. 17
 Saxo Grammaticus Danorum historicus, 2. 22: 2. 29: 5. 1: 5. 8: 8. 7: 8. 14: 10. 2: 10. 7: 15. 1: 18. 25
 Saxones Danorum imperio Starchaterus subjecit. 5. 4
 Saxorum littoralium diversæ formæ. 2. 28: 12. 1
 Schac-

R E R U M.

Schaccorum ludus.	15. 5
Scapulare, virginum ornatus.	14. 2
Scara civitas antiqua Gothorum sedes.	2. 19
Scarinus rex Gothorum.	2. 19:2. 29
Scars & Sula montes.	2. 12
Scharis mons Lapponum.	4. 14
Scharus & Hiallus constupratores.	5. 13
Schena torrens.	6. 12
Sheningia Ostrogothorum opidum.	2. 27:
6. 12	
Schippunt ponderis genus.	20. 20
Schœrbouch morbus.	16. 3
Sciurus animal.	18. 13
Scomma crudele.	11. 10
Scopulj cavendi. 7. 14. lapidosi.	2. 26
Sericfinniæ descriptio.	3
Scutha navigij genus.	4. 10
Scytale serpens aquaticus.	21. 28
Scythæ nullo pane vivunt.	4. 3
Secures ad glaciem perfindendam.	1. 15
Sedilia argentea.	6. 7
Seeckpipe fistula bicornis.	18. 26
Senū inter vitulos maximos differeſtia.	20. 4
Sepes densa pro aggeribus.	7. 6
Septentrionalium regionum amplitudo.	
4. 4. in bellis gerendis prudentia.	7. 10.
vestitus.	4. 4
Sepultura Lapponum.	4. 7
Sepulturæ principum.	16. 2

I N D E X

Serpens Norvegicus. 21. 27. ejus diversitas & color varius.	21. 18
Serpentes innocui pro diis. 3. 1. domestici. 21. 30	
Serpentum habitatio in Aquilone.	21. 29
Serra belua marina.	21. 10
Servorum infidelium poena per aquam ge- latam inflicta.	11. 26
Sidagerus rex Norvegiæ.	2. 12
Sigarus Danorum rex.	7. 11
Sigfridus Eboracensis episcopus ex Anglia ad regem Olaum missus.	2. 19
Sjck piscis.	20. 20.
Siginis abundantia.	13. 2
Silfchenæ cincturæ genus.	6. 11: 8. 8
Silvæ Lituanis sacræ.	3. 1
Simiæ infantium hostes.	19. 2
Sivaldus cum septem filiis oppressus.	5. 10
Sivaldi regis Filii septem, magi.	3. 15
Sivardus rex Gothorum.	5. 18
Sivardus Norvegus natator insignis.	10. 7
Sivarus Saxonicus à rivali occisus.	5. 11
Smellen species horrifonus.	11. 4
Sobrietas gigantum.	5. 3
Sol officit pellibus zebellinis.	16. 15
Solem adorant Suppolares.	3. 2
Solaris piscis.	20. 19
Solitudines Aquilonis inhabitantium exer- citia.	4. 4
	Sol-

Sollende anatum genus.	19. 6.
Sonitus horribilis littoralium cavernarum.	
2. 4	(3. 2
Sorores ac nymphæ fatales apud Gothos.	
Soth pugil.	5. 8
Spectacula voluptuosa super stagna.	1. 11
Spectrorum nocturna chorea.	3. 10
Specus angustæ rupium ac montium.	2. 10
immentæ profunditatis in lacu Veter.	
3. 19. insidiosus.	2. 19
Spelunca latronum.	2. 18
Sperma ceti.	21. 13
Spongia piscis.	21. 23
Sponsalia Gothorum.	14. 5
Sponsarum apud Lappones ornamenta.	4. 7
Spore piscis.	21. 2
Spraagnin retiarium opus.	13. 9
Squamæ lucent in tenebris.	5. 21
Squatina piscis.	21. 2
Sticla virgo piraticam exercens.	5. 24
Stocfick.	21. 2
Starchaterus gigas. 5. 2. tria secula vixit. 5. 3.	
unus contra novem. 5. 5. à lascivia remo-	
tus. 5. 6. celerrimus cursor. 5. 7. sepultus	
in agro Reling. 5. 2. Visinum interimit.	
3. 16.	
Starchateri de frugalitate carmen. 5. 3. vires.	
5. 4. Patrocinium tulit oppressis. 5. 5. Ex-	
ercitia. 5. 6. gestorum summa. 5. 7. mors.	
5. 2	Ff 3
	Sta.

I N D E X

Statuæ lapidum excelſorum.	I. 17. viarũ. 2. 13
Steendor portus.	2. 25
Steno Sueciæ rex generoſi animi princeps.	8. 16: 11. 1: 11. 14
Stocholmia Sueciæ emporium.	9. 9: 9. 10
Strages mutua mercatorum pro portibus Iſlandiæ.	10. 4
Strategema Hagonis Gothorum regis.	7. 11
Strategemata per aves.	5. 20
Strengenſes nundinæ.	4. 6
Stridor ignis abietini.	15. 7
Structuræ ex oſſibus cetorum.	21. 14
Strudzar navis genus.	19. 19
Studia Gothorum impia.	3. 6
Swamſick piſcis.	21. 24
Suanto Gothorum & Sueciæ rex.	11. 1
Succini origo.	12. 8
Sudercopia opidum Veſtrogothorum.	2. 28
Sudes inſidioſæ.	7. 10
Suecorum inſignia.	2. 23
Sueno Daniæ rex.	3. 12: 7. 12: 8. 15
Suercherus rex freno occiſus.	2. 17
Suecia. 1370. annis priuſquam Dania reges habuit.	5. 1
Sula & Scars montes.	2. 12
Sula mons Lapponum.	4. 14
Sinamannus martyr.	2. 19
Suppolarium hominum ſuperſtitioſa cul- tura.	3. 1
Su-	

R E R U M

Superstitiones Gothorum circa tonitrua.

3.7

T.

Tanna gigas à Starchaterò victus. 5.4

Taxorum astutia. 18.18. duplex genus. 18.19

Taurus insignis Cymbrorum. 2.23

Tecta domorum pro pascuis. 9.12

Tela emissa quomodo recuperantur. 4.11

Tela Septentrionalium gentiū. 7.1:7.2:7.10

Templum deorum Septentrionalium. 3.5

Tengildus Sctricfinnorum rex. 5.15

Terra hyeme pervia, æstate invia. 4.9

Texturæ ex nervis animalium. 13.9

Theodoricus rex Gothorum. 8.2

Thoes lupi genus. 18.11

Thor Deus major Gothorum. 3.3

Thoraces ex pellibus onagrinis vel alcinis.

3.4

Thoraces Finnorum. 11.13

Thoræ pudicitæ custodes. 5.17:8.14

Thorilda Regneri noverca crudelissima.

3.11

Thorna emporium celebre. 20.1

Thoro pugil. 5.10

Thrissa piscis. 21.31

Thyræ regis Angliæ Filiæ singularis castitas. 14.2

14.2

Tibiæ cervinæ pedum plantis affixæ. 1.12

Tingualia opidum. 2.17

Ff 4

Titu-

I N D E X

Titulus magni ducis Moscovitarum.	11. 6
Tonitrua Claudiana.	3. 7
Tonitruum diversi effectus.	1. 6
Torrentes rapidi.	2. 27
Torsck piscis.	20. 20
Traan piscium pinguedo.	2. 15
Transitus equorum super montes nivosos.	
4. 13. glacialis inter voragines. 1. 14. in-	
tra montes 4. 14. tenebrosus.	2. 14
Trebius piscis æstate niger, hyeme candi-	
dus.	20. 10
Tributa Septentrionalium.	4. 5
Triremium usus in mari Gothico.	10. 3
Triticum apud Aquilonares fere nullum.	
13. 2	
Trolhetta ostium Vener lacus.	2. 18: 20. 3
Tubæ sono beluæ marinæ fugantur.	21. 3
Tunicæ foeminarum illustrium.	14. 1
Tunicellæ militares veterum Gothorum.	
8. 9	
Turismundus Gepidarum rex liberalis.	8. 3
Turonis longi statua.	6. 12
Tyronum exercitia.	1. 10: 8. 5: 8. 6
V.	
Vacca marina.	21. 26
Vaccæ pascuntur putaminibus quercinis.	
17. 2	
Vagnostus Deus minor Gothorum.	3. 4
Valdemarus rex.	3. 12
Vas	

R E R U M.

- Vas ferri continet quingentas libras. 6.8
 Vasche athleta à Starchatero victus. 5.4
 Vastenum, S. Birgittæ urbs & monasterium.
 8.18
 Vbbo rex conditor Vpsaliæ. 2.29
 Vbbo 144 sagittis perfossus interiit. 5.8
 Vehicula hyemalia Rangiferorum. 17.11.
 ignifera. 11.17
 Vehiculorum forma quædam ut calceo-
 rum. 11.30
 Vela lanea. 4.10
 Veltalignorum congeries. 7.8: 7.9
 Vemundus Sivardi filius. 5.18
 Vemundus Sivardi filius, 5.18
 Vena regia piscium. 20.11
 Venæ metallicæ in montibus ut membra in
 hominibus. 6.11. pendentes, jacentes,
 & obliquæ, 6.2. sulfureæ. 2.1
 Venarum mineralium situs. 6.2, distinctio.
 6.4
 Venatio cervorum quibus permessa. 18.3
 Venatio Gothorum & Sueonum, 2.21.
 hermelinorum. 18.17. ursorum 18.22.
 Lapponum. 4.12. publica contra lupos.
 18.11
 Veneficæ cuiusdâ desperata confessio. 3.20
 Venenorum remedia. 21.30
 Vener lacus 130 miliarium. 2:17:20. 3:20.15
 Veneti artifices stipendio conducti biremes
 &

I N D E X

& triremes edificarunt apud Gothos.	10. 3
Venti Circii vehementia.	1. 4
Ventis quibus pisces saginantur.	21. 24
Ventorum Septentrionalium violentia.	1. 5
Ventus vanalis apud Finnos.	3. 15
Vermis in littoribus Norvegiæ quadraginta cubitorum.	21. 24
Vespertilioes apud Aquilonares nulli.	22. 2
Vestitus Septentrionalium.	14. 1
Vestes ex Taxorum pellibus.	18. 19
Vestrabot portus Norvegiæ	1. 4
Vestrogothia caseorum, equorum bouum prædives.	13. 8
Verbiorga puella bellatrix.	5. 8
Veter lacus. 1. 14: 2. 17: 3. 19. ejusdem lacus congelati eventus mirabilis.	20. 16
Vffo pugil Septentrionalis.	1. 16
Viarum statua.	2. 13
Viburg urbs littoralis.	11. 4
Vicharus Norvegiæ rex à Starchatero jugulatus.	5. 4
Victimas ante & post bellum Gothi immolabant.	3. 7
Victorum ferocia & ignavia.	7. 10
Vielfrafs animal.	18. 5
Vinamannus martyr.	3. 19
Virgines contemplantur hospitem vultus.	5. 13
Virgines duæ coronatæ Sueconum armis antiqui-	

R E R U M.

tiquitus.	2. 23
Virgines piraticam exercentes.	5. 24
Virginis pudicæ insigne.	5. 18
Virginis mons excelsus.	2. 21
Virginū ornatus argenteus.	6. 11: 6. 12: 14. 2
Virtus Gothi ætatem legitimam facit.	8. 7
Visbycentium leges; & constitutiones nau- ticae.	10. 5
Visingroe insula Veter lacus.	3. 19
Visnus gladiator magus.	3. 15. à Starcha- tero superatus.
Visna foemina militaris.	5. 8
Vistula fluvius.	6. 12
Vitolphus Helsingus hominum excacator.	3. 16
Vitrorum varietas.	1. 8
Vitulus marinus in foeminam suam crude- lis. 20. 4. tonitru & fulgure gaudet. 20. 6 an caro sit vel piscis. 20. 7. haec de- prædatur.	21. 26
Vituli marini qua arte capiuntur.	8. 28: 20. 4
Ulfonis generatio.	18. 25
Uoamannus martyr.	2. 19
Ungulae Rangiferorum spasmodicis prosunt.	17. 12
Upsalia civitas nundinaria.	4. 6
Upupa Septentrionales.	19. 21
Ursa in vexillis veteres Gothi habuere.	2. 23
Ursi albi. 4. 15. Ursi piscantes. 18. 20. quo- modo	

INDEX RERUM.

modo ingeniose interficiuntur.	18. 21.
melodiis musicis delectantur.	18. 26.
quomodo cicurentur.	18. 27. rotas vol-
ventes.	18. 29. in foveas mellis cadentes suffocantur.
	22. 4
Urſi ſanguis epotatus.	5. 16
Urſi ſerviunt in elevandis metallis.	6. 5
Urſorum pelles ſummis altaribus Eccleſiarum offeruntur.	18. 20 inſidioſa venatio.
	18. 22. pugna contra apros.
	18. 23. occiſio per ferream clavam.
	18. 24. chorea.
	18. 27
	agilitas.
	18. 28
Vulpes, & earum doli.	18. 30: 18. 31
Vulpium aſtutia.	18. 18
VVaagh maximum pondus.	21. 3
	X.
Xiphias monſtri genus in Oceano Septentrionali.	21. 10
	Z.
Zeetraan pinguedo vituli marini.	20. 6
Zebellus animalculum.	18. 15
Zenta philoſophus.	3. 6
Zlotababa idola Lituanorum.	3. 1
Zoroaſtres Perſa inſigus.	3. 15

F I N I S.

401 1473890

YAY Y



ere
cz

